



124. 7.8.



UNIVERSITÉS DE PARIS BIBLIOTHÈ QUE DE LA SORBONNE 13, RUE DE LA SORBONNE - 75257 PARIS CEDEX 05 TEL: 01 40 46 30 27 - FAX: 01 40 46 30 44

Inv.
SIGB
Sibil
1.00.0
su 44270151
cote RRA M79 in-12
1154536611









ORAISON

DEDICATOIRE.



Do v x Iesus mon Seigneur, mon Sauueur, & mon Dieu, me voicy, prosterné deuant vostre Majesté, vouant &

consacrant cet escrit à vostre gloire, animez les paroles qui y sont de vostre benedictió, à ce que les ames, pour lesquelles ie l'ay fait, en puissent receuoir les inspirations sacrees que ie leur desire; & particulierement celle d'implorer sur moy vostre immense misericorde, à fin que monstrant aux autres le chemin de la deuotion en ce monde, ie ne sois pas reprouvé & confondu eternellement en l'autre: ains qu'auec eux ie chante à i'amais, pour cantique de triomphe, le mot que de tout mon cœur ie prononce, pour tesmoignage de fidelité, entre les hazards de ceste vie mortelle, VIVE IESVS, VIVE IESVS. Ouy Seigneur Iesus, viuez & regnez en nos cœurs és siecles des siecles. Amen.

AV LECTEVR.

On cher Lecteur, ceste B seconde edition te represente ce liuret reueu, corrigé & augmenté de plusieurs chapitres & choses notables. Ie ne l'ay point voulu enrichir d'aucunes citations, comme quelques rons desiroyent, par ce que les Doctes n'ont pas besoin de cela, & les autres ne s'en soucient pas. Quand i'vse des paroles de l'Escriture, ce n'est pas tousiours pour les expliquer, mais pour m'expliquer par icelles, comme plus venerables et) agreables aux bonnes ames. Ie te dis le reste en la preface. Nostre Seigneur soit auec toy. PRE



Mon cher Lecteur, ie te prie de lire ceste Preface pour ta satisfaction & la mienne.

A bouquetiere Glycera changeoit en tant de fortes la disposition & le messange des fleurs,

tion & le messange des sleurs, qu'elle mettoit en ses bouquets, que le peintre Paussas demeura court, voulant contrefaire à l'enuy ceste varieté d'ouurage, car il ne sçeut di-

uersisier sa peinture en tat de faços comme Glycera faisoit ses bouquets: ainsi le S. Esprit dispose & arrange auec tant de varieté les enseignemens de deuotion, qu'il donne par les langues, & les plumes de ses seruiteurs, que la doctrine estant tousiours vne mesme, les discours neantmoins qui s'en font sont bien differens, selon les diuerses façons desquelles ils sont composez: Ie nepuis, ny veux, ny dois escrire en ceste introduction que ce quia desia esté publié par nos predecesseurs sur ce sujet. Ce sont les mesmes fleurs que ie te presente, mon Lecteur: mais

mais le bouquet, que i'en ay fait, sera different des leurs, à raison de la diuersité de l'ageancemet dont il est façoné.

Ceux qui ot traitté de la deuotio, ont presque tous regardé l'instructió des personnes, fort retirees du comerce du mode, ou au moins ont enseigné vne sorte de deuotio qui conduit à ceste entiere retraitte. Mon intétion est d'instruire ceux qui viuent és villes, és mesnages, en la Cour, & qui par leur condition sont obligez de faire vne vie commune, quant à l'exterieur, lesquels bien souuet sous le pretexte d'vne pretenduë imposbrüller

sibilité, ne veulent seulement pas penser à l'entreprinse de la vie deuote, leur estant aduis, que comme aucu animal n'ose gouster de la graine de l'herbe nommee Palma Christi, aussi nul homme ne doit pretendre à la palme de la pieté chrestienne, tandis qu'il vit emmy la presse des affaires téporelles. Et ie leur monstre, que comme les meres perles viuet emmy la mer, sansprendre aucune goutte d'eau marine, & que vers les Isles Chelidoines il y a des fontaines d'eau bié douce au milieu de la mer, & que les piraustes volent dedans les flammes sans brusler

brusser leurs aisses, ainsi peut vne ame vigoureuse & constante viure au monde, sans receuoiraucune humeur mõdaine, treuuer des sources d'vne douce pieté au milieu des ondes ameres de ce siecle, & voler entre les flammes des couoitises terrestres, sas brusler les aisles des sacrez desirs de la vie deuote. Il est vray que cela est mal-aysé: & c'est pourquoy ie desirerois que plusieurs y employassent leur soin, auec plus d'ardeur qu'on n'a pas fait iusques à present; come tout soible que ie suis, ie m'essaye par cest escrit, de contribuer quelque secours à

ã 5

ceux qui d'vn cœur genereux feront ceste digne entreprise.

Mais ce n'a toutesfois pas esté par mon election ou inclination que ceste introduction sort en public, vne ame vrayement pleine d'honneur & de vertu, ayant, il y a quelque temps, reçeu la grace de Dieu, de vouloir aspirer à la vie deuote, desira ma particuliere assistace pour ce regard: & moy qui luy auois plusieurs sortes de deuoirs, & qui auois long téps au parauant remarqué en elle beaucoup de dispositio pour ce dessein, ie me rédis fort soigneux de la bien instruire; & l'ayant conduitte

par tous les exercices conuenables à son desir & à sa conditió, ie luy en laissay des memoires par escrit, à fin qu'elle y eut recours à son besoin. Elle depuis les comuniqua à vn Grand, Docte, & deuot Religieux*, lequel estimant que *ce fit plusieurs en pourroyent tirer rier, du proffit, m'exhorta fort de la comles faire publier: ce qui luy fut de lesus, aisé de me persuader, par ce collège de Chaque son amitié auoit beaucoup de pouuoir sur ma volonté, & son iugement vne grande authorité sur le mien.

Or à fin que le tout fut plus vtile & agreable, ie l'ay reueu, & y ay mis quelque sorte d'é-

á 6

tresuitte, adioustant plusieurs aduis & enseignemes propres à mon intétion: mais tout cela ie l'ay fait sans nulle sorte presque de loysir. C'est pourquoy tu ne verras rieicy d'ex acte: ains seulement yn amas d'aduertissemés de bone foy, que i'explique par des paroles claires, & intelligibles, au moins ay-ie desiré de le faire. Et quant au reste des ornemens du lagage, ie n'y ay pas seulement voulu péser, comme ayant assez d'autres choses à faire. I dinochus sharing

l'adresse mes paroles à Philothee, parce que voulant reduire à l'vtilité commune de plu

plusieurs ames, ce que i'auois premieremet escrit pour vne seule, ie l'appelle du nom comun à toutes celles qui veulet estre deuotes: car Philothee, veut dire amatrice ou amoureuse de Dieu.

Regardant done par tout vne ame qui par le desir de la deuotion aspire à l'amour de Dieu, i'ay fait ceste introduction de cinq parties: En la premiere desquelles ie m'essaye par quelques remonstráces & exercices, de conuertir le simple desir de Philothee, en vne entiere resolution, qu'elle fait à la parfin, apres sa confession generale, par vne Solide

solide protestation, suyuie de la tres-saincte communion, en laquelle se donnant à son Sauueur, & le receuant, elle entre heureusement en son sainct amour. Cela fait pour la conduire plus auant, ie luy monstre deux grands moyes de s'vnir de plus en plus à sa diuine Majesté, l'vsage des sacremens, par lesquels ce bon Dieu vient à nous, & la saincte oraison, par laquelle il nous tire à soy. Et en cecy i'éploye la seconde partie. En la troisieme ieluy fay voir come elle se doit exercer en plusieurs vertus plus propres à so auancement, ne m'amusant

pas sino à certains aduis particuliers, qu'elle n'eust pas sçeu aysement prédre ailleurs, ny d'elle-mesme. En la quatrie me ie luy fay descouurir, quelques embusches de ses ennemis, & luy monstre come elle s'en doit demesser & passer outre, en sa digne entreprise. Et finalement en la cinquiesme partie, ie la fay vn peu retirer à part soy, pour se rafraichir, reprendre haleine & reparer ses forces, à fin que elle puisse par apres plus heureusement gaigner pays, & s'auancer en la vie deuote.

Cet aage est fort bigearre, & ie preuois bien que plusieurs

sieurs diront qu'il n'appartiet qu'aux Religieux & gens de deuotion, de faire des coduites si particulieres à la pieté, qu'elles requierent plus de loysir, que n'en peut auoir vn Euesque chargé d'vn Diocese si pesant comme est le mié, que cela distrait trop l'entendemet qui doit estre employé à choses importantes.

Mais moy, mon cher Lecteur, ie te dis auec le grand S. Denis, qu'il appartiet principalement aux Euesques de persectionner les ames, dautant que leur ordre est le supreme entre les hommes, comme celuy des Seraphins entre

entre les Anges: si que leur loisir ne peut estre mieux destiné qu'à cela. Les anciens Euesques & Peres de l'Eglise estoient pour le moins autant affectionnez à leurs charges que nous: & ne laissoiét pourtant pas d'auoir soin de la conduite particuliere de plusieurs ames qui recouroyent à leur assistance, comme ilappert par leurs Epistres; imitans en cela les Apostres, qui emmy la moisson generale de l'vniuers, recueilloient neantmoins certains espics plus remarquables, auec vne speciale & particuliere affection. Quine sçait que Timothee, Tite, and

Tite, Philemon, Onesime, saincte Thecle, Appia, estoyent les chers enfans du grad sainct Paul, comme S. Marc; & saincte Petronille de sainct Pierre: Sain & Petronille, disie, laquelle, comme preuuent doctement Baronius, & Galonius, ne fut pas fille charnelle, mais seulement spirituelle de S. Pierre. Et S. Iean n'escritil pas vne de ses Epistres canoniques à la deuote Dame Electa? 119 2 119 bid mini ymmo

C'est vne peine, ie le confesse, que de conduire les ames, en particulier, mais vne peine qui soulage, pareille à celle des moissonneurs & vé-

dan

dangeurs, qui ne sont iamais plus contens, que d'estre fort embesongnez & chargez. C'est vn trauail qui delasse & auiue le cœur par la suauité qui en reuient à ceux qui l'entreprennent, comme fait le cinamome, ceux qui le portent parmy l'Arabie heureuse. On dit que la Tygresse ayant recouuert l'vn de ses petits que le chasseur luy laisse sur le chemin pour l'amuser, tandis qu'il emporte le reste de la littée, elle s'en charge, pour gros qu'il soit; & pour cela n'en est point plus pesante, ains plus legere à la course qu'elle fait pour le sauuer das

la tasniere; l'amour naturel l'allegeant par ce fardeau. Combien plus vn cœur paternel prendra-il volontiers en charge vne ame qu'il aura récontree au desir de la saincte persection, la portant de son soin, comme vne mere fait son petit enfant, sans se resentir de ce faix bien-aymé?

Mais, il faut sans doute, q ce soit vn cœur paternel: & c'est pourquoy les Apostres & hómes Apostoliques appellent leurs disciples non seulement leurs enfans, mais encor plus tendremet leurs petits enfans.

Au demeurant, mon cher Lecteur, il est vray que i'escris

de la vie deuote, sans estre deuot, mais non pas certes sans desir de le deuenir: & c'est encor ceste affection qui me donne courage à t'en instruire. Car comme disoit vn grad homme de lettres, la bonne façon d'apprendre, cest d'estudier; la meilleure, c'est d'escouter; & la tres-bonne, c'est d'enseigner. Il aduient souuent, dit S. Augustin, escriuat à sa deuote Florétine, que l'office de distribuer, sert de merite pour receuoir; & l'office d'enseigner, de fondement pour apprendre.

Alexandre sit peindre la belle Copaspé, qui luy estoit sichere par la main de l'vni-

que

que Apellés. Apellés forcé de considerer longuemet Compaspé, à mesure qu'il en exprimoit les traits sur le tableau, en imprima l'amour en son cœur, & en deuint tellement passionné, qu'Alexandre l'ayant recogneu, & en ayant pitié, la luy donna en mariage,se priuant pour l'amour de luy de la plus chere amie qu'il eut au monde. En quoy, dit Pline, il monstra la grandeur de son cœur, autant qu'il eut fait par vne bien grande victoire. Or il m'est aduis, mon Lecteur mon amy, qu'estant Euesque, Dieu veut que ie peigne sur les cœurs des person

sonnes, non seulemet les vertus communes, mais encore sa tres-chere & bien aymee deuotion: Et moy, ie l'entreprens volontiers, tant pour obeyr & faire mon deuoir, que pour l'esperance que i'ay que la grauant dans l'esprit des autres, le mien à l'aduenture en deuiendra sainctemet amoureux. Or si iamais sa diuine Majesté m'en voit viuement espris, elle me la donnera en mariage eternel.La belle & chaste Rebecca, abbreuuant les chameaux d'Isaac, fut destinee pour estre son espouse, receuant de sa part, des pendans d'aureille,

& des brasselets d'or; ainsie me promets de l'immense bonté de mon Dieu, que conduisant ses cheres brebis aux eaux salutaires de la deuotion, il rendra mon ame son espouse, mettant en mes aureilles les paroles dorces de son sainct amour, & en mes bras la force de les bien exercer, en quoy gist l'esséce de la vraye deuotio; que ie supplie sa Majesté me vouloir octroyer, & à tous les enfans de son Eglise, à laquelle ie veux à iamais sous-mettre mes escrits, mes actions, mes paroles, mes volontez, & mes pésees. A Necy, iour S. Magdeleine, 1609.

PRE

PREMIERE PARTIE de l'Introduction, contenant les aduis & exercices, requis pour conduire l'ame, dés son premier de sir de la vie deuote, iusques à vne entiere resolution de l'embrasser.

Description de la vraye Deuotion.

CHAPITRE I.

O v s aspirés à la deuotió, tres-chere Philothee, parce qu'estat Chrestiéne, vous sçaués que c'est vne vertu extremement agreable à la diuine Majesté: mais d'autat que les petites fautes, que l'on comet au commencement de quelque affaire, s'agrandissent infiniment au progrés, & sont presque irreparables à la sin, il faut auant toute chose que vous

sçachiés que c'est que la vertu de deuotion: car parce qu'il n'y en a qu'vne vraye, & qu'il y en a vne grande quantité de fausses & vaines, si vous ne cognoissiés, quelle est la vraye, vous pourriés vous troper & vous amuser à suyure quelque deuotion impertinente & su-

perstitieuse.

Arelius peignoit toutes les faces des images qu'il faisoit à l'air & ressemblance des femmes, qu'il aymoit; & chacun peint la deuotion selon sa passion & fantasie. Celuy qui est adonné au ieusne, se tiendra pour bié deuot, pourueu qu'il ieusne, quoy que son cœur soit plein de rancune; & n'osant pas tremper sa langue dedansle vin, ny mesme das l'eau par sobrieté, ne se feindra point de la plonger dedans le sang du prochain, par la mesdisance & calonie; vn autre s'estimera deuot, parce qu'il dit vne grande multitude

A LA VIE DEVOTE. 3 de d'oraisons tous les iours; quoy qu'apres cela, sa lague se fonde toute en paroles fascheuses, arrogantes & iniurieuses parmy ses domestiques & voisins: l'autre tire fort volotiers l'aumosne de sa bourse pour la donner aux pauures: mais il ne peut tirer la douceur de son cœur, pour pardonner à ses ennemis: l'autre pardonnera à ses ennemis, mais de tenir raison à ses creanciers, iamais qu'à viue force de Iustice. Tous ces gens là sont vulgairemet tenus pour deuots, & ne le sont pourtant nullement. Les gens de Saul cerchoyent Dauid en sa mai-1 son? Michol ayant mis vne statuë Micho dedans vn lict, & l'ayant couuerte des habillemens de Dauid, leur fist acroire que c'estoit Dauid mesme, qui dormoit malade. Ainsi beaucoup de personnes se couurent de certaines actios exterieures appartenantes à la saincte deuotion: & le

Monde croit, que ce soyent gens vrayemet deuots & spirituels; mais en verité ce ne sont que des statues & santosmes de deuotion.

La vraye & viuante deuotion, ô Philothee, presuppose l'amour de Dieu, ains elle n'est autre chose qu'vn vray amour de Dieu, mais no pas toutesfois vn amour tel quel: car entant que l'amour diuin embellit nostre ame, il s'appelle grace, nous rendant agreables à sa divine Majesté: entant qu'il nous donne la force de bien faire, il s'appelle charité; mais quand il est paruenu iusques au degré de perfectio, auquel il ne nous fait pas seulement bien faire, mais nous fait operer soigneusement, frequemment & promptement, alors il s'appelle deuotion; les austruches ne volent iamais: les poules volent pesamment, toutesfois bassement & rarement; mais les aigles, les colombes & les arondelles

A LA VIE DEVOTE. 5 delles volent souuent, vistement & hautement; ainsi les pecheurs ne volent point en Dieu, ains font toutes leurs courses en la terre, & pour la terre: les gens de bien qui n'ont pas encores atteint à la deuotion, volent en Dieu par leurs bonnes actions; mais raremet, lentement & pesamment: les personnes deuotes volent en Dieu, frequemment, promptement & hautement. Bref la denotion n'est autre chose qu'vne agilité & viuacité spirituelle, par le moyen de laquelle la charité fait ses actios en nous, ou nous par elle, promptement & affectionnement: & comme il appartient à la charité de nous faire faire generalement & vniuersellement tous les commandemes de Dieu, il appartient aussi à la deuotio de les nous faire faire promptement & diligemment. C'est pourquoy celuy qui n'obserue tous

A 3

de aux actions charitables.

Et d'autant que la deuotion gist en certain degré d'excellente charité, non seulement elle nous rend prompts, actifs & diligens, à l'observation de tous les commandemens de Dieu, mais outre cela, elle nous prouoque à faire promptement & affectionnemet le plus de bonnes œuures, que nous pouuos, encor' qu'elles ne soyent aucunement commandees, ains seulemet conseillées ou inspirees. Car tout ainsi qu'vn homme, qui est nouuellement gueri de quelque maladie, chemine autant qu'il luy est necessaire, mais lentement & pesamment; ainsi le pecheur estant gueri

A LA VIE DEVOTE. gueri de son iniquité, il chemine autat que Dieu le luy comade, esammét neantmoins & lentemét, iusques à tant qu'il air atteint à la deuotion; car alors come vn homme bien sain, non seulemet il chemine, mais il court & saute en la voye des comandemens de Dieu, & de plus il passe & court dans les sentiers des conseils & inspirations celestes. En fin la charité & la deuotion ne sont non plus differentes l'vne de l'autre, que la flamme l'est du feu, d'aurant que la charité estant vn feu spirituel, quand elle est fort enslammee, elle s'appelle deuotion. Si que la deuotion n'adiouste rien au feu de la charité, sinon la flamme, qui rend la charité prompte, active & diligente, non seulement à l'observatio des commandemens de Dieu, mais à l'exercice des conseils & inspirations celestes.

8 INTRODUCTION
Proprietez & excellences de la deuotion. CHAP. 2.

Evx qui decourageoient les Israëlites d'aller en la terre de promission, leur disoient que c'estoit vn pays qui deuoroit les habitans, c'est à dire, que l'air y estoit si malin, qu'on n'y pouuoit viure longuement, & que reciproquement les habitans estoiet des Geans si prodigieux, qu'ils mãgeoient les autres hommes comme des locustes. Ainsi le monde, ma chere Philothee, diffame tant qu'il peut la saincte deuotio, depeignant les personnes deuotes auec vn visage fascheux, triste & chagrin, & publiant que la deuotion donne des humeurs melacoliques & insupportables; Mais come Iosué & Caleb protestoient que non seulement la terre promise estoit bonne & belle, mais aussi que la possessió en seroit douce & agreable:

A LA VIE DEVOTE. 9 ble: de mesme le saince Esprit par la bouche de tous les Sainces, & nostre Seigneur par la sienne mesme nous asseure, que la vie deuote est vne vie douce, heureuse & amiable.

Le monde void que les deuots ieusnent, prient & souffrent les iniures, seruent les malades, donnent aux panures, veillent, contraignent leur colere, suffoquent & estouffent leurs passiós, se priuet des plaisirs sensuels, & font telles & autres sortes d'actions, lesquelles en elles mesmes & de leur propre substance & qualité, sont aspres & rigoureuses. Mais le monde ne void pas la deuotion interieure & cordiale, laquelle rend toutes ces actions agreables, douces, & faciles. Regardés les abeilles sur le thin, elles y tiennent vn sac fort amer: mais en tirent le sucçant elles le convertissent en un su miel, parce que telle est leur pro-

INTRODUCTION prieté. ô Mondains, les ames deuotes treuuet beaucoup d'amertume en leur exercice de mortification: il est vray; mais en les faisant, elles les couertissent en douceur & suauité: les feux, les flammes, les roues & les espees sembloient des fleurs & des parfuns aux martyrs, parce qu'ils estoient deuots: que si la denotion peut donner de la douceur aux plus cruels tourmens & à la mort mesme; qu'est ce qu'elle fera pour les actions de la vertu? Le suere adoucit les fruicts mal meurs, & corrige la crudité & nuysance de ceux qui sont bien meurs.

Or la devotion est le vray sucre spirituel, qui oste l'amertume aux mortifications, & la nuysance aux consolations: elle oste le chagrin aux pauures, & l'empressemét aux riches; la desolation à l'oppressé, & l'insolence au fauorisé; la tristesse aux solitaires, & la dissolution à ce-

luy qui est en compagnie: elle sert de seu en hyuer, & de rosee en esté: elle sçait abonder & souffrir pauureté: elle rend esgalement vtile l'honneur & le mespris; elle reçoit le plaisir & la douleur auec vn cœur presque tousiours semblable, & remply d'vne suauité merueilleuse.

Contemplés l'eschelle de Iacob (car c'est le vray pourtrait de la vie deuote) les deux costés entre lesquels on monte, & ausquels les eschellons se tiennent, representent l'oraison, qui impetre l'amour de Dieu & les Sacremens, qui le conferent: les eschellons ne sont autre chose, que les diuers degrés de charité, par lesquels l'on va de vertu en vertu, ou descendat par l'action an secours & support du prochain, ou montant par la contemplation en l'vnion amoureuse de Dieu; Or voyés, ie vous prie, ceux qui sont sur

au

12 INTRODUCTION

l'eschelle; ce sont des hommes qui ont des cœurs angeliques, ou des Anges qui ont des corps humains: Ils ne sont pas ieunes, mais ils le semblent estre, par ce qu'ils sont pleins de vigueur & agilité spirituelle, ils ont des aisles pour voler & s'essancer en Dieu par la saincte oraison: mais ils ont des pieds aufsy, pour cheminer auec les hommes par vne faincle & amiable couersation: leurs visages sont beaux & gais d'autat qu'ils reçoiuet toutes choses auec douceur & suauité; leurs iambes, leurs bras, & leurs restes sont toutes à descouuert, d'autant que leurs pensees, leurs affections & leurs actions n'ont aucun dessein ny motif que de plaire à Dieu: le reste de leurs corps est counert, mais d'vne belle & legere robbe, parce qu'ils vsent de ce monde & des choses mondaines, mais d'vne façon toute pure & sincere, n'en

A LA VIE DEVOTE. prenant que legerement ce qui est requis pour leur coditio; telles sont les personnes deuotes. Croyés moy chere Philothee, la deuotion est la douceur des douceurs, & la royne des vertus; car c'est la persection de la charité. Si la charité est vn laict, la deuotio en est le cresme; si elle est vne plante, la deuotion en est la fleur:si elle est vne pierre precieuse, la deuotio en est l'esclat; si elle est vn baume precieux, la deuotion en est l'odeur de suauité, qui conforte les hommes & resiouit les Anges.

Que la devotion est convenable à toutes sortes de vocations & professions.

CHAP. 3.

I E v commada en la creation aux plantes de porter leurs fruicts; chacun selon so gére; ainsi comade-il aux Chrestiens, qui sont les plantes viuantes de son Eglise, qu'ils produisent des fruicts de deuotion, vn chacun selon

INTRODUCTION lon sa qualité & vocation. La deuotion doit estre differemment exercee, par le gentil-homme, par l'artisan, par le valet, par le prince, par la vefue, par la fille, par la marice, & non seulement cela, mais il faut accommoder la praticque de la deuotio aux forces, aux affaires, & aux deuoirs de chasque particulier. Ie vous prie, Philothee, seroit il à propos, que l'Euesque voulust estre solitaire come le Chartreux: & si les mariés ne vouloyent rien amasser no plus que les Capucins; si l'artisan estoit tout le jour à l'Eglise comme les religieux, & le religieux tousiours exposé en toutes sortes de rencontres pour le seruice du prochain, comme l'Euesque, ceste deuotion ne seroit elle pas ridicule, desreglée & insupportable? ceste faute neantmoins arrive bien souuent: & le mode qui ne discerne pas, ou ne veut pas discerner enA LA VIE DEVOTE. 15 tre la deuotion, & l'indiscretion de ceux qui pésent estre deuots, murmure & blasme la deuotion, laquelle neantmoins ne peut-mais de ces desordres.

Non, Philothee, la deuotion ne gaste rien, quad elle est vraye, ains elle perfectione tout: & lors qu'elle se rend contraire à la legitime vocation de quelqu'vn, elle est sans doute fausse. L'abeille, dit Aristote, tire son miel des fleurs sans les interesser, les laissant entieres & fraisches come elle les a treuuees; mais la vraye deuotion fait encore mieux: car non seulement elle ne gaste nulle sorte de vocation ny d'affaires, ains au contraire elle les orne & embellit. Toutes sortes de pierreries iettees dedas le miel, en deuiennent plus esclatantes, chacune selon sa couleur: & chacu deuient plus agreable en sa vocation, la conioignant à la deuotion: le soin foin de la famille en est rendu pais sible, l'amour du mary & de la femme plus sincere: le service du Prince plus sidele, & toutes sortes d'occupations plus suaues & amiables.

C'est vn erreur, ains vne heresie de vouloir bannir la vie deuote de la compagnie des soldats, de la boutique des artisans, de la Cour des Princes, du mesnage des gens mariés. Il est vray, Philothee, que la deuotion purement contemplatiue, monastique, & religieuse, ne se peut pas exercer en ces vocations; mais aussi, entre ces trois sortes de deuotion, il y en a plusieurs autres propres à persectionner ceux qui viuent és estats seculiers, Abraham & Isaac, Iacob, Dauid, Iob, Tobie, Sarra, Rebecca, & Iudith, en sont foy par l'ancien Testament: & quat au nouueau, sainct Ioseph, Lydia, & sainct Crespin furent parfaictemet deuots

A LA VIE DEVOTE. deuots en leurs boutiques; Saincte Anne, saince Marthe, saince Monique, Aquila, Prascilla, en leurs mesnages: Cornelius, sainct Sebastien, S. Mauris, parmy les armes; Constantin, Helene, S. Louys, le B. Amé, S. Edouard, en leurs trosnes royaux & ducaux. Il est mesme arriué, que plusieurs ot perdu la perfection en la solitude; qui est neatmoins si desirable pour la perfe-Etion, & l'ont conseruee parmy la multitude, qui semble si peu fauorable à la perfection. Loth, dit S. Gregoire, qui fut si chaste en la ville,se souilla en la solitude: où que nous soyons nous pourons & deuons aspirer à la vie parfaicte.

De la necessité d'un conducteur pour entrer & faire progrez en la deuotion.

CHAP. 4.

E ieune Tobie commandé d'aller en Ragés, Ie ne sçay nulle

INTRODUCTION nullemet le chemin, dit-il: va doc, dit le pere, & cerche quelque homme qui te conduise. le vous en dis de mesme, ma Philothee: voulés vous à bon escient vous acheminer à la deuotion? cerchés quelque homme de bien, qui vous guide & conduise. C'est icy l'aduertissemet des aduerrissemens; quoy que vous cerchiés, dit le deuot Auila, vous ne trouuerez iamais si asseurement la volonté de Dieu, que par le chemin de ceste humble obeissance tat recommadee & prattiquee par tous les anciens deuots. La bienheureuse Mere Therese, voyant que Madame Catherine de Cordouë faisoit de grandes penitéces, elle desira fort de l'imiter en cela, contre l'aduis de son confesseur, qui le defendoit, auquel elle estoit tentee de ne point obeir en cet endroit. Et Dieu luy dit, ma fille, tu tiens vn bon & asseuré chemin: vois

A LA VIE DEVOTE. vois-tu la penitence qu'elle fait? mais moy ie fais plus de cas de ton' obeissance, aussi elle aymoit tant ceste vertu, qu'outre l'obeissance qu'elle deuoit à ses superieurs, elle en voua vne toute particuliere à vn excellent homme, s'obligeant de suyure sa direction & conduite: dont elle fut infiniment consolee, comme apres, & deuant elle, plusieurs bonnes ames, qui pour se mieux assubiectir à Dieu, ont soubmis leur voloté à celle de ses seruiteurs; ce que saincte Catherine de Sienne loue infiniment en ses dialogues.La deuote Princesse S. Elizabeth se sousmit auec vne extreme obeissace au Docteur M.Conrad. Et voicy l'vn des aduis que le grand S. Louis fit à son fils auant que mourir; Confesse toy souuent, essis vn confesseur idoine, qui soit preudhomme, & qui te puisse seuremet enseigner à faire les chofes, 1 INTRODUCTION ses, qui te sont necessaires.

L'amy fidele, dit l'Escriture sain-Ete, est vne forte protection: celuy qui l'a treuué, a treuué vn thresor. L'amy fidele est vn medicament de vie & d'immortalité: ceux qui craignent Dieu, le treuuent. Ces diuines parolles regardent principalement l'immortalité, comme vous voyés: pour laquelle il faut sur toutes choses auoir cest amy fidele, qui guide nos actions par ses aduis & conseils, & par ce moyen nous garentit des embusches & tromperies du malin, il nous sera comme vn thresor de sapience en nos afflictions, tristesses, & cheutes; il nous seruira de medicament, pour alleger & consoler nos cœurs és maladies spirituelles; il nous gardera du mal, & rendra nostre bie meilleur: & quand il nous arrivera quelque insirmité, il empeschera qu'elle ne soit pas à la mort, car il nous en releuera. Mais

Mais qui treuuera cet amy? le Sage respond, ceux qui craignent Dieu, c'est à dire les humbles, qui desirent fort leur aduancemet spirituel. Puis qu'il vous importe tant, Philothee, d'aller auec vne bonne guide en ce sainct voyage de deuotion, priés Dieu, auec vne grande instance, qu'il vous en fournisse d'vne qui soit selon son cœur; & ne doutés point: car quand il deuroit enuoyer vn Ange du ciel, comme il sit au ieune Tobie, il vous en donnera vne bonne & sidele.

Or ce doit tousiours estre vn Ange pour vous, c'est à dire, quand vous l'aurés treuué, ne le considerés pas comme vn simple homme, & ne vous consiés point en luy, ny en son sçauoir humain; mais en Dieu lequel vous fauorisera, & parlera par l'entremise de cet homme, mettant dedans le cœur & dedans la bouche d'iceluy ce qui sera requis,

quis, pour vostre bon-heur; si que vous le deués escouter comme vn Ange, qui descend du ciel pour vous y mener. Traistés auec luy à cœur ouuert, en toute sincerité & fidelité, luy manifestant clairemet vostre bien & vostre mal sans feintise, ny dissimulation: & par ce moyen vostre bie sera examiné & plus asseuré, & vostre mal sera corrigé & remedié; vous en serés allegee & fortifiee en vos afflictions, moderee & reglee en vos consolations: ayés en luy vne extreme confiance, messee d'vne sacree reuerence, en sorte que la reuerence ne diminue point la confiance, & que la confiance n'empesche point la reuerence: confiés vous en luy auec le respect d'vne fille enuers son pere, respectés-le auec la confiance d'vn fils enuers sa mere: Bref ceste amitié doit estre forte & douce, toute saincte, toute sacree, toute diuine & tou

A LA VIE DEVOTE. 23

& toute spirituelle.

Et pour cela choisissés en vn entre mille, dit Auila, & moy ie dis entre dix mille: car il s'en treuue moins que lon ne sçauroit dire, qui soyent capables de cest office. Ille faut plein de charité, de science, & de prudence, si l'vne de ces trois parties luy manque, il y a du danger, mais ie vous dis, derechef demandés le à Dieu, & l'ayant obtenu, benissés sa diuine Majesté, demeures ferme & n'é cerches point d'autres, ains allés simplement, hublement, & confidemment, car vous ferés vn tres-heureux voyage.

Qu'il faut commencer par la purgation de l'ame. CHAP. 5.

Es fleurs, dit l'espoux sacré, apparoissent en nostre terre: le temps d'emonder & tailler est venu, qui sont les fleurs de nos cœurs, ô Philothee, sinon les

24 INTRODUCTION les bons desirs? Or tout aussi tost qu'ils paroissent, il faut mettre la main à la sarpe, pour retrancher de nostre conscience toutes les œuures mortes & superflues; la fille estrangere pour espouser l'Israëlite, denoit oster la robe de sa captiuité, rongner ses ongles, & raser ses cheueux: & l'ame qui aspire à l'honneur d'estre espouse du fils de Dieu, se doit despouiller du viel homme, & se reuestir du nouueau, quittant le peché: puis rongner & raser toutes sortes d'empeschemes, qui destournent de l'amour de Dieu. C'est le commençement de nostre santé que d'estre purgé de nos humeurs peccates. Sainct Paul tout en vn moment fut purgé d'vne purgation parfaicte: comme fut aussi saincte Catherine de Genes, saincte Magdelaine, saincte Pelagie, & quelques autres; mais ceste sorte de purgation est toute miraculeuse

A LA VIE DEVOTE. 25

culeuse & extraordinaire en la grace, comme la resurrectió des morts en la nature: si que nous ne deuons pas y pretendre la purgatió & guerison ordinaire, soit des corps, soit des esprits, ne se fait que petit à petit, par progrés d'aduancement en aduancement, auec peine & loisir.

Les Anges ont des aisles sur l'eschelle de Iacob, mais ils ne volent pourtant pas, ains montent & descendent par ordre d'eschelon en eschelő. L'ame qui remôte du peché à la deuotio, est comparee à l'aube, laquelle s'esseuant ne chasse pas les tenebres en mesme instant, mais petit à petit : la guerison, dit l'aphorisme, qui se fait tout bellement est tousiours plus asseuree: les maladies du cœur, aussi bien que celles du corps, viennent à cheual & en poste, mais elles s'en reuont à pied & au petit pas. Il faut donc estre courageuse & patiente, ô Philothee, en

cette entreprinse. Helas ! quelle pitié est ce des ames, lesquelles se voyans subiettes à plusieurs imperfectios, apres s'estre exercees quelques mois en la deuotion, commencent à s'inquieter, se troubler & decourager, laissat presque emporter leur cœur à la tétatio, de tout quitter & retour ner en arriere? mais aussi de l'autre costé, n'est ce pas vn extreme danger aux ames, lesquelles par vne tétation contraire se font acroire d'estre purgees de leurs imperfections le premier iour de leur purgation, se tenaut pour parfaites, auat presque que d'estre faites, en se mettant au vol sans aisles?ô Philothee, qu'elles sont en grand peril de recheoir pour s'estre trop tost ostees d'entre les mains du medecin: Ha! ne vous leués pas, auant que la lumiere soit arriuee, dit le Prophete, leués vous apres que vous aurés esté assis: & luy mesme prattiquant cette leçon, ayant

A LA VIE DEVOTE. 27 ayant esté desia laué & nettoyé, demande de l'estre derechef.

L'exercice de la purgation de l'ame ne se peut ny doit finir qu'auec nostre vie : ne nous troublons doc point de nos imperfectios, car nostre perfection consiste à les cobattre: & nous ne sçaurios les combattre sans les voir, ny les vaincre sans les rencontrer: nostre victoire ne gist pas à ne les sentir point, mais à ne point leur consentir.

Or ce n'est pas leur consentir, que de receuoir des incommodités d'icelles: il faut bien que pour l'exercice de nostre humilité, nous soyons quelques fois blessés en cette bataille spirituelle: mais nous ne sommes iamais tenus pour vaincus, sinon lors que nous auons perdus ou la vie, ou le courage. Or les imperfections & pechés veniels, ne nous sçauroient oster la vie spirituelle, car elle ne se perd que par le

peché mortel; Il reste docques seulemét qu'elles ne nous facent point perdre le courage; Deliure moy Seigneur, disoit Dauid, de la couhardise & decouragemet: c'est vne heureuse condition pour nous en cette guerre, que nous soyons tousiours vainqueurs, pourueu que nous voulions combattre.

De la premiere purgation, qui est celle des pechez mortels. CHAP. 6.

A premiere purgation qu'il faut faire, c'est celle du peché; le moyen de la faire c'est le sainct Sacrement de penitence: cherchés le plus digne confesseur que vous pourrés, prenés en main quelqu'vn des petits liurets, qui ont esté faicts pour ayder les consciences à se bien confesser, comme Grenade, Bruno, Arias, Auger: lisés les bien, & remarqués de poinct en poinct, en quoy vous aurés offencé, à prendre depuis que vous eustes l'ysa

A LA VIE DEVOTE l'vsage de raison, iusques à l'heure presente. Et si vous vous desiés de vostre memoire, mettés en escrit ce que vous aurés remarqué: & ayant ainsi preparé & ramassé les humeurs peccates, de vostre coscience, detestés-les, & les reiettés, par vne contrition & deplaisir aussi grand que vostre cœur le pourra souffrir: considerant ces quatre choses: Que par le peché vous auez perdu la grace de Dieu, quitté vostre part de paradis, accepté peines eternelles de l'enfer, & renoncé à la visió, & à l'amour eternel de Dieu.

Vous voyés bien, Philothee, que ie parle d'vne confession generale de toute la vie, laquelle certes ie confesse bien n'estre pas tousiours absoluëment necessaire; mais ie co-sidere bien aussi, qu'elle vous sera extremement vtile en ce commencement: c'est pourquoy ie vous la conseille extremement. Il arriue

30 INTRODUCTION souuent que les confessions

souuent que les confessions ordinaires de ceux qui viuent vne vie commune & vulgaire sont pleines de grands deffauts. Car souuent on ne se prepare point, ou fort peu, on n'a point la contrition requise, ains il aduient maintefois que l'on se va confesser auec vne volonté tacite de retourner au peché, d'autant qu'on ne veut pas euirer l'occasion du peché, ny prendre les expediens necessaires à l'amandement de la vie: & en tous ces cas icy la confessió generale est requise pour asseurer l'ame. Mais outre cela la confession generale nous appelle à la connoissance de nous mesmes, nous prouoque à vne salutaire confusion pour nostre vie passee, nous fait admirer la misericorde de Dieu, qui nous a attendu en patience, elle appaise nos cœurs, delasse nos esprits, excite en nous des bons propos, done sujet à nostre pere spirituel de

A LA VIE DEVOTE. 31 nous faire des aduis plus conuenables à nostre coditio, & nous ouure le cœur, pour auoir siance de nous bié declarer aux cofessios suiuates.

Parlant donques d'vn renouuellement general de nostre cœur, & d'vne conuersió vniuerselle de nostre ame à Dieu, par l'entreprise de la vie deuote; i'ay bien raison, ce me semble, Philothee, de vous conseiller cette consession generale.

De la seconde purgation, qui est celle des affections du peché. CHAR. 7.

O v s les Israëlites sortirét en esset de la terre d'Egypte, mais ils n'en sortirent pas tous d'affection: c'est pour quoy emmy le desert plusieurs d'entre eux regrettoient de n'auoir pas les oignons, & les chairs d'Egypte. Ainsi il y a des penitens qui sortent en esset du peché, & n'en quittent pour tant pas l'affection, c'est à dire, ils proposent de ne plus pecher,

mais c'est auec certain contrecœur, qu'ils ont de se priner & abstenir des malheureuses delectations du peché, leur cœur renonce au peché, & s'en esloigne; mais il ne laisse pas pour cela de se retourner souuentefois de ce costé là, come fit la femme de Loth, du costé de Sodome. Ils s'abstienent du peché come les malades font des melos, lesquels ils ne mangent pas, par ce que le medecin les menasse de mort, s'ils en mangét:mais ils s'inquietet de s'en abstenir, ils en parlent & marchandent s'il se pourroit faire, ils les veulent au moins sentir, & estimét bié heureux ceux qui en peuuent mãger. Car ainsi ces foibles & lasches penitens s'abstiennent pour quelque temps de peché, mais c'est à regret, ils voudroyent bien pouuoir pecher, sans estre damnés. Ils parlent auec ressentiment, & goust du peché, & estiment contens ceux qui

A LA VIE DEVOTE. 33 qui le font. Vn homme resolu de se vanger, changera de volonté en la confessió, mais tost apres on le treuuera parmy ses amis, qu'il prend plaisir à parler de sa querele, disant que si ce n'eust esté la crainte de Dieu, il eust fait cecy & cela, & que la loy diuine, en cet article de pardonner, est difficile. Que pleust à Dieu, qu'il fust permis de se vanger; ha! qui ne void qu'encor que ce pauure homme soit hors du peché, il est neantmoins tout embrassé de l'affection du peché, & qu'estant hors d'Egypte en effect, il y est encor en appetit, desirant les aulx & les oignons, qu'il y souloit manger: comme fait cette femme, qui ayat detesté ses manuaises amours, se plait neantmoins d'estre muguettee, & enuironnee; helas que telles gens sont en grand peril!

O Philothee, puis que vous voulés entreprendre la vie deuote, il ne 34 INTRODUCTION

vousfaut passeulemet quitter le peché, mais il faut tout à fait emoder vostre cœur de toutes les affectios qui dependent du peché: car outre le danger qu'il y auroit de faire recheute, ces miserables affections alanguiroient perpetuellemet vostre esprit, & la pesantiroiet en telle sorte, qu'il ne pourroit pas faire les bonnes œuures promptemet, diligemment, & frequemment, en quoy gist neantmoins la vraye essence de la deuotion. Les ames, lesquelles sorties de l'estat du peché, ont encor ces affections & alanguissement, ressemblent, à mon aduis, aux filles qui ont les passes couleurs; lesquelles ne sont pas malades, mais toutes leurs actions sont malades:elles mangent sans goust, dormet sans repos, rient sans ioye, & se trainent plustost que de cheminer; car de mesmes ces ames fot le bié auec des lassitudes spirituelles

les si grandes, qu'elles ostent toute la grace à leurs bons exercices, qui sont peu en nombre, & petits en essect.

Du moyen de faire's cette seconde purgation CHAP. 8.

R le premier moyen, & fondemet de ceste seconde purgation, c'est la viue & forte apprehension du grad mal que le peché nous apporte; par le moyen de laquelle nous entros en vne profonde & vehemente contrition. Cartout ainsi que la contrition, pourueu qu'elle soit vraye, pour petite qu'elle soit, & sur tout estant iointe à la vertu des Sacremens, nous purge suffisamment du peché: de mesme quand elle est grande & vehemente, elle nous purge de toutes les affections qui dependet du peché. Vne haine ou rancune foible & debile, nous fait auoir à cotre cœur celuy que nous

36 INTRODUCTION

haissons, & nous fait fuir sa compagnie: mais si c'est vne haine mortelle & violente, non seulement nous fuions & abhorrons celuy à qui nous la portons, ains nous auos à degoust, & ne pouuons souffrir la conversation de ses alliés, parens & amis, non pas mesme son image, ny chose qui luy appartienne. Ainsi quand le penitet ne haït le peché, que par vne legere, quoy que vraye contrition, il se resout voirement bien de ne plus pecher: Mais quad il le hayt d'vne contrition puissante & rigoureuse, non seulement il deteste le peché, ains encor toutes les affectios, dependances, & acheminemens du peché. Il faut donques, Philothee, agradir, tant qu'il nous sera possible nostre contritio, & repentance, afin qu'elle s'estende jusques aux moindres apartenances du peché. Ainsi Magdelaine, en sa conuersió perdit tellemér

le goust des pechés, & des plaisirs, qu'elle y auoit prins, que iamais plus elle n'y pensa: Dauid protestoit de non seulement hayr le peché, mais aussi toutes les voyes, & sentiers d'iceluy: en ce point consiste le raieunissement de l'ame, que ce mesme Prophete compare au renouuellement de l'aigle.

Or pour paruenir à ceste apprehension, & contrition, il faut que vous vous exerciés soigneusement aux Meditations suiuates, lesquelles estant bien prattiquees deracineront de vostre cœur, moyennant la grace de Dieu, le peché & les principales affections du peché: aussi les ay-ie dressees tout à fait pour cest vsage: vous les ferés l'vne apres l'autre, selon que ie les ay marquees,n'en prenat qu'vne pour chasque iour, laquelle vous ferés le matin s'il est possible, qui est le temps 18 INTRODUCTION temps le plus propre pour toutes les actions de l'esprit.

BEEREREEEEEEEEEEEEEEEEEE

MEDITATION I.

De la creation.

CHAP. 9.

Preparation.

1. Mettés vous en la presence de Dieu.

2. Pries le qu'il vous inspire.

Considerations.

ONSIDEREZ qu'il n'y a que tant d'ans, que vous n'estiés point au monde, &

que vostre estre estoit vn vray rien: où estions nous, ô mon ame, en ce temps là? le monde auoit des-ja tant duré, & de nous il n'en estoit nulle nouuelle.

2. Dieu vous a fait esclorre de ce rien, pour vous rendre ce que vous estes, sans qu'il eust besoin de vous, ains par sa seule bonté.

3. Con

ALAVIE DEVOTE. 39

3. Considerés l'estre que Dieu vous a donné, car c'est le premier estre du monde visible, capable de viure eternellement & de s'vnir parfaictement à sa diuine Majesté.

Affections & resolutions.

deuant Dieu, disant de cœur auec le Psalmiste; O Seigneur ie suis de-uant vous comme vn vray rien: & comment eustes vous memoire de moy, pour me creer? helas! mon ame, tu estois abismee dans cest ancien neant, & y serois encores de present, si Dieu ne t'en eust retiree: & que ferois tu dedans ce rien?

2. Rendés graces à Dieu. O mon grand, & bon Createur combien vous suis-ie redeuable, puis que vous m'estes allé prédre dans mon rien, pour me rendre par vostre misericorde, ce que ie suis. Qu'est-ce que ie feray iamais pour dignement benir vostre saince Nom, &

remer

40 INTRODUCTION remercier vostre immense bonté?

3. Confondés vous. Mais helas mon Createur en lieu de m'vnir à vous par amour, & seruice, ie me suis rendue toute rebelle, par mes desreglees affections, me separant & esloignat de vous, pour me ioindre au peché, & à l'iniquité, n'honorant non plus vostre bonté que si vous n'eussiés pas esté mon Createur.

Abaissés vous deuant Dieu. O mon ame, sçache que le Seigneur est ton Dieu: c'est luy qui t'a fait, & tu ne t'es pas faite toy mesme, ô Dieu, ie suis l'ouurage de vos mains.

Ie ne veux donques plus desormais me complaire en moymesme, qui de ma part ne suis rien, dequoy te glorifies tu, ô poudre, & cendre? mais plustot, ô vray neant, dequoy t'exaltes tu? & pour m'humilier ie veux faire telle & telle chose, supportés tels & tels mespris: ie veux chan changer de vie, & suiure desormais mon Createur, & m'honnorer de la conditió de l'estre qu'il ma don-né, l'employant tout entierement à l'obeissance de sa volonté, par les moyens qui me seront enseignés, & desquels ie m'enquerray vers mon pere spirituel.

Conclusion.

1. Remerciés Dieu. Benis, ô mon ame, ton Dieu, & que toutes mes entrailles louënt ton sainct nom, car sa bonté m'a tiree du rien, & sa misericorde m'a creée.

2. Offrés. O mon Dieu, ie vous offre l'estre que vous m'aués donné auec tout mon cœur, ie le vous dedie & consacre.

3. Priés. O Dieu, fortissés moy en ces affections & resolutions: ô saince Vierge, recomandés les à la misericorde de vostre sils, auec tous ceux pour qui ie dois prier. & c. Pater noster, Aue.

42 INTRODUCTION

Au sortir de l'oraison, en vous promenat vn peu, recueillés vn petit bouquet de deuotion des considerations que vous aurés faites, pour l'odorer le log de la journee.

MEDITATION II.

de la fin pour laquelle nous sommes creés.

Снар. 10.

Preparation.

1. Mettés vous deuant Dieu.

2. Priés-le qu'il vous inspire. Considerations.

en ce monde, pour aucun besoin qu'il eust de vous, qui luy estes du tout inutiles; mais seulement afin d'exercer en vous sa bonté, vous donnat sa grace & sa gloire. Et pour cela il vous a donné l'entendement pour le cognoistre; la memoire pour vous re-

fouue

A LA VIE DEVOTE. souuenir de luy; la volonté pour l'aymer; l'imagination pour vous representer ses bien faicts; les yeux pour voir les merueilles de ses ouurages; la langue pour le louer, & ainsi des autres.

2 Estant creée, & mise en ce mõde à cette intention, toutes actions contraires à icelle doiuent estre reiettees & euitees, & celles qui ne seruent de rien à cette fin, doiuent estre mesprisees, comme vaines & superflues.

3 Confiderés le malheur du mode, qui ne pense point à cela, mais vit comme s'il croyoit de n'estre creé que pour bastir des maisons, planter des arbres, assembler des richesses, & faire des badineries.

Affections & resolutions.

1 Confondés vous, reprochant à vostre ame sa misere, qui a esté si grande cy deuant, qu'elle n'a que peu ou point pésé à tout cecy. Helas! las! ce dirés vous, que pensois-ie, ô mon Dieu, quand ie ne pensois point en vous? dequoy me resouuenois-ie, quand ie vous obliois? qu'aimois-ie, quand ie ne vous aymois pas? helas!ie me deuois repaistre de la verité, & ie me réplissois de la vanité, & seruois le monde, qui n'est fait que pour me seruir.

Detestés la vie passe. Ie vous renonce, pensees vaines & cogitations inutiles; ie vous abiure, ô souuenirs detestables & friuoles: ie vous renonce amitiés insideles & desloyales, seruices perdus & miserables, gratifications ingrates, complaisences se solutions.

plaisances fascheuses.

Conuertissés vous à Dieu; & vous, ô mon Dieu, mon Seigneur, vous serés d'oresnauant le seul object de mes pensees: non, iamais ie n'appliqueray mon esprit à des cogitations, qui vous soyet desagreables. Ma memoire se rempliratous

les iours de ma vie, de la grandeur de vostre debonnaireté, si douce-ment exercee en mo endroit. Vous serés les delices de mon cœur, & la suauité de mes affections.

Ha donc tels & tels fatrats, & amusemens, ausquels ie m'appliquois: tels & tels vains exercices, ausquels i'employois mes iournees: telles & telles affections, qui engageoyent mon cœur, me seront desormais en horreur, & à ceste intétió i'vseray de tels & tels remedes.

Conclusion.

faite pour vne fin si excellente: vous m'auez faite, ô Seigneur, pour vous, afin que ie iouisse eternellement de l'immésité de vostre gloire; quand sera-ce que i'en seray digne, & quand vous beniray-ie seló mon deuoir?

2. Offrés. le vous offre ô mon cher Createur, toutes ces mesmes affe

46 INTRODVCTION affections, & resolutions, auec toutemon ame & mon cœur.

3. Priés, le vous supplie, ô Dieu, d'auoir agreable mes souhaits, & mes vœus, & de doner vostre sain- cte benediction à mon ame, à celle sin, qu'elle les puisse accomplir par le merite du sang de vostre sils respandu sur la Croix, &c.

Faites le petit bouquet de Deuotion.

Des benefices de Dieu.


CHAP. II.

Preparation.

1. Mettés vous en la presence de Dieu.

2. Priés-le qu'il vous inspire.

Considerations.



ONSIDEREZ les graces corporelles, que Dieu vous a donces, quel corps, quelles

A LA VIE DEVOTE. quelles commodités, de l'entretenir; quelle santé, quelles consolations, loisibles pour iceluy, quels amis, quelles assistances: mais cela considerés le auec vne comparaison de tant d'autres personnes, qui valent mieux que vous, lesquelles sont destitués de ces benefices : les vns gastés de corps, de santé, de membres: les autres abandonnés à la mercy des opprobres, du mespris, & des-honneur: les autres accablés de pauureté; & Dieu n'a pas voulu que vous fussiés si miferable.

combien y a-il au monde de gens hebetés, enragés, insensés, & pourquoy n'estes vous pas du nombre? Dieu vous a fauorisee, combien y en a-il qui ont esté nourris rustiquement, & en vne extreme ignorance, & la prouidéce diuine vous a faict esseur ciuilement & honnorablement?

3.Con

48 INTRODUCTION

Considerés les graces spirituelles, ô Philothee, vous estes des enfans de l'Eglise, Dieu vous a enseignee sa cognoissance dés vostre ieunesse. Combié de fois vous a-il donné ses Sacremens? combien de fois des inspirations, des lumieres interieures, des reprehensions pour vostre amandement. Combien de fois vous a-il pardonné vos fautes? combien de fois deliuree des occasions de vous perdre où vous estiés exposee? Et ces annees passees, n'estoyent ce pas vn loisir & commodité de vous auancer au bien de vostre ame? Voyés vn peu par le menu, combien Dieu vous a esté doux & gracieux.

Affections & resolutions.

Admirés la bonté de Dieu. O que mon Dieu est bon en mon endroit !ô qu'il est bon! ô que vostre cœur, Seigneur, est riche en misericorde, & liberal en debonaireré!

ô mon

ô mon ame racontons à iamais, combié de graces il nous a faictes.

2. Admirés vostre ingratitude. Mais que suis-ie, Seigneur, que vous ayés eu memoyre de moy? O que mon indignité est grande! helas i'ay foulé au pied vos benefices, i'ay des-honnoré vos graces, les conuertissant en abus & mespris de vostre souueraine bonté: i'ay opposé l'abysme de mon ingratitude à l'abysme de vostre grace & faueur.

donc ô mon cœur ne vueille plus estre insidelle, ingrat & desloyal à ce grand bien-facteur. Et commet, mon ame ne sera elle pas mes-huy sujette à Dieu, qui a faict tant de merueilles & de graces en moy, & pour moy.

Ah donques, Philothee, retirés vostre corps de telles & telles voluptés: rendés le sujet au seruice de Dieu, qui a tant faict pour luy: appliqués vostre ame à le cognoistre, & recognoistre par tels & tels exercices, qui sont requis pour ce-la. Employés soigneusement les moyens, qui sont en l'Eglise, pour vous sauuer & aymer Dieu; ouy, ie frequenteray l'oraison, les Sacremens, i'escouteray la faincte parole, ie prattiqueray les inspirations & conseils.

Conclusion.

1. Remerciés Dieu de la cognoissance qu'il vous a donnée maintenant de vostre deuoir, & de tous les bien-faicts cy deuant receus.

2. Offrés luy vostre cœur auec

toutes vos resolutions.

3. Priés le qu'il vous fortifie, pour les prattiquer fidelement, par le merite de la mort de son fils; implorés l'intercession de la Vierge & des Sain & Pater noster, & c.

Faictes le bouquet spirituel.

MEDI

A LA VIE DEVOTE. 51 BEBERERERERERE MEDITATION IIII.

Des pechés.

CHAP. 12.

Preparation.

1. Mettés vous en la presence de Dieu.

2. Priés le qu'il vous inspire.

Considerations.

Ensez combien il y a que vous comencés à pecher, & voyés combien dés ce pre-

mier commencemet là, les pechés se sont multipliés en vostre cœure comme tous les iours vous les aués accreu contre Dieu, contre vous mesme, contre le prochain, par œu-ure, par parolle, par desir, & pensee.

2. Considerés vos mauuaises inclinations, & combié vous les aués suyuies : Et par ces deux poinces vous verrés que vos coulpes sont en plus grand nombre que les che-

C. 2

INTRODUCTION ueux de vostre teste, voire que le sable de la mer.

3. Considerés à part le peché d'ingratitude enuers Dieu, qui est vn peché general, qui s'espanche par tous les autres, & les rend infiniement plus enormes: voyés dőques, combien de benefices Dieu vous a fair, & que de tous, vous auez abusé contre le donateur; singulierement combien d'inspirations mesprisees:combien de bons mouuemés rendus inutiles: Et encor plus que tout, combien de fois auez vous receu les Sacremens, & où en sont les fruicts? que sont deuenus ces precieux ioyaux, dont vostre cher espoux vous auoit ornee? tout cela a esté couuert sous vos iniquités auec quelle preparation les aués vous receus? pensés à ceste ingratitude, que Dieu vous ayant tant couru apres, pour vous sauuer, vous auez tous-iours fuy deuant deuant luy, pour vous perdre.

Affections & resolutions.

Confondés vous en vostre misere. O mõ Dieu, comme ose-ie comparoistre deuant vos yeux?helas ie ne suis qu'vn aposteme du monde, & vn egoust d'ingratitude & d'iniquité. Est il possible que i'aye esté si desloyale, que ie n'aye laissé pas vn seul de mes sens, pas vne des puissances de mon ame, que ie n'aye gasté, violé & souillé? & que pas vn iour de ma vie ne soit escoulé auquel ie n'aye produit de si mauuais effects? Est ce ainsi que ie deuois contrechanger les benefices de mon createur, & le sang de mon Redempteur.

2. Demandés pardon, & vous iettés au pied de Seigneur, comme vn enfant prodigue, comme vne Magdaleine, comme vne femme qui auroit souillé le list de son mariage de toutes sortes d'adulteres.

O Seigneur, misericorde sur ceste pecheresse; helas! à source viue de compassion, ayés pitié de ceste miserable.

3. Proposés de viure mieux. O Seigneur, non, iamais plus moyennant vostre grace, non, iamais plus ie ne m'abandonneray au peché.

Helas, ie ne l'ay que trop aimé, ie le déteste, & vous embrasse ô Pere de misericorde, ie veux viure &

mourir en vous.

4. Pour effacer les pechés pafsés. Ie m'en accuseray courageusement, & n'en laisseray pas vn, que

ie ne pousse dehors.

s. le feray tout ce que ie pourray pour en desraciner ent ieremet les plantes de mon cœur particulierement de tels & de tels, qui me sont plus ennuyeux.

6. Et pour ce faire i'embrasseray constamment les moyens, qui me seront conseillés; ne me semblant

d'auoir

Conclusion.

r. Remerciés Dieu, qui vous a attendu iusques à cette heure, & vous a donné ces bonnes affectios.

2. Faites luy offrande de vostre cœur pour les effectuer.

3. Priés qu'il vous fortifie,&c.

BEEFERERBERBERBERBER

MEDITATION V. de la Mort.

Снар. 13.

Preparation.

1. Mettés vous en la presence de Dieu,

2. Demandés luy sa grace.

Imaginés vous d'estre malade en extremité dans le list de la mort, sans esperance aucune d'en eschapper.

Considerations.

ONSIDEREZ l'incertitude du iour de vostre mort, ô mõ ame, vous sortirés vn iour de ce corps. Quad sera-ce? sera-ce en hyuer ou en esté, en la ville ou au village? de iour ou de nuict? sera-ce à l'impourueu ou auec aduertissemét? sera-ce de maladie ou d'accident? aurés vous le loisir de vous confesser ou non? serés vous assissé de vostre cofesseur & pere spirituel, ou non? helas de tout cela nous n'en sçauons rien du tout: seulemet cela est asseuré que nous mourrons, & tousiours plustost que nous ne pensons.

de finira, pource qui vous regarde, il ny en aura plus pour vous: Il renuersera s'en dessus dessous deuant vos yeux: oüy, car alors les plaisirs, les vanités, les ioyes mondaines, les affections vaines, nous apparoistront comme des fantosmes & nuages; Ah chetiue! pour quelles bagatelles & chimeres ay-ie offencé mo Dieu? Vous verrés que nous

A LA VIE DEVOTE. 57 auons quitté Dieu pour neant. Au contraire la deuotion, les bonnes œuures vous sembleront alors si desirables & douces: ô pourquoy n'ay-ie suyui ce beau & gracieux chemin; alors les pechés qui sembloyent bien petis, paroistront gros comme des montagnes, & vostre

deuotion bien petite.

3. Considerés les grands & langoureux adieu, que vostre ame dira à ce bas monde: elle dira adieu aux richesses, aux vanitez, & vaines copagnies, aux plaisirs, aux passetéps, aux amis, & voisins, aux parens, aux enfans, au mary, à la femme, bref à toute creature. Et en fin finale à son corps, qu'elle delaissera passe, haué, defait, hideux & puant.

4 Considerés les empressemens qu'on aura, pour leuer ce corps là, & le cacher en terre, & que cela faict, le monde ne pésera plus gueres en vous, ni n'en fera plus me-

moire, non plus que vous n'aués gueres pensé aux autres. Dieu luy face paix, dira-on, & puis c'est tout: ô mort que tu es considerable! que tu es impetueuse!

corps, l'ame prend son chemin ou à droitte ou à gauche. Helas où ira la vostre? quelle voye tiendra-elle? non autre, que celle, qu'elle aura commencee en ce monde.

Affections & resolutions.

r. Priés Dieu & vous iettés entre fes bras. Las! Seigneur, receuez moy en vostre protection pour ce iour effroyable. Rendés-moy ceste heure heureuse & fauorable, & que plustost toutes les autres de ma vie me soyent tristes & d'affliction.

2. Mesprisés le monde. Puis que ie ne sçay l'heure en laquelle il te faut quitter, ô mode, ie ne me veux point attacher à toy: ô mes chers amis, mes cheres alliances, promettés moy que ie ne vous affectionne plus que par vne amitié saincte, laquelle puisse durer eternellemet: car pourquoy m'vnir à vous, en sorte qu'il faille quitter & rompre la liaison?

3. Ie me veux preparer à ceste heure, & prédre le soin requis pour faire ce passage heureusement: ie veux asseurer l'estat de ma coscience de tout mon pouuoir, & veux mettre ordre à tels & tels manquemens.

Conclusion.

Remerciez Dieu de ces resolutions qu'il vous a données: offrez les à sa Majesté: suppliez la derechef, qu'elle vous réde vostre mort heureuse, par le merite de celle de son fils. Implorez l'ayde de la Vierge, des Saincts, Pater, Aue Maria.

Faictes un bouquet de myrrhe.

60 INTRODUCTION

MEDITATION VI.

SASABABABABABABABABABABA

Du Iugement.

CHAP. 14.

Preparation.

1. Mettés vous deuant Dieu.

2. Suppliés le qu'il vous inspire.

Considerations.

que Dieu a marqué pour la duree de ce monde, & apres vne quantité de fignes & presages horribles, pour lesquels les hommes seicheront d'effroy & de crainte: le seu venant comme vn deluge, brussera & reduira en cendre toute la face de la terre, sans qu'aucune des choses que nous voyons sur icelle, en soit exempte.

2. Apres ce deluge de slammes, & de foudres, tous les hommes resusciterot de la terre (excepté ceux qui sont des-ja resuscitez) & à la voix de l'Archange comparoistrot en la vallee de Iosaphat. Mais helas! auec quelle difference, car les vns y seront en corps glorieux & resplédissans, & les autres en corps hideux & horribles.

3. Considerez la Majesté, auec laquelle le souuerain Iuge comparoistra enuironné de tous les Anges & Saincts, ayant deuant soy sa Croix plus reluisante que le Soleil, enseigne de grace pour les bons, & de rigueur pour les mauuais.

4. Ce souverain Iuge par son commandemét redoutable, & qui sera soudain executé, separera les bons des mauvais, mettant les vns à sa droitte, les autres à sa gauche; separatio eternelle, & apres laquelle iamais plus ces deux bandes ne se treuveront ensemble.

5. La separation faicte, & les liures des consciéces ouuers, on verra clai

62 INTRODUCTION

ra clairement la malice des mauuais, & le mespris dont ils ont vsé contre Dieu: & d'ailleurs la penitence des bons, & les effects de la grace de Dieu, qu'ils ont receus: & rien ne sera caché. O Dieu quelle confusion pour les vns, quelle consolation des autres.

6. Considerés la derniere sentence des mauuaises ames, maudites au seu eternel, qui est preparé au diable & à ses compaignons. Pesés ces parolles si pesantes, Allés, dit-il, c'est vn mot d'abandonnemet perpetuel, que Dieu fait de tels malheureux, les banissant pour iamais de sa face; il les appelle maudits : ô mon ame quelle malediction; malediction generale, qui comprend tous les maux:malediction irreuocable, qui compréd tous les temps, & l'eternité. Il adiouste au feu eternel; regarde ô mon cœur ceste grande eternité: ô eternelle eternité

nité de peines, que tu es effroiable.

7. Considerés la sentence contraire des bons: Venés, dit le Iuge, (ah! c'est le mot agreable de salut) par lequel Dieu nous tire à soy; & nous reçoit das le giron de sa bonté. Benis de mon pere; ô chere benediction; qui comprend toute benediction. Possedés le royaume, qui vous est preparé dés la constitution du monde: ô Dieu quelle grace! car ce royaume n'aura iamais sin.

Affections & resolutions.

1. Tremble, ô mon ame, à ce souuenir: ô Dieu qui me peut asseurer pour ceste iournee, en laquelle les colomnes du ciel trembleront de frayeur?

2. Detestés vos pechés, qui seuls vous peuvent perdre en ceste iour-

nee espouuantable.

Ah! ie me veux iuger moymesme maintenant, afin que ie ne sois pas iugé: ie veux examiner ma conscience, & me condamner, m'accuser, & me corriger, asin que le luge ne me codamne en ce iour redoutable: ie me confesseray donc, i'accepteray les aduis necessaires, &c.

Conclusion.

Remerciés Dieu, qui vous a doné moyen de vous asseurer pour ce iour là, & le temps de faire penitence.

Offrés luy vostre cœur pour la faire.

Priés le qu'il vous face la grace de vous en bien acquiter, Pater noster, Aue.

Faictes un bouquet.

MEDITATION VII.

De L'enfer.

CHAP. 15.

Preparation.

1. Met

A LA VIE DEVOTÉ. 65

1. Mettés vous en la presence diuine.

2. Humiliés vous & demandés son assistance.

Imaginés vous vne ville tenebreuse, toute brussante de soufre & de poix puante, pleine de citoyens, qui n'en peuuent sortir.

Considerations.

Es damnés sont de-

dans l'abysme infernal, comme dedans ceste ville infortunee, en laquelle ils souffrent des tourmens indicibles, en tous leurs sens & en tous leurs membres:parce que come ils ont employé tous leurs sens & leurs membres pour pecher, ainsi souffriront-ils en tous leurs membres, & en tous leurs sens, les peines deuës au peché; les yeux, pour leurs faux & mauuais regards, souffriront l'horrible vision des diables, & de l'Enfer, les aureilles, pour auoir pris plaisir aux discours vicieux, nouiront iamais que INTRODVCTION que pleurs, lamentations, & desespoirs; & ainsi des autres.

2. Outre tous ces tourmens, il y en a encor vn plus grand, qui est la priuation & perte de la gloire de Dieu, lequel ils sont forclos de iamais voir.

Que si Absalon treuua que la priuation de la face amiable de son pere Dauid estoit plus ennuyeuse que son exil; ô Dieu, quel regret, d'estre à iamais priué de voir vo-

stre doux & suaue visage?

3. Considerés sur tout l'eternité de ces peines, laquelle seule rend l'enser insupportable: helas! si vne puce en nostre oreille, si la chaleur d'vne petite sieure nous rend vne courte nuict, si longue & ennuyeuse, combien sera espouuantable la nuict de l'eternité auec tant de tourmens? de ceste eternité naissent le desespoir eternel, les blasphemes, & rages infinies.

Affections

Affections & resolutions.

Espouuantés vostre ame par les parolles de Iob: ô mon ame pour-rois-tu bien viure eternellement auec ces ardeurs perdurables, &z emmy ce seu deuorant? veux tu bien quitter ton Dieu pour iamais?

Confessés, que vous l'aués merité; mais combien de fois? O desormais ie veux prendre party au chemin contraire; pourquoy des-

cendray-ie en cest abysme?

Ie feray donques tel, & tel effort, pour euiter le peché, qui seul me peut donner ceste mort immortelle.

Remerciés, Offrés, Priés.

MEDITATION VIII.

Du Paradis. CHAP. 16.

Preparation.

1. Mettés vous en la presence de Dieu.

2. Faites l'inuocation.

68 INTRODUCTION Considerations.

Onsiderez vne belle nuict bien sereine, & pensés cobien il fait bon voir

le ciel auec ceste multitude & varieté d'estoilles: or ioignés maintenant ceste beauté auec celle d'vn beau iour, en sorte que la clarté du soleil n'empesche point la claire veüe des estoilles, ny de la lune, & puis apres dites hardiment que toute ceste beauté mise ensemble n'est rien, au prix de l'excellence du grand paradis: ô que ce lieu est desirable & amiable: que cette cité est precieuse!

2. Considerez la noblesse, la beauté, & la multitude des citoyés & habitans de cet heureux païs; ces millions de millions d'Anges, de Cherubins, & Seraphins, cette trouppe d'Apostres, de martyrs, de confesseurs; de vierges, de sainstes

dames

A LA VIE DEVOTE. 69 dames; la multitude est innumerable. O que cette compagnie est heureuse; le moindre de tous est plus beau à voir que tout ce monde; que sera ce de les voir to? mais mon Dieu, qu'ils sont heureux, tousiours ils chantent le doux cantique de l'amour eternel, tousiours ils jouissent d'vne constante allegresse: ils s'entredonnent les vns aux autres des contentemens indicibles, & viuent en la consolation d'vne heureuse & indissoluble societé.

3. Considerés en sin quel bien ils ont tous de jouir de Dieu, qui les gratisse pour jamais de so amiable regard, & par iceluy respand dedans leurs cœurs vn abysme de delices. Quel bien d'estre à jamais vny à son principe? Ils sont là comme des heureux oyseaux qui volent & chantent à jamais dedans l'air de la diuinité, qui les enuironne de

70 INTRODUCTION ne de toutes parts de plaisirs incroyables: là chacun à qui mieux mieux, & sans ennuye chante les louanges du Createur, Beny soyés vous à iamais, ô nostre doux & souuerain Createur, & Sauueur, qui nous estes si bon, & nous communiquez si liberalement vostre gloire: & reciproquement Dieu benit d'vne benedictió perpetuelle tous ses Saincts: Benites soyés vous à iamais, dic-il, mes cheres creatures, qui m'auez seruy, & qui me louerés eternellement auec si grand amour & courage.

Affections & resolutions.

r. Admirés & loués cette patrie celeste: ô que vous estes belle ma chere Hierusalem, & que bienheureux sont vos habitans.

2. Reprochés à vostre cœur le peu de courage qu'il a eu iusques à present, de s'estre tant destourné du chemin de cette glorieuse de-

A LA VIE DEVOTE. 71 meure: pourquoy me suis-ie tant esloignee de monsouuerain bonheur? ah miserable! pour ces plaisirs si deplaisans & legers, i'ay mille & mille fois quitté ces eternelles & infinies delices. Quel esprit auois-ie, de mespriser des biens si desirables, pour des desirs si vains, & mesprisables?

3. Aspirez neantmoins auec vehemence à ce sejour tat delicieux: ô puis qu'il vous a pleu mon bon & souuerain Seigneur, redresser mes pas en vos voyes, non, iamais plus ie ne retourneray en derriere. Allons, ô ma chere ame, allons en ce repos infiny, cheminons à cette benite terre, qui nous est promise: que faisons nous en cet Egypte?

Ie m'empescheray donques de telles choses qui me destournent

ou retardent de ce chemin.

Ie feray donques telles & telles choses qui m'y peuuent conduire. Remerciés, Offrés, Priés.

BIGBIGBIGBIGBIGBIGBIGBIGBIG

MEDITATION IX.

Par maniere d'election & choix du Paradis.

CHAP. 17.

Preparation.

1. Mettés vous en la presence de Dieu.

2. Humiliés vous deuant luy, priant qu'il vous inspire.

Considerations.

MAGINEZ vous d'estre en vne raze campagne toute seule auec vostre bon Ange, comme

estoit le ieune Tobie allant en Ragez, & qu'il vous fait voir en haut le Paradis ouuert, auec les plaisirs representez en la meditation du Paradis, que vous auez faiche: puis du costé d'embas, il vous fait voir l'enfer ouuert, auec tous les tourments d'escrit en la meditation de l'enfer: vous estant colloquee ainsi

A LA VIE DEVOTE. par imagination, & mise à genoux

deuant vostre bon Ange.

1. Considerez qu'il est tres vray que vous estes au milieu du Paradis, & de l'enfer, & que l'vn & l'autre est ouuert pour vous receuoir, selon le choix que vous en serez.

2. Considerez que le choix, que l'on fait de l'vn ou de l'autre en ce monde, durera eternellement en

l'autre.

3. Et encor que l'vn & l'autre soit ouuert pour vous receuoir, selon que vous le choisirez, si est ce que Dieu, qui est appareillé de vo? donner, ou l'vn par sa iustice, ou l'autre par sa misericorde; desire neantmoins d'vn desir nompareil, que vous choisissez le Paradis, & vostre bon Ange vous en presse de tout son pouuoir; vous offrant de la part de Dieu mille graces, & mille secours, pour vous ayder à la montée.

74 INTRODUCTION

Iesus Christ du haut du ciel vous regarde en sa debonnaireté, & vous inuite doucement, vien ô ma chere ame, au repos eternel, entre les bras de ma bonté, qui t'a preparé les delices immortelles en l'abondance de son amour. Voyez de vos yeux interieurs la saincte Vierge, qui vous conuie maternellement, Courage ma fille, ne vueille pas mespriser les desirs de mon Fils, ny tant de souspirs que ie iette pour toy, respirant auec luy ton salut eternel. Voyez les Sain&s qui vous exhortent, & vn million de sainctes ames, qui vous conuient doucement, ne desirans que de voir vn iour vostre cœur ioint au leur, pour louer Dieu à iamais: & vous asseurent que le chemin du ciel, n'est point si malaisé que le monde le fait hardiment vous disent-elles, tres-chere ame. Qui cosiderera bien le chemin de la deuotion, A LA VIE DE VOTE. 75 tió, par lequel nous sommes montez, il verra que nous sommes venus en ces delices, par des delices incomparablement plus soüesues, que celles du monde.

Election.

1. O Enfer, ie te deteste maintenant, & eternellement, ie deteste tes tourmens, & tes peines: ie deteste to infortunee, & malheureuse eternité, & sur tout ces eternelles blasphemes, & maledictions que tu vomis eternellement contre mõ Dieu: Et retournant mon cœur,& mon ame de ton costé: ô beau Paradis, gloire eternelle, felicité perdurable, ie choisis à iamais, & irreuocablement mon domicile, & mon sejour dedans tes belles & sacrées maisons, & en tes sain&s & desirables tabernacles. le benis, ô mon Dieu, vostre misericorde, & accepte l'offre qu'il vous plait de m'en faire. O Iesus, mon Sauucur,

i'accepte vostre amour eternel, & aduoüe l'acquisitio, que vous auez faicte pour moy, d'vne place & logis, en cette bien-heureuse Hierusalem, non tant pour aucune autre chose, comme pour vous aymer, & benir à iamais.

Vierge, & les Saincts vous presentent: promettez leur que vous vous acheminerez à eux: tendez la main à vostre bon Ange, à fin qu'il vous y conduise: encouragez vostre ame à ce choix.

MEDITATION X.

Par maniere d'election & choix que l'ame faict de la vie deuote. Chap. 18.

Preparation.

1. Mettez vous en la presence de Dieu.

2. Abbaissez vous deuant sa face, & requerez son ayde.

Confi

A LA VIE DEVOTE.

Considerations.

MAGINEZ vous d'estre derechef en vue raze campagne auec vostre bon Au-

ge toute seule, & à costé gauche, vous voyez le diable assis sur vn grand throsne haut esseué, auec plusieurs des esprits infernaux aupres de luy, & tout autour de luy vue grande trouppe de mondains, qui tous à teste nuë le recognoissent, & luy font hommage, les vrs par vn peché, les autres, par vn autre. Voyez la contenance de tous les infortunez courtisans de cet abominable Roy: regardez les vns furieux de haine, d'enuie, & de cholere: les autres qui s'entretuent, les autres hauez, pensifs, & empressez à faire des richesses; les autres attentifs à la vanité, sans aucune sorte de plaisir, qui ne soit inutile & vain, les autres vilains, perdus,

 D_3

INTRODUCTION pourris en leurs brutales affectios. Voyez comme ils sont tous sans repos, sans ordre, & sans contenance. Voyez comme ils se mesprisent les vns les antres; & comme ils ne s'ayment que par des faux semblans. En fin vous verrez vne calamiteuse republique, tirannizée de ce Roy maudit, qui vous fera compassion. 2. Du costé droit, voyez Iesus Christ crucifié, qui auec vn amour cordial, prie pour ces pauures endiablez, à fin qu'ils sortent de cette syrannie; & qui les appelle à foy. Voyez vne grande troupe de denots qui sont autour de luy auec leurs Anges; contemplez la beauté de ce Royaume de deuotion. Qu'il fait beau voir cette troupe de vierges, hommes & femmes, plus blanche que le lys; cette assemblee de vefues pleine d'vne sacree mortification, & humilité; voyez le rang de plusieurs personnes mariees, qui viuent viuent si doucemet ensemble, auec vn esprit mutuel, qui ne peut estre sans vne grande charité; voyez come ces deuotes ames manient le soing de leur maison exterieure, auec le soin de l'interieure, l'amour du mary auec celuy de l'espoux celeste. Regardez generalement par tout: vous les verrez tous en vne contenance saincte, douce, amiable qu'ils escoutent nostre Seignir, & tous le voudroyent planter au milieu de leur cœur.

Ils se resiouissent, mais d'une ioye gracieuse, charitable, & bien reglee: ils s'entreayment, mais d'un amour sacré & tres-pur. Ceux qui ont des afflictions en ce peuple de-uot, ne se tourmentent pas beaucoup, & n'en perdent point contenance, bref voyez les yeux du Sauueur qui les console, & que tous ensemblement aspirent à luy.

3. Vous auez mes-huy quitté

Satan, auec sa triste & mal-heureuse troupe, par les bonnes affectios, que vous auez conceuës; & neantmoins vous n'estes pas encore arriué au Roy Iesus, ny iointe à son heureuse & saincte compagnie de deuots; ains vous auez esté tousiours entre l'vn & l'autre.

4. La Vierge saincte auec sainct Ioseph, sainct Louys, saincte Monique, & cent mille autres, qui sont en l'escadron de ceux qui ont vescuemmy le monde, vous inuitent & encouragent.

5. Le Roy crucifié vous appelle par vostre nom propre: venez, ô ma bien aymee; venez, a fin que ie vous

coronne.

Election.

1. O monde, ô troupe abominable, non, iamais vous ne me verrez fous vostre drapeau. I'ay quitté pour iamais vos forceneries, & vanitez. O roy d'orgueil, ô roy de malheur, A LA VIE DEVOTE. 81 malheur, esprit infernal, ie te renonce auec toutes tes vaines pompes; ie te deteste auec toutes tes
œuures.

2. Et me conuertissant à vous, mon doux Iesus, Roy de bon-heur & de gloire eternelle, ie vous embrasse de toutes les forces de mon ame; ie vous adore de tout mon cœur; ie vous choisis maintenant & pour iamais pour mon Roy, & pour mon vnique Prince; ie vous offre mon inuiolable fidelité; ie vous fais vn hommage irreuocable; ie me sousmets à l'obeissance de vos sainctes loix, & ordonances. 3. O Vierge saince ma chere Dame, ie vous choisis pour ma guide, ie me rends sous vostre enseigne, ie vous offre vn particulier respect, & vne reuerence speciale.

O mon sainct Ange, presentez moy à ceste sacree assemblee, & ne m'abandonnez point, iusques à ce que i'arriue auec ceste heureuse compagnie; auec laquelle ie dis,& diray à iamais, pour tesmoignage de mon choix, Viue I e s v s, viue I e s v s.

Comme il faut faire la confession generale. CHAP. 19.

OYLA donc, ma chere Philothee, les meditations requises à nostre intentios quand vous les aurez faictes, allez alors courageusement en esprit d'humilité faire vostre confession generale. Mais ie vous prie ne vous laissez point troubler par aucune sorte d'apprehension. Le scorpion qui nous a piquez, est veneneux en nous piquant, mais estant reduit en huile, c'est vn grand medicament contre la propre piqueure; le peché n'est honteux que quand nous le faisons: mais estant converty en confession, & penitence, il est honnorable & salutaire. La contrition, & con

A LA VIE DEVOTE. & confession sont si belles, & de si bonne odeur, qu'elles effacent la laideur, & dissipent la puanteur du peché. Simon le lepreux disoit que Magdeleine estoit pecheresse, mais nostre Seigneur dit que non, & ne parle plus, sinon des parfuns qu'elle respandir, & de la grandeur de sa charité. Si nous sommes bien humbles, Philothee, nostre peché nous desplaira infiniment, parce que Dieu en est offencé: mais l'accusation de nostre peché, nous sera douce & agreable, parce que Dieu en est honoré:ce nous est vne sorte d'allegement, de bien dire au medecin le mal qui nous tourmente. Quand vous serezarriuce deuant vostre pere spirituel, imaginez vous d'estre en la montagne de Caluaire, sous les pieds de Iesus Christ crucifié, duquel le sang precieux distile de toutes parts, pour vous lauer de vos iniquitez? Car bien

que ce ne soit pas le propre sang du Sauueur, c'est neantmoins le merite de ce sang respandu, qui arrouse abondamment les penitens autour des confessionaux. Ouurez donques bien vostre cœur, pour en faire sortir les pechez par la confession, car à mesure qu'ils en sortiront, le precieux merite de la passion diuine y entrera, pour le rem-

plir de benedictions.

Mais dittes bien tout simplement & naïsuement: contentez bien vostre conscience en cela par vne bonne sois. Et cela faict escoutez l'aduertissement, & les ordonnances du seruiteur de Dieu, & dites en vostre cœur: parlez Seigns, car vostre seruante vous escoute; oüy, c'est Dieu, Philothee, que vous escoutez, puis qu'il a dit à ses Vicaires, qui vous escoute, m'escoute. Prenez par apres en main la protestation suiuante, laquelle sert de

de conclusion à toute vostre contrition, & que vous deuez auoir premierement meditee & considerce; lisez-la attentiuement, & auec le plus de ressentiment qu'il vous sera possible.

Protestation authentique pour grauer en l'ame la resolution de seruir Dieu, & conclurre les actes de penitence. CHAP. 20.

E soussignee, costituee & establie en la presence de Dieu Eternel, & de toute la Cour celeste, ayant consideré l'immense misericorde de sa diuine bonté enuers moy tres-indigne & chetiue creature, qu'elle a creée de rien, conseruee, soustenue, deliuree de tant de dagers, & comblee de tât de bien-faicts. Mais sur tout ayant consideré ceste incomprehensible douceur & cleméce, auec laquelle ce tres-bon Dieu m'a si beni

benignement tolleré en mes iniquitez, si souuent, & si amiablemet inspirce, me conviant à m'amander, & si patiemment attendue à penitence & repentance iusques à ceste N. annee de mon aage, nonobstant toutes mes ingratitudes, defloyautez, & infidelitez, par lesquelles differat ma conversion, & mesprisant ses graces, ie l'ay si impudemment offencee. Apres auoir encor consideré qu'au iour de mon sacré Baptesme, ie fus si heureusemet & sainctemet vouëe & dedice à mon Dieu, pour estre sa fille, & que contre la profession, qui fut alors faicte en mon nom, i'ay tant & tant de fois si malheureusement, & detestablement profané & violé mon esprit, l'apliquant & employant contre la diuine Majesté. En fin reuenant maintenant à moymelme prosternee de cœur, & d'esprit deuant le throsne de la lustice

A LA VIE DEVOTE. stice diuine, ie me recognois, aduoue, & confesse pour legitimement atteinte, & conuaincue du crime de leze Majesté diuine, & coulpable de la mort, & passion de Iesus Christ, à raison des pechez que i'ay commis, pour lesquels il est mort, & a souffert le tourment de la croix, si que ie suis digne par consequent d'estre à iamais per-

due, & damnee.

Mais me retournant deuers le throsne de l'infinie misericorde de ce mesme Dieu eternel, après auoir detesté de tout mon cœur, & de toutes mes forces, les iniquitez de ma vie passee, ie demande & requiers humblement grace, pardo, & mercy, auec entiere absolution de mon crime, en vertu de la mort & passion de ce mesme Sauueur,& Redempteur de mon ame, sur laquelle m'appuyant, comme sur l'vnique sondemet de mon esperan-

ce. l'aduoue derechef & renouvelle la facree profession de fidelité, faicte de ma part à mon Dieu en mon Baptesme, renonçant au diable, au monde, & à la chair, detestat leurs malheureuses suggestios, vanitez & concupiscences, pour tout le temps de ma vie presente, & de toute l'eternité: & me couertissant à mon Dieu debonnaire, & pitoyable. Ie desire, propose, delibere, & me resous irreuocablement de le seruir, & aymer maintenant & eternellement, luy donnant à ces fins, dediant, & consacrant mon esprit auectoutes ses facultez, mon ame auec toutes ses puissances, mô cœur auec toutes ses affectios, mon corps auec tous ses sens:protestant de ne iamais plus abuser d'aucune partie de mon estre contre sa diuine volonté, & souueraine Majesté, à laquelle ie me sacrifie, & immole en esprit, pour luy estre à iamais loyalle,

A LA VIE DEVOTE. 89 yalle, obeissante, & sidele creature, sans que ie vueille onques m'en dedire ny repentir. Mais helas! si par suggestion de l'ennemy, ou par quelque infirmité humaine, il m'arriuoit de contreuenir en chose quelconque à ceste mienne resolution & consecration, ie proteste dés maintenant, & me propose, moyennant la grace du S. Esprit, de m'en releuer, si tost que ie m'en aperceuray, me conuertissant derechef à la misericorde diuine, sans retardation, ny dilation quelconque. Cecy est ma volonté, mon intention & ma resolution inuiolable & irreuocable, laquelle i'aduoue & confirme sans reserne, ny exception, en la mesme presence sacree de mon Dieu, & à la veile de l'Eglise triomphante, & en la face de l'Eglise militante ma mere, qui entend ceste mienne declaration: en la presence de celuy, qui girala com

INTRODUCTION 90 comme officier d'icelle m'escoute en ceste action. Plaise vous;ô mon Dieu eternel, tout puissant, & tout bon Pere, Fils, & S. Esprit, confirmer en moy ceste resolution, & accepter ce mien sacrifice cordial & interieur, en odeur de suauité. Et comme il vous a pleu me donner l'inspiration, & volonté de le faire, donnez moy aussi la force & la grace requise, pour le parfaire. O mon Dieu, vous estes mon Dieu, Dieu de mon cœur : Dieu de mon ame, Dieu de mon esprit; ainsi ie vous recognois & adore maintenant, & par toute l'eternité. Viue IESVS.

Conclusion de ceste premiere partie, & deuote façon de receuoir l'absolution.

CHAP. 21.

Este protestatió faicte, so ouloyez attentiue, & ouurez les oreilles de vostre cœur, pour ouïr en esprit

A LA VIE DEVOTE. esprit la parole de vostre absolutió, q le Sauueur mesine devostre ame, assis sur le trosne de sa misericorde, prononcera là haut au ciel deuant to° les Anges, & les Saincts; à mesme temps, qu'en son no le Prestre vous absout icy bas en terre: Si que toute cette trouppe des biens heureux,se resiouissant sur vostre bonheur, chantera le cantique spirituel d'vne allegresse nompareille, & tous donneront le baiser de paix & de societé à vostre cœur, remis en grace,& fanctifié.

O Dieu, Philothee, que voila vn cotract admirable, par lequel vous faictes vn heureux traicté auec sa dinine Majesté, puis qu'en vous donnant vous mesmes à elle, vous la gaignez, & vo' mesme aussi pour la vie eternelle. Il ne reste plus sino que prenat la plume en main, vous signez de bon cœur l'acte de vostre protestation, & que par apres vous alliez

INTRODUCTION alliez à l'autel, où Dien reciproquement signera & seellera vostre absolution, & la promesse qu'il vous fera de son Paradis; se mettant luy mesme par son Sacremet, comme vn cachet & seau sacré, sur vostre cœur renouuellé. En cette sorte, ce me semble, Philothee, vostre ame sera purgee du peché, & de toutes les affections du peché. Mais dautant que ces affections renaissent aysement en l'ame; à raison de nostre infirmité, & de nostre concupiscence, qui peut estre mortifice, mais qui ne peut mourir, pendant que nous viuons icy bas en terre; ie vous donneray des aduis, lesquels estans bien prattiquez, vous preserveront desormais du peché mortel, & de toutes les affections d'iceluy, à fin que iamais il ne puisse auoir place en vostre cœur, & d'autant que les mesmes aduis seruent encor pour vne puriA LA VIE DEVOTE. 93 fication plus parfaicte, auant que de les vous donner, ie vous veux dire quelque chose de cette plus absolue pureté, à laquelle ie desire vous conduire.

Qu'il se faut purger des affections que l'on a aux pechez veniels.

CHAP. 22.

Mesure que le jour se fait, nous voyons plus clairement dans le mirouer les tasches & souillures de nostre visage:ainsi à mesure que la lumiere interieure du S. Esprit esclaire nos consciences, nous voyons plus distinctement & plus clairement les pechez, inclinations & imperfections, qui nous peuuent empescher d'atteindre à la vraye deuotio. Et la mesme lumiere, qui nous fait voir ces tares & dechets, nous eschauffe au desir de nous en nettoyer & purger.

Vous descouurirez donc, ma

INTRODUCTION 94 chere Philothee, qu'outre les pechez mortels, & les affections des pechez mortels, dont vous auez esté purgée par les exercices marquez cy-deuant, vous auez encore en vostre ame plusieurs inclinations, & affections aux pechez veniels. le ne dis pas que voº descouurirez des pechez veniels, mais ie dis que vous descouurirez des affections, & inclinations à iceux. Or I'vn est bien different de l'autre; car nous ne pouuons iamais estre, du tout purs des pechez veniels, aumoins pour persister long temps en cette pureté, mais nous pouvos bien n'auoir aucune affection aux pechez veniels. Certes c'est autre chose de mentir vne fois ou deux, de gayeté de cœur, en chose de peu d'importance, & autre chose, de se plaire à mentir, & d'estre affectionné à cette sorte de peché.

Et ie dis maintenant, qu'il faut

purger

A LA VIE DEVOTE. 95 purger son ame de toutes les affectios, qu'elle a aux pechez veniels: C'est à dire, qu'il ne faut point nourrir volontairement la volonté de continuer & perseuerer en aucune sorte de peché veniel. Car aussi seroit-ce vne lascheté trop grande, de vouloir tout à nostre escient, garder en nostre conscience, vne chose si deplaisante à Dieu, comme est la volonté, de luy vouloir desplaire; le peché veniel, pour petit qu'il soit, desplait à Dieu, bien qu'il ne luy desplaise pas tant, que pour iceluy il nous vueille damner ou perdre. Que si le peché veniel luy desplait, la volonté & l'affe-Etion que l'on a au peché veniel, n'est autre chose, qu'vne resolutio, de vouloir desplaire à sa diuine Majesté. Est-il bien possible, qu'vne ame bien nee vueille, non seulement desplaire à son Dieu, mais affectionner de luy desplaire? Ces

Ces affections, Philothee, sont directement contraires à la deuotion, comme les affections au peché mortel, le sont à la charité: elles alaguissent les forces de l'esprit, empeschent les consolations diuines, ouurent la porte aux tentatios, & bien qu'elles ne tuent pas l'ame, elles la rendent extremement malade. Les mouches mourantes, dit le Sage, perdent & gastent la suauité de l'onguent. Il veut dire, que les mouches ne s'arrestent guere sur l'onguent, mais le mangeant en passant, ne gastent que ce qu'elles prennent, le reste demeurant en son entier; mais quad elles meuret emmy l'onguent, elles luy ostent son prix & le mettent à desdain; & de mesme les pechez veniels, arriuans en vne ame deuote, & ne s'y arrestas pas long temps, ne l'endommagent pas beaucoup, mais si ces mesmes pechez demeuret dans l'ame

l'ame par l'affection qu'elle y met, ils luy font perdre sans doute la suauité de l'onguent, c'est à dire la saincte deuotion.

Les aragnes ne tuent pas les abeilles, mais elles gastent & corropet leur miel, & embarrassent leurs rayons des toiles qu'elles y font, en sorte que les abeilles ne peuuent plus faire leur mesnage: cela s'entend quandelles y font du sejour. Ainsi le peché veniel, ne tue pas nostre ame, mais il gaste pourtant la deuotion, & embarrasse si fort de mauuaises habitudes, & inclinations les puissances de l'ame, qu'elle ne peut plus exercer la proptitude de la charité, en laquelle gist la deuotion: mais cela s'entéd quand le peché veniel seiourne en nostre conscience, par l'affection que nous y mettons. Ce n'est rien, Philothee, de dire quelque petit mensonge, de se desregler vn peu

INTRODUCTION en paroles, en actions, en regards, en habits, en iolieres, en jeux, en dances, pour ueu que tout aussi tost que ces aragnes spirituelles sont entrees en nostre conscience, nous les en rechassions & bannissions, come les mouches à miel font les aragnes corporelles. Mais si nous leur permettons d'arrester das nos cœurs, & non seulement cela, mais que nous affectionnons à les y retenir & multiplier, bien tost nous verrons nostre miel perdu, & la ruche de nostre conscience empestee, & desfaite. Mais ie redis encore vne fois; quelle apparence y a-il, qu'vne ame genereuse se plaise à desplaire à son Dieu, & s'affectionne à luy estre desagreable, & vueille vouloir, ce qu'elle sçait luy estre

Qu'il se faut purger de l'affection aux choses inutiles & dangereuses.

ennuyeux.

CHAP. 23.

A LA VIE DEVOTE. Es jeux, les bals, les festins, les pompes, les comedies, en leur substance, ne sont nullement choses mauuaises; ains indifferentes, pouuant estre bien, & mal exercees; tousiours neantmoins ces choses-là sont dagereuses, & de s'y affectionner, cela est encore plus dangereux. Ie dis donques, Philothee, qu'encor qu'il soit loisible de iouer, dancer, se parer, oüir des honnestes comedies, banqueter;si est-ce que d'auoir de l'affection à cela, c'est chose contraire à la deuotion, & extrememet nuisible & perilleuse. Ce n'est pas mal de le faire, mais ouy bien de s'y affectionner. C'est dommage de semer en la terre de nostre cœur des affections si vaines & sottes, cela occupe le lieu des bonnes impressions & empesche que le suc de nostre ame ne soit employé és bőnes inclinations.

100 INTRODUCTION

Ainsi les anciens Nazaries s'abstenoyent, non seulement de tout ce qui pouuoit enyurer, mais aussi des raisins & du verjus: non point que les raisins ny le verjus envure, mais parce qu'il y auoit danger en mangeant du verjus, d'exciter le desir de manger des raisins, & en mangeant des raisins, de prouoquer l'appetit à boire du moust, & du vin. Or ie ne dis pas que nous ne puissios vser de ces choses dangereuses; mais ie dis bien pourtant, que nous ne pouuos iamais y mettre de l'affection, sans interesser la deuotion. Les cerfs ayans pris trop de venaison s'escartent & retirent dedans leurs buissons, cognoissans que leur gresse les charge, en sorte qu'ils ne sont pas habiles à courir, si d'aduenture ils estoyét attaquez: le cœur de l'homme se chargeant de ces affectios inutiles, superflues, & dangereuses, ne peut sans doute

prompte

A LA VIE DEVOTE. promptement, aysement, & facilement courir apres son Dieu, qui est le vray poinct de la deuotion. Les petits enfans s'affectionnent & eschausfent apres les papillons, nul ne le treuue mauuais, parce qu'ils sont enfans: mais n'est-ce pas vne chose ridicule, ains plustost lamentable, de voir des hommes faicts, s'empresser & affectionner apres des bagatelles, si indignes, comme sont les choses que i'ay nommees; lesquelles, outre leur inutilité, nous mettent en peril de nous desregler & desordonner à leur poursuitte? C'est pourquoy ma chere Philothee, ie vous dis, qu'il se faut purger de ses affections; & bien que les actes ne soyent pas tousiours contraires à la devotion, les affections neantmoins luy sont tousiours dommageables.

Qu'il se faut purger des mauuaises inclinations. CHAP. 24.

102 INTRODUCTION

Ovs auons encore, Philothee, certaines inclinations naturelles, lesquelles pour n'auoir prins leur origine de nos pechez particuliers, ne sont pas proprement pechez ny mortel, ny veniel, mais s'apellent imperfe-Etions, & leurs actes, defauts & manquemens.Par exemple,saincte Paule, selon le recit de sain& Hierosme, auoit vne grande inclination aux tristesses & regrets : fi que en la mort de ses enfans, & de son mary, elle courust tousiours fortune de mourir de desplaisir: cela estait une imperfectio, & non point vn peché, puis que c'estoit contre son gré & sa volonté. Il y en a, qui de leurs naturels sont legers, les autres rebarbatifs, les autres durs à receuoir les opinions d'autruy, les autres sont inclinez à l'indignatio, les autres à la cholere, les autres à l'amour; & en somme, il se treuue

A LA VIE DEVOTE. 103 peu de personnes, esquelles on ne puisse remarquer quelques sortes de telles imperfections. Or quoy qu'elles soyent comme propres & naturelles à vn chacu, si est-ce que par le sang & affection contraire, on les peut corriger & moderer, & mesme on peut s'é deliurer & purger: Et ie vous dis, Philothee, qu'il le faut faire. On a bien treuué le moyen de changer les amandiers amers en amandiers doux, en les perçant seulemeut au pied, pour en faire sortir le suc; pourquoy est-ce que nous ne pourros pas faire sortir nos inclinations peruerses, pour deuenir meilleures? Il n'y a point de si bo naturel, qui ne puisse estre rendu mauuais par les habitudes vicieuses; il n'y a point aussi de naturelsi reuesche, qui par la grace de Dieu premierement, puis par l'industrie & diligence, ne puisse estre dompté & surmonté. le m'en

va donques maintenant donner des aduis, & proposer des exercices, par le moyen desquels, vous purgerez vostre ame des affections des pechés veniels, des affections dangereuses, & des imperfections, & si asseurés de plus en plus vostre conscience contre tout peché mortel. Dieu vous face la grace de les bien prattiquer.

SECONDE PARTIE, de l'Introduction, contenant diuers aduis, pour l'esseuation de l'ame à Dieu en l'oraison, & aux Sacremens.

De la necessité de l'Oraison. CHAP. I.

ORAISON met nostre entendemet en la clarté & lumiere diuine, & ex-

pose nostre volonté à la chaleur de l'amour celeste: il n'y a rié qui purge tant nostre entendement de ses igno

A LA VIE DEVOTE. 105 ignorances, & nostre voloté de ses affections deprauées. C'est l'eau de benediction, qui par son arrousement fait reuerdir & fleurir les plantes de nos bons desirs, laue nos ames de leurs imperfectios, & desalteré nos cœurs de leurs passions. 2. Mais sur tout ie vous conseille la mentale, & cordiale, & particulieremet celle, qui se fait autour de la vie & passion de nostre Seigneur; en le regardant souuent par la meditation, toute vostre ame se remplira de luy: vous apprendrez ses contenances, & formerez vos actions au modelle des siennes. Il est la lumiere du mode: c'est doncques en luy, par luy, & pour luy, que nous devons estre esclairez & illuminez: c'est l'arbre de desir, à l'ombre duquel nous nous deuons rafraichir: c'est la viue fontaine de Iacob, pour le lauement de toutes nos souillures. En fin les enfans, à

106 INTRODUCTION force douir parler leurs meres, & de begaver auec elles, apprennent à parler leur langage: Et nous, demeurans pres du Sauueur par la meditation, observant ses parolles, ses actions, & ses affections, nous apprendrons, moyennant sa grace, à parler, faire, & vouloir come luy. Il faut s'arrester là, Philothee, & croyez moy, nous ne sçaurions aller à Dieu le Pere, que par cette porte, & tout ainsi que la glace d'vn miroüer ne sçauroit arrester nostre veue, si elle n'estoit enduite d'estain, ou de plomb par derriere, ainsi la diuinité ne pourroit estre bien contemplee par nous en ce, bas monde, si elle ne se fut iointe à la sacree humanité du Sauueur, duquel la vie & la mort, sont l'object le plus proportionné, soüefue, delicieux & proffitable, que nous puissions choisir pour nostre meditation ordinaire. Le Sauueur ne s'appelle s'appelle pas pour neant, le pain descendu du ciel; car comme le pain doit estre mangé auec toutes sortes de viandes, aussi le Sauueur doit estre medité, consideré, & recerché en toutes nos oraisons & actions.

Sa vie & mort a esté disposee & distribuee, en diuers poinces, pour seruir à la meditation, par plusieurs autheurs: ceux que ie vous conseil-le sont S. Bonauenture, Bellintani,

Brune, Capilia.

heure, deuant disné, s'il se peut, au commencement de vostre matinée, parce que vous aurez vostre esprit moins embarrassé, & plus frais apres le repos de la nuich. N'y mettés pas aussi dauantage d'une heure, si vostre pere spirituel ne le vous dit expressement.

4. Si vous pouués faire cest exercice dans l'Eglise, & que vous y treuniés assez de tranquillité, ce vous sera vne chose fort aisée & commode: parce que nul, ny pere ny mere, ny feme, ny mary, ny autre quelconque ne pourra vous bonement empescher, de demeurer dans l'Eglise, là où estant en quelque subiection, vous ne pourriés peut estre pas vous promettre d'auoir vne heure si franche dedans vostre maison.

5. Comencés toutes sortes d'oraisons, soit métale, soit vocale par la presence de Dieu, & tenés ceste reigle sans exception, & vous verrez dans peu de temps, combien

elle vous sera profitable.

6. Si vous me croyez, vous dires vostie Pater, vostre Aue Maria, & le Credo en Latin: mais vous apprendrez aussi à bien entédre les parolles qui y sont, en vostre langage, afin que le disant au langage commun de l'Eglise, vous puissiez neat-

moins

moins sauourer le sens admirable & delicieux, de ces sainctes oraisos lesquelles il faut dire, sichant profondement vostre presence, & excitant vos affections sur le sens d'icelle, & ne vous hastant nullement pour en dire beaucoup, mais vous estudiat de dire, ce que vous dirés, cordialement: car vn seul Pater dit auec sentiment, vaut mieux, que plusieurs recitez vistement, & couramment.

7. Le chapellet est vne tres-vtile maniere de prier, pourueu que vous le sçachiés dire, comme il couient: & pour ce faire, ayés quelqu'vn des petits liurets, qui enseignent la façon de le reciter. Il est bon aussi de dire les Letanies de nostre Seigneur, de nostre Dame, & des Saincts, & en toutes les autres prieres vocales qui sont dedás les manuels & heures approuuees: à la charge neatmoins, que si vous

auez le don de l'oraison mentale, vous luy gardiés tousiours la principale place. En sorte que si apres icelle, ou pour la multitude des affaires; ou pour quelque autre raiso, vous ne pouuiés point faire de priere vocale, vous ne vous en mettiés point en peine pour cela, vous contentant de dire simplement, auant ou apres la meditation, l'oraison dominicale, & la falutation angelique, & le Symbole des Apostres.

8. Si faisat l'oraison vocale, vous sentés, vostre cœur tiré & conuié à l'oraison interieure, ou mentale, ne resusés point d'y aller; mais laissés tout doucement couler vostre esprit de ce costé là; & ne vous souciés point de n'auoir pas acheué les oraisons vocales, que vous vous estiés proposees: car la métale, que vous aurés faite en leur place, est plus agreable à Dieu, & plus vtile à vostre

A LA VIE DEVOTE. III vostre ame: l'excepte l'office Ecclesiastique si vous estes obligee de le dire, car en ce cas là, il faut rendre le deuoir.

9. S'il aduenoit que toute vostre matinee se passast sans cest exercice sacré de l'oraison mentale, ou pour la multiplicité des affaires, ou pour quelque autre cause, (ce que vous deués procurer n'aduenir point, tant qu'il vous sera possible) taschés de reparer ce defaut l'apres disné, en quelque heure la plus esloignee du repas, parce que se faisant sur iceluy, & auant que la digestion soit fort acheminee, il vous arriveroyent beaucoup d'assoupissemens, & vostre santé en seroit interessee.

Que si toute la journee vous ne pouujez la faire, il faut reparer ceste perte, multipliant les oraisons jaculatoires, & par la lecture de quelque liure de deuotion, auec quel 112 INTRODUCTION

quelque penitence, qui empesche la suitte de ce defaut, & auec cela faire vne forte resolutio, de se mettre en train tout le jour suyuant.

Briefue methode pour la meditation, & premieremet de la presence de Dieu, premier poinct de la preparation.

CHAP. 2.

A 1s vous ne sçauez peut estre pas, Philothee, come il faut faire l'oraison mentale: car c'est vne chose, laquelle par malheur, peu de gens sçauent en nostre aage, c'est pourquoy ie vous presente vne simple & briefue methode pour cela;en attendat que par la lecture de plusieurs beaux liures, qui ont esté composez sur ce sujet, & sur tout par l'vsage, vous en puissiez estre plus amplement instruite. Ie vous marque premierement la preparation, la quelle cossste en deux poincts: dot le premier est de se mettre en la

presence de Dieu, & le second d'inuoquer son assistace. Or pour vous mettre en la presence de Dieu, ie vous propose quatre principaux moyens, desquels vous vous pourrés seruir à ce commencement.

Le premier gist en vne viue & attentiue apprehension de la toute presence de Dieu; c'est à dire, que Dieu est en tout, & par tout, & qu'il n'y a lieu, ny chose en ce mode, où il ne soit, d'vne tres-veritable presence: de sorte que comme les oyseaux, où qu'ils volet, rencontrent tousiours l'air, ainsi, où que nous allions, où que nous soyons, nous trouuons Dieu present: chacun sçait ceste verité, mais chacun n'est pas attentif à l'apprehender. Les aueugles ne voyans pas vn Prince, qui leur est present, ne laissent pas de se tenir en respect, s'ils sont aduertis de sa presence; mais la verité est, que parce qu'ils ne le voyent

114 INTRODUCTION voyent pas, ils s'oublient aisément, qu'il soit present, & s'en estans oubliez, ils perdent encore plus aisément le respect & la reuerence. Helas Philothee! nous ne voyons pas Dieu, qui nous est present; & bien que la foy nous aduertisse de sa presence, si est-ce que ne le voyant pas de nos yeux, nous nous en oublions bien souuer, & lors nous nous comportons, comme si Dieu estoit bien loin de nous; car encor que nous sçachions bien, qu'il est present à toutes choses, si est-ce que n'y pensant point, c'est tout autant, comme si nous ne le sçauios pas. C'est pourquoy tousiours auat l'oraison, il faut prouoquer nostre ame à vne attétiue pensee, & consideration de ceste presence de Dieu. Ce fut l'apprehensió de Dauid, quand il s'escrioit, Si ie monte au ciel, ô mon Dieu, vous y estes; si ie descends en enfer, vous y estes, & ainsi

A LA VIE DEVOTE. 115 nous deuons vser des parolles de Iacob, lequel ayant veu l'eschelle sacree, ô que ce lieu, dit-il, est redoutable, vrayement Dieu est icy, ie n'en sçanois vien: il veut dire, qu'il n'y pensoit pas; car au reste il ne pouuoit ignorer, que Dieu ne fut en tout & par tout. Venant donques à la priere,ô Philothee, il vous faut dire de tout vostre cœur, & à vostre cœur, ô mon cœur,ô mon cœur, Dieu est vrayement icy.

Le second moyen de se mettre en ceste sacree presence, c'est de penser, que non seulement Dieu est au lieu, où vous estes, mais qu'il est tres-particulierement en vostre cœur, & au fond de vostre esprit, .. lequel il viuisie & anime de sa diuine presence, estant là, comme le cœur de vostre cœur, & l'esprit de vostre esprit, car comme l'ame est respadue par tout le corps, se trouuant presente en toutes les parties d'ice

d'iceluy, & reside neantmoins au cœur d'vne speciale residence; de mesme Dieu, estant tres-present à toutes choses, assiste toutes fois d'vne speciale façon, à nostre esprit: Et pour cela Dauid appelloit Dieu, Dieu de son cœur, & S. Paul disoit que nous viuons, nous nous mouvons, & sommes en Dieu. En la consideration donques de ceste verité, vous exciterez vne grande reuerence en vostre cœur à l'endroit de Dieu, qui luy est si infiniment present.

Le troisième moyen, c'est de considerer nostre Sauueur, lequel en son humanité regarde dés le ciel toutes les personnes du monde, mais particulieremet les Chrestiens, qui sont ses enfans, & plus specialemet ceux, qui sont en priere, desquels il remarque les actions & deportemens. Or cecy n'est pas vne simple imagination, mais vne vraye verité: car encor que nous ne

le voyos pas, si est-ce que de là haut il nous considere. S. Estienne le vist ainsi au temps de son martyre: si que nous pouuons bien dire auec l'espouse: le voyla, qu'il est derrier la paroy, voyant par les fenestres, regar-

dant par les treillis.

La quatriéme façon consiste à se seruir de la simple imagination, nous representas le Sauueur en son humanité sacree, comme s'il estoit prés de nous: ainsi que nous auons accoustumé de nous representer nos amis, & de dire, ie m'imagine de voir vn tel, qui fait cecy, & cela; il me semble que je les vois, & chose semblable. Mais si le tressainct Sacrement de l'autel estoit present, alors ceste presence seroit reelle & non puremét imaginaire: car les especes & apparences du pain seroyent comme vne tapisserie, derriere laquelle nostre Seignr estant reellemet present, nous void & con

82 considere, quoy que nous ne le voyons pas en sa propre forme. Vous vserez donques, ô Philothee, de l'vn de ces quatre moyens, pour mettre vostre ame en la presence de Dieu, auant l'oraison, & ne faut pas les vouloir employer tous ensemblement, mais seulement vnà la fois, & cela briesuement & simplement.

De l'inuocation, second point de la preparation. CHAP. 3,

'Inuo cation se fait en ceste manier e: vostre ame se sentat en la presence de Dieu, se prosterne en vne extreme reuerence, se cognoissant tres-indigne de demeurer deuant vne si souueraine Majesté: & neantmoins scachant que cette mesme bonté le veut, elle luy demande la grace de la bien seruir, & adorer en cette meditation. Que si vous le voulez, vous pourrez vser de quelques parolles

A LA VIE DEVOTE. rolles courtes, & enflammees, come sont celles-cy de Dauid; Ne me reiettez point, ô mon Dieu, de deuant vostre face, & ne m'ostez point la faueur de vostre S. Esprit: Esclairez vostre face sur vostre seruante, & ie considereray vos merueilles: donnez moy l'entendement, & ie regarderay vostre loy, & la garderay de tout mon cœur: le suis vostre seruate, donez moy l'esprit, & telles semblables à cela. Vous seruira encore d'adiouster l'inuocation de vostre bon Ange, & des sacrees personnes, qui se trouuerot au mystere, que vous meditez; come en celuy de la mort de nostre Seigneur, vous pourrez inuoquer nostre Dame, S. Iean, la Magdeleine, le bon larron, à fin que les sentimens & mouuemens interieurs qu'ils y receurent, vous soyent comuniquez: & en la meditation de vostre mort, vo° pourrez inuoquer vostre bon Ange, qui se trouuera

present, à sin qu'il vous inspire des considerations couenables, & ainsi

des autres mysteres.

De la proposition du mystere, troissessme poinct de la preparation. CHA.4.

Pres ces deux poincts ordinaires de la meditation, il y en a vn troisiesme, qui n'est pas commun à toutes sortes de meditations, c'est celuy, que les vns appellent fabrication du lieu, & les autres leçon interieure. Or ce n'est autre chose, que de proposer à son imagination le corps du mystere, que l'on veut mediter, comme s'il se passoit reellement, & de fait en nostre presence. Par exemple si vous voulez mediter nostre Seigneur en croix, vous vous imaginerez d'estre au mot de Caluaire, & que vous voyez tout ce qui se fait, & tout ce qui se dit:ou si vo9 voulez(car c'est tout vn) vous vous imaginerez, qu'au lieu mesmes, où VOUS

A LA VIE DEVOTE. vous estes, se fait le crucifiement de nostre Seigneur, en la façon que les Éuangelistes le descriuent. l'en dis de mesme, quand vous mediterez la mort, ainsi que ie l'ay marqué en la meditatio d'icelle. Comme aussi à celle de l'enfer, & en to? semblables mysteres, où il s'agist de choses visibles & sensibles : car quant aux autres mysteres, de la grandeur de Dieu, de l'excellence des vertus, de la fin, pour laquelle nous sommes creez, qui sont des choses inuisibles, il n'est pas question de vouloir se seruir de ceste sorte d'imagination. Il est vray que l'on peut bien employer quelque fimilitude & coparaison, pour ayder à la consolation: mais cela est aucunemet difficile à rencontrer, & ie ne veux traitter auec vo9 que fort simplement, & en sorte que vostre esprit ne soit pas beaucoup trauaillé, à faire des inuentions.Or

par le moyen de cette imaginatio, nous enfermons nostre esprit dans le mystere que nous voulons mediter, à fin qu'il n'aille pas courant çà, & là, ne plus ne moins que l'on enferme vn oyseau dans vne cage, ou bien come l'on attache l'esperuier à ses longes, à fin qu'il demeure dessus le poing. Quelques vns vous diront neantmoint, qu'il est mieux d'vser de la simple pensee de la foy, & d'vne simple apprehension toute mentale & spirituelle, en la representation de ces mysteres, ou bien de considerer que les choses se font en vostre propre esprit, mais cela est trop subtil pour le commencement: & iusques à ce que Dieu vous esseue plus haut. Ie vous coseille, ô Philothee, de vous retenir en la basse vallee, que ie vous monstre.

Des considerations, seconde partie de la meditation. CHAP. 5.

Apres

A LA VIE DE VOTE.

PRES l'action de l'imagination, s'ensuit l'action de l'entendement, que nous appellons meditation, qui n'est autre chose, qu'vne ou plusieurs considerations faictes, asin d'esmouuoir nos affections en Dieu, & aux choses diuines: en quoy la meditations est differente de l'estude, & des autres pensees & considerations, lesquelles ne se font pas, pour acquerir la vertu ou l'amour de Dieu, mais pour quelques autres fins & intentions, comme pour deuenir sçauant, pour en escrire, ou disputer. Ayant donques enfermé vostre esprit, comme l'ay dit, dans l'enclos du sujet, que vous voulez mediter, ou par l'imagination, si le sujet est sensible, ou par la simple proposition, s'il est insensible; vous commencerez à faire sur iceluy des considerations, dont vous verrez des exemples tous formez és me-

INTRODUCTION ditations, que ie vous ay donnees. Que si vostre esprit treuue assez de goust, de lumiere, & de fruict sur l'vne des considerations, vous vous y arresterez, sans passer plus outre; faisant comme les abeilles, qui ne quittent point la fleur, tandis qu'elles y treuuent du miel à recueillir. Mais si vous ne rencontrez pas selon vostre souhait, en l'vne des considerations, apres auoir vn peu marchandé, & essayé, vous passerez à vne autre consideration: mais allez tout bellement & simplement en ceste besoigne, sans vous y empresser.

Des affections & resolutions, troisième partie de la meditation. CHAP. 6.

A meditation respand des bos mouuemes en la voloté, ou partie affectiue de nostre ame; comme sont l'amour de Dieu, & du prochain; le desir du Paradis, & de la gloire; le zele du salut

A LA VIE DEVOTE. salut des ames; l'imitation de la vie de nostre Seigneur; la compassion, l'admiration, la resiouissance, la crainte, la disgrace de Dieu, & du iugement,& de l'enfer, la haine du peché, la confiance en la bonté &z misericorde de Dieu, la confusion pour nostre mauuaise vie passee: & en ces affections nostre esprit se doit espancher & estendre, le plus qu'il luy sera possible. Que si vous voulez estre aydee pour cela, prenez en main le premier tome des meditations de don André Capilia, & voyez sa preface: car en icelle il monstre la façon, auec laquelle il faut dilater ses affections: & plus amplement le pere Arias en son traicté de l'oraison.

Il ne faut pas pourtant, Philothee, s'arrester tant à ces affections generales, que vous ne les conuertissiez en des resolutions speciales, & particulieres, pour vostre corre-

INTRODUCTION & amandemet. Par exemple, la premiere parolle que nostre Seigneur dit sur la croix, respandra sans doute, vne bonne affection d'imitation en vostre ame, à sçauoir le desir de pardonner à vos ennemis, & de les aymer: or ie dis maintenant, que cela est peu de chose, si vous n'y adioustez vne resolution speciale en ceste sorte: or sus donques, ie ne me picqueray plus de telles parolles fascheuses, qu'vn tel,& vne telle, mon voisin, ou ma voisine, mon domestique, ou ma domestique disent de moy, ny de tel, & tel mespris, qui m'est faict par cestuy-cy,ou cestuy-là;au contraire ie diray, & feray telle, & telle chose pour le gaigner, & adoucir: & ainsi des autres affections. Par ce moyen, Philothee, vous corrigerez vos fautes en peu de temps, là où par les seules affections, vous le ferez tard, & mal aisément.

A LA VIE DEVOTE. 127 De la conclusion & bouquet spirituel. CHAP. 7.

Nfin, il faut conclurre la meditation partrois actios, qu'il faut faire auec le plus d'humilité, que l'o peut: la premiere, c'est l'action de graces, remerciant Dieu des affections, & resolutions qu'il nous a données, & de sa bonté & misericorde, que nous auons descouuertes au mystere de la meditation. La seconde, c'est l'action d'offrande, par laquelle nous offrons à Dieusa mesme bonté, & misericorde, la mort, le sag, les vertus de son fils: & coniointement nos affections & resolutions auec icelles.

La troisième action, est celle de la supplication, par laquelle nous demandons à Dieu, & le coniuros, de nous communiquer les graces & vertus de son fils, & de donner la benediction à nos affections &

resolutions, à sin que nous les puissions sidellement executer; puis nous prions de mesme pour l'Eglise, pour nos pasteurs, parens, amis & autres, employans à cela l'intercession de nostre Dame, des Anges, des Saincts: en sin i'ay marqué qu'il falloit dire le Pater noster, & Aue Maria, qui est la generalle, & necessaire priere de to les sidelles.

A tout cela i'ay adiousté, qu'il falloit cueillir vn petit bouquet de deuotion: & voicy ce que ie veux dire. Ceux qui se sont promenez, en vn beau iardin, n'en sortent pas volontiers, sans prendre en leur main quatre ou cinq fleurs, pour les odorer, & tenir le log de la iournee; ainsi nostre esprit ayat discouru sur quelque mystere par la meditation, nous deuos choisir, vn, ou deux, ou trois poincts que noº aurons trouuez plus à nostre goust,& plus propres à nostre entendemet,

pour nous en ressouvenir le reste de la iournee, & les odorer spirituellemet. Or cela se fait sur le lieu mesme, auquel nous auons fait la meditation, ou nous promenant solitairement quelques téps apres.

Quelques aduis tres-vtiles sur le sujet de la meditation. Chap. 8.

L faut sur tout, Philothee, qu'au sortir de vostre meditation, vous reteniez les resolutions &

deliberations, que vous aurez prinses, pour les prattiquer soigneusement ce iour là. C'est le grad fruict
de la meditation, sans lequel elle
est bien souvent, non seulement
inutile, mais nuisible, parce que les
vertus meditees, & no prattiquees
ensient quelquesois l'esprit & le
courage; nous estat bien aduis, que
nous sommes tels que nous auons
resolu, & deliberé d'estre, ce qui est
sans doute veritable, si les resolu-

INTRODVCTION 130 tions sont viues & solides, mais elles ne sont pas telles, ains vaines & dangereuses, si elles ne sont pratiquees; il faut donc partous moyes s'essayer de les pratiquer, & en cercher les occasions petites ou grandes. Par exemple, si i'ay resolu de gaigner par douceur l'esprit de ceux qui m'offencent, ie cercheray ce iour là de les rencontrer, pour les saluër amiablement: & si ie ne les puis rencontrer, au moins de dire bien d'eux, & prier Dieu en leur faueur.

Au sortir de cette oraison cordiale, il vous faut prendre garde, de ne point donner de secousse à vostre cœur: car vous espancheriez le baume, que vous auez receu par le moyen de l'oraison. Ie veux dire qu'il faut garder, s'il est possible, vn peu de silence, & remuer tout doucement vostre cœur de l'oraison aux assaires, retenant, le plus long remps

A LA VIE DEVOTE. temps qu'il vous sera possible, le sentiment & les affectios que vous aurez conceües. Vn homme qui auroit receu dans vn vaisseau de belle porceleine, quelque liqueur de grand prix, pour l'apporter dans sa maison, il iroit doucement, ne regardant point à costé, mais tantost deuant soy, de peur de heurter à quelque pierre, ou faire quelque mauuais pas; tatost à son vase, pour voir s'il panche point: vous en deuez faire de mesme au sortir de la meditation; ne vous distraisez pas tout à coup, mais regardez simplement deuant vous, comme seroit à dire, s'il vous faut rencontrer quelqu'vn, que vous soyez obligee d'étretenir ou ouïr; il n'y a remede, il faut s'accommoder à cela, mais en telle sorte, que vous regardiez aussi à vostre cœur, à fin que la liqueur de la saincte oraison ne s'espanche, que le moins qu'il sera possible.

F 6

132 INTRODUCTION

Il faut mesme que vous vous accoustumiez, à sçauoir passer de l'oraison à toutes sortes d'actions, que vostre vocation, & profession requiert iustement & legitimement de vous, quoy qu'elles semblent bien esloignees des affections, que nous auons receuës en l'oraison. le veux dire, vn aduocat, doit scauoir passer de l'oraison à la plaidoirie:le marchad au traffic : la femme mariee au deuoir de son mariage, & au tracas de son mesnage, auec tat de douceur & de tranquillité, que pour cela son esprit n'en soit point troublé: car puis que l'vn & l'autre est selon la volonté de Dieu, il faut faire le passage de l'vn & l'autre en esprit d'humilité & de deuotion.

Sçachez encor, qu'il vous arriuera quelquefois, qu'incontinent apres la preparation, vostre affection se treuuera toute esmeuë en Dieu: alors, Philothee, il luy faut

lascher

A LA VIE DEVOTE. lascher la bride, sans vouloir suiure la methode, que ie vous ay donnée. Car bien que pour l'ordinaire, la consideration doit preceder les affections & resolutions, si est-ce que le sainct Esprit vous donnant les affections auant la consideration, vous ne deuez pas recercher la cosideration, puis qu'elle ne se faict que pour esmouuoir l'affection. Bref tousiours quand les affections se presenteront à vous; il les faut receuoir, & leur faire place, soit qu'elles arriuent auant, ou apres toutes les considerations. Et quoy que i'aye mis les affections apres toutes les considerations, ie ne l'ay faict, que pour mieux distinguer les parties de l'oraison: car au demeurant, c'est vne regle generale, qu'il ne faut iamais retenir les affections, ains les laisser tousiours sortir, quand elles se presentent. Ce que je dis, non seulement pour les autres

134 INTRODUCTION autres affections, mais aussi pour l'action de graces l'offrande, & la priere, qui se peuuent faire parmy les considerations; & ne les faut non plus retenir, que les autres affections: bien que par apres, par la conclusion de la meditation, il faille les repeter & reprendre. Mais quant aux resolutions, il les faut faire apres les affections, & sur la fin de toute la meditation, auant la conclusion: dautat qu'ayans à nous represéter des objects particuliers, & familiers, elles nous mettroyent en danger, si nous les faissons parmy les affections, d'entrer en des distractions.

Emmy les affections & resolutions, il est bon d'vser de colloque, & parler tantost à nostre Seigneur, tantost aux Anges, & aux personnes representees au mystere, aux Saincts, à soymesme, à son cœur, aux pecheurs, & mesmes aux creaA LA VIE DEVOTE. 135 tures insensibles, comme l'on void que Dauid faict en ses Pseaumes, & les autres Saincts en seurs meditations, & oraisons.

Pour les seicheresses qui arrivent en la meditation. CHAP. 9.

'Il vous arriue, Philothee, de n'auoir point de goust ny de consolation en la meditation, ie vous coniure, de ne vous point troubler: mais quelque fois ouurés la porte aux parolles vocales: lamentez vous de vous mesme à nostre Seigneur: confessez vostre indignité, priez-le qu'il vous soit en aide, baisés son image, si vous l'auez, dittes luy ces parolles de Iacob, Si ne vous laisseray-ie point, Seigneur, que vous ne m'ayez donné vostre benediction: ou celles de la Cananee: Ouy, Seigneur, ie suis vne chienne, mais les chiens mangent des miettes de la table de leur maistre.

Autrefois prenez vn liure en main,

136 INTRODUCTION main, & le lisez auec attention, iusques à ce que vostre esprit soit resueillé & remis en vous: picquez quelquefois vostre cœur par quelque contenance & mouuement de deuotion exterieure, vous prosternant en terre, croisant les mains sur l'estomach, embrassant vn crucifix, cela s'entend, si vous estes en quelque lieu retiré. Que si apres tout cela vous n'estes point consolee, pour grande que soit vostre seicheresse, ne vous troublez point; mais cotinuez à vous tenir en vne contenance deuote deuant vostre Dieu. Combien de courtisans y ail, qui vont cent fois l'annee en la chambre du Prince, sans esperance de luy parler: mais seulement pour estre veus de luy, rendre leur deuoir. Ainsi deuons nous venir, ma chere Philothee, à la sain cte oraiso purement & simplemet, pour rendre nostre deuoir, & resmoigner noitre

A LA VIE DEVOTE. nostre fidelité. Que s'il plait à la diuine Majesté de nous parler, & s'étretenir auec nous par ses sainctes inspirations, & consolations interieures, ce nous sera, sans doute, vn grand honneur, & vn plaisir tresdelicieux; mais s'il ne luy plait pas de nous faire cette grace, nous laifsant là sans nous parler, non plus que s'il ne nous voyoit pas, & que nous ne fussions pas en sa presence; nous ne deuons pourtant pas sortir; ains au contraire, nous deuons demeurer là, deuat cette souueraine bonté, auec vn maintien deuotieux, & paisible; & lors infailliblement il aggreera nostre patiéce, & remarquera nostre assiduité & perseuerace: si qu'vne autrefois, quand nous reuiendrons deuant luy, il nous fauorisera, & s'entretiedra auec nous par ses consolations, nous faisant voir l'amœnité de la saincte oraison. Mais quand il ne le feroit

feroit pas, contentons nous, Philothee, que ce nous est honneur trop plus grand, d'estre aupres de luy, & à sa veue.

Exercice pour le matin. CHAP. 10.
Vtre cette oraison mentale, entiere, & formee, & les autres oraisons vocales, que vous deuez faire vne sois le iour, il y a cinq autres sortes d'oraisons plus courtes, & qui sont comme adiancemens & surgeons, de l'autre grande oraison: entre les quelles la premiere est celle, qui se fait le matin, comme vne preparation generale à toutes les œuures de la iournee: Or vous la ferez en cette sorte.

r. Remerciez & adorez Dieu profondement, pour la grace qu'il vous a faicte, de vous auoir conserué la nuict precedente: & si vous auiez commis en icelle quelque peché, vous luy en demanderez pardon.

A LA VIE DEVOTE. 139

2. Voyez que le iour present vo⁹ est donné, à fin qu'en iceluy vous puissiez gaigner le iour aduenir de l'eternité; & ferez vn ferme propos, de bien employer la iournee à cette intention.

3. Preuoyez quelles affaires, quels comerces, & quelles occasios vous pouuez rencontrer ceste iournee là, pour seruir Dieu, & quelles tentations vous pourrons suruenir de l'offencer; ou par cholere, ou par vanité, ou par quelqu'autre desreiglement; & par vne saincte resolution preparez vous à bie employer les moyens, qui se doiuent offrir à vous, de seruir Dieu; & aduancer vostre deuotion. Comme au contraire disposez vous à bien euiter, combattre, & vaincre, ce qui peut se presenter contre vostre salut, & la gloire de Dieu. Et ne suffit pas de faire cette resolutio; mais il faut preparer les moyens, pour la bien execu

INTRODVCTION executer. Par exemple, si ie preuoy, de deuoir traicter de quelque affaire auec vne personne passionee, & prompt à la cholere, non seulement ie me resoudray, de ne point me relascher à l'offencer, mais ie prepareray des parolles de douceur, pour le preuenir, ou l'assistace de quelque personne, qui le puisse contenir. Si ie preuoy de pouuoir visiter vn malade, ie disposeray l'heure, les consolations, & secours que i'ay à luy faire; ainsi des autres. 4. Cela fait, humiliés vous deuat Dieu, recognoissant, que de vous mesme, vous ne sçauriez rien faire, de ce que vous aurez deliberé, soit pour fuir le mal, soit pour executer le bié. Et comme si vous teniez vostre cœur en vos mains, offrez-le auec tous vos bos desseins, à la diuine Majesté, la suppliant de le predre en sa protection, & le fortifier pour bien reüssir en son service, &

A LA VIE DEVOTE. ce par telles ou semblables parolles interieures; ô Seigneur, voila ce pauure & miserable cœur, qui par vostre bonté a conçeu plusieurs bonnes affections: mais helas il est trop foible, & chetif, pour effectuer le bien qu'il desire, si vous ne luy departez vostre celeste benedictió, laquelle, à ceste intention ie vous requiers, ô pere debonnaire, par le merite de la passion de vostre fils,à l'honneur duquel ie consacre ceste iournee, & le reste de ma vie, inuoqués nostre Dame, vostre bon Ange, & les Saincts, afin qu'ils vous assistent à cest effect.

Mais toutes ces actios spirituelles se doyuent faire brieuement & viuement, deuant que l'on sorte de la châbre, s'il est possible, afin que par le moyen de cest exercice; tout ce que vous ferez le log de la iournee, soit arrousé de la benediction de Dieu: mais ie vous prie, Philothee; thee, de n'y manquer iamais.

De l'exercice du soir, & de l'examen de conscience. Chap. 11.

OMME deuant vostre disné temporel, vous ferés le disné spirituel par le moyen de la meditation:ainsi auant vostre souper, il vous faut faire vn petit souper, au moins vne collation deuote, & spirituelle. Gaignés donques quelque loisir, vn peu deuat l'heure du souper, & prosternee deuant Dieu, ramassant vostre esprit aupres de Iesus Christ crucifié (que vous vous representerez par vne simple consideration & ceillade interieure) rallumez le feu de vostre meditation du matin, en voltre cœur, par vne douzaine de viues aspirations, humiliations, & eslancemens amoureux, que vous ferez sur ce divin Sauveur de vostre ame: ou bien, en repetant les poincts, que vous aurez plus sauouA LA VIE DEVOTE. 143 rez en la meditation du matin; ou bien vous excitat par quelque autre nouueau sujet, selon que vous aymerez mieux.

Quant à l'examen de conscience, qui se doit tousiours faire, auant qu'aller coucher, chacu sçait comme il le faut pratiquer. 1. On remercie Dieu de la conseruation, qu'il a faicte de nous en la journee passee. 2. On examine, comme on s'est comporté en toutes les heures du iour: & pour faire cela plus aysément, on considere, ou, auec qui, & en quelles occupatios on a esté. 3. Si l'on treuue d'auoir faict quelque bien, on en faict action de graces à Dieu: si au contraire l'on a faict quelque mal, en pensees, en parolles, ou en œuures, on en demande pardő à sa diuine Majesté, auec resolution de s'en confesser à la premiere occasion, & de s'en amender soigneusement. 4. Apres cela

cela on recomande à la prouidence diuine, son corps, son ame, l'Eglise, les parens, les amis, on prie nostre Dame, le bon Ange, & les Sain&s de veiller sur nous, & pour nous, & auec la benediction de Dieu, on va prendre le repos, qu'il a voulu nous estre requis.

C'est exercice icy ne doit iamais estre oublié, non plus que celuy du matin: car par celuy du matin vous ouurez les fenestres de vostre ame au Soleil de iustice, & par celuy du soir, vous les fermez aux tene-

bres de l'enfer.

De la retraicte spirituelle. CHAP. 12.

Pest icy, chere Philothee, où ie vous souhaitte fort affectionnee, à suiure mon conseil, car en cest article consiste l'vn des plus asseurez moyens de vostre aduancement spirituel.

Rappellez, le plus souuent que vous pourrez, parmy la journee, vostre

A LA VIE DEVOTE. vostre esprit en la presece de Dieu, par l'vne des quatre façons, que ie vous ay marquees: & regardez ce que Dieu faict, & ce que vous faites; vous verrez ses yeux tournez de vostre costé, & perpetuellemer fichez sur vous par vn amour incoparable. O Dieu, ce direz vous, pourquoy ne vous regarde-ie tousiours, comme tousiours vous me regardez? pourquoy pésez vous en moy si souuent, mon Seigneur; & pourquoy pense ie si peu souuent en vous? où sommes nous, ô mon ame?nostre vraye place c'est Dieu, & où est ce que nous nous trouuons?

Come les oyseaux ont des nids sur les arbres, pour faire leur retraitte, quand ils en out besoin, & les cerfs ont leurs buissons, & leurs forts das lesquels ils se recelent, & mettent à couuert, prenas la fraischeur de l'obre en Esté; ainsi, Phicheur de l'obre en Esté; ainsi, Phi-

INTRODUCTION lothee, nos cœurs doiuent prédre, & choisir quelque place chasque iour, ou sur le mot de Caluaire, ou és playes de nostre Seigneur, ou en quelque autre lieu proche de luy, pour y faire leur retraitte à toutes sortes d'occasions, & là s'alleger, & recreer entre les affaires exterieures,& pour y estre comme dans vn fort, afin de se defendre des tentatios. Bien-heureuse sera l'ame, qui pourra dire en verité à nostre Seigneur, vous estes ma maison de refuge, mon rempart asseuré, mon toict contre la pluye, & mon ombre contre la chaleur.

Resouuenez-vous doques, Philothee, de faire tousiours plusieurs retraictes en la solitude de vostre cœur, pendant que corporellemet vous estes parmy les conuersations & affaires: & ceste solitude mentale ne peut nullement estre empeschee par la multitude de ceux, qui vous

A LA VIE DEVOTE. vous sont autour, car ils ne sont pas autour de vostre cœur, ains autour de vostre corps: Si que vostre cœur demeure luy tout seul en la presence de Dieu seul. C'est l'exercice que faisoit le Roy Dauid parmy tant d'occupations qu'il auoit (comme il tesmoigne par mille traicts de ses Pseaumes) comme quad il dit, o seigneur, & moy ie suis tousiours auec vous, ie voyois mon Dieu tousiours deuant moy, l'ay esseué mes yeux à vous, ô mon Dieu qui habitez au ciel, mes yeux sont tousiours à Dieu.

Et aussi les couersations ne sont pas ordinairemet si serieuses, qu'on ne puisse de temps en temps en retirer le cœur, pour le remettre en

cette diuine solitude.

Les pere & mere de S. Catherine de Sienne, luy ayant osté toute comodité du lieu & de loisir, pour prier, & mediter, nostre Seigneur l'inspira de faire vn petit oratoire

interieur en son esprit, dedans lequel se retirant mentalement, elle peut parmy les affaires exterieurs, vaquer à ceste saincte solitude cordiale. Et depuis, quand le monde l'attaquoit, elle n'en receuoit nulle incommodité: parce, disoit elle, qu'elle s'enfermoit dans son cabinet interieur, où elle se consoloit auec son celeste espoux. Aussi déslors elle coseilloit à ses enfans spirituels, de se faire vne chambre das le cœur, & d'y demeurer.

Retirez donques quelque fois vostre esprit dedans vostre cœur, où separee de tous les homes, vous puissiez traitter cœur à cœur, de vostre ame auec son Dieu, pour dire auec Dauid; l'ay veillé, es ay esté semblable au pelican de la solitude; l'ay esté fait come le chat-huan, ou le hibou, dans les mazures, es comme le passereau solitaire au toiet. Lesquelles parolles, outre leur sens literal (qui resmoigne

A LA VIE DEVOTE. 149 gne, q ce grand Roy prenoit quelques heures, pour se tenir solitaire en la cotemplation des choses spirituelles) nous monstrent en leur sens mystique trois excellentes retraftes, & come trois hermitages dans lesquels nous pouuos exercer nostre solitude, à l'imitation de nostre Sauueur, lequel sur le mont Caluaire fut comme le pelican de la solitude, qui de son sang rauine ses poussins morts. En fanatiuité dans vne establerie deserre il fur comme le hibou dedas la mazure, plaignant 82 pleurant nos fautes & pechez: &z au iour de son Ascésion, il fut come le passereau, se retirant & volant au ciel, qui est comme le toict du mode: & en tous ces trois lieux nous pouuons faire nos retraittes emmy le tracas des affaires. Le bié-heureux Elzear Comte d'Arian en Prouece, ayat esté longuement absent de sa deuote &

chaste Delsine, elle luy enuoya vn homme expres, pour sçauoir de sa santé; & il luy sit response, ie me porte fort bien, ma chere semme; que si vous me voulez voir, cerchez moy en la playe du costé de nostre doux Iesus; car c'est là où i'habite, & où vous me treuuerez, ailleurs vous me cercherez pour neant. C'estoit vn cheualier Chrestien, celuy là.

Des aspirations, oraisons iaculatoires &

Nse retire en Dieu, parce qu'on aspire à luy, & on y aspire, pour s'y retirer; si que l'aspiration en Dieu & la retraitte spirituelle, s'entretiennent l'vn l'autre, & toutes deux pro-uiennent & naissent des bonnes pensees.

Dieu, Philothee, par des courts, mais ardens essancement de vostre

A LA VIE DEVOTE. cœur; admirez sa beauté, inuoquez son ayde, iettez vous en esprit, au pied de la croix, adorez sa bonté, interrogez le souuent de vostre salut; donnez luy mille fois le iour vostre ame, fichez vos yeux interieurs sur sa douceur, tendez luy la main, comme vn petit enfant à son pere, à fin qu'il vous conduise. Mettez le sur vostre poictrine, come vn bouquet delicieux;plantezle en vostre ame, comme vn estendard, & faictes mille sortes de diuers mouuemens de vostre cœur, pour vous donner de l'amour de Dieu, & vous exciter à vne passionnee & tendre dilection de ce diuin espoux.

On fait ainsi les oraisons iaculatoires, que le grand S. Augustin conseille si soigneusement à la deuote Dame Proba; ô Philothee, nostre esprit s'addonnant à la hantise, prinauté, & familiarité de son

INTRODUCTION Dieu,se parfumera tout de ses perfections: & si cet exercice n'est point malaisé, car il se peut entrelacer en toutes nos affaires & occupations, sans aucunement les incommoder, d'autant que, soit en la retraitte spirituelle, soit en ces essacemens interieurs, on ne fait que des petits & courts diuertissemes, qui n'empeschent nullement, ains seruent de beaucoup à la poursuitre de ce que nous faisons. Le pelerin, qui prend vn peu de vin pour resiouir son cœur & rafraichir sa bouche, bien qu'il s'arreste vn peu pour cela, ne rompt pourtant pas son voyage, ains prend de la force pour le plus vistement & aysément paracheuer, ne s'arrestant que pour mieux aller.

Plusieurs ont ramassé beaucoup d'aspirations vocales, qui vrayemet sont fort vtiles, mais par mon aduis, vous ne vous asteindrez point

à au

A LA VIE DEVOTE. 153

à aucune sorre de paroles, ains prononcerez, ou de cœur, ou de bouche, celles que l'amour vous suggerera sur le champ, car il vous en fournira tant que vous voudrez. Il est vray, qu'il y a certains mots, qui ont vne force particuliere, pour contenter le cœur en cet endroit, comme sont les essancemens semez si dru dedans les Pseaumes de Dauid, les inuocations diuerses du nom de Iesus, & les traicts d'amour qui sont imprimez au Cantique des Cantiques, les chansons spirituelles seruent encores à mesme intention, pourueu qu'elles foyent chantees auec attention.

En fin comme ceux qui sont amoureux d'vn amour humain & naturel, ont presque tousiours leurs pensees tournees du costé de la chose aimee, leur cœur plein d'affection enuers elle; leur bouche réplie de ses louanges: & qu'en son

G 5

absence ils ne perdent point d'occasion de tesmoigner leurs passios
par lettres; & ne treuuent point
d'arbre, sur l'escorce duquel ils n'escriuent le nom de ce qu'ils aimét:
ainsi ceux qui aimét Dieu, ne peuuent cesser de penser en luy, respirer pour luy, aspirer à luy, & parler
de luy; & voudroyent (s'il est possible) grauer sur la poictrine de toutes les personnes du mode, le sainct
& sacré nom de lesus.

A quoy mesme toutes choses les inuitét, & n'y a creature qui ne leur annonce la loüange de leur bien-aymé; & comme dit S. Augustin, apres S. Antoine, tout ce qui est au monde leur parle d'vn langage muet, mais fort intelligible, en faueur de leur amour; toutes choses les prouoquent à des bones pensees desquelles parapres naiffent force saillies & aspirations en Dieu. En voicy quelques exeples. Sainct

A LA VIE DEVOTE. 155 Sainct Gregoire Euesque de Nazianze, ainsi que luy mesme racontoit à son peuple; se promenant sur le riuage de la mer, consideroit come les ondes s'aduaçant sur la greue, laissoyét des coquilles, 82 petits cornets, tiges d'herbes, petites ouytres, & semblables broulleries que la mer reiettoit, & par maniere de dire, crachoit dessus le bord; puis reuenant par des autres vagues, elle reprenoit & engloutissoit derechef vne partie de cela; tandis que les rochers des enuirons demeuroyent fermes & immobiles, quoy que les eaux vinssent rudemet battre contre iceux. Or sur cela il fist ceste belle pensee que les foibles comme coquilles, cornets & tiges d'herbes se laissent emporter tatost à l'affliction, tantost à la consolatio à la mercy des ondes & vagues de la fortune; mais que les grands courages demeurent fermes & immobiles à toute sorte d'orage; & de ceste pensee: il fit naistre ces essancemens de Dauid, ô Seigneur saunez-moy, car les eaux ont penetré insques à mon ame; ô Seigneur deliurez-moy du profond des eaux, ie suis porté au profod de la mer, & la tempeste m'a submergé. Car alors il estoit en affliction pour la malheureuse vsurpatio que Maximus auoit desseignee surso Euesché. Sain& Fulgence Euesque de Ruspe se treuuant en vne assemblee generale de la noblesse Romaine que Theodore Roy des Gots harangoit, & voyant la splendeur de tat de seigneurs qui estoiet en rang, chacun selon sa qualité, ô Dieu, dit-il, cobien doit estre belle la Hierusalem celeste, puis qu'icy bas on void si pompeuse Rome la terrestre: Et si en ce monde tant de splendeur est concedee aux amateurs de la vanité, quelle gloire doit estre reseruee en l'autre mode aux. contem

A LA VIE DEVOTE. cotemplateurs de la verité. On dit que S. Anselme Archeuesque de Cantourbie (duquel la naissance a grandement honoré nos montagnes) estoit admirable en ceste prattique des bonnes pensees: vn leureau pressé des chiens, accourut sous le cheual de ce sain& Prelat, qui pour lors voyageoit, comme à vn refuge que le peril eminent de la mort luy suggeroit; & les chiens clabaudans tout autour, n'osoyent entreprendre de violer l'immunité à laquelle leur proye auoit eu recours: spectacle certes extraordinaire qui faisoit rire tout le train tandis que le grand Anselme pleurant & gemissant, Ha, vous ries, disoit-il, mais la pauure beste ne rit pas : les ennemis de l'ame poursuiuie & mal menee par diuers destours en toutes sortes de pechés, l'attendent au destroit de la mort pour la rauir & deuorer; & elle tou-

178 INTRODUCTION te effrayee, cerche par tout secours & refuge; que si elle n'en treuue point, ses ennemis s'en moquet, & s'en rient: Ce qu'ayat dit, il s'en alla souspirant. Costantin le grad escriuit honnorablement à S. Antoine, dequoy les religieux qui estoyent autour de luy furent fort estonnez. Et il leur dit, comme admirez vous qu'vn Roy escriue à vn home? admirez plustost dequoy Dieu eternel a escrit sa loy aux mortels, ains leur a parlé bouche à bouche en la persone de so fils. S. François voyat vne brebis toute seule emmy vn troupeau de boucs, regardés, dit-il, à son copagnon, comme ceste pauure petite brebis est douce parmy ces cheures: nostre Seigneur alloit ainsi doux & huble entre les Pharisiens. Et voyant vn' autre fois vn petit aignelet mangé par vn porceau, Hé! petit aignelet, dit-il, tout en pleurat, que tu representes viuement la mort de mon Sauueur!

A LA VIE DE VOTE. 15

Ce grand personnage de nostre aage Fraçois Borgia, pour lors encores Duc de Gandie, allant à la chasse, faisoit mille deuotes conceptios;i'admirois disoit-il, luy mesme par apres, comme les faucons reuiennent sur le poing, se laissent couurir les yeux & attacher à la perche, & que les hommes se rendent si reuesches à la voix de Dieu? Le grand Sain& Basile dit que la rose emmy les espines fait cette remonstrance aux hommes; Ce qui est de plus agreable en ce monde, ô mortels, est meslé de tristesse, rien n'y est pur, le regret est tousiours collé à l'allegresse, la viduité au mariage, le soing à la fertilité, l'ignominie à la gloire, la despésé aux honneurs, le degoust aux delices, & la maladie à la santé: c'est une belle fleur, dit ce S. personnage, que la rose, mais elle me done une grande tristesse, m'aduertissant de mon peché, pour lequel la terre a esté condamnee de porter les espines. Vne ame deuote, regardant vn ruisseau, & y voyant le Ciel representé auec les estoilles en vne nuict bien sereine, ô mon Dieu sit elle, ces mesmes estoilles seront dessous mes pieds, quand vous m'aurez logée dans vos Sainces tabernacles; & comme les estoilles du ciel sont representees en la terre, ainsi les hommes de la terre sont representez au ciel en la viue fontaine de la charité diuine. L'autre voyant vn Heuue flotter, s'escrioit ainsi, mon ame, n'aura iamais repos, qu'elle ne se soit abismee dedans la mer de la diuinité, qui est son origine, & saincte Françoise considerant vn aggreable ruisse au sur le riuage duquel elle s'estoit agenouillee pour prier, fut rauie en extase, repetant plusieurs fois ces paroles tout bellement, la grace de mon Dieu coule ainsi doucement & souësuemet comme ce petit ruisseau. Vn autre voyant

ALA VIE DEVOTE. voyant les arbres fleuris, souspiroit, Pourquoy suis-ie seul desseury au iardin de l'Eglise? vn autre voyant des petits poussins ramassez sous leur mere; ô Seigneur, dit-il, conseruez nous sous l'ombre de vos aisles. L'autre voyant le tourne So-Icil, dit, Quand sera-ce mon Dieu, que mo ame suiura les attraicts de vostre bonte? & voyant des pensées de iardin, belles à la veile, mais sans odeur. Hé, dit-il, telles sont mes cogitations belles à dire, mais sans effect ny production.

Voyla, ma Philothee, comme l'ontire les bonnes penses & sainctes aspiratios de ce qui se presente en la varieté de cette vie mortelle. Mal-heureux sot ceux qui destour nét les creatures de leur createur, pour les contourner au peché. Bien heureux sont ceux qui contournét les creatures à la gloire de leur createur, & employent leur vanité à l'hon à l'honneur de la verité. Certes, dit S. Gregoire Nazianzene, i ay accoustumé de rapporter toutes choses à mon profsit spirituel. Lisez le deuot Epitaphe que S. Hierosme a fait de sa saincte Paule, car c'est belle chose à voir comme il est tout parsemé des aspirations & conceptions sacrees qu'elle faisoit à toutes sortes de rencontres.

Or en cet exercice de la retraitte spirituelle, & des oraisons iaculatoires, gist la grande œuure de la deuotion, il peut suppleer au deffaut de toutes les autres oraisons: mais le manquement d'iceluy ne peut presque point estre reparé par aucun autre moyen. Sans iceluy, on ne peut pas bien faire la vie contemplatiue, & ne sçauroit-on que mal faire la vie actiue : sans iceluy, le repos n'est qu'oysiueté, & le trauail qu'empressement; c'est pourquoy ie vous coniure de l'embrasfer de tout vostre cœur, sans iamais vous en departir.

De la tres-saincte Messe, & comme il la faut ouyr. CHAP. 14.

parlé du Soleil des exercices spirituels, qui est le tres-sainct sacré, & tres-souuerain sacrisice & Sacrement de la Messe, centre de la Religion Chrestienne, cœur de la deuotió, ame de la pieté, mystere inessable, qui compréd l'abisme de la charité diuine, & par lequel Dieu s'appliquant reellement à nous, nous communique magnisiquement ses graces & faueurs.

2. L'oraison faicte en l'vnion de ce diuin sacrifice a vne force indicible; de sorte, Philothee que par iceluy l'ame abonde en celestes faueurs, comme appuyee sur son bié aymé, qui la rend si pleine d'odeurs & suauitez spirituelles quelle resemble.

semble à vne colomne de fumee de bois aromatiques, de la myrrhe, de l'encens, & de toutes les poudres du parfumeur, comme il est dit és Cantiques.

3. Faictes doncques toutes sortes d'effort pour assister tous les iours à la saincte Messe, à fin d'offrir auec le Prestre vostre Redempteur, à Dieu son pere, pour vous & pour toute l'Eglise: tousiours les Anges en grand nombre si trouuent presens, comme dit S. Iean Chrysostome, pour honnorer ce fainst mystere : & nous y promuans aueceux, & auec vne melme intention, nous ne pouuons que receuoir beaucoup d'influences propices par vne telle societé; les cœurs de l'Eglise triumphante & de l'Eglise militante se viennent attacher & ioindre à nostre Seignr en cette diuine action, pour auec luy, en luy, & par luy rauir le cœur de

de Dieu le Pere, & rendre sa misericorde toute nostre. Quel bonheur à vne ame de contribuer deuotement ses affections pour vn bien si precieux & desirable?

4. Si que par quelque force forcee vous ne pouuez pas vous rendre presente à la celebration de ce souuerain sacrifice, d'vne presence reelle, au moins faut-il que vous y portiez vostre cœur pour y assister d'vne presence spirituelle. A quelque heure, donc ques du matin, allez en esprit, si vous ne pouuez autrement, en l'Eglise, vnissez vostre intention à celle de tous les Chrestiens, & faictes les mesmes actions interieures au lieu où vous estes, que vous feriez si vous estiez reellemet presenté à l'office de la sain-& Messe en quelque Eglise.

Or pour ouyr, ou reellement, ou mentalement la saincte Messe, comme il est conuenable. 1. Dés le 166 INTRODUCTION commencement, iusques à ce que le Prestre se soit mis à l'autel, faites a-

Prestre se soit mis à l'autel, faites auec luy la preparatio: laquelle cosiste à se mettre en la presecede Dieu recognoistre vostre indignité, & demander pardon de vos fautes.2. Depuis que le Prestre est à l'autel iusques à l'Euangile, considerez la venuë & la vie de nostre Seigneur en ce monde, par vne simple & generale cossideration. 3. Depuis l'Euangile iusques apres le Credo, cosiderez la predication de nostre Sauueur, protestez de vouloir viure & mourir en la foy & obeissance de sa saince parolle, & en l'vnion de la saincte Eglise Catholique.4.Depuis le Credo iusques au Pater noster, appliquez vostre cœur aux mysteres de la mort & passion de nostre Redempteur, qui sont actuellemet & essentiellement representez en ce sain& sacrifice, lequel auec le Prestre, & auec le reste du peuple,

A LA VIE DEVOTE. vous offrirez à Dieu le pere, pour son honneur, & pour vostre salut. 5. Depuis le Pater noster iusques à la communion, efforcez vous de faire mille desirs de vostre cœur; souhaittant ardément d'estre à iamais iointe & vnie à vostre Sauueur par amour eternel. 6. Depuis la communion iusques à la fin remerciez sa diuine Majesté de son incarnation, de sa vie, de sa mort, & de sa passió, & de l'amour qu'il nous tesmoigne en ce sain& sacrifice, le coiurant par iceluy de vous estre à iamais propice, à vos parens, à vos amis, & à toute l'Eglise; & vous humiliant de tout vostre cœur, receuez deuotemet la benediction diuine que nostre Seigneur vous done par l'entremise de son officier.

Mais si vous voulez pendant la Messe, faire vostre meditation sur les mysteres que vous allez suyuat de iour en iour, il ne sera pas requis

168 INTRODUCTION que vous vous diuertissiez à faire ces particulieres actions, ains suffi-

ra qu'au comencement vous dressiez vostre intétion à vouloir adorer & offrir ce sainct sacrifice par l'exercice de vostre meditation & oraison, puis qu'en toute meditation se treuuent les actions susdittes, ou expressement, ou tacitemet & virtuellement.

Des autres exercices publics & comuns.

CHAP. 15.

Vtre cela, Philothee, les Festes & Dimanches, il faut assister, à l'office des heures & des vespres, tat que vostre commodité le permettra, car ces iours là sont dediez à Dieu, & faut bien faire plus d'actions à son honneur & gloire, en iceux que no pas és autres iours, vous sentirez mille douceurs de deuotió par ce moye, comme faisoit S. Augustin, qui telmoigne en ses cofessions, que oyat les les diuins offices au comencement de sa conversion, son cœur se son-doit en suavité, & ses yeux en larmez de pieté. Et puis (afin que ie le die vne sois pour toutes) il y a tous-iours plus de bien & de cosolation aux offices publics de l'Eglise que non pas aux actions particulieres: Dieu ayant ainsi ordonné que la communion soit preferee à toute sorte de particularité.

Entrez volontiers aux confrairies du lieu où vo? estes, & particulierement en celles desquelles, les exercices apportent plus de fruict, & d'edification: car en cela vous ferez vne sorte d'obeissance fort agreable à Dieu, dautant qu'encor que les confrairies ne soyent pas commandees, elle sont neatmoins recommandees par l'Eglise, laquelle pour tesmoigner qu'elle desire que plusieurs s'y enrollent, donne des indulgences & autres priuile-

H

INTRODUCTION ges aux cofreres. Et puis c'est tousiours vne chose fort charitable de cocourir auec plusieurs, & cooperer aux autres pour leurs bons desseins. Et bien qu'il puisse arriver que l'on fist d'aussi bons exercices à part soy, comme l'on fait aux cofrairiez en commun, & que peut estre l'on goutast plus de les faire en particulier, si est-ce que Dieu est plus glorifié de l'vnion & contribution que nous faisons de nos bien-faits auec nos freres & prochains.

I'en dis de mesme de toutes sortes de prieres & deuotions publiques, ausquelles, tant qu'il nous est possible, nous deuos porter nostre bon exemple pour l'edification du prochain, & nostre affection pour la gloire de Dieu, & l'intention commune,

Qu'il faut honorer & inuoquer les Saincts. CHAP. 16.

Puis

A LA VIE DEVOTE. 171

enuoye bien souuent les inspirations par ses Anges, nous deuős aussi luy

renuoyer frequemmet nos aspirations par la mesme entremise. Les sainctes ames des trespassez qui sot en paradis auec les Anges, & comme dit nostre Seigneur, esgalles & pareilles aux Anges, font aussi le mesme office d'inspirer en nous, & d'aspirer pour nous par leurs sainctes oraisons.

Ma Philothee, ioignons nos cœurs à ces celestes esprits & ames bien-heureuses: car comme les petits rossignols apprennent à châter auec les grands, ainsi par le sainct comerce que nous serons auec les Saincts, nous sçaurons bien mieux prier & chanter les louanges diuines. Ie psalmodieray, disoit Dauid, à la veue de vos Anges.

Honnorez, reuerez, & respectez

d'vn amour special la sacree & glorieuse vierge Marie: elle est mere de nostre souuerain pere, & par consequent nostre grad mere. Recourons donc à elle, & comme ses petits enfans iettos nous à son gyron, auec vne consiance parfaicte, à tous momens, à toutes occurrences, reclamons ceste douce mere, Inuoquons son amour maternel, & taschans d'imiter ses vertus, ayons en son endroit vn vray cœur filial.

Rendez vous fort familiere auec les Anges, voyez les souuent inuisiblement presens à vostre vie : & sur tous aymez & reuerez celuy du diocese auquel vous estes, ceux des personnes auec lesquelles vous viuez, & specialement le vostre: suppliez les souuent, loüez les ordinairement, & requerez leur ayde & secours en toutes vos affaires, soit spirituelles, soit temporelles, affin

A LA VIE DEVOTE. 173 affin qu'ils cooperent à vos saincles intentions.

Le grand Pierre Faure, premier prestre, premier predicateur, premier lecteur de Theologie, de la saincte compagnie du nom de Iesus, & premier compagnon du B. Ignace fondateur d'icelle, venant vn iour d'Allemagne, où il auoit fait de grads seruices à la gloire de nostre Seigneur; & passant en ce diocese lieu de sa naissance, racontoit qu'ayant trauersé plusieurs lieux heretiques, il auoit receu mille consolations d'auoir salué en abordat chasche parroisse les Anges protecteurs d'icelle, lesquels il auoit cogneu sensiblement luy auoir esté propices: soit pour le garentir des embusches des heretiques, soit pour luy rendre plusieurs ames douces & dociles à receuoir la doctrine de salut. Et disoit cela auectat de recomandation, qu'vne

Damoiselle lors ieune, l'ayant ouy de sa bouche, le recitoit, il n'y a que quatre ans, c'est à dire plus de soixante ans apres, auec vn extreme sentiment. Ie sus consolé ceste annee passee de consacrer vn autel, sur la place en laquelle Dieu sit naistre ce bien heureux homme, au petit village du Villaret entre
nos plus aspres montagnes.

Choisissez quelques saincts particuliers, la vie desquels vous puissiez mieux sauourer & imiter, & en l'intercession desquels vous ayez vne particuliere consiance. Celuy de vostre nom vous est desia tout assigné dés vostre Baptesme.

Comme il faut ouyr & lire la parole de

Dieu. CHAP. 17.
Oyez deuote à la parole de Dieu, soit que vous l'est coutiez en deuis familiers auec vos amis spirituels, soit que vous l'escoutiez au sermon: oyez-la tousiours

A LA VIE DEVOTE. tousiours auec attention & reuerēce, faictes-en bie vostre proffict, & ne permettez pas qu'elle tumbe à terre: ains receuez-la comme vn precieux baume dans vostre cœur, à l'imitation de la tres-saince vierge, qui conservoit soigneusement dedans le sien, toutes les paroles que l'on disoit à la louange de son enfant. Et resouuenez vous que nostre Seigneur recueille les paroles que nous luy disonsen nos prieres, à mesure que nous recueillons celles qu'il nous dit par la predica-

Ayez tousiours aupres de vous quelque beau liure de deuotion, comme sont ceux de S. Bonauenture, de Gerson, de Denis le Chartreux, de Louys Blosius, de Grenade, de Stella, d'Arias, de Pinelli, d'Auila, le combat spirituel, les cofessions de sainct Augustin, les Epistres de sainct Hierosme, & sem-

176 INTRODUCTION blables; & lisez en tous les iours vn peu auec grande deuotion, comme si vous lisiez des lettres missiues que les sainets vous eussent enuoyees du ciel, pour vous monstrer le chemin, & vous donner le courage d'y aller. Lisez aussi les histoires, & vies des saincts esquelles comme dans vn miroüer vous verrez le pourtraict de la vie Chrestienne:& accommodez leurs actions à vostre proffit selon vostre vocation: car bien que beaucoup des actions des sainets ne soyent pas absolument imitables par ceux qui viuent emmy le monde; si est ce que toutes peuuent estre suyuies ou de pres ou de loin: la solitude de sainct Paul premier hermite est imiteeen vos retraictes spirituelles, & reelles, desquelles nous parlerons & auos parlé cy-dessus; l'extreme pauureté de S. François par les prattiques de la pauureté, telles, que nous les

A LA VIE DEVOTE. 177 marquerons, & ainsi des autres. Il est vray qu'il y a certaines histoires qui donnent plus de lumiere pour la coduitte de nostre vie, que d'autres; comme la vie de la bien-heureuse mere Therese, laquelle est admirable pour cela, les vies des premiers Iesuistes, celle du bienheureux Cardinal Borromec, de S. Louys, de S. Bernard, les Chroniques de S. François, & autres pareilles. Il y en a d'autres où il y a plus de sujet d'admiration que d'imitation comme celle de Saince Marie Egyptienne, de sain& Simo Stilités, des deux sainctes Catherines de sienne, & de Gennes : de sain& Angele, & autres telles, lesquelles ne laissent pas neantmoins de donner vn grand goust general du sain& amour de Dieu.

Comme il faut receuoir les inspirations.

Снар. 18.

178 INTRODUCTION

Ous appellons inspiratios,

tous les attraits, mouuemés, reproches, & remors interieurs, lumieres, & cognoissances, que Dieu fait en nous, preuenant nostre cœur en ses benedi-Etions, par son soin & amour paternel, à fin de nous reueiller, exciter, pousser, & attirer, aux sainctes vertus, à l'amour celeste, aux bonnes resolutions, brefàtout ce qui nous achemine à nostre bien eternel. C'est ce que l'espoux appelle buquer, ou heurter à la porte, & parler au cœur de son espouse, la reueiller quand elle dort, la crier & reclamer quand elle est absente, l'inuiter à son miel, & à cueillir des pomes & des fleurs en son iardin, & à chanter & faire resonner sa douce voix à ses oreilles.

l'ay besoin d'vne similitude pour me faire bien entendre. Pour l'entiere resolution d'vn mariage, trois

A LA VIE DEVOTE. trois actions doiuent entreuenir, quat à la Damoiselle que l'on veut marier: car premierement on luy propose le party. Secondement elle agree la propositio. Et en troisséme lieu elle consent. Ainsi Dieu voulant faire en nous, par nous, & auec nous, quelque action de grande charité; premierement il nous la propose par son inspiration; secondement nous l'agreons; troisiémement nous y consentons; car comme pour descendre au peché il y a trois degrez, la tentation, la delectation, & le consentement; aussi en y a-il trois pour monter à la vertu:l'inspiration, qui est contraire à la tentation, la delectation en l'inspiration, qui est contraire à la delectation de la tentation, & le consentement à l'inspiration, qui est contraire au consentement à la tentation.

Quand l'inspiratio dureroit tout

le temps de nostre vie, nous ne serions pourtat nullement agreables à Dieu, si nous n'y prenons plaisir: au cotraire sa diuine Majesté en seroit offencee; comme il le fut contre les Israëlites, aupres desquels il fut quarante ans, comme il dit, les sollicitant à se conuertir, sans que iamais ils y voulussent entendre: dont il iura contre eux en son ire, que iamais ils n'entreroient en son repos: Aussi le gentil-homme qui auroit longuement seruy vne damoiselle, seroit bien fort des-obligé, si apres cela, elle ne vouloit aucunement entendre au mariage qu'il desire.

Le plaisir que l'on prend aux inspirations, est vn grand acheminement à la grace de Dieu, & desia on commence à plaire par iceluy à sa diuine Majesté, car si bien ceste delectation n'est pas encore vn entier consentement, c'est vne cer-

taine

A LA VIE DEVOTE. 181 taine disposition à iceluy; & si c'est vn bon signe, & chose fort vtile, de se plaire à ouyr la parole de Dieu, qui est comme vne inspiration exterieure, c'est chose bonne aussi & agreable à Dieu de se plaire en l'inspiration interieure. C'est ce plaisir duquel parlant l'espouze sacree, elle dit, Mon ame s'est fondue d'ayse, quand mon bien aymé a parlé. Aussi le gentil-homme est desia fort content de la damoiselle, qu'il sert, & se sent fauorisé quad il void qu'elle se plait en son seruice.

Mais en fin c'est le consentement qui parfait l'acte vertueux, car si estant inspirez, & nous estant pleu en l'inspiratio, nous resusons neatmoins par apres le consentement à Dieu, nous sommes extremement mescognoissans & offensons grandement sa diuine Majesté, car il semble bien qu'il y ayt plus de messents. Ce sut ce qui arriua à l'espou-

182 INTRODUCTION

ze:car quoy q la douce voix de son bien-aymé luy eust touché le cœur d'vn sainctayse, si est ce neatmoins, qu'elle ne luy ouurit pas la porte, mais s'é excusa d'vne excuse friuole:dequoy l'espoux iustement indigné passa outre & la quitta: aussi le gétil-home qui apres auoir loguement recerché vne damoiselle, & luy auoir rendu son seruice agreable, en fin seroit reietté, & mesprizé, auroit bien plus de sujet de mescontentement, que si sa recerche n'auoit point esté agreée ny fauorisee. Resoluez vous, Philothee, d'accepter de bon cœur toutes les inspirations qu'il plaira à Dieu de vous faire: & quand elles arriueront, receuez-les comme les Ambassadeurs du Roy celeste, qui desire contracter mariage auec vous. Oyez paisiblement leurs propositions, considerez l'amour aueclequel vous estes inspiree, & caresfez A LA VIE DEVOTE. 183

sez la saincte inspiration.

Consentez, mais d'vn consentemet, plein, amoureux, & constat à la saincte inspiration: car en ceste sorte, Dieu que vous ne pouuez obliger, se tiendra pour fort obligé à vostre affection: mais auant que de consentir aux inspirations, des choses importantes, ou extraordinaires afin de n'estre point tropee, conseillez-vous tousiours à vostre guide, à ce qu'il examine si l'inspiration est vraye ou fausse: d'autant que l'ennemy voyat vne ame propte à consentir aux inspirations, luy en propose bien souuent des fausses pour la troper : ce qu'il ne peut iamais faire, tadis qu'auec l'humilité elle obeïra à son conducteur.

Le consentement estant donné, il faut auec vn grand soin procurer les esfects, & venir à l'execution de l'inspiration, qui est le comble de la vraye vertu: car d'auoir le co-

sente

sentement dedans le cœur, sans venir à l'effect d'iceluy, ce seroit come de planter vne vigne sans vouloir qu'elle fructifiast.

Or à tout cecy sert merueilleusement de bien prattiquer l'exercice du matin, & les retraittes spirituelles, que i'ay marquees cy dessus: car par ce moyen nous nous preparons à faire le bien d'vne preparation non seulement generale, mais aussi particuliere.

De la saincte confession. CHAP. 19.

de penitence & de cofesfion, à fin qu'en iceluy nous nous lauios de toutes nos iniquitez, toutesfois & quantes, que nous en serons souillez. Ne permettez donc iamais, Philothee, que vostre cœur cœur demeure long temps infecté de peché, puisque vous auez vn remede si present & facile: La Lyonne qui a esté accoste du Leopart, va vistement se lauer pour oster la puanteur que ceste accointace luy a laisse, asin que le Lyon venant n'en soit point offécé & irrité. L'ame qui a consenty au peché doit auoir horreur de soy-mesme, & se nettoyer au plustost pour le respect qu'elle doit porter aux yeux de sa diuine majesté, qui la regarde. Mais pour quoy mourons-nous de la mort spirituelle, puis que nous au sort vn remede si souuerain?

Confessez-vous humblement &z deuotement tous les huich iours: &z tousiours s'il se peut, quand vous comunierez encores que vous ne sentiez point en vostre conscience aucun reproche de peché mortel, car par la confession vous ne receurez pas seulement l'absolutio des pechez veniels, q vous cofessez: mais aussi vne grande force pour les euiter à l'aduenir, vne grande lumie

lumiere pour les bien discerner, & vne grace abondante pour effacer toute la perte qu'ils vous auoyent apportée. Vous pratiquerez la vertu d'humilité, d'obeissance, de simplicité, & de charité, & en ceste seu le action de la cofession, vous exercerez pl° de vertu qu'en nul autre.

Ayés tousiours vn vray desplaisir des pechés que vous cofesserez, pour petits qu'ils soyent; auec vne ferme resolution de vous en corriger à l'aduenir. Plusieurs se confessans par coustume des pechés veniels, & comme par maniere d'adiancement sans penser nullement à s'en corriger, en demeurent toute leur vie chargez: & par ce moyen perdent beaucoup de biens & profits spirituels; Si doques vous vous confessez d'auoir menty, quoy que sans nuisance, ou d'auoir dit quelque parolle desreglee, ou d'auoir trop ioué, repétez-vous en, & ayés ferme

ferme propos de vous en améder; car c'est vn abus de se confesser de quelque sorte de peché, soit mortel soit veniel, sas vouloir s'en purger, puis que la cofession n'est instituee

que pour cela.

Ne faictes pas seulement ces accusations superflues, que plusieurs font par routine. Ie n'ay pas tant aymé Dieu que ie deuois; ie n'ay pas prié auec tant de deuotion que ie deuois; ie n'ay pas chery le prochain comme ie deuois;ie n'ay pas reçeu les Sacremens, auec la reuerence que ie deuois, & telles semblables: la raison est, parce qu'en disant cela vous ne dites rien de particulier, qui puisse faire entendre au Cofesseur l'estat de vostre conscience: d'autat que tous les saincts de Paradis, & tous les hommes de la terre, pourroyent dire les mesmes choses, s'ils se confessoyent. Regardez donques quel sujet particu

188 INTRODUCTION ticulier vous auez de faire ces accusatios là: & lors que vous l'aurez descouuert, accusez vous du manquement que vous aurez commis tout simplement & naiuemet. Par exemple, vous vous accusez de n'auoir pas chery le prochain comme vous deuiez, c'est peut-estre, parce qu'ayant veu quelque pauure fort necessiteux, lequel vous pouuiez aysement secourir & cosoler, vous n'en auez eu nul soin. Et bien accusez vous de cette particularité, & dites ayat veu vn pauure necessiteux, ie ne l'ay pas secouru comme ie pouuoy, par negligence, ou par dureté de cœur, ou par mespris, selon que vous cognoistrez l'occasion de cette faute. De mesme, ne vo° accusez pas de n'auoir pas prié Dieu auec telle deuotion comme

vous deuez; mais si vous auez en

des distractions volotaires, ou que

vous ayez negligé de prendre le

lieu,

lieu, le temps, & la contenance requise, pour auoir l'attention en la priere, accusez vous en tout simplement, selon que vous trouuerez y auoir manqué, sans alleguer cette generalité qui ne fait ny froid ny chaud en la confession.

Ne vous contentez pas de dire vos pechez veniels, quant au faict, mais accusez vous du motif qui vous a induit à les commettre. Par exemple, ne vous contentez pas de dire, que vous auez menty sans interesser personne, mais dites si ç'a esté ou par vaine gloire, à fin de vous louër, & excuser: ou par vaine ioye, ou par opiniastreté. Si vous auez peché à iouër, expliquez si ca esté pour le desir du gain, ou pour le plaisir de la conversation, & ainsi des autres. Dites si vous vous estes longuemet arrestee en vostre mal, d'autat que la longueur du temps, accroist pour l'ordinaire de beaucoup

INTRODUCTION coup le peché; y ayant bien de la difference, entre vne vanité passagere, qui se sera escoulée en nostre esprit, l'espace d'vn quart d'heure, & celle en laquelle nostre cœur aura trempé vn iour, deux iours, trois iours; il faut doc dire le fait, le motif, & la duree de nos pechez. Car encor que communement on ne soit pas obligé d'estre si pointilleux, en la declaration des pechez veniels, & que mesme on ne soit pas tenu absolument de les confesser; si est-ce que ceux qui veulet bié espurer leurs ames, pour mieux atteindre à la saincte deuotio, doiuent estre soigneux de bien faire cognoistre au medecin spirituel, le mal pour petit qu'il soit, duquel ils veulent estre gueris.

N'espargnez point de dire ce qui est requis pour bien faire entendre la qualité de vostre offence, come le sujet que vous auez eu de vous

mettre

A LA VIE DEVOTE. 191 mettre en cholere, ou de suporter quelqu'vn en son vice. Par exemple, vn homme lequel me desplait me dira quelque legere parolle pour rire : ie le prendray en mauuaise part, & me mettray en cholere. Que si vn autre qui m'eust esté agreable en eust dit vne plus aspre, ie l'eusse prins en bone part, ie n'espargneray donc point de dire, ie me suis relaschee à dire des paroles de courroux, contre vne personne ayat prins de luy en mauuaise part quelque chose qu'il ma dit, non point pour la qualité des parolles, mais parce que celuy là m'estoit desagreable: & s'il est encore besoin de particulariser les parolles pour vous bien declarer, ie pense qu'il seroit bo de les dire; car s'accusant ainsi naïuement, on ne decouure pas seulement les pechez qu'o a fait, mais aussi les mauuaises inclinations, coustumes, ha-

bitu

bitudes, & autres racines du peché, au moyen dequoy, le pere spirituel, prend vne plus entiere cognoissance du cœur qu'il traitte, & des remedes qui luy sont propres. Il faut neantmoins tousiours tenir couuert le tiers qui aura cooperé à vostre peché, tat qu'il sera possible.

Prenez garde à vne quantité de pechez qui viuent & regnent bien souuent insensiblement dedans la conscience; affin que vous les confessiez, & que vous puissiez vous en purger, & à cet effect lisez diligément le chapitre 39.82 45. de ceste partie. Ne changez pas aysement de confesseur, mais en ayant choisy vn, continuez à luy rendre compte de vostre conscience, aux iours qui sont destinez pour cela, luy disant naiuement & franchemet les pechez que vous aurez commis,& de temps en temps, comme seroit de mois en mois, ou de deux mois en deux mois, dites luy encores l'estat de vos inclinations, quoy que par icelles vous n'ayez pas peché, comme si vous estes tourmentee de la tristesse, du chagrin; ou si vous estes portee à la ioye, aux desires d'acquerir des biens, & semblables inclinations.

De la frequente comunion. CHAP.20.
N dit que Mitridates Roy

de Ponte, ayant inuenté le mitridat, renforça tellement son corps par iceluy, que s'essayant par apres de s'empoisonner, pour euiter la seruitude des Romains, iamais il ne luy fut possible. Le Sauueur a institué le sacremet tres-auguste de l'Eucharistie, qui contient reellemet sa chair & son sang, à fin que qui le mange viue eternellemet. C'est pourquoy quiconque en vse souuét auec deuotion, affermit tellement la santé & la vie de son ame, qu'il est pres-

194 INTRODUCTION que impossible qu'il soit empoisonné d'aucune sorte de mauuaise affection, on ne peut estre nourry de ceste chair de vie, & viure des affections de mort; si que comme les hommes, demeurans au paradis terrestre pouuoiet ne mourir point selon le corps, par la force de ce fruit vital que Dieu y auoit miss ainsi peuuent-ils ne point mourir spirituellement par la vertu de ce sacrement de vie. Que si les fruicts les plus tendres & suiets à la corruption, comme sont les cerises, les abricots & les fraises, se conseruét aysement toute l'annee estans confits au sucre, ou au miel: ce n'est pas merueille si nos cœurs quoy que fresles & imbecilles, sont preseruez de la corruption du peché, lors qu'ils sont sucrez, & emmiellez de la chair & du sang incorruptible du fils de Dieu; ô Philothee, les Chrestiens qui seront damnez, demeu

demeurerot sans replique, lors que le iuste iuge leur fera voir le tort qu'ils ont eu de mourir spirituellement, puis qu'il leur estoit si aysé de se maintenir en vie, & en santé, par la manducation de son corps qu'il leur auoit laissé à ceste intention. Miserables, dira-il, pourquoy estes vous morts ayant à commandement le fruict, & la viande de vie.

De receuoir la communion de l'Eucharistie, tous les iours, ny ie ne le loüe, ny ie ne le vitupere, mais de communier tous les iours de Dimanche, ie le suade, & en exhorte vn chacu, pour ueu que l'esprit soit sans aucune affection de pecher. Ce sont les propres paroles de S. Augustin, auec lequel ie ne vitupere, ny ne louë absolument que l'on communie tous les iours, mais laisse cela à la discretion du pere spirituel de celuy qui se voudra resou-

196 INTRODUCTION dre sur ce poinct; car la disposition requise, pour vne si frequête communion deuant estre fort exquise, il n'est pas bon de le conseiller generalement. Et parce que ceste dispositio là, quoy qu'exquise, se peut treuuer en plusieurs bonnes amese il n'est pas bon no plus d'en diuertir & dissuader generalement vn chacicains cela se doit traitter par la consideration de l'estat interieur d'vn chacu en particulier, ce seroit imprudence de conseiller indistinétement à vn chacun cest vsage si frequent: mais ce seroit aussi impudéce de blasmer aucu pour iceluy; & sur tout quand il suiuroit l'aduis de quelque digne directeur. La responce de saincte Catherine de Sienne fut gracieuse, quand luy estant opposé à raison de sa frequête communion, que S. Augustin ne louoit ni ne vituperoit de communier tous les iours: Et bien, dit-elle, puis

puis que S. Augustin ne le vitupere pas, ie vous prie que vous ne le vituperiés pas non plus, & ie me contente.

Mais, Philothee, vous voyez que S. Augustin enhorte, & conseille bien fort que l'on communie tous les Dimanches, faites-le donc tant qu'il vous sera possible. Puis que, comme ie presuppose, vous n'auez nulle sorre d'affection du peché mortel, ny aucune affection au peché veniel, vous estes en la vraye dispositio que S. Augustin requiert & encores plus excellente: parce que no seulement vous n'auez pas l'affectio de pecher, mais vous n'auez pas mesme l'affectió du peché. Si que quand vostre pere spirituel le treuueroit bon, vous pourries vtilement communier encor plus souvent que tous les Dimanches.

Plusieurs legitimes empeschechemens peuvent neantmoins 198 INTRODUCTION

vous arriuer: non point de vostre costé, mais de la part de ceux auec lesquels vous viuez, qui doneroyet occasion au sage conducteur de vous dire que vous ne communiez pas si souuent. Par exemple, si vous estes en quelque sorte de subiectio & que ceux à qui vous deuez de Pobeissace ou de la reuerece soyet si mal instruicts, ou si bigearres, qu'ils s'inquietent & troublent de vous voir si souuent communier, à l'aduenture, toutes choses considerees, sera-il bon de condescendre en quelque sorte à leur infirmité, & ne communier, que de quinze iours en quinze iours; mais cela s'entend en cas qu'on ne puisse aucunement vaincre la difficulté.On ne peut pas bien arrester cecy en general; il faut faire ce que le pere spirituel dira; bien que ie puisse dire asseurement que la plus grande distance des communions est celle de de mois à mois, entre ceux quiveulent seruir Dieu deuotement.

Si vous estes bien prudente, il n'y a ny mere, ny femme, ny mary, ny pere qui vous empesche de communier souuent. Car puis que le iour de vostre communion vous ne laisserez pas d'auoir le soin qui est conuenable à vostre condition, que vous en serez plus douce & plus gracieuse en seur endroit, que vous ne seur refuserez nulle sorte de deuoirs.

Il n'y a pas de l'apparence qu'ils vueillent vous destourner de cet exercice, qui ne leur apportera aucune incommodité; sinon qu'ils fussent d'vn esprit extremement coquilleux & deraisonnable, & en ce cas, comme i'ay dit, à l'auenture que vostre directeur voudra que vous vsiez de condescendance.

Il faut que ie die ce mot pour les gens mariez, Dieu trouuoit mauuais en l'ancienne loy, que les creanciers fissent exaction de ce qu'on leur deuoit, és iours des Festes; mais il ne trouua iamais mauuais, que les debteurs payassent & rendissent leurs deuoirs à ceux qui les exigeoient. C'est chose indecete, bien que non pas grand peché, de solliciter le payement du deuoir nuptial, le iour que l'on s'est communié; mais ce n'est pas chose mal seante, ains plustost meritoire de le payer. C'est pourquoy pour la reddition de ce deuoir là, aucun ne doit estre priué de la Communio, si d'ailleurs sa deuotion le prouoque à la desirer. Cerres en la primitiue Eglise, les Chrestiens communioyent tous les iours, quoy qu'ils fussent mariez, & benis de la generation des enfans. C'est pourquoy i'ay dit, que la frequente Communion, ne donnoit nulle sorte d'incomodité, ni aux peres, ni aux femmes; ni aux maris, pourueu que l'ame qui comunie soit prudente &
discrette. Quant aux maladies corporelles, il n'y en a point qui soit
empeschement legitime à cette
saincte participation, si ce n'est celle qui prouoqueroit frequemment
au vomissement.

Pour communier tous les huict iours, il est requis de n'auoir ni peché mortel, ny aucune affection au peché veniel, & d'auoir vu grad desir de communier; mais pour continuer tous les jours, il faut outre cela auoir surmonté la pluspart des mauuaises inclinations, & que ce soit par l'aduis du pere spirituel. Comme il faut communier. CHAP. 2 1. Ommencez le soir precedet à vous preparer à la saince communion, par plusieurs aspirations & eslancemes d'amour, vous retirant vn peu de meilleur heure, à fin de pouuoir aussi leuer plus

202 INTRODVCTION

matin. Que si la nuict vous vous resueillez, réplissez soudain vostre cœur &vostre bouche de quelques paroles odorantes, par le moyen desquelles vostre ame soit parfumée pour receuoir l'espoux, lequel veillant pédant que vous dormez, se prepare à vous apporter mille graces & faueurs, si de vostre part vous estes disposee à les receuoir. Le marin leuez vous auec grand ioye pour le bon-heur que vous esperez: & vous estant confessée allez auec grande confiance, mais aussi auec grande humilité prédre cette viade celeste, qui vous nourrit à l'immortalité. Et apres que vous aurez dit les paroles sacrees (Seigneur je ne suis pas digne) ne remuez plus vostre teste, ny vos leures, soit pour prier, soit pour souspirer, mais ouurant doucement & mediocrement vostre bouche, & esseuant vostre teste autant qu'il faut

A LA VIE DEVOTE. 203 faut pour donner commodité au Prestre de voir ce qu'il fait. Receuez pleine de foy, d'esperance, & de charité, celuy lequel, auquel, par lequel & pour lequel vous croyez, esperez, & aymez. O Philothee, imaginez vous que comme l'abeille ayant recueilly sur les fleurs la rosee du ciel & le suc plus exquis de la terre, l'ayant reduit en miel, le porte das sa ruche; ainsi le Prestre, ayant pris sur l'autelle Sauueur du monde vray fils de Dieu, qui comme vne rosee est descendu du ciel, & vray fils de la vierge, qui comme seur est sorty de la terre de nostre humanité; il le met en viande de suauité dedans vostre bouche, & dedans vostre corps. L'ayant reçeu excitez vostre cœur à venir faire hommage à ce Roy de salut: traittez auec luy de vos affaires interieures; cossiderez-le dedans vous, où il s'est mis pour vostre bo-heur. 204 INTRODUCTION

En fin faictes luy tout l'accueil qu'il vous sera possible, & comportez vous en sorte que l'on cognoisse en toutes vos actions que Dieu est auec vous.

Mais quand vous ne pourrez pas auoir le bien de communier reellement, à la saince Messe, communiez au moins de cœur & d'esprir, vous vnissant par vn ardent desirà ceste chair viuisiante du Sauueur.

Vostre grande intention en la communion doit estre de vous aduancer, fortisser & consoler en l'amour de Dieu: car vous deuez receuoir pour l'amour, ce que le seul amour vous fait donner. Non le Sauueur ne peut estre consideré en vne action, ny plus amoureuse ny plus tendre que celle-cy: en laquelle il s'aneantit par maniere de dire, & se reduit en viande, à sin de penetrer nos ames, & s'vnir infiniment au cœur, & au corps de ses sidelles.

ALAVIE DEVOTE. 209

Si les mondains vous demandent pourquoy vous communiez si souvent; dites leur, que c'est pour apprédre à aymer Dieu, pour vous purifier de vos imperfections, pour vous deliurer de vos miseres, pour vous consoler en vos afflictions, pour vous appuyer en vos foiblefses. Dites leur que deux sortes de gens doinent souuét communier; les parfaicts, parce qu'estans bien disposez ils auroyent grand tort de ne point s'approcher de la source & fontaine de perfection; & les imparfaicts à fin de pouuoir iustemer pretendre à la perfection. Les forts. à fin qu'ils ne deuiennent foibles, & les foibles à fin qu'ils deniennét forts: les malades à fin d'estre gueris, & les sains à fin qu'ils ne tumbent en maladie, & que pour vous comme imparfaicte, foible, & malade vous auez besoin de souuenc communiquer auec vostre perfe-Etion, Etion, vostre force & vostre medecin. Dites leur que ceux qui n'ont pas beaucoup d'affaires mondaines, doyuent souuent communier, parce qu'ils en ont la commodité: & ceux qui ont beaucoup d'affaires mondaines, parce qu'ils en ont necessité; & que celuy qui trauaille beaucoup & qui est chargé de peines doit aussi manger des viandes solides, & souvente sois. Dites leur que vous receuez le S. Sacrement pour apprendre à le bien receuoir, parce que l'on ne fait guiere bien vne action à laquelle on ne s'exerce pas souuent.

Communiez souuet, Philothee, & le plus souuent que vous pourrez, auec l'aduis de vostre pere spirituel: & croyez moy, les lieures
deuiennent blancs parmy nos motagnes en hyuer, parce qu'ils ne
voyent ny ne mangent que la neige; & à force d'adorer & manger la
beau

beauté, la bonté, & la pureté mesme en ce diuin Sacrement, vous deuiendrez toute belle, toute bonne, & toute pure.

TROISIEME PARTIE de l'introduction, contenant plusieurs aduis touchant l'exercice des vertus.

Du choix que l'on doit faire quant à l'exercice des vertus. CHAP. 1.

E Roy des Abeilles ne se met point aux chaps, qu'il ne soit enuironné de tout son petit peuple, & la charité n'entre iamais das vn cœur, qu'elle n'y loge auec soy tout le train des autres vertus, les exerçant & mettant en besongne ainsi qu'vn capitaine fait ses soldats; mais elle ne les met pas en œuure, ny tout à coup, ny esgallement, ny en tous temps, ny en tous lieux. Le iuste est comme l'arbre

208 INTRODUCTION

qui est planté sur le cours des eaux, qui porte son fruict en son temps, parce que la charité, arroufant vne ame, produit en elle les œuures vertueuses chacune en sa saison. La musique tant agreable de soy-mesme, est importune en un dueil, dit-le Prouerbe c'est vn grad defaut en plusieurs qui entreprenans l'exercice de quelque vertu particuliere, s'opiniastrent d'en produire des actions en toutes sortes de rencontres, & veulent comme ces anciens Philosophes, ou tousiours pleurer, ou tousiours rire, & font encore pis quad ils blasment & censuret ceux qui come eux n'exercent pas tousiours ces mesmes vertus. Il se faut resiouir auec les ioyeux, & pleurer auec les pleurans, dit l'Apostre, & la charité est patiente, benigne, liberale, prudente, condescendant.

Il y a neantmoins des vertus, lesquelles ont leur vsage presque vniuersel,

A LA VIE DE VOTE. 209 uersel, & qui ne doiuent pas seulement faire leurs actions à part, ains doiuent encor respadre leurs qualitez & actions de toutes les autres vertus. Il ne se presente pas souuent des occasions de pratiquer la force, la magnanimité, la magnificéce; mais la douceur, la temperance, l'honnesteté, & l'humilité sont des certaines vertus desquelles toutes les actions de nostre vie doiuent estre teintes. Il y a des vertus plus excellentes qu'elles, l'vsage neatmoins de celles cy, est plus requis.Le sucre est plus excellent que le sel, mais le sel a vn vsage plus frequent, & plus general. C'est pourquoy il faut tousiours auoir bone & prompte prouision de ces vertus generales, puis qu'il s'en faut seruir presque ordinairement.

Entre les exercices des vertus, nous deuons preferer celuy qui est plus conforme à nostre deuoir, &

non

210 INTRODUCTION

non pas celuy qui est plus conforme à nostre goust. C'estoit le goust de saincte Paule, d'exercer l'aspreté des mortificatios corporelles, pour iouir plus aysément des douceurs spirituelles, mais elle auoit plus de deuoir à l'obeissance de ses superieurs. C'est pourquoy sainct Hierosme aduoüe qu'elle estoit reprehensible, en ce que contre l'aduis de son Euesque, elle faisoit des abstinences immoderees. Les Apostres au contraire, commis pour prescher l'Euangile, & distribuer le pain celeste aux ames, iugerent extremement bien qu'ils eussent eu tort de s'incommoder en ce sain& exercice, pour pratiquer la vertu du soin des pauures, quoy que tresexcellete. Chasque vocation a besoin de prattiquer quelque speciale vertu, autres sont les vertus d'vn Prelat, autres celles d'vn Prince, autres celles d'vn soldat, autres celles d'vne femme mariee, autres celles d'vne vefue: & bien que tous doiuét, auoir toutes les vertus, tous neantmoins ne les doiuent pas efgallement prattiquer, mais vn chacun, se doit particulierement addonner à celles qui sont requises au gére de vie auquel il est appellé.

Entres les vertus qui ne regardent pas nostre deuoir particulier, il faut preferer les plus excellentes, & non pas les plus apparentes. Les Cometes paroissent pour l'ordinaire plus grandes que les estoiles, & tiennent beaucoup plus de place à nos yeux, elles ne sont neantmoins pas comparables, ny en gradeur, ny en qualité aut estoilles, & ne semblent grandes sinon parce qu'elles sont proches de nous, & en vn sujet fort grossier au prix des estoilles. Il y a de mesme certaines vertus, lesquelles pour estre proches de nous, sensibles, & s'il faut ainsi

ainsi dire, materielles, sont grandement estimees & tousiours preferees par le vulgaire, ainsi prefere-il communement l'aumosne temporelle, à la spirituelle, la haire, le ieusne, la nudité, la discipline, & les mortifications du corps; à la douceur, à la debonnaireré, à la modestie & autres mortifications du cœur, qui neantmoins sont bien plus excellentes. Choisissez, donc, Philothee, les meilleures vertus & non pas les plus estimees; les plus excellentes, & non pas les plus apparentes; les meilleures, & non pas les plus braues.

Il est vtile qu'vn chacun choisisse vn exercice particulier de quelque vertu, non point pour abandonner les autres, mais pour tenir plus iustement son esprit rangé & occupé. Vne belle ieune sille plus reluisante que le Soleil, ornee & parce royallement, & coronnee

A LA VIE DEVOTE. 213 d'vne coronne d'olive, apparut à sainct Iean Euesque d'Alexandrie, & luy dit; le suis la fille aisnee du Roy, si tu me peux auoir pour ton amye, ie te conduiray deuant sa face.Il conneust que c'estoit la misericorde enuers les pauures, que Dieu luy recommadoit, si que par apres, il s'addonna tellement à l'exercice d'icelle, que pour cela, il est par tout appellé sainct lea l'aumosnier. Euloge Alexandrin desirant faire quelque service particulier à Dieu, & n'ayant pas assez de force ny pour embrasser la vie solitaire, ny pour se réger sous l'obeissance d'vn autre, retira chez soy vn miserable, tout perdu & gasté de ladrerie; pour exercer en iceluy la charité & mortification. Ce que pour faire plus dignement, il fist vœu de l'honorer, traitter, & seruir come vn valet feroit son maistre, & seigneur. Or sur quelque tétatio furue

furuenue tant au ladre, qu'à Euloge, de se quitter l'vn l'autre, ils s'adresserent au grad S. Anthoine, qui
leur dit, gardés bien, mes enfans, de
vous separer l'vn de l'autre, car estans tous deux proches de vostre
sin, si l'Ange ne vous treuue pas ensemble, vous courrés grad peril de
perdre vos coronnes.

Le Roy S. Louys visitoit comme par vn prix fait les hospitaux, & seruoit les malades de ses propres mains, S. François aymoit sur tout la pauureté qu'il appelloit sa Dame; S. Dominique, la predication de laquelle son ordre a pris le nom; S. Gregoire le grad se plaisoit à caresser les pelerins à l'exemple du grand Abraham, & comme iceluy reçeut sous la forme d'vn pelerin le Roy de gloire. Tobie s'exercoit en la charité d'éseuelir les defucts. Saincte Elizabet toute grade Princesse qu'elle estoit aymoit sur tout l'abie

A LA VIE DEVOTE. 217 l'abiection de soy-mesme; saincte Catherine de Gennes estant deuenue vefue, se dedia au seruice de l'hospital. Cassian raconte qu'vne deuote Damoiselle desireuse d'estre exercee en la vertu de patience, recourut à S. Athanase, lequel à sa requeste mit auec elle vne pauure vefue chagrine, colere, fascheuse, & insupportable, laquelle gourmandant perpetuellemet ceste deuote fille, luy donna bon sujet de prattiquer dignemet la douceur & condescendance. Ainsi entre les seruiteurs de Dieu, les vns s'addonnent à seruir les malades, les autres à secourir les pauures, les autres à procurer l'aduancement de la doctrine chrestienne entre les petits enfans, les autres à ramasser les ames perdues & esgarees; les autres à parer les Eglises & orner les autels, & les autres à moyéner la paix & cocorde entre les homes.

En

216 INTRODUCTION

En quoy ils imitent les brodeurs, qui sur diuers fons couchent en belle varieté les soyes, l'or & l'argent, pour en faire toutes sortes de fleurs: car ainsi ces ames pieuses, qui entreprennent quelque particulier exercice de deuotion, se seruent d'iceluy comme d'vn fons pour leur broderie spirituelle, sur lequel elles prattiquent la varieté detoutes les autres vertus, tenant en cette forte leurs actions & affections mieux vnies & rangees par le rapport qu'elles en font à leur exercice principal, & font ainsi paroistre leur esprit.

En son beau vestement de drap d'or reclamé, Et d'ouurages diuers à l'equille semé.

Quand nous sommes combatus de quelque vice, il faut tat qu'il nous est possible, embrasser la prattique de la vertu cotraire, rapportans les autres à icelle: car par ce moyen nous vaincrons nostre ennemi,

A LA VIE DEVOTE. 217 nemi, & ne laisserons pas de nous aduancer en toutes les vertus. Si ie suis combatu par l'orgueil, ou par la cholere; il faut qu'en toute chose ie me panche & plie du costé de l'humilité & de la douceur, & qu'à cela ie fasse seruir les autres exercices de l'oraison, des Sacremens, de la prudence, de la constance, de la sobrieté. Car comme les Sangliers pour aiguiser leurs desfences les frottent & fourbissent auec leurs autres dents, lesquelles reciproquemet en demeurent toutes fort affilees & trenchantes:ainsi l'homme vertueux ayant entreprins de se perfectionner en la vertu de laquelle il a plus de besoin pour sa deffence, il l'a doit limer & affiler par l'exercice des autres vertus, lesquelles en affinant celle-la, en deuiennet toutes plus excellentes & mieux polies. Comme il aduint à Iob qui s'exerçant particulieremet

218 INTRODUCTION en la parience contre tant de tenrations desquelles il fut agité, deuint parfaictement sainct & vertueux en toutes sortes de vertus. Ains il est arriué comme dit sainct Gregoire Nazianzene, que par vne seule action de quelque vertu bien & parfaictement exercee, vne personne a atteint au comble des vertus, alleguant Rahab, laquelle ayat exactemet prattiqué l'office d'hospitalité, paruint à vne gloire supreme, mais cela s'entend quand telle action se fait excellemment auec grande ferueur & charité. Suitte du mesme discours du choix des CHAP. 2. vertus.



Ain& Augustin dit excellemment que ceux qui commencent en la deuo-

tion, commettent certaines fautes, lesquelles sont blasmables selon la rigueur des loix de la perfection,& sont neantmoins louables pour le bon

A LA VIE DEVOTE. 219 bon presage qu'elles donnent d'vne future excellence de pieté, à laquelle mesme elles seruent de disposition. Cette basse & grossiere crainte, qui engendre les scrupules excessifs, és ames de ceux qui sortent nouuellemet du train des pechez, est vne vertu recommandable en ce commencement & presage certain d'vne future pureté de consciéce: mais cette mesme crainte seroit blasmable en ceux qui sot fort aduancez, dedans le cœur desquels doit regner l'amour qui petit à petit chasse cette sorte de crainte seruile.

Sainct Bernard en ces commécemens, estoit plein de rigueur & d'aspreté enuers ceux qui se rangeoyent sous sa conduite, ausquels il annonçoit d'abord, qu'il falloit quitter le corps & venir à luy auec le seul esprit. Oyans leurs confessions il detestoit auec vne seuerité

INTRODUCTION 220 extraordinaire toutes sortes de defauts, pour petits qu'ils fussent, & sollicitoit tellemet ces pauures apprentifs, à la perfection, qu'à force de les y pousser, il les en retiroit, car ils perdoyent cœur & haleine de se voir si instamment poussezen vne montee si droitte & releuée. Voyez vous, Philothee, c'estoit le zele tres-ardet d'vne parfaicte pureté qui prouoquoit ce grad saince à cette sorte de methode;& ce zele estoit vne grande vertu, mais vertu neantmoins qui ne laissoit pas d'estre reprehensible. Aussi Dieu mesme par vne sacree apparition l'en corrigea, respendant en son ame vn esprit doux, suaue, amiable, & tendre, par le moyen duquel s'estant rendu tout autre, il s'accusa grandement d'auoir esté si exacte & seuere, & deuint tellement gracieux & condescendant auec vn chacun, qu'il se fit tout à tous pour les

A LA VIE DEVOTE. 221 les gaigner tous. Sainct Hierosme ayant raconté, que saincte Paule sa chere fille, estoit non seulemet excessiue, mais opiniastre en l'exercice des mortifications corporelles, iusques à ne vouloir point ceder à l'aduis contraire que S. Epiphane son Euesque luy auoit donné pour ce regard, & qu'outre cela, elle se laissoit tellement emporter au regret de la mort des siens, que tousiours elle en estoit en danger de mourir. En fin il conclud en ceste sorte, on dira qu'en lieu d'escrire des louages pour ceste saincte, i'en escrits des blasmes & vituperes, i'atteste Iesus auquel elle a seruy, & auquel ie desire seruir, que ie ne ments ny d'vn costé ny d'autre, ains produits naifuement ce qui est d'elle, comme Chrestien d'vne Chrestienne, c'est à dire, i'en escrits l'histoire non pas vn panegyric, & que ses vices sont les vertus des

122 INTRODUCTION

autres. Il veut dire que les dechets & deffaicts de saince Paule eusset tenu lieu de vertu en vne ame moins parfaicte: comme à la verité il y a des actions qui sont estimees imperfectios en ceux qui sont parfaicts, lesquelles seroyent neantmoins tenues pour grandes perfections en ceux qui sont imparfaits. C'est bon signe en vn malade quad au sortir de sa maladie les iambes luy enslent, car cela denote que la nature desia renforcee, rejette les humeurs superflues; mais ce mesme signe seroit mauuais en celuy qui ne seroit pas malade; car il feroit cognoistre que la nature n'a pas assez de force pour dissiper & resoudre les humeurs. Ma Philothee, il faut auoir bonne opinion de ceux esquels nous voyons la prattique des vertus, quoy qu'auec imperfection, puis que les Saincts mesmes les ont souuent prattiquez

A LA VIE DEVOTE. en ceste sorte. Mais quant à nous, il no9 faut auoir soin de nous y exercer, non seulement fidellement: mais prudemment, & à c'est esfect obseruer estroittement l'aduis du Sage, de ne point nous appuyer sur nostre propre prudence, ains sur celle de ceux que Dieu nous a

donnez pour conducteurs.

Il y a certaines choses que plusieurs estiment vertus, & qui ne le sont aucunemet, desquelles il faut que ie vous die vn mot; ce sont les extases, ou rauissemens, les insensibilitez, impassibilitez, vnions deifiques, eleuations, transformatios, & autres telles perfectios, desquelles certains liures traittét; qui promettent d'esseuer l'ame iusqu'à la contemplation purement intelle-Auelle, à l'applicatio essentielle de l'esprit, & vie supereminente. Voyez vous, Philothee, ces perfectios ne sont pas vertus, ce sont plustor

INTRODUCTION des recompences que Dieu donne pour les vertus, ou bien encor plustot des eschantillons des felicitez de la vie future, qui quelquefois sont presentez aux hommes, pour leur faire desirer les pieces toutes entieres qui sont là haut en paradis. Mais pour tout cela il re faut pas pretendre à telles graces, puis qu'elles ne sont nullement necesfaires pour bien seruir & aymer Dieu, qui doit estre nostre vnique pretention; aussi bien souuent ne sont pas des graces qui puissent estre acquises par le trauail & l'industrie, puis que ce sont plustot des passions que des actions, lesquelles nous pouuons receuoir, mais non pas faire en nous; i'adiouste q nous n'auos pas entreprins de nous rendre sinon gens de bien, gens de deuotion, hommes pieux, femmes pieuses, c'est pourquoy il nous faut bien employer à cela, que s'il plait à Dieu

A LA VIE DEVOTE. à Dieu de nous esseuer iusques à ces perfections angeliques, nous serons aussi des bons Anges: mais en attendant, exerçons nous simplement, humblement & deuotement aux petites vertus, la coqueste desquelles nostre Seigneur a exposee à nostre soin, & trauail; la patience, la debonnaireté, la mortification du cœur, l'humilité, l'obeissance, la pauureté, la chasteté, la tendreté enuers le prochain, le support de ses imperfections, la diligence & sain&e ferueur. Laissons volontiers les sur-eminences aux ames sur-esleuees, nous ne meritos pas vn rang si haut au seruice de Dieu, trop heureux serons nous de le seruir en sa cuisine; en sa paneterie, d'estre ses laquais, porte-faix, garçons de chambre : C'est à luy par apres si bo luy semble de nous tirer en son cabinet & conseil priué. Oüy Philothee, car ce Roy de

226 INTRODUCTION gloire ne recompense pas ses seruiteurs, selon la dignité des offices qu'ils exercent, mais selon l'amour & l'humilité auec laquelle ils les exercent. Saül cerchant les asnes de son pere, treuua le royaume d'Israël; Rebecca abreuuant les chameaux d'Abraham, deuint efpouze de son fils Ruth, glannant apres les moissonneurs de Boos & se couchant à ses pieds, fut tiree à son costé & rédue son espouze cerres les pretentions si hautes & esleuees des choses extraordinaires sot grandement sujettes aux illusions, tromperies, & faussetez; & arrive quelquefois que ceux qui pensent estre des Anges, ne sont pas seulement bons-hommes, & qu'en leur fait il y a plus de grandeur és parolles & termes dot ils vsent, qu'au sentiment & en l'œuure; il ne faut pourtant rien mespriser ny césurer temerairement, mais en benissant

Dieu

Dieu de la sur-eminence des autres, arrestons-nous humblement en nostre voye plus basse, mais plus asseurce; moins excellente, mais plus sortable à nostre insuffisance & petitesse, en laquelle si nous couersons humblement & sidellement, Dieu nous esseurca à des grandeurs bien grandes.

De la Patience. CHAP. 3.

O v s auez besoin de patience, affin que faisant la volonté de Dieu, vous en rapportiez la promesse, dit l'Apostre, ouy, car comme auoit pronocé, le Sauueur, En vostre patience vous possederez vos ames. C'est le grand bon-heur de l'homme Philothee, que de posseder son ame, & à mesure que la patience est plus parfaitre, nous possedos plus parfaitremet nos ames, il nous faut donc perfectionner en cette vertu. Resouvenez vous souuent que nostre Seigneur nous a

228 INTRODUCTION

sauuez en souffrant & endurant, & que de mesme nous deuons faire nostre salut, par les souffrances & afflictions, enduras les iniures, contradictios & desplaisirs, auec le plus de douceur qu'il nous sera possible.

· Ne bornez point vostre patience à telle ou telle sorte d'iniures, & d'afflictions, mais estendez-la vniuersellement à toutes celles que Dieu vous enuoyera & permettra vous arriuer. Il y en a qui ne veulet souffrir sinon les tribulations qui sont honnorables, come par exemple, d'estre blessez à la guerre, d'estre prisonnier de guerre, d'estre mal traitté pour la religion, de s'estre apauury par quelque querelle, en laquelle ils soyet demeurez maistres: & ceux-cy n'aymét pas la tribulation, mais l'honneur qu'elle apporte.Le vray patiét & seruiteur de Dieu, supporte esgalement les tribulations conjointes à l'ignominie,

A LA VIE DEVOTE. 229 nie, & celles qui sont honnorables: d'estre mesprisé, reprins, & accusé par les meschans, ce n'est que douceur à vn homme de courage:mais d'estre reprins, accusé & mal traitté par les ges de bien, par les amis, par les parens, c'est là où il y va du bon. l'estime plus la douceur, auec laquelle le bien-heureux Cardinal Borromee souffrit longuement les reprehésiós publiques, qu'vn grad predicateur d'vn ordre extremement reformé faisoit contre luy en chaire, que toutes les attaques qu'il receut des autres. Car tout ainsi que les picqueures des abeilles sot plus cuisantes que celles des mouches: ainsi le mal que lon reçoit des gens de bien, & les contradictions qu'ils font, sont bien plus insupportales que les autres: & cela neantmoins arrive fort souvent, que deux hommes de bien ayant tous deux bonne intention, sur la diuersi diuersité de leurs opinions, se font des grandes persecutions & contradictions l'vn à l'autre.

Soyez patiente, non seulement pour le gros & principal des afflictions qui vous suruiendront, mais encore pour les accessoires & accidens qui en dependront. Plusieurs voudroyent bien auoir du mal, pourueu qu'ils n'en fussent point incomodez: Iene me fasche point dit l'vn, d'estre deuenu pauure, si ce n'estoit que cela m'empeschera de seruir mes amis, esseuer mes enfans & viure honnorablement comme ie desirois. Et l'autre dira, ie ne m'é soucirois point, si ce n'estoit que le monde pensera que cela me soit arriué par ma faute. L'autre seroit tout ayse que l'on mesdit de luy,& le souffriroit fort patiément, pourueu que personne ne creust le medisant. Il y en a d'autres qui veulet bien auoir quelque incommodité du

A LA VIE DEVOTE. 231 du mal ce leur semble, mais no pas, toute. Ils ne s'impatientent pas, disent-ils, d'estre malades, mais de ce qu'ils n'ont pas de l'argent pour se faire panser, ou bié de ce que ceux qui sont autour d'eux en sont importunez. Or ie dis, Philothee, qu'il faut auoir patience, non seulement d'estre malade, mais de l'estre de la maladie que Dieu veut, au lieu où il veut, & entre les personnes qu'il veut, & auec les incommoditez qu'il veur, & ainsi des autres tribulations. Quand il vous arriuera du mal, opposez à iceluy les remedes qui seront possibles, & selon Dieu, car de faire autrement se seroit téter sa diuine Majesté: mais aussi cela estant fait, attedez auec vne entiere resignation l'essect que Dieu aggreera; s'il luy plait que les remedes vainquent le mal, vous le remercierez auec humilité: mais s'illuy plait que le mal surmonte les reme 232 INTRODUCTION

remedes, benissez-le auec patiéce.

Ie suis de l'aduis de S. Gregoire; Quand vous serezaccusee iustemet, pour quelque faute que vous aurez commise, humiliez-vous bie fort: confessez que vous merités plus que l'accusation qui est faite contre vous. Que si l'accusation est fausse, excusez-vous doucemet, niant d'estre coulpable; car vous deuez ceste reuerece à la verité, & à l'edification du prochain: mais aussi si apres vostre veritable & legitime excuse, on continue à vous accuser, ne vous troublez nullemet & ne taschez point à faire receuoir vostre excuse: car apres auoir rendu vostre deuoir à la verité; vous deuez le rendre aussi à l'humilité. Et en ceste sorte vous n'offencerez ny le soin que vous deuez auoir de vostre renommee, ny l'affectio que vous deuez à la tranquillité, douceur de cœur & humilité.

Plaignez-vous le moins que vous pourrez des torts qui vous seront faits: car c'est chose certaine que pour l'ordinaire qui se plaint peche, dautant que l'amour propre nous fait tousiours ressentir les iniures plus grandes qu'elles ne sont: mais sur tout ne faites point vos plaintes à des personnes aysees à s'indigner & mal penser. Que s'il est expediét à vous plaindre à quelqu'vn, ou pour remedier à l'offence ou pour accoiser vostre esprit, il faut que ce soit à des ames traquilles, & qui aimet bien Dieu: car autrement au lieu d'alleger vostre cœur, elles le prouoqueroyent à plus grandes inquietudes: au lieu d'oster l'espine qui vous picque, elles la ficheront plus auat en vostre pied.

Plusieurs estans malades, affligez & offencez de quelqu'vn, s'empeschent bien de se plaindre &

mon

234 INTRODUCTION monstrer de la delicatesse, car cela à leur aduis (& il est vray) tesmoigneroit euidemment vne grande defaillance, de force, & de generosité; mais ils desirét extremement, & par plusieurs artifices recerchét que chacun les plaigne, qu'on ait grande copassion sur eux, & qu'on les estime non seulement affligez, mais patiens & courageux.Or cela est vrayement vne patience, mais vne patience fausse, qui en esset n'est autre chose qu'vne tres-delicate & tres-fine ambition & vanité. Ils ont de la gloire, dit l'Apostre, mais non pas enuers Dieu. Le vray patient ne se plaint point de son mal, ny ne desire qu'on le plaigne, il en parle naifuement, veritablement, & simplement sans se lameter, sans se plaindre, sans l'aggrandir: que si on le plaint, il souffre patiemment qu'on le plaigne, sinon qu'on le plaigne de quelque mal qu'il n'a

pas. Car alors il declare modestement qu'il n'a point ce mal là, & demeure en ceste sorte paisible entre la verité & la patience, confessant son mal, & ne s'en plaignant

point.

Ces contradictions qui vous arriueront en l'exercice de la deuotion(car cela ne manquera pas)Resouuenez vous de la parole de nostre Seigneur, La femme tandis qu'elle enfante a des grandes angoisses, mais voyant son enfant nay, elle les oublie, d'autant qu'vn homme luy est nay au monde; car vous auez coceu en vostre ame, le plus digne enfant du monde, qui est Iesus-Christ:auant qu'il soit produit, & enfanté du tout. Il ne se peut que vous ne vous ressentiez du trauail:mais ayez bon courage; car ces douleurs passees, la ioye eternelle vous demeurera, d'auoir enfanté vn tel homme au monde. Or il sera entierement enfanté fanté pour vous, lors que vous l'aurez entierement formé en vostre cœur, & en vos œuures par imitation de sa vie.

Quand vous serez malade, offrez toutes vos douleurs, peines, & langueurs au seruice de nostre Seigneur, & le supliez de les ioindre aux tourmens qu'il a receu pour vous. Obeissez au medecin, prenez les medecines, viades & autres remedes pour l'amour de Dieu, vous ressouuenat du fiel qu'il print pour l'amour de nous: desirez de guerir pour luy rendre seruice: ne refusez point de languir pour luy obeir: & disposez vous à mourir si ainsi il luy plaist, pour le louer & iouir de luy.Resouuenez-vo9 que les abeilles au temps qu'elles font le miel, viuent & mangent d'vne munitio fort amere; & qu'ainsi nous ne pouuons iamais faire des actes de plus grande douceur & patience, ny mieux

mieux composer le miel des excellentes vertus, que tandis que nous mangeons le pain d'amertume, & viuos parmy les angoisses. Et comme le miel qui est fait des sleurs de thim, herbe petite & amere, est le meilleur de tous; ainsi la vertu qui s'excerce en l'amertume des plus viles, basses & abiectes tribulatios est la plus excellente de toutes.

Voyez souuent de vos yeux interieurs, Iesus-Christ crucisié, nud, blasphemé, calomnié, abandonné, & en sin accablé de toutes sortes d'énuis, de tristesses, & de trauaux. Et considerez que toutes vos soufstrances, ny en qualité, ny en quantité, ne sont aucunement comparables aux siennes, & que iamais vous ne soussirez rien pour luy au prix de ce qu'il a sousser pour vous.

Considerez les peines que les Martyrs souffrirent iadis, & celles que que tant de personnes endurent plus griefues sans aucune proportió, que celles esquelles vous estes; & dites; helas! mes trauaux sont des consolations, & mes espines des roses en comparaison de ceux qui sans secours, sans assistance, sans allegement, viuent en vne mort continuelle accablee d'afflictions infiniment plus grandes.

De l'humilité, pour l'exterieur. CHAP. 4.

pauure vefue, & prenez pauure vefue, & prenez force vaisseaux vuides, & versez l'uyle en iceux. Pour receuoir la grace de Dieu en nos cœurs, il les faut auoir vuides de nostre propre gloire. La cresserelle criant & regardant les oyseaux de proye les espouuante par vne proprieté & vertu secrette; c'est pourquoy les colombes l'ayment sur tous autres oyseaux, & viuent en asseurance aupres

aupres d'icelle; ainsi l'humilité, repousse Satan, & conserue en nous les graces & dons du S. Esprit; & pour cela tous les sainces, mais particulierement le Roy des sainces, & sa mere, ont tousiours honnoré & chery cette digne vertu plus qu'aucun autre entre toutes les morales.

Nous appellons vaine, la gloire qu'on se done, ou pource qui n'est pas en nous, ou pource qui est en nous, mais no pas à nous; ou pource qui est en nous, & à nous, mais quine merite pas qu'o s'en glorifie. La noblesse de la race, la faueur des grads, l'honneur populaire, ce sont choses qui ne sont pas en nous, mais ou en vos predecesseurs ou en l'estime d'autruy. Il y en a qui se rendent siers & morgas, pour estre sur vn bon cheual, pour auoir vn pennache en leur chapeau, pour estre habillez somptuesemet, mais qui

INTRODUCTION qui ne void cette folie? Car s'il y a de la gloire pour cela elle est pour le cheual, pour l'oyseau, & pour le tailleur, & quelle lascheté de courage est-ce d'empruter son estime d'vn cheual, d'vne plume, d'vn goderon? les autres se prisent & regardent, pour des moustaches releuez, pour vne barbe bié peignee, pour des cheueux crespez, pour des mains douillettes, pour sçauoir dancer, iouer, chanter: mais ne sont ils pas lasches de courage, de vouloir encherir leur valeur & donner du surcroist à leur reputation, par des choses si friuoles & folastres? Les autres pour vn peu de science, veulent estre honnorez & respe-&ez du monde, comme si chacun deuoit aller à l'eschole chez eux,& les tenir pour maistres; c'est pourquoy on les appelle pedants. Les autres, se pauonnent sur la consideration de leur beauté & croyet que

que tout le monde les muguette; tout cela est extremement vain, sot & impertinent, & la gloire qu'on prend de si foibles sujets, s'appelle vaine, sotte, & friuole.

On cognoist le vray bien comme le vray baume: on fait l'essay du baume en le distillat dedans l'eau; car s'il va au fond, & qu'il prenne le dessous, il est iugé pour estre du plus fin & precieux; ainsi pour cognoistre si vn homme est vrayemet sage, sçauant, genereux, noble, il faut voir, si ces biens tendet à l'humilité, modestie & soumission, car alors ce seront des vrais biens; mais s'ils surnagent & qu'ils vueillent paroistre, ce seront des biens d'autant moins veritables qu'ils seront plus apparens. Les perles qui sont conceües ou nourries au vent & au bruit des tonnerres, n'ont que l'escorce de perle, & sont vuides de substance; ainsi les vertus & belles

qualitez des hommes qui sont receües & nourries en l'orgueil, en la ventance, & en la vanité, n'ont que vne simple apparence du bien, sans suc, sans moüelle & sans solidité.

Les honneurs, les rangs, les dignitez, font comme le saffran, qui se porte mieux, & vient plus abondamment d'estre foullé aux pieds. Ce n'est plus honneur d'estre beau quand on s'en regarde; la beauté pour auoir bonne grace doit estre negligee, la science nous deshonnore quad elle nous ensle & qu'elle degenere en pedanterie.

Si nous sommes pointilleux pour les rangs, pour les seances, pour les tiltres, outre que nous exposos nos qualitez à l'examen, à l'enqueste & à la cotradiction, nous les rendons viles & abiectes; car l'honneur qui est beau estant receu en don, de-uient vilain quand il est exigé recerché & demandé. Quad le Paon fait

A LA VIE DEVOTE. 243 fait sa rouë pour se voir, en leuant ses belles plumes, il se herisse de tout le reste, & monstre de part & d'autre ce qu'il a d'infame; les fleurs qui sont belles plantees en terre, flaitrissent estant maniees. Et comme ceux qui odorent la mandragore de loin, & en passant en reçoiuent beaucoup de suauité, mais ceux qui la sentent de pres & longuement, en deuiennent assoupis & malades; ainsi les honneurs rendent vne douce consolation à celuy qui odore de loin & legerement, sans s'y amuser, & s'en empresser; mais à qui s'y affectionne & s'en repaist, ils sont extremement blasmables & vituperables.

La poursuitte & amour de la vertu commence à nous rendre vertueux; mais la poursuitte & a-mour des honneurs commence à nous rendre mesprisables & vituperables. Les esprits bien naiz, ne

INTRODUCTION 244 s'amusent pas à ces menus fatrats de rangs d'honneurs, de salutatios, ils ont d'autres choses à faire, c'est le propre des esprits faineans. Qui peut auoir des perles, il ne se charge pas des coquilles; & ceux qui pretendent à la vertu, ne s'empressent point pour les honneurs. Certes chacun peut entrer en son rag, & s'y tenir sans violer l'humilité, pourueu que cela se face negligément & sans contention. Car comme ceux qui viennent du Peru outre l'or & l'argent qu'ils en tirent, apportent encor des Singes & Perroquets, parce qu'ils ne leur coustét guieres & ne chargét pas aussi beaucoup leurs nauires; ainsi ceux qui pretendent à la vertu ne laifsent pas de prendre leurs rangs & les honneurs qui leur sont deus, pourueu toutesfois que cela ne leur couste pas beaucoup de soin & d'atention, & que ce soit sans en estre

estre chargez de trouble, d'inquietude, de disputes & contentions. Ie ne parle neatmoins pas de ceux desquels la dignité regarde le public, ny de certaines occasions particulieres qui tirent une grande consequence. Car en cela il faut que chacun conserue ce qui luy appartient, auec une prudence & discretion, qui soit accompagnée de charité & courtoisse.

De l'humilité plus interieure. CHA. 5.

A 1 s vous desirez, Philothee, que ie vous conduise plus auant en l'humilité, car à faire comme i'ay dit, c'est quasi plustost sagesse qu'humilité, maintenant doncques ie passe outre. Plusieurs ne veulent ny n'osent penser & considerer les graces que Dieu leur a faictes en particulier, de peur de prédre de la vaine gloire & complaisance; en quoy certes ils se trompent: car puis que com-

246 INTRODUCTION me dit le grand docteur Angelique, le vray moyen d'atteindre à l'amour de Dieu, c'est la consideration de ses bien-faits, plus nous les cognoistrons, plus nous l'aymerons; & comme les benefices particuliers esmeuuent plus puissamment que les communs, aussi doyuent-ils estre considerez plus attétiuement. Certes rien ne nous peut tant humilier deuant la misericorde de Dieu, que la multitude de ses bien-faicts; ny rien tant humilier deuant sa iustice, que la multitude de nos mesfaits. Considerons ce qu'il a fait pour nous, & ce que nous auons fait contre luy;& comme nous considerons par le menu nos pechez, considerons aussi par le menu ses graces. Il ne faut pas craindre que la cognoissance de ce qu'il a mis en nous, no enfle, pourueu que nous soyons attentifs à ceste verité, que ce qui est de bon

A LA VIE DEVOTE. 247 en nous, n'est pas de nous. Helas!les mulets laisset ils d'estre des lourdes & puates bestes, pour estre chargez des meubles precieux & parfumez du Prince. Qu'auons nous de bon que nous n'ayons receu, & si nous l'auons receu pourquoy nous en voulons nous enorqueillir? Au contraire la viue consideration des graces receiles nous rend humbles; car la cognoissance engendre la recognoissance. Mais si voyans les graces que Dieu nous a faictes, quelque sorte de vanité nous venoit chatouiller, le remede infaillible sera de recourir à la cosideration de nos ingratitudes, de nos imperfections, de nos miseres; si nous considerons, ce que nous auons fait, quand Dieu n'a pas esté auec nous, nous cognoistrons bien que ce que nous faisons quandil est auec nous, n'est pas de nostre façon, ny de nostre creu: nous en iouyrons voirement; & nous en

248 INTRODUCTION resiouyrions parce que nous l'auons, mais nous en glorifierons Dieu seul, parce qu'il en est l'autheur.

Ainsi la saincte Vierge confesse que Dieu luy a fait choses tresgrãdes, mais ce n'est que pour s'en humilier & magnifier Dieu; Mon ame, dit-elle, magnifie le Seigneur, parce

qu'il ma fait choses grandes.

Nous disos maintefois que nous ne sommes rien, que nous sommes la misere mesme, & l'ordure du monde, mais nous serions bie marris qu'on nous pritau mot, & que l'on nous publiast tels que nous disons. Au contraire nous faisons semblat de fuir & de nous cacher, assin qu'on nous coure apres, & qu'on nous cerche: nous faisons contenace de vouloir estre les derniers & assis au bas bout de la table, mais c'est affin de passer plus auantageusement au haut bout.La

A LA VIE DEVOTE. vraye humilité ne fait pas semblat de l'estre, & ne dit gueres de parol--les d'humilité, car elle ne desidere pas seulement de cacher les autres vertus, mais encor & principalement elle souhaite de se cacher soy-mesme. Et s'il luy estoit loysible de metir, de feindre ou de scadaliser le prochain, elle produiroit des actions d'arrogance & de fierté, affin de se receller sous icelles & y viure du tout inconneile & à couuert. Voicy donc mon aduis, Philothee, ou ne disons point de parolles d'humilité, ou disons les auec vn vray sentiment interieur, conforme à ce que nous prononçons exterieurement, n'abbaissons iamais les yeux qu'en humiliat nos cœurs, ne faisons pas semblant de vouloir estre les derniers que de bon cœur nous ne voulussions l'estre. Or ie tiens cette regle si generale que ie ny apporte nulle exce-

INTRODUCTION ption: seulement i'adiouste que la ciuilité requiert, que nous presentions quelquefois l'aduantage, à ceux qui manifestemet ne le prendront pas, & ce n'est pourtant pas ny duplicité, ny fausse humilité; car alors le seul offre de l'aduantage est vn commencement d'honneur, & puis qu'on ne peut le leur donner entier, on ne fait pas mal de leur en donner le commencement. l'en dis de mesme de quelques paroles d'honneur, ou de respect, qui à la rigueur ne semblent pas veritables, car elles le sot neatmoins asses pourueu que le cœur de celuy qui les prononce ait vne vraye intention d'honnorer & respecter celuy pour lequel il les dit. Car encor que les mots signifient auec quelques exces, ce que nous disons, nous ne faisons pas mal de les employer, quand l'vsage commu le requiert; Il est vray qu'encor

A LA VIE DEVOTE. voudrois-ie que les parolles fusset adioustees à nos affections, au plus pres qu'il nous seroit possible, pour suiure en tout & par tout la simpliplicité & cadeur cordiale. L'homme vrayement humble aymeroit mieux qu'vn autre dit de luy qu'il est miserable, qu'il n'est rien, qu'il ne vaut rien, que non pas de le dire luy-mesme; au moins s'il sçait qu'õ le die, il ne contredit point, mais acquiesce de bon cœur; car croyat fermement cela, il est bien aise qu'on suiue son opinion. Plusieurs disent qu'ils laissent l'oraison mentale pour les parfaits, parce qu'ils nesont pas dignes de la faire; les autres protestent qu'ils n'osent pas souuent communier, parce qu'ils ne se sentent pas assez purs; les autres qu'ils craignent de faire honte à la deuotion, s'ils s'en messent, à cause de leur grande misere & fragilité, & les autres refusent d'em-

INTRODUCTION ployer leur talét au seruice de Dieu & du prochain; parce, disent-ils, qu'ils connoissent leur foiblesse, & qu'ils ont peur de s'en orgueillir s'ils sont instrumet de quelque bie; & que en esclairant les autres ils ne se cosument. Tout cela n'est qu'artifice & vne sorte d'humilité non seulement fausse, mais maligne, par laquelle on veut tacitement & subtilement blasmer les choses de Dieu, ou au fin moins couurir d'vn pretexte d'humilité l'amour propre de son opinion, de son humeur & de sa paresse.

Demande à Dieu un signe, ou au ciel d'en haut, ou au prosond de la mer en bas, dit le Prophete au mal-heureux Achaz, & il respondit, Non ie ne le demanderay point & ne tenteray point le Seigneur, à le meschant! il fait semblant de porter grande reuerence à Dieu, & sous couleur d'humilité s'excuse d'aspirer à la

A LA VIE DE VOTE. 253 grace, de laquelle sa divine bonté luy fait semonce. Mais ne void-il pas, que quand Dieu nous veut gratisier, c'est orgueil de refuser, que les dons de Dieu nous obligent à les receuoir, & que c'est humilité d'obeir, & suiure au plus pres que nous pouuons ses desirs. Or le desir de Dieu est que nous soyons parfaits, nous vnissans à luy & l'imitans au plus pres que nous pouuons. Le superbe qui se fie en soy-mesme a bien occasion de n'oser rien entreprendre; mais l'humble est d'autat plus courageux qu'il se reconnoist plus impuissant, & à mesure qu'il s'estime chetif, il deuient plus hardy, parce qu'il a toute sa conance en Dieu, qui se plait à magnifier sa toute-puissance en nostre infirmité, & esleuer sa misericorde sur nostre misere. Il faut donques humblement & sainctement oser tout ce qui est jugé propre 254 INTRODUCTION pre à nostre aduancement par ceux qui conduisent nos ames.

Penser sçauoir ce qu'on ne sçait pas, c'est vne sottise expresse; vouloir faire le sçauant de ce qu'on cognoit bié que l'on ne scait pas, c'est vne vanité insupportable, pour moy ie ne voudrois pas mesme faire le sçauant de ce que ie sçaurois, comme au contraire ie n'en voudrois non plus faire l'ignorant. Quad la charité le requiert, il faut communiquer rondement & doucement auec le prochain, non seulemet ce qui luy est necessaire pour son instruction, mais aussi ce qui luy est vtile pour sa cosolation. Car l'humilité qui cache & couure les vertus pour les conseruer, les fait neantmoins paroistre quad la charité le commande pour les accroistre, aggrandir, & perfectionner. En quoy elle resséble à cest arbre des Mes de Tylos, lequel de nuiet res*ferre*

A LA VIE DEVOTE. 255 serre & tient closes ses belles fleurs incarnates, & ne les ouure qu'au Soleil leuant, de sorte que les habitans du pays disent que ces fleurs dorment de nuict; car ainsi l'humilité couure & cache toutes nos vertus & perfections humaines, & ne les fait iamais paroistre que pour la charité, qui estant vne vertu non point humaine, mais celeste, non point morale, mais diuine; est le vray Soleil des vertus, fur lesquelles elle doit tousiours dominer. Si que les humilités qui preiudicient à la charité, sont indubitablement fausses.

Ie ne voudrois ny faire du fol ny faire du sage, car si l'humilité n'empesche de faire le sage, la simplicité & rondeur n'empescheront aussi de faire le fol; & si la vanité est contraire à l'humilité, l'artistice, l'affaiterie, & feintise est contraire à la rondeur & simplicité. Que si quelques 256 INTRODUCTION ques grands seruiteurs de Dieu ont fait semblant d'estre fols, pour se rendre plus abiects deuant le monde, il les faut admirer & non pas imiter. Car ils ont eu des motifs pour passer à cest excés, qui leur ont esté si particuliers & extraordinaires, que personne n'en doit tirer aucune consequence pour soy. Et quant à Dauid s'il dansa & sauta vn peu plus que l'ordinaire bien-seance ne requeroit, deuant l'Arche de l'alliance, ce n'estoit pas qu'il voulust faire le fol, mais tout simplement & sans artifice il faisoit ces mouuemens exterieurs, conformes à l'extraordinaire & desmesuree allegresse qu'il sentoit en son cœur. Il est vray que quand Michol sa féme luy en fist reproche, come d'vne folie, il ne fut pas marry de se voir auily, ains perseuerant en la naiue & veritable representation de sa ioye, il tesmoigna d'estre bien aile aise de receuoir vn peu d'opprobre

pour son Dieu.

En suite dequoy, ie vous diray, que si pour les actions d'vne vraye & naiue deuotion on vous estime vile, abiecte ou folle, l'humilité vo fera resiouir de ce bien-heureux opprobre, duquel la cause n'est pas en vous, mais en ceux qui le font.

Que l'humilité, nous fait aymer nostre propre abiection. CHAP. 6.

E passe plus auant, & vous

par tout vous aymiez vostre propre abiection; mais, ce me dites-vous, que veut dire cela, aymez vostre propre abiection? En Latin abiection veut dire humilité; & humilité veut dire abiection; si que quand nostre Dame en son sacré Cantique, dit, que parce que nostre Seigneur a veu l'humilité de sa seruante, toutes les generations la diront bien-heureuse, elle veut dire que

258 INTRODUCTION que nostre Seigneur a regardé de bon cœur son abiection, vileté & bassesse pour la combler de graces & faueurs. Il y a neantmoins difference entre la vertu d'humilité & l'abiection, car l'abiection est la petitesse, bassesse & vileté qui est en nous, sans que nous y pensiós: mais quant à la vertu d'humilité, c'est la veritable cognoissace & volotaire recognoissance de nostre abiectio. Or le haut point de ceste humilité gist à non seulement recognoistre volontairement nostre abiection, mais l'aymer & s'y complaire, non point par manquement de courage & generosité, mais pour exalter tant plus la diuine Majesté, & estimer beaucoup plus le prochain en comparaison de nous-mesme. Et c'est cela à quoy ie vous exhorte,& que pour mieux entendre, sçachez, qu'entre les maux que nous souffrons, les vns sont abiects & les au-

A LA VIE DEVOTE. 259 tres honnorables, plusieurs s'accomodent aux honorables, maisprefque nul ne veut s'accomoder aux abiects. Voyez vn deuotieux hermite tout dechiré & plein de froid, chacun honnore son habit gasté, auec compassion de sa souffrance; mais si vn pauure artisa, vn pauure gentil-homme, vne pauure damoiselle en est de mesme, on l'en mesprise, on s'en mocque, & voila come sa pauureté est abiecte. Vn religieux reçoit deuotement vne aspre censure de son superieur, ou vn enfant de son pere, chacun appellera cela mortification, obediéce, & sagesse, vn cheualier & vne dame en souffrira de mesme de quelqu'vn, & quoy que ce soit pour l'amour de Dieu, chacun l'appellera coüardise & lascheté. Voyla donc encor vn autre mal, abiect. Vne personne a vn chancre au bras, & l'autre l'a au visage, celuy-là n'a que le mal, mais

mais celuy-cy auec le mal a le mespris, le desdain & l'abiection. Or ie dis maintenat qu'il ne faut pas seulement aymer le mal, ce qui se fait par la vertu de patience, mais il saut aussi cherir l'abiection, ce qui se fait

par la vertu de l'humilité.

De plus il y a des vertus abjectes, & des vertus honorables; la patience, la douceur, la simplicité & l'humilité mesme sont des vertus que les mondains tiennent pour viles & abjectes; au contraire ils estimét beaucoup la prudence, la vaillace, & la liberalité. Il y a encor des actions d'vne mesme vertu, dot les vnes sont mesprisees, & les autres honorees; donner l'aumosne & pardonner les offences, sont deux actions de charité; la premiere est honnoree d'vn chacun, & l'autre mesprisee aux yeux du monde. Vn ieune gentil-homme ou vne ieune Dame, qui ne s'abandonnera pas

A LA VIE DEVOTE. 261 au desreglemet d'vne trouppe desbauchee, à parler, iouer, danser, boire, vestir, sera brocardé & censuré par les autres, & sa modestie sera nommee ou bigoterie ou affaiterie, aymer cela, c'est aymer son abjectio. En voicy d'vne autre sorte; nous allons visiter les malades, si on m'enuoye au plus miserable, ce me sera vne abjection selon le mode; c'est pourquoy ie l'aimeray si on m'enuoye à ceux de qualité, c'est vne abjection selon l'esprit. Cariln'y a pastant de vertu ny de merite: & i'aymeray doc cette abjection. Tobant emmy la rue, outre le mal, l'on en reçoit de la honte, il faut aymer cette abjection. Il y a mesme des fautes esquelles il n'y a aucun mal que la seule abjection, & l'humilité ne requiert pas qu'on les fasse expressement, mais elle requiert bien, qu'on ne s'inquiete point quand on les aura commises; telles

262 INTRODUCTION telles sont certaines sottises, inciuilitez, & inaduertances, lesquelles comme il faut euiter auant qu'elles soyent faites pour obeir à la ciuilité & prudence : aussi faut-il quand elles sont faittes, acquiescer à l'abiection qui nous en reuier, & l'accepter de bon cœur pour suiure la saincte humilité. Ie dis bien d'auantage; si ie me suis desreglé par cholere ou par dissolutio, à dire des parolles indecentes & desquelles Dieu & le prochain est offencé, ie me repentiray viuement & seray extrememet marry de l'offence laquelle ie m'essayeray de reparer le mieux qu'il me sera possible, mais ie ne laisseray pas d'agreer l'abjectió & mespris qui m'en arriue, & si l'vn se pouuoit separer, d'auec l'autre, ie reietterois ardemment le peché, & garderois humblement l'abiection.

Mais quoy que nous aymions l'abje

A LA VIE DEVOTE. 263 l'abjection qui s'ensuit du mal, si ne faut il pas laisser de remedier au mal qui la causee, par des moyens propres & legitimes mais sur tout quand le mal est de consequence. Si i'ay quelque mal abject au visage, i'en procureray la guerison, mais no pas que l'on oublie l'abieation laquelle i'en ay receüe. Si i'ay fait vne sottise qui n'offence personne, ie ne m'en excuseray pas, parce qu'encor que ce soit vn defaut, si est ce qu'il n'est pas permanent; ie ne pourrois doncques m'é excuser que pour l'abiection qui m'en reuier. Or c'est cela que l'humilité ne me peut permettre; mais si par mesgarde ou par sottise i'ay offencé ou scandalisé quelqu'vn, ie repareray l'offence par quelque veritable excuse, d'autant que le mal est permaner, & que la charité m'oblige de l'effacer. Au demeurant il arriue quelquesfois que la charité requiert

requiert que nous remedios à l'abjection pour le bien du prochain, auquel nostre reputation est necessaire; mais en ce cas là ostant nostre abjection de deuant les yeux du prochain pour empescher son scadale, il l'a faut serrer & cacher dedans nostre cœur à sin qu'il s'en edifie.

Mais vous voudriez sçauoir, Philothee; qu'elles sont les meilleures abiections; & ie vous dis clairemet que les plus proffitables à l'ame, & aggreables à Dieu, sont celles que nous auons par accident, ou par la condition de nostre vie, parce que nous ne les auons pas choisies, ains les auons receües telles que Dieu nous les a enuoyees, duquel l'election est tousiours meilleure que la nostre. Que s'il en falloit choisir, les plus grades sont les meilleures, & celles-là sont estimees les plus grandes, qui sont plus contraires à nos

ALA VIE DEVOTE. 265 nos inclinations, pourueu qu'elles soyent conformes à nostre vocatio; car pour le dire vne fois pour toutes, nostre choix & eslection gaste & amoindrit presque toute nos vertus. Ah! qui nous fera la grace de pouuoir dire auec ce grad Roy, I'ay choisi d'estre abiect en la maison de Dieu, plustost que d'habiter és tabernacles des pecheurs. Nul ne le peut, chere Philothee, que celuy qui pour nous exalter vescut & mourust en sorte qu'il fut l'opprobre des hommes, & l'abiection du peuple. Ie vous ay dit beaucoup de choses qui vous sembleront dures quand vous les considererez; mais croyez moy, elles seront plus douces, que le sucre & le miel quand vous les prattiquerez.

Comme il faut conserver la bonne renommee en prattiquant l'humilité.

CHAP. 7. M

266 INTRODUCTION

A louange, l'honneur & la gloire ne se donnent pas aux hommes, pour vne simple vertu,

pour vne simple vertu, mais pour vne vertu excellente, car par la louange nous voulons persuader aux autres d'estimer l'excellence de quelqu'vn, par l'honneur: nous protestons que nous l'estimons nous mesmes; & la gloire n'est autre chose à mo aduis, qu'vn certain esclat de reputation qui rejaillit de l'assemblage de plusieurs louanges & honneurs. Si que les honneurs & louanges sont comme des pierres precieuses, de l'amas desquelles reüssit la gloire comme vn esmail. Or l'humilité ne pouuant souffrir que nous ayons aucune opinion d'exceller ou deuoir estre preferez aux autres, ne peut aussi permettre que nous recerchions la louange, l'honneur ny la gloire qui sont deuës à la seule excellen

À LA VIE DEVOTE. 267 cellence: elle consent bien neantmoins à l'aduertissement du Sage qui nous admoneste d'auoir soin de nostre renommee; parce que la bonne renommee est vne estime non d'aucune excellece, mais seulement vne fimple & commune preudhommie & integrité de vie, laquelle l'humilité n'empesche pas que nous ne recognoissos en nous mesmes, ny par consequent que nous en desirions la reputation. Il est vray que l'humilité mespriseroit la renommee si la charité n'en auoit besoin, mais parce qu'elle est l'vn des fondemens de la societé humaine, & que sas elle nous sommes non seulement inutiles, mais dommageables au public à cause du scandale qu'il en recoit, la charité requiert, & l'humilité agree que nous la desirions & conseruions precieusement.

Outre cela comme les fueilles

INTRODVCTION des arbres qui d'elles mesmes ne sont pas beaucoup prisables, seruet neantmoins de beaucoup, non seulement pour les embellir, mais aufsi pour conseruer les fruicts, tandis qu'ils sont encores tendres; ainsi la bonne renommee qui de soy-mesme n'est pas vne chose fort desirable, ne laisse pas d'estre tres-vtile, non seulement pour l'ornement de nostre vie, mais aussi pour la coseruation de nos vertus, & principalement des vertus encores tendres & foibles. L'obligation de maintenir nostre reputation est d'estre tels que l'on nous estime, force vn courage genereux d'vne puissante & douce violence. Conseruons nos vertus, ma chere Philothee, parce qu'elles sont agreables à Dieu, grand & souuerain object de toutes nos actions; mais comme ceux qui veulent garder les fruicts ne se contentent pas de les confire, ains les les mettent dedans des vases propres à la conservation d'iceux. De mesme bien que l'amour divin soit le principal conservateur de nos vertus, si est-ce que nous pouvons encore employer la bonne renommee, comme fort propre & vtile à cela.

Il ne faut pas pourtant que nous soyons trop ardes, exactes, & pointilleux à cette conseruation; car ceux qui sont si douillets & sensibles pour leur reputation, resemblent à ceux qui pour toutes sortes de petites incommoditez prennét des medecines; car ceux-cy pensans conseruer leur santé, la gastent tout à fait, & ceux-la voulas maintenir si delicatement leur reputation la perdent entierement. Car par cette tendreté ils se rendent bigearres, mutins, & insupportables, & prouoquent la malice des medifans.

INTRODUCTION

La dissimulation & mespris de l'iniure & calomnie, est pour l'ordinaire vn remede beaucoup plus salutaire que le ressentiment, la coreste, & la vengeance; le mespris les fait esuanouïr; si on s'en courrouce, il semble qu'on les aduoue. Les Crocodilles n'endommagent que ceux qui les craignent, ny certes la medisance sinon ceux qui s'en

mettent en peine.

La crainte excessiue de perdre la renommee tesmoigne vne grande deffiance du fondement d'icelle qui est la verité d'vne bone vie. Les villes qui ont des pots de bois sur des grands fleuues, craignent qu'ils ne soient emportez à toutes sortes de debordemens; mais celles qui les ont de pierre n'en sont en peine que pour des inondations extraordinaires; ainsi ceux qui ont vne ame solidement chrestienne, mesprisent ordinairement les deborde

bordemens des langues iniurieufes: mais ceux qui se sentét foibles, s'inquietent à tout propos. Certes, Philothee, qui veut auoir reputatió enuers tous, la pert enuers tous, & celuy merite de perdre l'honneur, qui le veut prendre de ceux que les vices rendent vrayement infames & deshonnorez.

La reputation n'est que comme vn enseigne qui nous fait connoistre où la vertu loge; la vertu doit donques estre en tout & par tout preferee. C'est pourquoy si l'on dit vous estes un hypocrite parce que vous vous rangez à la deuotion; si l'on vous tiet pour homme de bas courage, parce que vous auez pardonné l'iniure, moquez vous de tout cela; car outre que tels iugemens se font par des nyaises & sottes gens, quand on deuroit perdre la renommee, si ne faudroit-il pas quitter la vertu, ny se destourner

Introduction 272 du chemin d'icelle, dautant qu'il faut preferer le fruit aux fueilles; c'est à dire le bien interieur & spirituel à tous les biens exterieurs. Il faut estre ialoux, mais non pas idolatre de nostre renommee, & comme il ne faut offencer l'œil des bons, aussi ne faut-il pas vouloir contêter celuy des malins. La barbe est vn ornement au visage de l'homme, & les cheueux à celuy de la femme, si on arrache du tout le poil du menton, & les cheueux de la teste, malaysement pourra-il iamais reuenir; mais si on le couppe seulement, voire qu'on le raze, il recroistra bien tost apres, & reuiendra plus fort & toffu; ainsi bien que la renommee soit couppee, ou mesme tout à fait razee par la langue des medisans, qui est, dit Dauid, comme un razoir affilé; il ne se faut point inquieter; car bien tost elle renaistra non seulement aussi belle qu'el

qu'elle estoit, mais encoreplus solide. Que si toutes ois nos vices, nos laschetez, nostre mauuaise vie, nous oste la reputation, il sera malaysé que iamais elle reuienne, parce que la racine en est arrachee. Or la racine de la renommee c'est la boté, & la probité, laquelle tandis qu'elle est en nous, peut tousiours reproduire l'honneur qui luy est deu.

Il faut quitter ceste vaine conuersation, cette inutile prattique, cette amitie friuole, cette hantise folastre, si cela nuit à la renommee; car la renommee vaut mieux que toutes sortes de vains contentemés; mais si pour l'exercice de pieté, pour l'aduancement en la deuotion, & acheminement au bien eternel, on murmure, on gronde, on calomnie; laissons abayer les mastins contre la Lune, car s'ils peuuent exciter quelque maquai274 INTRODUCTION se opinion cotre nostre reputation, & par ainsi coupper & raser les cheueux, & la barbe de nostre renommee, bien tost elle renaistra,& le razoir de la medisance seruira à nostre honneur, comme la sarpe à la vigne qu'elle fait abonder &

multiplier en fruicts.

Ayons tousiours les yeux sur Iesus-Christ crucifié, marchons en son seruice auec confiance & simplicité, mais sagement & discretement, il sera le protecteur de nostre renommee; & s'il permet qu'elle nous soit ostee, se sera pour nous en rendre vne meilleure, ou pour nous faire proffiter en la saincle humilité, de laquelle vne seule once vaut mieux que mille liures d'honneurs. Si on nous blasme iniustement opposons paisiblement la verité à la calomnie, si elle perseuere, perseuerons à nous humilier; remettans ainsi nostre reputation auec

A LA VIE DEVOTE. 275 auec nostre ame és mains de Dieu, nous ne sçaurions la mieux asseurer. Seruons Dieu par la bonne & mauuaise renommee, à l'exemple de sain & Paul, à fin que nous puissions dire auec Dauid, o mon Dien c'est pour vous que i'ay supporté l'opprobre, & que la confusion a couvert mon

visage.

l'excepte neantmoins certains crimes si atroces & infames que nuln'en doit souffrir la calomnie, quand il s'en peut iustement descharger, & certaines personnes de la bonne reputation desquelles depend l'edification de plusieurs. Car en ces cas il faut tranquillement poursuiure la reparatio du tort receu suiuat l'aduis des Theologies. De la douceur enuers le prochain, & re-

medes contrel'Ire. CHAP. 8.



E sainct cresme duquel par tradition Apostolique on vse en l'Eglise de Dieu, 276 INTRODUCTION pour les confirmations & benedi-Etions; est composé d'huyle d'oline meslee auec baume, qui represente entre autres choses les deux cheres & bien aymee vertus, qui reluisoyent en la sacree personne de nostre Seigneur, & lesquelles il nous a singulierement recommandees, comme si par icelles nostre cœur deuoit estre specialement consacré à son seruice, & appliqué à son imitation. Apprenez de moy, dit-il, que ie suis doux & humble de cœur. L'humilité nous perfectionne enuers Dieu, & la douceur enuers le prochain. Le baume qui comme i'ay dit cy-dessus, pred tousiours le dessous, parmy toutes les liqueurs, represete l'humilité, & l'huyle d'oliue qui prend toussours le dessus, represente la douceur & debonaireté, la quelle surmonte toutes choses, & excelle entre les vertus comme estant la fleur de la charité, laquelle

A LA VIE DEVOTE. quelle selon sain& Bernard est en sa perfection, quand non seulemet elle est pariéte, mais quad outre cela elle est douce & debonaire:mais prenez garde, Philothee, que ce cresme mystique composé de douceur & d'humilité, soit dedans vostre cœur, car c'est vn des grands artifices de l'ennemy de faire que plusieurs s'amusent aux paroles & contenances exterieures de ces deux vertus, qui n'examinant pas bien leurs affections interieures, pensent estre humble & doux, & ne le sont neantmoins nullement en effect, ce que l'on recognoist parce que nonobstant leur ceremonieuse & douce humilité, à la moindre parole qu'on leur dit de trauers, à la moindre petite iniure qu'ils reçoiuent, ils s'esseuent auec vne arrogance nompareille. On dit que ceux qui ont prix le preseruatif, que l'on appelle communemet la grace de sainct Paul, n'ensteur

278 INTRODUCTION point estans mordus & piquez de la vipere, pour ueu que la grace soit de la fine; de mesme quand l'humilité & la douceur sont bonnes & vrayes, elles nous garantissent de l'enflure & ardeur que les iniures ont accoustumé de prouoquer en nos cœurs. Que si estant picquez & mordu par les medisans & ennemis, nous deuenons fiers, enflez, & depitez, c'est signe que nos humilitez & douceurs ne sont pas veritables & franches, mais artificieufes & apparentes.

Ce sainct & illustre patriarche Ioseph, renuoyant ses freres d'Egypte en la maison de son pere, leur donna ce seul aduis, Ne vous courroucez point en chemin. Ie vous en dis de mesme, Philothee, ceste miserable vie n'est qu'vn acheminement à la bien-heureuse, ne nous courrouçons donc point en chemin, les vns auec les autres, marchons auec la

A LA VIE DEVOTE. 279 trouppe de nos freres & compagnonsdoucement, paisiblement, & amiablement: mais ie vous dis, nettement & sans exception, ne vous courroucez point du tout, s'il est possible, & ne receuez aucu pretexte quel qu'il soit, pour ouurir la por te de vostre cœur au courroux : çar S. Iaques dit tout court, & sans reserue que l'ire de l'home n'opere point la iustice de Dieu. Il faut voirement resister au mal & reprimer les vices de ceux que nous auons en charge, constamment, & vaillamment, mais doucement, & paisiblement. Rien ne matte tat l'Elephant courroucé que la veuë d'vn agnelet, & rien ne rompt si aysement la force des cannonades que la laine. On ne prise pas tant la correction qui sort de la passion, quoy qu'accompagnee de raison, que celle qui n'a aucune autre origine que la raison seule. Car l'ame raisonnable estant

280 INTRODUCTION naturellement sujette à la raison, elle n'est sujette à la passió que par tyrannie, & partant quand la raisõ est accompagnee de passion, elle se rend odieuse, sa iuste domination estant auilie par la societé de la tyrannie, les Princes honorent & cosolent infiniment les peuples quad ils les visitét auec vn train de paix, mais quand ils conduisent des armees, quoy que ce soit pour le bien public, leurs venues sont tousiours des-agreables & dommageables, parce qu'encor qu'ils facet exactemét obseruer la discipline militaire entre les soldats, si ne peuuentils iamais tant faire qu'il n'arriue tousiours quelque desordre, par lequel le bon homme est foulé; ainsi tandis que la raison regne & exerce paisiblement les chastimés, corrections & reprehesions, quoy que ce soit rigoureusement & exactement, chacun l'ayme & l'appreu-

A LA VIE DEVOTE. 281 ue; mais quand elle conduit auec soy l'ire, la cholere, & le courroux. Quisont dit S. Augustin, ses soldats, elle se rend plus effroyable qu'aymable, & son propre cœuren demeure tousiours foulé & mal traitté. Il est mieux dit le mesme S. Augustin, escriuant à Profuturus, de reffuser l'entree, à l'ire iuste & equitable, que de la receuoir pour petite qu'elle soit, parce qu'estant receuë, il est malaisé de la faire sortir, d'autant qu'elle entre come vn petit surgeon, & en moins de rien elle grossit & deuient vn poutre. Que si vne fois elle peut gaigner la nuict, & que le Soleil se couche sur nostre ire, ce que l'Apostre defend, se convertissant en hayne, il n'y a quasi plus moyen de s'en desfaire, car elle se nourrit de milles fausses persuasions, puisque iamais nul homme courroucé ne pensa son courroux estre iniuste. Ileft.

282 INTRODUCTION

Il est donc mieux d'entreprendre de sçauoir viure sans cholere, que de vouloir vser moderement & sagement de la cholere; & quad par imperfection & foiblesse, nous nous treuuons surpris d'icelle, il est mieux de la repousser vistement que de vouloir marchander auec elle:car pour peu qu'on luy donne de loisir elle se rend maistresse de la place, & fait comme le serpent qui tire aysement tout son corps, où il peut mettre la teste. Mais coment la repousseray-ie, me direzvous? Il faut ma Philothee, qu'au premier ressentiment que vous en aurez, vous ramassiez promptemet vos forces, non point brusquement ny impetueusement, mais doucement, & neantmoins serieusemet. Car comme on void és Audiances de plusieurs Senats & Parlemens que les huissiers cryas, paix-là, font plus de bruit que ceux qu'ils veulent faire taire; aussi il arriue maintesfois que voulans auec impetuosité reprimer nostre cholere, nous excitons plus de trouble en nostre cœur, qu'elle n'auoit pas fait, & le cœur estant ainsi troublé, ne peut plus estre maistre de soy-mesme.

Apres ce doux effort, pratiquez l'aduis que sainct Augustin ja vieil donnoit au ieune Euesque Auxilius: Fais, dit-il, ce qu'un homme doit faire. Que s'il t'arriue ce que l'homme de Dieu dit au Psalme, Mon œil est troublé de grade cholere, recours à Dieu criant, Aye misericorde de moy Seigneur, affin qu'il estende sa dextre pour reprimer to courroux. Ie veux dire qu'il faut inuoquer le secours de Dieu quand nous nous voyons agitez de cholere, à l'imitation des Apostres tourmentez du vent & de l'orage emmy les eaux; car il commandera à nos passions qu'elles cessent, & la tranquillité se fera

284 INTRODUCTION fera grande, mais tousiours ie vous aduertis, que l'oraison qui se fait contre la cholere presente & pressante, doit tousiours estre prattiquee doucement, tranquillement, & non point violemment, ce qu'il faut obseruer en tous les remedes

qu'on vze contre ce mal.

Auec cela, soudain que vous vous apperceurez auoir fait quelque acte de cholere, reparez la faute par vn acte de douceur, exercé promptemet à l'endroit de la mesme personne contre laquelle vous vous serez irritee. Car tout ainsi que c'est vn souuerain remede cotre le mensonge, que de s'en dedire sur le champ, aussi-tost que l'on s'apperçoit de l'auoir dit : ainsi est ce vn bon remede contre la cholere, de la reparer soudainement par vn acte contraire de douceur: car come l'on dit les playes fraisches sont plus aysément remediables.

A LA VIE DEVOTE. 285 Au surplus lors que vous estes en tranquillité & sans aucun sujet de cholere, faictes grande prouision de douceur & debonnaireté, disant toutes vos paroles, & faisant toutes vos actions petites & grades en la plus douce façon qu'il vous sera possible. Vous resouuenant que l'espouse au Catique des Cantiques, n'a pas seulement le miel en ses leures, & au bout de sa langue, mais elle l'a encor dessous la langue, c'est à dire dans la poitrine; & n'y a pas seulement du miel, mais encore du laict, aussi ne faut-il pas seulement auoir la parole douce à lendroit du prochain, mais encor toute la poitrine, c'est à dire tout l'interieur de nostre ame. Et ne faut pas seulemet auoir la douceur du miel, qui est aromathique & odorant, c'est à dire la suauité de la conuersation ciuile auec les estrangers, mais aussi la douceur du

du laict entre les domestiques, & proches voisins: en quoy manquét grandement ceux qui en rue semblent des Anges, & en la maison des diables.

De la douceur enuers nous mesmes. Chap. 9.

y'Vne des bonnes pratiques que nous sçaurions faire de la douceur, c'est celle de laquelle le sujet est en nous mesmes, ne despitant iamais contre nous mesmes ny contre nos imperfe-&ions. Car encore que la raison veut que quand nous faisons des fautes nous en soyons desplaisans & marris:si faut-il neantmoins que nous nous empeschions d'en auoir vne desplaisance aigre & chagrine, depiteuse & cholere: En quoy font vne grade faute plusieurs qui s'estans mis en cholere, se courroucent de s'estre courroucez, entrent en chagrin de s'estre chagrignez,& ont

A LA VIE DEVOTE. 287 ont despit de s'estre d'espitez. Car parce moyen ils tiennét leur cœur confit & detrempé en la cholere; & si bien il semble que la seconde cholere ruyne la premiere, si est-ce neantmoins qu'elle sert d'ouuerture & de passages pour vne nouuelle cholere à la premiere occasion qui s'en presentera, outre ce que ces choleres, despits & aigreurs que l'on a contre soy-mesme, tendent à l'orgueil, & n'ont origine que de l'amour propre qui se trouble & s'inquiere de nous voir imparfaits. Il faut doncques auoir vn desplaisir de nos fautes qui soit paisible, rassis & ferme. Car tout ainsi qu'vn iuge chastie bie mieux les meschans faisant ses sentences par raison, & en esprit de tranquillité, que non pas quand il les fait par impetuosité & passion:dautant que iugeat auec passion, il ne chastie par les fautes selo qu'elles sont, mais

mais selon qu'il est luy mesme; ainsi nous nous chastions bien mieux nous mesmes par des repentances tranquilles & constantes, que non pas par des repentances aigres, empressees & choleres, dautat que ces repentences faites auec impetuosité, ne se font pas selon la grauité de nos fautes, mais selon nos inclinations. Par exemple, celuy qui affe-Etione la chasteté se depitera auec vne amertume nompareille de la moindre faute qu'il comettra contre icelle, & ne se fera q rire d'vne grosse medisance qu'il aura comise. Au contraire celuy qui hayt la medisance se tourmentera d'auoir fait vne legere murmuration,& ne tiendra nul compte d'vne grosse faute commise contre la chasteté; & ainsi des autres. Ce qui n'arriue pour autre chose, sinon dautant qu'ils ne font pas le jugement de leur conscience par raison, mais Croyez par passion.

A LA VIE DEVOTE. 289 Croyez moy, Philothee, tout ainsi que les remonstrances d'vn pere, faites doucement & cordiallement, ont bien plus de pouuoir sur vn enfant pour le corriger, que non pas les choleres & courroux; ainsi quand nostre cœur aura fait quelque faute, si nous le reprenons auec des remonstrances douces & tranquilles, ayans plus de compassion de luy que de passion contre luy, l'encourageant à l'amendement, la repentance qu'il en conceura entrera bien plus auant, & le penetrera mieux que ne feroit pas vne repentance despiteuse, ireuse & tempesteuse.

Pour moy, si i'auois, par exemple, grande affection de ne point tumber au vice de la vanité, & que i'y susse neantmoins tumbé, d'vne grande cheute, ie ne voudrois pas reprendre mon cœur en ceste sorte: N'es-tu pas miserable & aborni-

INTRODUCTION nable, qu'apres tant de resolutions tu t'es laissé emporter à cette vanité:meurs de honte, ne leue plus les yeux au ciel, aueugle, impudent, traistre, & desloyal à ton Dieu: & semblables choses: mais ie voudrois le corriger raisonnablement & par voye de compassion. Or sus mo pauure cœur, nous voila tumbez dans la fosse, laquelle nous auions tat resolu deschaper; ah!releuons nous, & quittons-la pour iamais, reclamons la misericorde de Dieu, & esperons en elle, qu'elle nous assistera pour desormais estre plus fermes;& remettos nous au chemin de l'humilité. Courage soyons meshuy sur nos gardes, Dieu nous aydera, nous ferons prou. Et voudrois sur cette reprehension bastir vne solide & ferme resolution de ne plus retumber en la faute, prenant les moyens conuenables à cela, & mesmement

ment l'aduis de mon directeur.

Que si neantmoins quelqu'vn. ne treuue pas que son cœur puisse estre assez esmeu par cette douce correction; il pourra employer le reproche, & vne reprehension dure & forte pour l'exercer à vne profonde confusion; pour ueu qu'apres auoir rudement gourmandé & courroucé so cœur, il finisse par vn allegement, terminant tout son regret & courroux, par vne douce & saincte confiance en Dieu, à l'imitation de ce grand penitent, qui voyant son ame affligee, la releuoir en cette sorte, Pourquoy es tu triste, ô mon ame, & pourquoy me troubles tu? Espere en Dieu, car ie le beniray encores, comme le salut de ma face & mon vray Dieu.

Releuez doncques vostre cœur quand il tumbera tout doucemet, vous humiliant beaucoup deuant Dieu, par la recognoissance de vo-

292 INTRODUCTION stre misere, sans nullement vous estoner de vostre cheute: puis que ce n'est pas chose admirable que l'infirmité soit infirme, & la foiblesse foible; & la misere chetiue. Detestez neatmoins de toutes vos forces l'offence que Dieu a reçeu de vous, & auec vn grand courage & confiance en la misericorde d'iceluy, remettez vous au train de la vertu que vous auiez abandonnee. Qu'ilfaut traitter des affaires auec soin, & sans empressement ny soucy.

CHAP. 10.

E soin & la diligence que nous deuons auoir en nos affaires; sont choses bien disferentes de la sollicitude, soucy & empressement. Les Anges ont soin pour nostre salut, & le procurent auec diligence, mais ils n'en ont point pour cela de solicitude, de soucy ny d'empressement, car le soin & la diligence appartiennét à leur

leur charité: mais aussi la solicitude, le soucy & l'empressement seroient totalemet contraires à leur felicité, puis que le soin & la diligence peuuent estre accompagnez de traquillité & paix d'esprit, mais non pas la solicitude ny le soucy, & beaucoup moins l'empressement.

Soyez doncques soigneuse & diligente en toutes les affaires que vous aurez en charge, ma Philothee, car Dieu vous les ayant confiees, veut que vous en ayez vn grad soin; mais s'il est possible n'en soyez pas en solicitude & soucy, c'est à dire, ne les entreprenez pas auec inquietude, anxieté, & ardeur: ne vous empressez point à la besogne. Car toute sorte d'empressement trouble la raison & le iugement, & nous empesche mesme de bien faire la chose à laquelle nous nous empressons.

294 INTRODUCTION

Quand nostre Seigneur repréd saincte Marthe, il dit, Marthe Marthe, tues en soucy & tute troubles pour beaucoup de choses. Voyez vous, si elle eust esté simplement soigneuse, elle ne se fut point troublee, mais parce qu'elle estoit en soucy & inquietude, elle s'épresse & se trouble. Et c'est en quoy nostre Seigneur la reprend. Les fleuues qui vont doucemet coulant en la plaine, portent les grands batteaux & riches marchandises, & les pluyes qui tumbent doucemet en la campagne, la fecondent d'herbes & de graines; mais les torrens & riuieres qui à grands flots courent sur la terre, ruynét le voisinage, & sont inutiles au traffic, come les pluyes vehementes & tempestueuses rauagent les champs & les prairies. Iamais besongne faite auec impetuosité & empressement, ne fut bien faicte: Il faut depescher tout belle

bellemet (comme dit l'ancien prouerbe) celuy qui se haste, dit Salomon, court fortune de chopper & heurter des pieds; nous faisons tousiours assez tost quad nous faisons bien: les bourdons sont bien plus de bruit, & sont bien plus empressez que les abeilles; mais ils ne font sinon la cire & non point le miel: ainsi ceux qui s'empressent d'vn soucy cuysant; & d'vne sollicitude bruyante ne sont iamais ny beaucoup ny bien.

Les mouches ne nous inquietent pas par leur effort, mais par la multitude: ainsi les grandes affaires ne nous troublét pas tant comme les menues, quand elles sont en grand nombre. Receuez donc ques les affaires qui vous arriueront en paix, & taschez de les faire par ordre, l'vne apres l'autre. Car si vous voulez les faire tout à coup, ou en desordre, vous ferez des efforts qui vous fouleront & alanguiront voftre esprit, & pour l'ordinaire vous demeurerez accablee sous la presse & sans esfect.

En toutes vos affaires appuyez vous totalement sur la prouidence de Dieu, par laquelle seule tous vos desseins doiuet reüssir, trauaillez neatmoins de vostre costé tout doucement pour cooperer auec icelle; & puis croyez que si vous vous estes bien confice en Dieu, le succez qui vous arriuera sera tousiours le plus prossitable pour vous, soit qu'il vous semble bo ou mau-uais, selon vostre iugement particulier.

Faites comme les petits enfans, qui de l'vne des mains se tiennent à leur pere, & de l'autre cueillent des fraises ou des meures le long des hayes. Car de mesme amassant & maniant les biens de ce monde de l'vne de vos mains, tenez tous-

A LA VIE DEVOTE. 297 iours de l'autre la main du pere celeste, vous restournant de temps en téps à luy pour voir s'il a agreable vostre mesnage ou vos occupations. Et gardez bien sur toutes choses de quitter sa main & sa protection, pensant d'amasser ou recueillir d'auantage: car s'il vous abandonne vous ne ferez point de pas, sans donner du né en terre. le veux dire, ma Philothee, que quad vous serez parmy les affaires & occupations communes, quine requierent pas vne attention si forte & si presente, vous regardez plus Dieu que les affaires. Et quand les affaires sont de si grande importance qu'elles requierent toute vostre attention pour estre bien faites, de temps en temps vous regarderez à Dieu come font ceux qui nauigent en mer, lesquels pour aller à la terre qu'ils desirent, regardent plus en haut au ciel que non

298 INTRODUCTION
pas en bas où ils voguet: ainsi Dieu
trauaillera auec vous en vous, &
pour vous & vostre trauailsera suiuy de consolations.

De l'obeissance. CHAP. 11.

A seule charité nous met en la persection, mais l'obeissance, la chasteté, & la pauureté sont les trois grands moyens pour l'acquerir; l'obeissance cosacre no-

l'acquerir; l'obeissance cosacre nostre cœur; la chasteté nostre corps, & la pauureté nos moyes à l'amour & seruice de Dieu. Ce sot les trois braches de la croix spirituelle:toutes trois neantmoins fondees fur la quatriéme, qui est l'humilité. Ie ne diray rien de ces trois vertus, en tat qu'elles sont vouces solemnellement, parce que cela ne regarde que les Religieux, ny mesme en tat qu'elles sont vouces simplement: d'autant qu'encor que le vœu donpe tousiours beaucoup de graces, & de

& de merite à toutes les vertus; si est-ce que pour ce que ie pretends, il n'est pas necessaire qu'elles soyet vouces ou non vouces, pourueu qu'elles soyent obseruces. Car bien qu'estans vouees & sur tout solemnellement elles mettent l'homme en l'estat de perfectio; si est-ce que pour le mettre en la perfection, il suffit qu'elles soyent obseruees; y ayant bien de la difference entre l'estat de perfection & la perfectio; puis que tous les Euesques & Religieux sont en l'estat de perfectio: & tous neantmoins ne sont pas en la perfection, comme il ne se voit que trop. Taschons doncques, Philothee, de bien prattiquer ces trois vertus, vn chacun selon sa vocatio. Car encores qu'elles ne nous mettent pas en l'estat de perfection, elles nous donneront neantmoins la perfection mesme, & si nous sommes tous obligez à la prattique de

A LA VIE DE VOIE. 199

300 INTRODUCTION

ces trois vertus, quoy que non pas tous à les prattiquer de mesme fa-

çon.

Il y a deux sortes d'obeissance, l'vne necessaire, & l'autre volontaire, par la necessaire vous deuez hublemet obeir à vos Superieurs Ecclesiastiques, comme au Pape, à l'Euesque au Curé & à ceux qui sont commis de leur part: vous deuez obeir à vos Superieurs politiques; c'est à dire à vostre Prince & aux Magistrats qu'il a estably sur vostre pays:vous deuez en fin obeyr à vos Superieurs domestiques; c'est à dire à vostre pere, mere, maistre, maistresse. Or ceste obeyssance s'appelle necessaire, parce que nul ne se peut exempter du deuoir d'obeyr à ces Superieurs là, Dieu les ayant mis en auctorité de commander & gouverner, chacun en ce qu'ils ont en charge sur nous, faictes doncques leurs commandemens, & cela

A LA VIE DEVOTE. 301 est de necessité, mais pour estre parfaicte, suiuez encor leurs conseils & mesure, leurs desirs & inclinations, en tant que la charité & prudence vous le permettra, obeifsez quand ils vous ordonneront chose agreable, comme de mäger, prendre de la recreation: car encore qu'il semble que ce n'est pas grade vertu d'obeyr en ce cas, ce seroit neantmoins vn grand vice de desobeyr. Obeyssez és choses indifferentes; comme à porter tel ou tel habit, aller par vn chemin ou par vn autre, chanter ou se taire, & se sera vne obeyssance desia fort recommandable. Obeyssez en choses malaisees, aspres & dures; & ce sera vne obeyssance parfaicte. Obeyssez en fin doucement sans replique, promptement sans retardation, gayement sans chagrin, & sur tout obeyssez amoureusement, pour l'amour de celuy qui pour l'amour

mour de nous, s'est fait obeyssant iusques à la mort, & la mort de la Croix, & lequel comme dit sain & Bernard, ayma mieux perdre la vie que l'obeyssance.

Pour apprédre aysement à obeïr à vos Superieurs, codescendez aysement à la volonté de vos semblables, cedant à leurs opinions en ce qui n'est mauuais, sans estre cotentieuse ny reuesche: accommodez vous volontiers aux desirs de vos inferieurs, autant que la raison le permettra, sans exercer aucune auctorité imperieuse sur cure, tandis qu'ils sont bons.

C'est vn abus de croire que si l'on estoit Religieux ou Religieuse on obeyroit aysement, si l'on se trouve dissicile & reuesche à rendre obeyssance à ceux que Dieu 2

mis fur nous.

Nous appellons obeyssance volontaire, celle à laquelle nous nous obli

A LA VIE DEVOTE. 303 obligeos par nostre propre electio, & laquelle ne nous est point imposee par autruy. On ne choisit pas pour l'ordinaire son Prince, & son Euesque, son pere & sa mere, ny mesmes souventessois son mary: mais on choisit bien son cofesseur, son directeur. Or soit qu'é le choisissant on face vœu d'obeyr (comme il est dit que la mere Therese outre l'obeyssance solemnellemet vouce au Superieur de son ordre s'obligea par vn vœu simple d'obeyr au pere Gratian) ou que sans vœu on se dedie à l'obeyssance de quelqu'vn, tousiours ceste obeyssance s'appelle volontaire à raison de son fondement, qui depend de nostre volonté & election.

Il faut obeyr à tous les Superieurs, à chacun neantmoins en ce dequoy il a charge de nous. Comme en ce qui regarde la police &z les choses publiques, il faut obeyr aux Princes, aux Prelats en ce qui regarde la police Ecclesiastique és choses domestiques, au pere, au maistre, au mary, & quant à la conduité particuliere de l'ame, au directeur & confesseur particulier.

Faictes vous ordonner les actios de pieté que vous deuez observer par vostre pere spirituel, parce que elles en seront meilleures, & aurot double grace & bonté: l'vne d'elle mesme, puis qu'elles sont pieuses, & l'autre de l'obeyssance qui les aura ordonnees, & en vertu de laquelle elles seront faictes. Bienheureux sont les obeyssans, car Dieu ne permettra iamais qu'ils s'esgarent.

De la necessité de la Chasteté. CHA. 12.

A Chasteté est le lys des vertus, elle rend les hommes presqu'egaux aux Anges. Rien n'est beau que par la pureté, & la pureté des hommes c'est

la chasteté. On appelle la chasteté honnesteté, & la profession d'icelle honneur, elle est nommee integrité & son contraire, corruption. Bref elle a sa gloire toute à part d'estre la belle & blanche vertu de l'amp et du corps

l'ame & du corps.

Il n'est iamais permis de tirer aucun impudique plaisir de nos corps, en quelle façon que ce soit sinon en vn legitime mariage, duquel la saincteté puisse par vne iuste compensation reparer le dechet que l'on reçoit en la delectation. Et encor au mariage faut-il obseruer l'honnesteté de l'intention, à sin que s'il y a quelque messeance en la volupté qu'on exerce, il n'y ait rien que d'honneste en la volonté qui l'exerce.

Le cœur chaste est comme la mere perle qui ne peut receuoir aucune goutte d'eau qui ne vienne du ciel, car il ne peut receuoir aucun plaisir que celuy du mariage qui est ordonné du ciel. Hors de là il ne luy est pas permis seulement d'y penser d'vne pesee voluptueuse, volontaire & entretenue.

Pour le premier degré de cette vertu, gardez vous, Philothee, d'admettre aucune sorte de volupté qui soit prohibee & desendue, come sont toutes celles qui se prennent hors le mariage, ou mesme au mariage, quand elles se prennent contre la regle du mariage.

Pour le second retranchés-vous tant qu'il vous sera possible les de-lectations inutiles & superflues, quoy que loysibles & permises.

Pour le troisseme n'attachés point vostre affection aux plaisirs & voluptez qui sont comandees & ordonnees. Car bien qu'il faille pratiquer les delectations necessaires, c'est à celles qui regardent la fin & institution du saince mariage; si ne faut-

A LA VIE DE VOTE. 307 faut-il pas pourtant y iamais atta-

cher le cœur & l'esprit.

Au reste chacun a grandement besoin de ceste vertu; ceux qui sot en viduité doyuent auoir vne chasteté courageuse, qui ne mesprise. pas seulement les obiects presens & futurs, mais qui resiste aux imaginations que les plaisirs loisiblement receus au mariage peuuent produire en leurs esprits qui pour cela sont plus tédres aux amorces deshonnestes. Pour ce sujet S. Augustin, admirela pureté de son cher Alipius, qui auoit totalement oublié & mesprisé les voluptés charnelles, lesquelles il auoit neatmoins quelques fois experimentees en sa ieunesse. Et de vray tandis que les fruicts sont bien entiers, ils peuuet estre conseruez les vns sur la paille, les autres dedans le sable, & les autres en leur propre fueillage: mais estant vne fois entamez il est presque

308 INTRODUCTION que impossible, de les garder que par le miel & le sucre en confiture. Ainsi la chasteté qui n'est point encore blessee ny violee, peut estre gardee en plusieurs sortes, mais e-· stant vne fois entamee rien ne la peut conseruer qu'vne excellente deuotion, laquelle comme i'ay souuét dit, est le vray miel & suçre des esprits.

Les vierges ont besoin d'vne chasteré extremement simple & douillette pour banir de leur cœur toutes sortes de curieuses pensees, & mespriser d'vn mespris absolu toutes sortes de plaisirs immodes, qui à la verité ne meritent pas d'estre desirez par les hommes, puis que les asnes & pourceaux en sont plus capables qu'eux. Que doncques ces ames pures se gardent bié de iamais reuoquer en doute que la chasteté ne soit incomparablement meilleure que tout ce qui luy

ALAVIE DEVOTE. 309 est incompatible; car comme dit le grand sainct Hierosme, l'ennemi presse violément les vierges au desir de l'essay des voluptez, les leur representant infiniment plus plaisantes & delicieuses qu'elles ne sont:ce qui souuét les trouble bien fort, tadis, dit ce sain& pere, qu'elles estiment plus doux ce qu'elles ignorent. Car comme le petit papillon voyant la flamme va curieusement voletant au tour d'icelle, pour essayer si elle est aussi douce que belle, & pressé de cette fantasie, ne cesse point qu'il ne se perde au premier essay: ainsi les ieunes gens bien souuent se laissent tellement saisir de la fausse & sotte estime qu'ils ont du plaisir des flammes voluptueses, qu'apres plusieurs curieuses pensees, ils si font en fin finale ruyner & perdre, plus sots en cela que les papillons:dautant que ceux-cy ont quelque occasion de cuider cuider que le feu soit delicieux, puis qu'il est si beau, ou ceux-là sçachans que ce qu'ils recerchent est extremement des-honneste, ne laissent pas pour cela d'en sur-estimer la folle & brutale delectation.

Mais quant à ceux qui sont mariez, c'est chose veritable (& que neantmoins le vulgaire ne peut penser) que la chasteté leur est fort necessaire, parce qu'en eux elle ne consiste pas à s'abstenir absolumet des plaisirs charnels, mais à se contenir entre les plaisirs. Or comme ce comandemet courroucez vous & ne pechez point, est à mon aduis plus difficile que celuy-cy, ne vous courroucez point, & qu'il est plustot fait d'euiter la cholere que de la regler, aussi est-il plus aysé de se garder tout à fait des voluptez charnelles que de garder la moderation en icelles. Il est vray que la saincte licence du mariage a vne force

A LA VIE DEVOTE. force particuliere pour esteindre le feu de la concupiscence, mais l'infirmité de ceux qui en iouissent, passe aysément de la promission à la dissolution, & de l'vsage à l'abus. Et comme lon void beaucoup de riches desrober, non point par indigêce, mais par auarice; aussi void on beaucoup de gens mariez, se desborder par la seule intemperace & lubricité, nonobstant le legitime object auquel ils se deuroient & pourroient arrester, leur concupiscence estant comme vn feu volage, qui va brusletant çà & là sans s'attacher nulle part. C'est tousiours chose dangereuse de prendre des medicamens violes, parce que sil'on en prend plus qu'il ne faut, ou qu'ils ne soient pas bien preparez, on en reçoit beaucoup de nuysance. Le mariage a esté beny & ordonné en partie pour remede à la cocupiscence, & c'est sans doute

INTRODUCTION vn tres-bon remede, mais violent neantmoins, & par consequent tres-dangereux, s'il n'est discrete-

ment employé.

l'adiouste que la varieté des affaires humaines, outre les longues maladies, separe souuent les maris d'auec leurs femmes. C'est pourquoy les mariez ont besoin de deux sortes de chasteté, l'vne pour l'abstinence absolüe quand ils sont separez és occasions que ie vies de dire; l'autre pour la moderation quand ils sont ensemble en leur train ordinaire. Certes saincte Catherine de Siennes vid entre les danez plusieurs ames grandement tourmétez pour auoir violé la sain-Aeté du mariage: ce qui estoit arriué, disoit-elle, non pas pour la grandeur du peché: car les meurtres & les blasphemes sont plus enormes; mais dautant que ceux qui les commettét n'en font point de de conscience, & par consequent continuent longuement en iceluy.

Vous voyez doncques que la chasteté est necessaire à toutes sortes de gens, Suyuez la paix, auec tous, dit l'Apostre, & la saincteté, sans laquelle aucun ne verra Dieu. Or par la saincteré il ented la chasteré, comme sain& Hierosme & sain& Chrisostome ont remarqué. Non, Philothee, nul ne verra Dieu sans la chasteté, nul n'habitera en son sain& tabernacle, qui ne soit net de cœur. Et come dit le Sauueur mesmes, les chiens & impudiques en seront bannis, & bien-heureux sont les nets de cœur, car ils verront Dieu.

Aduis pour conseruer la chasteté.

CHAP. 13.



O Y E z extremement propte à vous destourner de tous les acheminemes, & de toutes les

amorces de la lubricité, car ce mal

agist insensiblement, & par des petits commencemens fait progrezà des grads accidens. Il est tousiours plus aysé à fuir qu'à guerir.

Les corps humains ressemblent à des verres, qui ne peuuent estre portez les vns auec les autres en se touchant, sans courir fortune de se ropre, & aux fruicts lesquels quoy qu'entiers & bien assaisonnez reçoiuent de la tare s'entretouchans les vns auec les autres. L'eau mesme pour fraische qu'elle soit dedans vn vase, estant touchee de quelque animal terrestre ne peut longuement coseruer sa fraischeur. Ne permettez iamais, Philothee, qu'aucun vous touche inciuilemet, ny par maniere de follastrerie, ny par maniere de faueur. Car bien qu'à l'aduenture la chasteté puisse estre conseruee parmy ces actions plustost legeres que malicieuses: si est-ce que la fraischeur & fleur & fleur de la chasteté en reçoit tousiours du detrimet & de la perte: mais de se laisser toucher deshonnestement, c'est la ruyne entiere de la chasteté.

La chasteté depend du cœur comme de son origine, mais elle regarde le corps, comme sa matiere. C'est pourquoy elle se perd par tous les sens exterieurs du corps & par les cogitatios & desirs du cœur. C'est impudicité de regarder, de ouyr, de parler, d'adorer, de toucher des choses deshonestes, quad le cœur s'y amuse & prend plaisir. Sain& Paul deffend tout court, que la fornication ne soit pas mesmement nommee entre vous. Les abeilles non seulement ne veulent pas toucher les charongnes, mais fuyent & hayssent extremement toutes sortes de puanteurs qui en prouuiennent. L'espouse sacree au Cantique des Cătiques, à ses mains

qui distillét la myrrhe, liqueur preseruative de la corruption. Ses leures sont bandees d'vn rubent vermeil, marque de la pudeur des paroles; ses yeux sont de colombe, à
raison de leur netteté; ses oreilles
ont des pendants d'or, enseigne de
pureté, son nez est parmi les cedres
du Liban, bois incorruptible: telle
doit estre l'ame chaste, nette & hōneste, de mains, de leures, d'oreilles, d'yeux & de tout son corps.

A ce propos ie vous represente le mot que l'Ancien pere Iea Cassian, rapporte, comme sorty de la bouche du grand sainct Basile, qui parlant de soy-mesme, dit vn iour, ie ne scay que c'est que des semmes, come suis pourtant pas vierge. Certes la chasteté se peut perdre en autant de saçons qu'il y a d'impudicitez & lasciuetez, lesquelles selon qu'elles sont grandes ou petites, les vnes l'assoiblissent, les autres la blessent, & les

A LA VIE DEVOTE. & les autres la font tout à fait mourir. Il y a certaines priuautés & passions indiscrettes, folatres & sensuelles, qui à propremet parler, ne violent pas la chasteré; & neantmoins elles l'affoiblissent, & la rendent languissante, ternissant sa belle blancheur. Il y a d'autres priuautez & passions, non seulement indiscrettes, mais vicieuses;non seulement folastres, mais des-honnestes, non seulemet sensuelles, mais charnelles; & par celles-cy la chasteté est pour le moins fort blessee & interessee. Ie dis pour le moins, parce qu'elle en meurt & perit du tout. Quand les sottises & lascinetez donnent à la chair le dernier effect du plaisir voluptueux, ainsi alors la chasteté perit plus indignement, meschamment & mal-heureusement, que quand elles se perd par la fornication, voire par l'adultere & l'inceste; car ces dernie-

INTRODUCTION res especes de vilenies ne sont que des pechez, mais les autres comme dit Tertullian au liure de la pudicité, sont des monstres d'iniquité & de peché. Or Cassianus ne croit pas, ny moy non plus, que S. Basile eust esgard à tel des-reglement, quad il s'accuse de n'estre pas vierge; car ie pense qu'il ne disoit cela que pour les mauuaises & voluprueuses pésees, lesquelles bié que elles n'eussent pas souillé so corps, auoient neantmoins cotaminé son cœur, de la chasteté duquel, les ames genereuses doiuent estre extremement ialouses.

Ne hantez nullemet les personnes impudiques, principalement si elles sont encor impudentes, comme elles le sont presque tousiours. Car comme les boucs touchans de la langue les amandiers doux, les sont deuenir amers: ainsi ces ames puantes, & cœurs infects ne parlent

lent guieres à personne ny de mesme sexe, ny de diuers sexe, qu'elles ne le facent aucunement decheoir de la pudicité, elles ont le venin aux yeux & en l'haleine come les basiliques.

Au contraire hantez les gens chastes & vertueux, pensez & lisez souuent aux choses sacrees; car la parolle de Dieu est chaste & rend ceux qui s'y plaisent chastes, qui fait que Dauid la compare au topaze pierre precieuse, laquelle par sa proprieté amortit l'ardeur de la concupiscence.

Tenez vous tousiours proche de Iesus-Christ crucisié, & spirituellement par la meditation, & reellement par la saincte communion. Car tout ainsi que ceux qui couchent sur l'herbe nommee Agnus castus, deviennent chastes & pudiques : de mesme reposant vostre cœur sur nostre Seigneur, qui est le

vray aigneau chaste & immaculé, vous verrez que bien tost vostre ame & vostre cœur se treuueront purisiez de toutes souillures & lubricité.

De la pauureté d'esprit observee entre les richesses. CHAP. 14.

Is Ien-heureux sont les pauures d'esprit, car le royaume des Scieux est à eux: mal-heureux doncques sont les riches d'esprit, car la misere d'enfer est pour eux, celuy est riche d'esprit lequel a ses richesses dedans son esprit, ou son esprit dedans les richesses. Celuy est pauure d'esprit qui n'a nulles richesses dans son esprit, n'y son esprit dedans les richesses. Les Alcions font leurs nids comme vne paume, & ne laissent en iceux qu'vne petite ouuerture du costé d'en-haut; ils les mettet sur le bordde la mer, & au demeurant les font si fermes & impenetrables, que les ondes

A LA VIE DEVOTE. 321 ondes les surprenans, iamais l'eau ny peut entrer, ains tenans toufiours le dessus, ils demeurent emmy la mer, & maistres de la mer. Vostre cœur, chere Philothee, doit estre comme cela, ouuert seulemet au ciel, & impenetrable aux richefses, & choses caduques: si vous en auez, tenez vostre cœur exempt de leurs affections, qu'il tienne tousiours le dessus, & qu'emmy les richesses il soit sans richesses & maistre des richesses; no ne mettez pas cet esprit celeste dedans les biens terrestres, faites qu'il leur soit tousiours superieur sur eux, & non pas en eux.

Il y a difference entre auoir du poison, & estre empoisonné, les Apothicaires ont presque tous des poisons, pour s'en seruir en diuerses occurrences, mais il ne sont pas pour cela empoisonez, parce qu'ils n'ont pas le poison dedas le corps,

510 51

mais dans leurs boutiques; ainsi pouuez vous auoir des richesses sans estre empoisonnee par icelles, ce sera si vous les auez en vostre maison, ou en vostre bourse, & non pas en vostre cœur estre riche en essect, & pauure d'affection, c'est le grand bon heur du Chrestien: car, il a par ce moyen les commoditez des richesses pour ce monde, & le merite de la pauureté pour l'autre.

Helas, Philothee, iamais nul ne confessera d'estre auare: chacun desaduoüe cette bassesse & vileté de cœur on s'excuse sur la charge des enfans qui presse, sur la sagesse qui requiert qu'on s'establisse en moyens, iamais on n'en a trop, il se treuue tousiours certaines necessitez d'en auoir d'auantage, & mesmes les plus auares, non seulement ne confessent pas de l'estre, mais ils ne pensent pas en leur conscience de l'estre, non; car l'auarice est vne sieure

A LA VIE DEVOTE. 323 fieure prodigieuse qui se réd d'au. tant plus insensible, quelle est plus violente & ardente. Moyse vit le feu sacré qui brussoit vn buisson, & ne le consumoit nullement, mais au cotraire le feu profane de l'auarice consume & deuore l'auaricieux & ne le brusle aucunemer, au moins emmy ses ardeurs & chaleurs plus excessiues, il se vente de la plus douce fraischeur du monde, & tient que son alteration insatiable est vne soif toute naturelle & fuaue.

Si vous desirez longuement, ardemment, & auec inquietude les
biens que vous n'auez pas, vous
auez beau dire, que vous ne les
voulez pas auoir iniustement, car
pour cela vous ne laisserez pas d'estre vrayemet auare, celuy qui destre ardemment, longuement, &
auec inquietude de boire, quoy
qu'il ne vueille pas boire que de

324 INTRODUCTION l'eau, si tesmoigne-il d'auoir la fieure.

O Philothee, ie ne sçay si c'est vn desir iuste de desirer d'auoir iustement ce qu'vn autre possede iustement, car il me semble que par ce desir nous nous voulons accommoder, par l'incommodité d'autruy. Celuy qui possede vn bié iustement, n'a-il pas plus de raison de le garder iustement, que nous de le vouloir auoir iustement? Et pourquoy doncques estendos nous nostre desir sur sa commodité pour l'en priuer? tout au plus si ce desir est iuste, certes il n'est pas pourtant charitable: car nous ne voudrions nullement qu'aucun desirast, quoy que iustement, ce que nous voulos garder iustement. Ce fut le peché d'Achab, qui voulut auoir iustement la vigne de Naboth, qui la vouloit encor plus iustement garder, il la desira ardemmet, longuement

A LA VIE DEVOTE. 325 ment & auec inquietude, & partant il offença Dieu.

Attendez, chere Philothee de desirer le bien du prochain quand il commencera à desirer de s'en desaire, car alors son desir, rendra le vostre non seulement iuste, mais charitable, ouy, car ie veux bien que vous ayez soin d'accroistre vos moyens & facultez, pourueu que ce soit non seulement, iustement, mais doucement & charitablement, mais doucement & charitablement.

Si vous affectionnez fort les bies que vous auez, si vous en estes fort embesoignee, y mettant vostre cœur, y attachant vos pensees, & craignat d'vne crainte viue & empressee de les perdre, croyez moy, vous auez encore quelque sorte de fieure: car les febricitans boiuent l'eau qu'on leur done, auec vn certain empressement, auec vne sorte d'attention, & d'aise, que ceux qui sont

font sains, n'ont point accoustumé d'auoir. Il n'est pas possible de se plaire beaucoup en vne chose, que on n'y mette beaucoup d'affection.

S'il vous arriue de perdre de vos biés, & vous sétez que vostre cœur s'é desole & afflige beaucoup, croyez, Philothee, que vous y auiez beaucoup d'affection: car rien ne tesmoigne tant l'affection à la chose perdue que l'affliction de la

perte.

Ne desirez donc point d'vn desir entier, & formé le bié que vous n'auez pas: ne mettez point sort auat vostre cœur en celuy que vous auez, ne vous desolez point des pertes qui vous arriveront; & vous aurez quelque sujet de croire qu'estant riche en essect, vous ne l'estes point d'affection; mais que vous estes pauure d'esprit, & par consequent bien-heureuse, car le royaume des cieux vous appartient.

Comme

A LA VIE DEVOTE. 327 Comme il faut prattiquer la pauureté reelle, demeurant neantmoins reellement riche. CHAP. 15.

E peintre Parrhasius, peignit le peuple Athenien par vne inuétion fort ingenieuse, le representant d'vn naturel divers & variable, cholere, iniuste, inconstant, courtois, clement, misericordieux, hautain, glorieux, humble, brauache, & suiart, & cela tout ensemble; mais moy, chere Philothee, ie voudrois faire dauantage, car ie voudrois mettre en vostre cœur, la richesse & la pauureté tout ensemble, vn grand soin, & vn grad mespris des choses temporelles.

Ayez beaucoup plus de soin de rendre vos bies vtiles & fructueux, que les mondains n'en ont pas. Dites-moy, les iardiniers des grands Princes ne sot-ils pas plus curieux, & diligés à cultiuer & embellir les iardins qu'ils ot en charge, que s'ils leur

leur appartenoyent en proprieté? mais pourquoy cela? parce que sas doute qu'ils consideret ces iardins là, comme iardins des Princes & des Roys ausquels ils desirent dese redre agreables par ces seruices là? Ma Philothee les possessions que nous auos ne sont pas nostres. Dieu les nous a donnees à cultiuer, & veut que nous les rendions fructueuses & vtiles, & partant nous luy faisons seruice agreable d'en auoir soin.

Mais il faut donc que ce soit vn soin plus grand & solide, que celuy des mondains ont de leurs biens, car s'ils ne s'embesoignét que pour l'amour d'eux-mesmes, & nous deuons trauailler pour l'amour de Dieu. Or comme l'amour de soymesme est vn amour violent, turbulent, empressé, aussi le soin qu'on a pour luy, est plein de trouble, de chagrin, d'inquietude; & comme l'amour

l'amour de Dieu est doux, paisible, & tranquille, aussi le soin qui en procede, quoy que ce soit pour les biens du monde, est amiable, doux & gracieux. Ayons donc ce soin gracieux de la conseruation, voire de l'accroissement de nos biens téporels, lors que quelque iuste occasion s'en presentera, & autant que nostre condition le requiert, car Dieu veut, que nous facions ainsi pour son amour.

Mais prenos garde, que l'amour propre ne nous trompe, car quelque fois il cotrefait si bien l'amour de Dieu, qu'on diroit que c'est luy. Or pour l'empescher qu'il ne nous deçoiue, & que ce soin des biens temporels ne se couertisse en auarice, outre ce que i'ay dit au chapitre precedent, il nous faut pratiquer bien souuet la pauureté reelle & essectuelle emmy toutes les facultez & richesses que Dieu nous a données.

330 INTRODUCTION

Quittez donc tousiours quelque partie de vos moyens en les donnant aux pauures de bon cœur, car donner ce qu'on a, c'est s'appauurir d'autant, & plus vous donnerez, plus vous vous appauurirez. Il est vray que Dieu vous le rendra, non seulement en l'autre monde, mais en celuy-cy:car il n'y a rie qui fasse rant prosperer téporellement que l'aumosne, mais en attendant que Dieu vous le réde, vous serez tousjours appauurie de cela. O le sainct & riche appauurissement que celuy qui se fait par l'aumosne.

Aymez les pauures & la pauureté; car par cet amour vous deuiendrez vrayement pauures, puis que comme dit l'Escriture, nous sommes faits comme les choses que nous aymons. L'amour esgale les amans; Qui est insirme auec lequel ie ne sois insirme? dit sainct Paul. Il pourroit dire, qui est pauure auec lequel ie ne sois pauure? parce que l'amour le faisoit estre tel que ceux qu'il aymoit; si doncques vous aymez les pauures, vous serez vrayement participante de leur pauureté, & pauure comme eux.

Or si vous aymez les pauures, mettez vous souuent parmy eux, prenez plaisir à les voir chez vous, & à les visiter chez eux. Conuer-sez volontiers auec eux; Soyez bié ayse qu'il vous approchent aux Eglises, aux rues & ailleurs: Soyez pauure de langue auec eux, leur parlant comme leur compagne: mais soyez riche des mains, leur departant de vos biens comme plus abondante.

Voulez vous faire encore d'auantage, ma Philothee, ne vous contentez pas d'estre pauure comme les pauures, mais soyez plus pauure que les pauures, & comment cela? le seruiteur est moindre que

332 INTRODUCTION son maistre; rendez vous doncques seruante des pauures, allez les seruir dans leurs licts, quand ils sont malades; ie dis de vos propres mains: Soyez leur cuisiniere & à vos propres despens; Soyez leur lingiere & blachisseuse. O ma Philothee, ce seruice est plus triomphat qu'vne royauté. Ie ne puis assez admirerl'ardeur auec laquelle cet aduis fut prattiqué par S. Louys, l'vn des grands Roys q le Soleil ait veu, mais ie dis grad Roy en route sorte de grandeur; il seruoit fort souuent à la table des pauures qu'il nourrissoit, & en faisoit venir presque tous les iours trois à la sienne, & souuent il mangeoit les restes de leur potage auec vn amour nopareil. Quand il visitoit les hospitaux des malades, (ce qu'il faisoit fortsouuent) il se mettoit ordinairement à seruir ceux qui auoyent les maux les plus horribles, com-

A LA VIE DEVOTE. 333 me ladres, chacreux & autres semblables; & leur faisoit tout son seruice à teste nue, & les genoux à terre, respectant en leur personne le Sauueur du mode, & les cherissant d'vn amour aussi tendre qu'vne douce mere eut sceu faire son enfant. Sain & Elizabeth fille du Roy d'Hongrie, se messoit ordinairement auec les pauures, & pour se recreer, s'habilloit quelquefois en pauure femme, entre ses Dames, leur disant, Si i'estois pauure ie me habillerois ainsi. O mon Dieu, chere Philothee, que ce Prince & ceste Princesse estoyent pauures en leurs richesses: & qu'ils estoyent riches en leur pauureté.

Bien-heureux sont ceux qui sont ainsi pauures, car à eux appartient le Royaume des cieux; i ay eu faim, vous m'auez repeu; i ay eu froid, vous m'auez reuestu, possedez le Royaume qui vous a esté preparé dés la constitu-

134 INTRODVCTION tion du monde, dira le Roy des pauures, & des Roys en son grand iugement.

Il n'est celuy qui en quelque occasson n'ait quelque manquement & defaut de commoditez. Il arriue quelquesfois chez nous vn hoste que nous voudrions & deurions bié traitter; il n'y a pas moyen pour l'heure: on a ses beaux habits en vn lieu, on en auroit besoin en vn autre, où il seroit requis de paroistre. Il arriue que tous les vins de la caue se poussent & tournent, il n'en reste plus que les mauuais & verds. On se trouve aux champs dans quelque biquogue où tout manque, on n'a lict, ny chambre, ny table, ny seruice. En fin il est facile d'auoir souuent besoin de quelque chose, pour riche qu'on soit:Or cela c'est estre pauure en effect, de ce qui nous manque. Philothee, soyez bien ayse de ces rencontres: acceptez A LA VIE DEVOTE. 335 prez-les de bon cœur, souffrez-les

gayement.

Quand il vous arriuera des inconueniens qui vous appauuriront, ou de beaucoup, ou de peu, comme font les tempestes, les feux, les innondations les sterilitez, les larcins, les procez, ô c'est alors la vraye saison de prattiquer la pauureté, receuant auec douceur, ces diminutions de facultez,& s'accommodant patiemmet, & constamment à cest appauurissement. Esaüse presenta à son pere auec ses mains toutes couuertes de poil, & Iacob en fit de mesme, mais parce que le poil qui estoit és mains de Iacob, ne tenoit pas à sa peau, ains à ses gas, on luy pouuoit oster son poil sans l'offencer ny escorcher. Au contraire parce que le poil des mains d'Esaü tenoit à sa peau, qu'il auoit toute veluë de son naturel, qui luy eust voulu arracher fon

336 INTRODUCTION son poil, luy eust bien donné de la douleur; il eust bien crié, il se fust bien eschauffé à la deffence. Quad nos moyens nous tienent au cœur, si la tempeste, si le larron, si le chiquaneur nous en arrache quelque partie, quelles plaintes, quels troubles, quelles impatieces en auonsnous? mais quand nos biens ne tiennent qu'au soin que Dieu veut que nous en ayons, & non pas à nostre cœur, si on nous les arrache, nous n'en perdons pourtant pas le sens, ny la tranquillité. C'est la difference des bestes & des hommes, quant à leurs robbes; car les robbes des bestes tiennent à leur chair, & celles des hommes y sont seulement appliquees, en sorte qu'ils puissent les mettre & oster quand ils veulent.

Pour prattiquer la richesse d'esprit emmy la pauureté reelle.

CHAP. 16.

A LA VIE DEVOTE. 337

Ais si vous estes reellemet pauure, tres-chere Philo-thee, ô Dieu soyez-le encor d'esprit, faites de necessité vertu, & employez ceste pierre precieuse de la pauureté, pource qu'elle vaut. Son esclat n'est pas descouuert en ce monde, mais si est-ce pourtat, qu'il est extrememet beau & riche.

Ayez patiéce, vous estes en bonne copagnie, nostre Seigneur, nostre Dame, les Apostres, tant de saincts & de sainctes ont esté pauures, & pouuans estre riches ils ont mesprizé de l'estre. Combien y a il de grands mondains qui auec beaucoup de cotradiction sont allez recercher auec vn soin nompareil la saincte pauureté dedans les cloistres, & les hospitaux? Ils ont pris beaucoup de peine pour la treuuer, tesmoin S. Alexis, saincte Paule, sainct Paulin, S. Angele, &

P

tant d'autres, & voila Philothee, que plus gracieuse en vostre endroit, elle se vient presenter chez vous, vous l'auez rencontree, sans la cercher, & sans peine embrassez la doncques, comme la chere amie de Iesus-Christ, qui nasquit, vescut, & mourut auec la pauureté, qui fust sa nourrice toute sa vie.

Vostre pauureté Philothee, a deux grands privileges, par le moyen desquels, elle vous peut beaucoup faire meriter. Le premier c'est qu'elle ne vous est point arriuce par vostre choix, mais par la seule volonté de Dieu, qui vous a faite pauure, sans qu'il y ait eu aucune cocurrence de vostre volonté propre. Or ce que nous receuons purement de la volonté de Dieu, luy est tousiours tres-agreable, pourueu que nous le receuions de bon cœur, & pour l'amour de sa saincte volonté, où il y a moins du nostre,

A LA VIE DEVOTE. 339 il y a plus de Dieu: la simple & pure acceptation de la volonté de Dieu, rend vne souffrance extremement pure.

Le secod priuilege de cette pauureté, c'est, qu'elle est vne pauureté vrayement pauure, vne pauureté loue, caressee, estimee, secourue & assistee: elle tiet de la richesse; elle n'est pour le moins pas du tout pauure; mais vne pauureté mesprisee, reiettee, reproche & abandonnee, elle est vrayement pauure. Or telle est pour l'ordinaire la pauureté des seculiers: car parce qu'ils ne sont pas pauures par leur election, mais par necessité, on n'en tient pas grand conte. Et en ce qu'on n'en tient pas grand conte, leur pauureté est plus pauure que celle des Religieux: bien que celle-cy d'ailleurs air vne excellence fort grande, & trop plus recommandable, à raison du vœu & de Mod

340 INTRODUCTION l'intention pour laquelle elle a esté choisié.

Ne vous plaignez donc pas, ma chere Philothee, de vostre pauureté; car on ne se plaint que de ce qui desplait, & si la pauureté vous desplait, vous n'estes plus pauure d'es-

prit, ains riche d'affection.

Ne vous desolez point, de n'estre pas si bien secourue qu'il seroit requis, car en cela consiste l'excellence de la pauureté. Vouloir
estre pauure, & n'en receuoir point
d'incomodité, c'est vne trop grande ambitio, car c'est vouloir l'honneur de la pauureté, & la commodité des richesses.

N'ayez point de honte d'estre pauure, ny de demader l'aumosne en charité. Receuez celle qui vous sera donnee auec humilité; & acceptez les ressus auec douceur.Resouuenez vous souuent du voyage que nostre Dame sit en Egypte pour

pour y porter so cher enfant, combien de mespris, de pauuretez, de miseres il luy conuint supporter. Si vous viuez comme cela vous serez tres-riche en vostre pauureté.

De l'amitié, & premierement de la mauuaise & frivole. CHAP. 17.

'Amontiet le premier rag entre les passions de l'ame, c'est le Roy de toº les mouuemens du cœur, il conuertit tout le reste à soy, & nous rend tels, que ce qu'il ayme, prenez doncques bien garde, ma Philothee, de n'en point auoir de mauuais: car tout aussi tost voº seriez toute mauuaise. Or l'amitié est le plus dagereux amour de tous, parce que les autres amours peuuent estre sans comunication, mais l'amitié estant totalemet fondee sur icelle, on ne peut presque l'auoir auec vne personne sans participer à ses qualitez.

Tout amour n'est pas amitié, car-

INTRODUCTION 342 on peut aymer sans estre aymé, & lors il y a de l'amour, mais non pas de l'amitié, dautant que l'amitié est vn amour mutuel, & s'il n'est pas mutuel ce n'est pas amitié.2. Et ne suffit pas qu'il soit mutuel, mais il faut que les parties qui s'entreaymét sachent leur reciproque affection. Car si elles l'ignorent, elles auront de l'amour, mais non pas de l'amitié.3. Il faut auec cela qu'il y ait entre elles quelque sorte de communication qui soit le fondement de l'amitié.

Selon la diuersité des communications, l'amitié est aussi diuerse. & les communications sont disferentes, selon la disference des biens qu'on s'entrecommunique; si ce sont des biens faux & vains, l'amitié est fausse & vaine: si ce sont des vrais bies; l'amitié est vraye, & plus excellens seront les biens; plus excellente sera l'amitié. Car comme le miel est plus excellent quand il se cueille és fleurons des fleurs plus exquises: ainsi l'amour fondé sur vne plus exquise communication est le plus excellent. Et comme il y a du miel en Heraclee de Pote, qui est veneneux, & fait deuenir incensez ceux qui le mangent, parce qu'il est recueilly sur l'aconit, qui est abondat en ceste region là; ainsi l'amitié sondee sur la communication des faux & vicieux biens, est toute fausse & mauuaise.

La communication des voluptez charnelles, est vne mutuelle propension & amorce brutale, laquelle ne peut non plus porter le nom d'amitié entre les hommes, que celle des asnes & cheuaux pour semblables esfects: & s'il n'y auoit nulle autre communication au mariage, il n'y auroit non plus nulle amitié: mais parce qu'outre celle-là, il y a en iceluy la communiçation de la vie, de l'industrie, des biens, des affections & d'vne indissoluble fidelité, c'est pourquoy l'amitié du mariage est vne vraye amitié & saincte.

L'amitié fondee sur la communication des plaisirs sensuels est toute groffiere, & indigne du nom d'amitié: comme aussi celle qui est fondee sur des vertus friuoles & vaines, parce que ces vertus depédent aussi des sens. l'appelle plaisirs sensuels ceux qui s'attachent immediatement & principalement aux sens exterieurs, comme le plaisir de voir la beauté, d'ouyr vne douce voix, de toucher & semblables. l'appelle vertus friuoles, certaines habilitez & qualitez vaines que les foibles esprits appellet vertus & perfections. Oyez parler la pluspart des filles, des femmes, & des ieunes gens, il ne se feindront nullement de dire, vn tel gentilhom

A LA VIE DEVOTE. homme est fort vertueux, il a beaucoup de perfection, car il dance bien, il iouë bien à toutes sortes de ieux, il s'habille bien, il chante bie, il cajole bien, il a bonne mine. Et les charlatans tiennét pour les plus vertueux d'entr'eux. Ceux qui sont les plus grands bouffons. Or comme tout cela regarde les sens, aussi les amitiez qui en prouuiennent s'appellent sensuelles, vaines, & friuoles, & meritent plustost le no de folastrerie que d'amitié. Ce sont ordinairement les amitiez des ieunes gens, qui se tiennent aux moustaches, aux cheueux, aux œillades, aux habits, à la morgue, à la babillerie; amitiez dignes de l'aage des amans, qui n'ot encor aucune vertu qu'en bourre, ny nul iugement qu'en bouton, aussi telles amitiez ne sont que passageres, & fondent comme la neige aux Soleil.

Des amourettes. CHAP. 18.

P 5

Vand ces amitiez folastres se prattiquent entre gens de diuers sexe & sans pretention de mariage, elles s'appellent amouretres; car n'estans que certains auortons, ou plustost fantosmes d'amitié, elles ne peuuent porter le nom ny d'amitié ny d'amour, pour leur incomparable vanité & imperfe-Etion. Or par icelles les cœurs des hommes & des femmes demeuret pris, engagez, & entrelacez les vis auec les autres, en vaines & folles affections, fondees sur ces frivoles communications & chetifs agreemens desquels ie viens de parler. Et bien que ces sottes amours vot ordinairement fondre & s'abismer en des charnalitez, & lasciuetez fort vilaines, si est-ce que ce n'est pas le premier dessein de ceux qui les exercent, autrement ce ne seroyent plus amourettes, ains impudicitez & paillardises manifestes.

Ils se passeront mesme quelquesfois plusieurs annees sans qu'il arriue entre ceux qui sont atteints de
ceste folie, aucune chose, qui soit
directement contraire à la chasteté
du corps, iceux s'arrestans seulement à detremper leurs cœurs en
souhaits, desirs, souspirs, mugueteries, & autres telles nyaiseries &
vanitez,& ce pour diuerses pretentions.

Les vns n'ont autre desseins que d'assouuir leurs cœurs à donner & receuoir de l'amour, suyuans en cela leur inclination amoureuse, & ceux-cy ne regardent à rien pour le choix de leurs amours sinó à leur goust & instincts, si qu'à la rencontre d'vn sujet agreable, sans examiner l'interieur ny les deportemens d'iceluy, ils comméceront ceste communication d'amourettes, & se fourreront dedans les miserables silez, desquels par apres, ils

348 INTRODUCTION auront peine de sortir. Les autres se laissent aller à cela par vanité, leur estant aduis que ce ne soit pas peu de gloire de prendre & lier les cœurs par amour? Et ceux-cy faisans leur election pour la gloire, dressent leur pieges, & tédent leurs toiles en des lieux specieux, releuez, rares & illustres. Les autres sot portez, & par leur inclination amoureuse, & par la vanité tout ensemble; car encor qu'ils ayent le cœur tourné à l'amour, si ne veulent-ils pourtant pas en prendre qu'auec quelque aduantage de gloire. Ces amitiez sont toutes mauuaises, folles, & vaines; mauuaises; dautant qu'elles aboutissent & se terminent en fin au peché de la chair, & qu'elles desrobent l'amour, & par consequent le cœur à Dieu, à la femme & au mary, à qui il estoit deu. Folles, parce qu'elles n'ont ny fondement ny raison. Vai-

nes

A LA VIE DEVOTE. 349 nes parce qu'elles ne rendét aucun proffit, ny honneur ny contentement. Au contraire elles perdent le temps, embarrassent l'honneur, sans donner autre plaisir que celuy d'vn empressement de pretendre & esperer, sans sçauoir ce qu'on veut, ny qu'on pretend. Car il est tousiours aduis à ces chetifs & foibles esprits qu'il y a ie ne sçay quoy à desirer és tesmoignages qu'on leur rend de l'amour reciproque,& ne sçauroyent dire que c'est, dont leur desir ne peut finir, mais va tousiours pressant leur cœur de perpetuelles defiances, ialousies,& inquietudes.

Sainct Gregoire Nazianzene efcriuent contre les femmes vaines, dit merueilles sur ce sujet, en voicy vne petite piece, qu'il addresse voirement aux femmes, mais bonne encor pour les hommes, Ta naturelle beauté suffit pour ton mary, que si elle

INTRODUCTION est pour plusieurs hommes, comme un filé tendu pour une trouppe d'oyseaux, qu'en arrivera-il? celuy-là te plaira, qui se plaira en ta beauté, tu luy rendras œillade pour œillade, regard pour regard, soudain suiuront les sous-ris, & petits mots d'amour, laschez à la desrobee pour le commencemet; mais bien-tost on s'apprinoisera & passera-on à la cajollerie manifeste. Garde bien, ô ma langue parleuse, de dire ce qui arriuera par apres; si diray-ie neantmoins encor cette verité: Rien de tout ce que les ieunes gens & les femmes disent ou font ensemble, en ces folles complaisances n'est exempt de grands esquillons, tous les fatras d'amourettes se tiennent l'un à l'autre, & s'entresuiuent tout ne plus ne moins qu'un fer tiré par l'aymant, en tire plusieurs autres consecutiuement.

O qu'il dit bien ce grand Euesque, Que pensez-vous faire? donner de l'amour, non pas? mais personne n'en donne volontairement

A LA VIE DEVOTE. qui n'en prenne necessairement. Qui prend est pris en ce ieu. L'herbe aproxis reçoit & conçoit le feu aussi tost qu'elle le void, nos cœurs ensont de mesme; soudain qu'ils voyent vne ame enslammee d'amour pour eux, ils sont incontinét embrazez pour elle. I'en veux bien prendre, me dira quelqu'vn, mais non pas fort auat. Helas vous vous trompez, ce seu d'amour est plus actif & penetrat qu'il ne vous semble; vous cuyderez n'en receuoir qu'vne estincelle, & vous sereztout estonné de voir qu'en vn moment, il aura saisi tout vostre cœur, reduit en cédre toutes vos resolutios, & en fumee vostre reputation. Le sage s'escria, Qui aura compassion d'un enchanteur picqué par le serpent? Et ie m'escrie apres luy, ô fols & insensés, cuydez-vous charmer l'amour pour le pouuoirmanier à vostre gré? Vous vous voulez iouer

auec luy, il vous picquera & mordra mauuaisement; & sçauez vous ce qu'on en dira, chacun se mocquera de vous, & on rira dequoy vous auez voulu enchâter l'amour, & que sur vne fausse asseurée asseurée vous auez voulu mettre dans vostre sein vne si dagereuse coleuure, qui vous a gasté & perdu d'ame & d'honneur.

O Dieu, quel aueuglement est celuy-cy, de iotier ainsi à credit, & sur des gages si friuoles la principale piece de nostre ame, ouy Philothee, car Dieu ne veut l'homme que pour l'ame, ny l'ame que pour la volonté, ny la volonté que pour l'amour. Helas nous n'auons pas d'amour à beaucoup pres de ce que nous en auons besoin. le veux dire il s'en faut infiniment que nous en ayons assez pour aymer Dieu;&ce pendant miserables que nous somes, nous le prodigons & espan-Chous

chos en choses sottes, vaines & friuoles, comme si nous en auions de
reste. Ah ce grad Dieu qui s'estoit
reserué le seul amour de nos ames,
en recognoissance de leur creatio,
conservation, & redéption, exigera
vn compte bié estroit de ces folles
deduites que nous en faisons. Que
s'il doit faire vn examen si exacte
des paroles oyseuses, qu'est-ce qu'il
fera des amitiez oyseuses, impertinentes, folles & pernicieuses.

Le noyer nuit grandement aux vignes & aux champs esquels il en planté, parce qu'estant si grand il attire tout le suc de la terre, qui ne peut par apres suffire à nourrir le reste des plantes: ses fueillages sot si toussus qu'ils font vn ombrage grand & espais, & en sin il artire les passans à soy, qui pour abbatre son fruict, gastet & soulet tout autour. Ces amourettes sont les mesmes nuysances à l'ame, car elles l'occu-

354 - INTRODUCTION pent tellemet, & tirent si puissamment ses mouuemens, qu'elle ne peut pas apres suffire à aucune bone œuure; leurs fueilles, c'est à dire, leurs entretiens, amusemés, & mugueteries, sont si frequentes, qu'elles dissipent tout le loysir. Et en fin elles attirent tant de tentations, distractions, soupçons & autres consequences que tout le cœur en est foulé & gasté. Bref ces amourettes bannissent non seulement l'amour celeste, mais encor la crainte de Dieu, eneruet l'esprit, affoiblissent la reputation, c'est en vn mot le iouet des Cours, mais la peste des cœurs.

Des vrayes amitiez. CHAP. 19.

Philothee, aymez vn chacun d'vn grand amour charitable: mais n'ayez point d'amitié qu'auec ceux qui peuuent communiquer auec vous de choses vertueuses: & plus les vertus

A LA VIE DEVOTE. 355 vertus que vous mettrez en vostre commerce seront exquises, plus vostre amitié sera parfaite. Si vous communiquez és sciences, vostre amitié est certes fort louable: plus encor si vous communiquez aux vertus, en la prudence, discretion, force, iustice. Mais si vostre mutuelle & reciproque communication se fait de la charité, de la deuotion, de la perfection Chrestienne, ô Dieu que vostre amitié sera precieuse. Elle sera excellente parce qu'elle vient de Dieu; excellente parce qu'elle tend à Dieu; excellente parce que son lieu c'est Dieu; excellente parce qu'elle durera & eternellemet en Dieu, O qu'il fait bon aymer en terre comme l'on ayme au ciel, & apprendre à s'entre-cherir en ce monde, comme nous ferons eternellemet en l'autre. Ie ne parle pas icy de l'amour simple, de charité, car il doit estre porté 356 INTRODUCTION porté à tous les hommes: mais ie parle de l'amitié spirituelle, par laquelle deux ou trois ou plusieurs ames se communiquent leur deuotion, leurs affections spirituelles, & se rendent vn seul esprit entre elles. Qu'à bon droit peuuent chanter telles heureuses ames o que voicy combien il est bon & agreable que les freres habitent ensemble. Oüy, car le baume delicieux de la deuotion distille de l'vn des cœurs en l'autre, par vne continuelle participation; si qu'on peut dire que Dieu a respandu sur cette amitié sa benediction & la vie iusques au siecle des siecles.

Il m'est aduis que toutes les autres amitiez ne sont que des ombres au prix, de celle-cy, & que leurs lyés ne sont que des chaisnes de verre ou de iayet, en comparaison de ce grand lyen de la saincte deuotion, qui est tout d'or.

Ne faites point d'amitié d'autre sorte, ie veux dire des amitiez que vous faites: car il ne faut pas ny quitter ny mespriser pour cela les amitiez que la nature & les precedens deuoirs vous obligent de cultiuer, des parens, des alliez, des bien-facteurs, des voisins & autres: ie parle de celles que vous choisissez vous mesme.

Plusieurs vous diront, peut estre, qu'il ne faut auoir aucune sorte de particuliere affection & amitié, dautant que cela, occupe le cœur, distrait l'esprit, engendre les enuies mais ils se trompent en leur conseil; car ils ont veu és escrits de plusieurs saincts & deuots aucteurs, que les amitiez particulieres & affectios extraordinaires nuysent infiniment aux Religieux; & ils cuident que s'en soit de mesme du reste du monde, mais il y a bien à dire. Car attendu qu'en vn monaste-

INTRODUCTION re bien reiglé, le dessein commun de tous tend à la vraye deuotion,il n'est pas requis d'y faire des particulieres communications de peur que cerchant en particulier ce qui est commun, on ne passe des particularitez, aux partialitez, mais quat à ceux qui sont entre les modains, & qui embrassent la vraye vertu, il leur est necessaire de s'allier les vns aux autres par vne saincte & sacree amitié; car par le moyen d'icelle ils s'animet, ils s'aydet, ils s'entreportết au bien. Et come ceux qui cheminét en la plaine, n'ont pas besoin de se prester la main, mais ceux qui sont és chemins scabreux, & glissas s'entretiennent l'vn l'autre pour cheminer plus seuremet, ainsi ceux qui sont és religions n'ont pas besoin des amitiez particulieres; mais ceux-cy qui sont au monde en ont necessité pour s'asseurer & secourir les vns les autres parmy tant de mau

mauuais passages qu'il leur faut franchir. Au monde tous ne conspirent pas à mesme sin, tous n'ont pas le mesme esprit; Il faut donc sans doute se tirer à part, & faire des amitiez selon nostre pretétion; & cette particularité fait voiremet vne partialité, mais vne partialité saincte qui ne fait aucune diuission, sinon celle du bien & du mal, des brebis, & des cheures, des abeilles & des fressons separation necessaire.

Certes on ne sçauroit nier que nostre Seigneur n'aymast d'une plus douce & plus speciale amitié, sainct Iean, le Lazare, Marthe, Magdeleine, car l'Escriture le tesmoigne. On sçait que sainct Pierre cherissoit tendrement S. Marc & S. Petronille, comme sainct Paul faisoit son Timothee, & S. Thecle. Sainct Gregoire Nazianzene se vante cent sois de l'amitié nopareille

INTRODUCTION reille qu'il eust auec le grand sain& Basile, & la descrit en ceste sorte, il sembloit qu'en l'vn & l'autre de nous il n'y eust qu'vne seule ame portant deux corps. Que s'il ne faut pas croire ceux qui disent que toutes choses sont en toutes choses, si nous faut-il pourtant adiouster foy que nous estios tous deux en l'vn de nous, & l'vn en l'autre, vne seule pretention auions-nous tous deux de cultiuer la vertu & accommoder les desseins de nostre vie aux esperances futures, sortans ainsi hors de la terre mortelle auat que d'y mourir. Sain& Augustin tesmoigne que S. Ambroise aymoit vniquement S. Monique pour les rares vertus qu'il voyoit en elle, & qu'elle reciproquement le cherifsoit comme vn Ange de Dieu.

Mais i'ay tort de vous amuser en chose si claire. Sain& Hierosme, S. Augustin, S. Gregoire, sainct Ber-

mard

A LA VIE DEVOTE. nard & tous les plus grands seruiteurs de Dieu ont eu des tres-particulieres amitiez, sans interest de leur perfection. Sainct Paul reprochant le detraquemet des gentils, les accuse d'auoir esté gens sans affection, c'est à dire, qui n'auoyent aucune amitié. Et S. Thomas come tous les bons Philosophes, confesse que l'amitié est vne vertu. Or il parle de l'amitié particuliere, puis que comme il dit, la parfaicte amitié ne peut s'estendre à beaucoup de personnes; la perfection doncques ne consiste pas à n'auoir point d'amitié, mais à n'en auoir point que de bonne, de saincte, de sacree.

De la difference des vrayes & des vaines amities. CHAP. 20.

Oicy donc le grand aduertissement, ma Philothee, le miel d'Heraclee qui est si veneneux, ressemble à l'autre qui est si salutaire, il y a grand danger

INTRODUCTION de prendre l'vn pour l'autre, ou de les prendre messez: car la bonté de I'vn n'empescheroit pas la nuisance de l'autre. Il faut estre sur sa garde pour n'estre point tropé en ces amitiez, notammet, quand elles se cotractent en personnes de divers sexe, sous quel pretexte que ce soit: car bien souuent Satan donne le change à ceux qui ayment. On comence par l'amour vertueux, mais si on n'est fort sage, l'amour friuole se meslera, puis l'amour sésuel, puis l'amour charnel; ouy mesmeil y a danger en l'amour spirituel, si on n'est bien sage, bien qu'en celuy-cy il soit plus difficile de prendre le

cheur rendent plus cognoissables les souilleures que Sata y veut me-sler: c'est pourquoy quad il l'entre-

change, parce que sa pureté & bla-

prend il fait cela plus finement &

essaye de glisser les impuretez pres-

que insensiblement.

Vous

A LA VIE DEVOTE. Vous cognoistrez l'amitié mondaine d'auec la saincte & vertueuse, comme l'on cognoist le miel d'Heraclee d'auec l'autre: le miel d'Heraclee, est plus doux à la langue que le miel ordinaire, à raison de l'aconit qui luy donne vn surcroist de douceur, & l'amitié mondaine produit ordinairement vn grad amas de paroles emmiellees, vne cajollerie de petits mots passionnez & de louanges tirees de la beauté de la grace, & des qualitez sensuelles: mais l'amitié sacree a vn langage simple & franc, & ne peut louër que la vertu & grace de Dieu vnique fondement sur lequel elle subsiste, le miel d'Heraclee estant aualé excite vn tournoyement de teste, & la fausse amitié, prouoque vn tournoyement d'esprit, qui fait chanceller la personne, en la chasteté & deuotion, la portant à des regards affettez, mignards,& im-

INTRODVCTION moderez, à des caresses sensuelles, à des souspirs desordonnez, à des petites plaintes de n'estre pas aymee, à des petites, mais recerchees, mais attrayantes, contenances, galanteries, poursuites de baisers & autres priuautez & faueurs inciuiles, presages certains & indubitables d'vne prochaine ruyne de l'honesteté. mais l'amitié saincte n'a des yeux que simples & pudiques, ny de caresses que pures & franches, ny de souspirs que pour le ciel, ny despriuautez que pour l'esprit, ny de plaintes, sinon quand Dieu n'est pas aymé, marques infaillibles de l'honnesteté. Le miel d'Heraclee trouble la veuë, & ceste amitié mondaine trouble le jugement, en sorte que ceux qui en sont atteints pensent bien faire en mal-faisant, & cuydent que leurs excuses, pretextes & parolles soyent de vrayes raisons. Ils craignent la lumiere & ayment

A LA VIE DEVOTE. ayment les tenebres, mais l'amitié saincte a les yeux clairs-voyans, ne se cache point ains paroist volontiers deuant les gens de bien. En finle miel d'Heraclee donne vne grande amertume en la bouche; ainsi les fausses amitiez se conuertissent & terminent en paroles & demandes charnelles & puantes; ou en cas de refus, à des iniures, calomnies, impostures, tristesses confusions & ialousies qui aboutissent bien souvent en abrutissement & forcenerie: mais la chaste amitié est tousiours esgalement honneste, ciuile & amiable, & iamais ne se couertit qu'en vne plus parfaicte & pure vnion des esprits, image viue de l'amitié bien-heureuse que l'on exerce au ciel. som sorog and and

Sainct Gregoire Nazianzene, dit que le paon faisant son cry, lors que il fait sa roue & pauonnande, excite grandemet les femelles qui l'es-

MEKOA

Q 3

366 INTRODUCTION coutent à la lubricité. Quand on void vn homme pauonner, se parer, & venir comme cela cajoller, chucheter & barquiner aux oreilles d'vne femme ou d'vne fille sans pretention d'vn iuste mariage, ah! sans doute ce n'est que pour la prouoquer à quelque impudicité, & la femme d'honneur bouchera ses oreilles pour ne point ouyr le cry de ce paon, & la voix de l'enchanteur qui la veut enchanter finement; que si elle l'escoute, ô Dieu quel mauuais augure de la future perte de son cœur.

Les ieunes gens qui font des contenances, grimaces & caresses, ou dient des paroles esquelles ils ne voudroyent pas estre surprins par leurs peres, meres, maris, semmes ou confesseurs, tesmoignent en cela qu'ils traittent d'autre chose que de l'honneur & de la conscience. Nostre Dame se trouble voyant

voyant vn Ange en forme humaine, parce qu'elle estoit seule, & qu'il luy donnoit des extremes, quoy que celestes loüanges. O Sauueur du monde, la pureté craint vn Ange en forme humaine, & pourquoy donc que s'impureté ne craindraelle vn homme encore qu'il fut en figure d'Ange, quand il la loüe de loüanges sensuelles & humaines.

Aduis & remedes contre les mauuaises amitiez. CHAP. 21.

Ais quels remedes contre ceste engeance & formiliere de folles amours, solastreries, impuretez, soudain que vous en aurez les premiers assentimens tournez vous court de l'autre costé, & auec vne derestation absoluë de ceste vanité, courez à la croix du Sauueur, & prenez sa corone d'espines pour en enuironner vostre cœur, à fin que ces petits renardeaux n'en approchent. Gar-

INTRODVCTION dez bien de venir à aucune sorte de composition auec cet ennemi; ne dites pas, ie l'escouteray, mais ie ne feray rien de ce qu'il me dira.le luy presteray l'oreille, mais ie luy refuseray le cœur,ô no, Philothee, pour Dieu soyez rigoureuse en telles occasions, le cœur & les oreilles s'entretiennent l'vn à l'autre; & comme il est impossible d'empescher vn torrent qui a pris sa descete par le pendant d'vne montagne, aussi est-il difficile d'épescher que l'amour qui est tumbé en l'oreille, ne face soudain sa cheute dans le cœur.Les cheures, selon Alcmeon, aleinent par les oreilles & non par les naseaux. Il est vray qu'Aristote le nie, or ne sçay-ie ce que s'en est, mais ie scay bien pourtant que nostre cœur aleine par l'oreille, & que comme il aspire par la langue & exhale ses pensees; il respire ausli par l'oreille par laquelle il reçoit celles celles des autres. Gardons donc soigneusement nos oreilles de l'air des folles paroles; car autrement soudain nostre cœur en seroit empesté. N'escoutez donc nulle sorte de proposition, sous quel pretexte que ce soit, en ce seul cas il n'y a point de danger d'estre inciuile & aggreste.

Resouuenez-vous que vous auez voüé vostre cœur à Dieu, & que vostre amour luy est sacrissée, ce seroit donc vn sacrisege de luy en oster vn seul brin, sacrissez-le luy plustost dereches par mille resolutions & protestations, & vous tenant entre icelles comme vn cers dans son fort, reclamez Dieu, il vous secourra, & son amour prendra le vostre en sa protection, à sin qu'il viue vniquement pour luy.

Que si vous estes desia prise dans les filez de ces folles amours. O Dieu, qu'elle difficulté de vous

INTRODVCTION 370 en desprendre; mettez-vous deuat sa diuine majesté, cognoissez en sa presence, la grandeur de vostre mifere, vostre foiblesse & vanité, puis auec le plus grand effort de cœur qu'il vous sera possible, detestez ces amours commencees, abjurez la vaine profession que vous en auez faicte, renoncez à toutes les promesses receues, & d'vne grande & tres-absoluë volonté, arrestez en vostre cœur & vous resoluez de ne iamais plus r'entrer en ces jeux, & entretiens d'amour.

Si vous pouuez vous essoigner de l'object, ie l'appreuuerois infiniment, car comme ceux qui ont esté mordus des serpens ne peuuet pas aysément guerir, en la presence de ceux qui ont esté autressois blessez de la mesme morsure : austi la personne qui est picquée d'amour, guerira dissicilement de ceste passion, tandis qu'elle sera proche

A LA VIE DEVOTE. 371 che de l'autre, qui aura esté atteinte de la mesme piqueure. Le changement de lieu sert extremement pour appaiser les ardeurs & inquietudes soit de la douleur, soit de l'amour. Le garçon duquel parle S. Ambroise au liure second de la penitence, ayant fait vn long voyage reuint entierement deliuré des folles amours qu'il auoit exercees, & tellement changé que sa sotte amoureuse le rencontrant & luy disant, ne me cognois tu pas, ie suis bie moy-mesme?ouy dea, respondit-il, mais moy ie ne suis pas moymelme; l'absence luy auoit apporté ceste heureuse mutation, & sain& Augustin tesmoigne que pour alleger la douleur qu'il eut en la mort de son amy, il s'osta de Tagaste où iceluy estoit mort, & s'en alla à Cartage. Cobruom

Mais qui ne peut s'essoigner, que doit-il faire? il faut absolument re-

MARIE

72 INTRODUCTION

trancher toute conuersation particuliere, tout entretien secret, toute douceur des yeux, tout sous-ris, & generalement toutes sortes de comunications & amorces qui peuuent nourrir ce feu puant & fumeux. Ou pour le plus, s'il est forcé de parler au complice, que ce soit pour declarer par vne hardie, courte & seuere protestation le divorce eternel que l'on a iuré. Je crie tout haut à quiconque est tumbé dans ces pieges d'amourettes, taillez, tranchez, rompez; il ne faut pas s'amuser à descoudre ces folles amitiez; il les faut d'eschirer, il n'é faut pas desnouer les liaisons, il les faut rompre ou couper, aussi bien les cordons & liens n'en valent rien. Il ne faut point mesnager pour vn amour qui est si contraire à l'amour de Dieu.

Mais apres que i'auray ainsiropu les chaines de cet infame esclauage,

A LA VIE DEVOTE. uage, encor m'en restera-il quelque ressentiment & les marques & traces des fers en demeureront encor imprimees en mes pieds, c'est à dire en mes affections. Non feront Philothee, si vous auez conceu autant de détestation de vostre mal comme il le merite; car si cela est, vous ne serez plus agitee d'aucun mouuemet q de celuy d'vn extreme horreur de cet infame amour & de tout ce qui en despend;& demeurerez quitte de toute autre affection enuers l'objet abandonné, que de celle d'vne tres-pure charité pour Dieu: mais si pour l'impersection de vostre repentir, il vous reste encor quelques mauuaises inclinations, procurez pour vostre ame vne solitude mentale, selon ce que ie vous ay enseigné cy deuant & retirez vous y le plus que vous pourrez, & par mille reiterez eslancemens d'esprit, renoncez à toutes VOS Tand

INTRODUCTION vos inclinations; reniez-les de toutes vos forces; lisez plus que l'ordinaire, des sainces liures, confessez vous plus souuent que de coustume & vous communiez, conferez humblement & naifuemet de toutes les suggestions & tentatios qui vous arriverot pource regard, auec vostre directeur, si vous pouuez, ou au moins auec quelque ame fidelle & prudente. Et ne doutez point que Dieu ne vous affranchisse de toutes passions, pourueu que vous continuiez fidelement en ces exercices. - land any ballacab our

Ah! ce me direz vous, mais sera ce point vne ingratitude de tompre si impiteusement vne amitié? ô que bien-heureuse est l'ingratitude qui nous réd agreables à Dieu, non de par Dieu Philothee, ce ne sera pas ingratitude, ains vn grand benefice que vous ferez à l'amant, car en ropant vos lyens vous romprez,

prez, les siens, puis qu'ils vous estoient commus, & bien que pour l'heure il ne s'apperçoine pas de son bon-heur, il le reconoistra bien tost apres, & auec vous chantera action de graces, O Seigneur vous auez rompu mes liens, ie sacrifieray l'hostie de louange, & inuoqueray vostre sainct nom.

Quelques autres aduis sur le sujet des amities. CHAP. 22.

ment d'importance sur ce ment d'importance sur ce sujet, l'amitié requiert vne grande communication entre les amans, autrement elle ne peut ny naistre ny subsister. C'est pourquoy il arriue souuent qu'auec la comunication de l'amitié, plusieurs autres communications passent & se glissent insensiblement de cœur en cœur par vne mutuelle insusion & reciproque escoulement d'affections, d'inclinations & d'impressions.

INTRODUCTION sions. Mais sur tout, cela arrive quand nous estimons grandement celuy que nous aymons, car alors nous ouurons tellement le cœur à son amitié, qu'auec icelle, ses inclinations & impressions entrent aysemet toutes entieres, soit qu'elles soient bones ou qu'elles soient mauuaises. Certes les abeilles qui amasset le miel d'Heraclee ne cerchet que le miel, mais auec le miel elles succet insensiblemet les qualitez veneneuses de l'aconit, sur lequel elles font leur cueillette. O Dieu, Philothee, il faut bien prattiquer en ce sujet, la parole que le Sauueur de nos ames souloit dire, ainsi que les anciens nous ont apprins. Soyez bons chageurs & monoyeurs, c'est à dire, ne receuez pas la fausse monnoye auec la bonne, ny le bas or, auec le fin or, separez le precieux d'auec le chetif, ouy car il n'y a presque celuy qui n'ait qu'elque

A LA VIE DEVOTE. que imperfection. Et qu'elle raison y a-il de receuoir pesse messe les tares & imperfections de l'amy auec son amitié. Il le faut certes aymer nonobstat son imperfectio, mais il ne faut ny aymer ny receuoir son imperfection; car l'amitié requiert la communicatio du bien & non pas du mal. Comme donc ceux qui tirent le grauier du Taye en separent l'or qu'ils y treuuent, pour l'emporter, & laissent le sable sur le riuage : de mesme ceux qui ont la communication de quelque bonne amitie, doiuent en separer le sable des imperfections & ne le point laisser entrer en leur ame. Certes sain& Gregoire Nazianzene tesmoigne que plusieurs aymas & admirans sainct Basile, s'estoient laissez porter à l'imiter mesme en ses imperfections exterieures, en son parler lentement, & auec vn esprit abstrait & pensif, en la forme de

INTRODUCTION de sa barbe, & en sa demarche. Et nous voyos des maris, des femmes, des enfans, des amis, qui ayans en grande estime leurs amis, leurs peres, leurs maris, & leurs femmes acquierent ou par condescendace, ou par imitation mille mauuaises petites humeurs au commerce de l'amitié qu'ils ont ensemble. Or cela ne se doit aucunement faire, car chacun a bien assez de ses mauuaises inclinations, sans se surcharger de celles des autres, & non seulement l'amitié ne requiert pas cela, mais au contraire elle nous oblige à nous entre-ayder pour nous affranchir reciproquement de toutes sortes d'imperfections. Il faut sans doute supporter doucement l'amy en ses imperfectios, mais non pas le porter en icelles, & beaucoup moins les trasporter en nous.

Mais ie ne parle que des imperlections, car quand aux pechez, il

A LA VIE DEVOTE. ne faut ny les porter ny les supporter en l'amy. C'est vne amitié ou foible ou meschante de voir perir l'amy, & ne le point secourir, de le voir mourir d'vn aposteme, & n'oser luy donner le coup du razoir de correction pour le sauuer. La vraye & viuate amitié ne peut durer entre les pechez. On dit que la Salemandre esteint le feu dans lequel elle se couche, & le peché ruyne l'amitié en laquelle il se loge. Si c'est vn peché passager, l'amitié luy donne soudain la fuite par la correction, mais s'il seiourne & arreste, tout aussi tost l'amitie perit, car elle ne peut subsister que sur la vraye vertu, combien moins donc doit on pecher pour l'amitié; L'amy est ennemy quand il nous veut coduire au peché, & merite de perdre l'amitié quad il veut perdre & damner l'amy, ains c'est l'vne des plus asseurees marques d'vne fausse. se amitié, que de la voir prattique enuers vne personne vicieuse de quelle sorte de peché que ce soit. Si celuy que nous aymons est vicieux sans doute nostre amitié est vicieuse, car puis qu'elle ne peut regarder la vraye vertu, il est sorce quelle cosidere quelque vertu solastre, & quelque qualité sensuelle.

La societé faicte pour le prossit temporel entre les marchans n'a que l'image de la vraye amitié: car elle se fait non pour l'amour des personnes, mais pour l'amour du

gain.

En fin, ces deux diuines paroles, sont deux grandes colomnes pour bien asseurer la vie Chrestienne, l'vne est du sage: Qui craint Dieu au-ra pareillement une bone amitié. L'autre est de S. Iaques. L'amitié de ce monde est ennemie de Dieu.

Des exercices de la mortification exterieure. CHAP. 23.

Ceux

A LA VIE DEVOTE. 381

Eux qui traittent des choses rustiques & champestres, asseurent que si on escrit quel-

que mot sur vne amende bien entiere, & qu'on la remette dans son noyau, le pliant & le serrant bien proprement, & le plantant ainsi, tout le fruict de l'arbre qui en viedra, se trouuera escrit & graué du mesme mot. Pour moy, Philothee, ie n'ay iamais peu appreuuer la methode de ceux qui pour reformer l'homme, commencent par l'exterieur, par les contenances, par les habits, par les cheueux. Il me semble au cotraire qu'il faut commencer par l'interieur, Conuertissezvous à moy, dit Dieu, de tout vostre cœur, mon enfant donne moy ton cœur. Car aussi le cœur estant la source des actios, elles sont telles qu'il est, l'espoux diuin inuitat l'ame; Metsmoy, (dit-il) comme un cachet sur ton cour,

382 INTRODUCTION cœur; comme un cachet sur ton bras. Ouy vrayement, car quiconquea Iesus-Christ en son cœur, il l'a bien tost apres en toutes ses actions exterieures. C'est pourquoy chere Philothee, i'ay voulu auant toutes choses grauer & inscrire sur vostre cœur, ce mot sainct & sacré VIVE I E s v s, asseuré que ie suis qu'apres cela, vostre vie laquelle vient de vostre cœur comme vn amandier de son noyau, produira toutes ses actions qui sont ses fruicts, escrittes & grauees, du mesme mot de salut. Et que comme ce doux lesus, viura dedans vostre cœur, il viura aussi en tous vos deportemens, & paroistra en vos yeux, en vostre bouche, en vos mains, voire mesme en vos cheueux; & pourrez sainctement dire à l'imitation de fainct Paul, Ie vis, mais non plus moy, ains Iesus-Christ vit en moy. Bref, qui a gaigné le cœur de l'homme a gaigné

ALA VIE DEVOTE. 383 gaigné tout l'hôme. Mais ce cœur mesme par lequel nous voulons commencer, requiert qu'on l'instruise comme il doit former son train & maintien exterieur, à fin que non seulement on y voye la saincte deuotion, mais aussi vne grande sagesse & discretion. Pour celaie vous vay briefuement don-

ner plusieurs aduis.

Si vous pouuez supporter le ieusne, vous ferez bien de ieusner quelques iours outre les ieusnes que l'Eglise nous commande; car outre l'effect ordinaire du jeusne d'esseuer l'esprit, reprimer la chair, pratiquer la vertu, & acquerir plus grande recompense au ciel, c'est vn grand bien de se maintenir en la possession de gormander la gormandise mesme, & tenir l'appetit sensuel & le corps sujet à la loy de l'esprit. Et bien qu'on ne ieusne pas beaucoup, l'ennemy neantmoins nous craint d'auantage, quand il cognoit que nous sçauons ieusner. Les Mecredy, Vendredy, & Samedy sont les iours esquels les ancies Chrestiens s'exerçoyent le plus à l'abstinence. Prenez-en donc de ceux-là pour ieusner, autant que vostre deuotion, & la discretion de vostre directeur vous le conscilleront.

Ie dirois volontier comme sain& Hierosme dit à la bonne Dame Leta, Les ieusnes longs & immoderez me desplaisent bien fort, sur tout en ceux qui sont en un aage encortendre. l'ay appris par experience que le petit asnon, estant las en chemin, cerche de s'escarter, c'est à dire, les ieunes ges portez à des infirmitez par l'excez des ieusnes, se convertissent aisément aux delicatesses. Les cerss courent mal en deux remps, quand ils sont trop chargez de venaison, & quad il sont trop maigres. Nous fommes Shou

A LA VIE DEVOTE. 485 sommes grandement exposez aux tentations quand nostre corps est trop nourry, & quad il est trop abbatu; car l'vn le rend insolet en son aise, & l'autre le rend desesperé en son mesaise. Et comme nous ne le pouuons porter quand il est trop gras, aussi ne nous peut-il porter quandil est trop maigre. Le defaut de ceste moderatio és ieusnes, disciplines, haires, & aspretez, rend inutiles au seruice de la charité les meilleures annees de plusieurs, come il sit mesme à sain& Bernard, qui se repentit d'auoir vsé de trop d'austerité, & autant qu'ils l'ont mal traitté au commencement, ils sont contraints de le flatter à la fin. N'eussent-ils pas mieux fait de luy faire vn traittement égal & proportionné aux offices & trauaux ausquels leurs conditions les obligeovent.

Le ieusne & le trauail, mattent

386 INTRODUCTION & abbatent la chair. Si le trauail que vous ferez vous est necessaire ou fort vtile à la gloire de Dieu, i'ayme mieux que vous souffriez la peine du trauail q celle du ieusne. C'est le sentimét de l'Eglise, laquelle pour les trauaux vtiles au seruice de Dieu & du prochain, descharge ceux qui les font, du ieusne mesme commandé. L'vn a de la peine à ieusner, l'autre en a à seruir les malades, visiter les prisonniers, confesser, prescher, assister les desolez, prier, & semblables exercices. Ceste peine vaut mieux que celle-là. Car outre qu'elle matte egallemet le corps, elle a des fruits beaucoup plus desirables. Et partant generalement il est mieux de garder plus de forces corporelles qu'il n'est requis, que d'en ruyner plus qu'il ne faut. Car on peut tousiours les abbattre quand on veut, mais on ne les peut pas reparer tousiours A LA VIE DEVOTE. 387

tousiours quand on veut.

Il mesemble que nous deuons auoir en grande reuerence la parole que nostre Sauueur dit à ses disciples; Mangez ce qui sera mis deuant vous. C'est comme ie croy vne plus grande vertu de mager sans choix, ce qu'on vous presente, & en mesme ordre qu'on le vous presente, ou qu'il soit à vostre goust, ou qu'il ne le soit pas; que de choisir tousiours le pire. Car encor que cette derniere faço de viure, semble plus austere, l'autre neatmoins a plus de resignation, car par icelle on ne renonce pas seulement à son goust, mais encor à số choix; & si ce n'est pas vne petite austerité de tourner son goust à toute main, & le tenir sujet aux rencontres. Ioint que cette sorte de mortification, ne paroist point, n'incommode personne, & est vniquement propre pour la vie ciuile, reculer vne viande pour en

prendre vne autre, pinçer & racler toutes choses, ne treuuer iamais rien de bien appresté, ny de bien net, faire des mysteres à chasque morceau, cela resset vn cœur mol, & attentif aux plats & aux escuelles. l'estime plus que sain& Bernard beut de l'huyle pour de l'eau ou du vin, que s'il eut beu de l'eau d'absinthe auec attention; car c'estoitsigne qu'il ne pensoit pas à ce qu'il beuuoit. Et en cette nonchalance de ce qu'on doit manger & qu'on boit, gist la perfection de la prattique de ce mot sacré, mangez ce qui vous sera mis deuant. l'excepte neantmoins les viandes qui nuysent à la santé, ou qui mesme incommodet l'esprit, comme font à plusieurs les viandes chaudes, espicees, fumeuses, venteuses. Et certaines occasions esquelles la nature a besoin d'estre recree & aydee pour pouuoir soustenir quelque rauailà la gloire de Dieu, vne cotinuelle & moderee sobrieté est meilleure que les abstinences violentes faites à diuerses reprises & entremesses de grands relaschemens.

La discipline a vne merueilleuse vertu pour reueiller l'appetit de
la deuotion, estant prise moderement. La haire matte puissammét
le corps, mais son vsage n'est pas
pour l'ordinaire propre ny au gens
mariez, ny aux delicates complexions, ny à ceux qui ont à supporter d'autres grandes peines. Il est
vray qu'és iours plus signalez de
la penitence on la peut employer auec l'aduis du discret consesseur.

Il faut prendre de la nuit pour dormir, chacun selon sa complexion, autant qu'il est requis pour bien vtilement veiller le iour. Et parce que l'Escriture saincte en cet

INTRODUCTION façons, l'exemple des saincts & les raisons naturelles, nous recommandent grädement les matinees comme les meilleures & plus fru-Etueuses pieces de nos jours: & que nostre Seigneur mesme est nommé soleil leuant, & nostre Dame aube du iour, ie pense que c'est vn soin vertueux, de prédre son sommeil deuers le soir à bonne heure, pour pouuoir prendre son reueil, & faire son leuer de bon matin. Certes ce temps là est le plus gracieux, le plus doux & le moins embarassé, les oyseaux mesme nous prouoquent en iceluy au reueil& aux louanges de Dieu, si que le leuer matin sert à la santé & à la saincteté.

Balaam monté sur son asnesse alloit treuuer Balac, mais parce qu'il n'auoit pas droite intention, l'Ange l'attendit en chemin auec vue espee en main pour le tuer.

L'asnesse

A LA VIE DE VOTE. 391 L'asnesse qui voyoit l'Ange, s'arresta par trois diuerses fois, comme restiue, Balaam cependant la frappoit cruellemet de son baston pour la faire auancer, iusques à la troisiéme fois qu'icelle s'estant couchee tout à fait sous Balaam, luy parla par vn grand miracle, disant, Que t'ay-ie fait pourquoy tu m'as battu desia partrois fois; & tost apres, les yeux de Balaam furent ouuerts, & il vid l'Ange, qui luy dit, Pourquoy as-tu battu ton asnesse? Si elle ne se fust destournee de deuant moy ie t'eusse tué, & l'eusse reservee. Lors Balaam dit à l'Ange, Seigneur i'ay peché, car ie ne scauois pas que tu te misses contre moy en la voye. Voyez-vous Philothee, Balaă est la cause du mal, & il frappe & bat la pauure asnesse, qui n'en peut mais. Il en prend ainsi bié souuét en nos affaires; & ceste femme void son mary ou son enfant malade, soudain elle court au ieusne, à

INTRODUCTION la haire, à la discipline, comme sit Dauid pour vn pareil sujet : helas! chere ame vous battez le pauure asne, vous affligez vostre corps, mais il ne peut mais de vostre affli-Stion, ny dequoy Dieu a son espec desgainee sur vous, corrigez vostre cœur qui est idolatre de ce mary, & qui permettoit mille vices à l'enfant & le destinoit à l'orgueil, à la vanité, & à l'ambition. Cet homme void que souuent il retumbe lourdement au peché de luxure, le reproche interieur vient contre sa conscience, auec l'espee au poing pour l'outre-percer d'vne saincte crainte. Et soudain son cœur reuenant à soy; ah! felonne chair dit-il, ah! corps desloyal tu m'as trahy. Et voila incontinent à grands coups sur ceste chair, à des jeusnes immoderez, à des disciplines desmesurees, à des haires insupportables.O pauure ame, si ta chair pouuoit par ler

A LA VIE DEVOTE. 393 ler comme l'asnesse de Balaam, elle te diroit pourquoy me frappestu miserable? c'est contre toy ô mon ame, que Dieu arme sa vengeace. C'est toy qui es la criminelle, pourquoy me conduis-tu aux mauuaises conuersations? Pourquoy appliques-tu mes yeux, mes mains, mes leures aux lasciuetez? pourquoy me troubles-tu par des mauuaises imaginations? Fay des bonnes pensees, & ie n'auray pas des mauuais mouuemens. Hante les gens pudiques, & ie ne seray point agitee de ma concupiscence, Helas! c'est toy qui me iertes dans le feu, & tu ne veux pas que ie brusle. Tu me ierres la fumee aux yeux & tu ne veux pas qu'ils s'enflamet. Et Dieu sans doute vous dit en ces cas là, battez, rompez, fendez, froissez vos cœurs principalement, car c'est cotre eux que mon courroux est animé. Certes pour guerir la de-

R 5

mangeaison, il n'est pas tant besoin de se lauer & baigner comme
de purisser le sang & rafraichir le
soye; ainsi pour nous guerir de nos
vices, il est voirement bon de mortisser la chair; mais il est sur tout
necessaire de bien purisser nos asfections, & refraichir nos cœurs:
mais en tout & par tout il ne saut
nullement entreprendre des austeritez corporelles, qu'auec l'aduis
de nostre guide.

Des conversations & de la solitude. CHAP. 24.

Ecercher les couersatios, & les suir, ce sont deux extremitez blasmables en la deuotion ciuile, qui est celle de laquelle ie vous parle. La fuitte d'icelle tient du desdain & mespris du prochain, & la recerche ressent à l'oyssueté & à l'inutilité. Il faut aymer le prochain comme soymes-me. Pour monstrer qu'on l'ayme, il

A LA VIE DEVOTE. 395 ne faut pas fuir d'estre auec luy; & pour tesmoigner qu'on s'aime soymesme, il se faut plaire auec soymesme, quand on yest. Or on yest quad on est seul. Pense à toy-mesme, dit sain& Bernard, & puis aux autres. Si donques rien ne vous presse d'aller en conuersation, ou d'en receuoir chez vous; demeurez en vous mesme, & vous entretenez auec vostre cœur. Mais si la couersation vous arriue, ou quelque iuste sujet vous inuite à vous y rendre, allez de par Dieu, Philothee, & voyez vostre prochain de bon cœur & de bon œil.

On appelle mauuaises conuersations celles qui se font pour quelque mauuaise intention, ou bien quand ceux qui entreuiennent en icelles sont vicieux, indiscrets & dissolus; & pour celles-là, il s'en faut destourner, comme les abeilles se destournent de l'amas des taons & frelons. Car comme ceux qui ont esté mordus des chiens enragez, ont la sueur, l'haleine & la saliue dangereuse, & principalemet pour les enfans & gens de delicate complexion; ainsi ces vicieux & debordez ne peuuent estre frequentez qu'auec hazard & peril, sur tout par ceux qui sont de deuotion encore tendre & delicate.

Il y a des conuersations inutiles à toute autre chose, qu'à la seule recreation: les quelles se font par vn simple diuertissement des occupations serieuses. Et quand à celles là, comme il ne faut pas s'y adonner, aussi peut-on leur donner le loisir destiné à la recreation.

Les autres conversations ont pour leur sin l'honnesteré, comme sont les visites mutuelles, & certaines asséblees qui se sont pour honnorer le prochain. Et quant à celles là, comme il ne faut pas estre supersti

A LA VIE DEVOTE. perstitieuse à les prattiquer, aussi ne faut-il pas estre du tout inciuile à les mespriser, mais satisfaire auec modestie au deuoir que l'on y a, afin d'euiter esgalement la rustici-

té & la legereté.

Reste les conversations vtiles comme sont celles des personnes deuotes & vertueuses : ô Philothee, ce vous sera tousiours vn grad bien d'en rencontrer souuet de telles, la vigne plantee parmy les oliuiers, porte des raisins vn-Aueux, & qui ont le goust des oliues; vne ame qui se treuue souuent parmy les gens de vertu, ne peut qu'elle ne participe à leurs qualitez, les bourdons seuls ne peuuent point faire de miel; mais auec les abeilles ils s'aydent à le faire. C'est vn grand aduantage pour nous bie exercer à la deuotion, de conuerser auec les ames deuotes.

En toutes conversations la nayueté,

INTRODUCTION 398 ueté, simplicité, douceur & modestie sont tousiours preferez; il y a des gens qui ne font nulle sorte de contenance ny de mouuement, qu'auec tant d'artifice que chacun en est ennuyé. Et comme celuy qui ne voudroit iamais se promener qu'en contant ses pas, ny parler qu'en chantant, seroit fascheux au reste des hommes; ainsi ceux qui tiennent vn maintien artificieux, & qui ne font rien qu'à cadance, importunent extrememet la conuersation, & en cette sorte de gens il y a tousiours quelque espece de presomptio. Il faut pour l'ordinaire qu'vne ioye moderee predomine en nostre conversation. Sainct Romual & sain& Anthoine sont extremement louez, dequoy nonobstant toutes leurs austeritez, ils auoient la face & la parole ornee de ioye, gayeté & ciuilité. Riez auec les rians, & resionissez vous auecles ioyeux.

A LA VIE DEVOTE. veux. Ie vous dis encore vne fois auec l'Apostre, Soyez tousiours ioyeuse; mais en nostre Seigneur, & que vostre modestie paroisse à tous les hommes pour vous resiouir en nostre Seigneur. Il faut que le sujet de vostre ioye soit. loisible, mais honneste: ce que ie dis, parce qu'il y a des choses loysibles qui pourtant ne sont pas honnestes; & afin que vostre modestie paroisse, gardez vous des insolences, lesquelles sans doute sont tousiours reprehensibles, faire tomber l'vn, noircir l'autre, piquer le tiers, faire du mal à vn fol, ce sont des risees & ioyes desordonnees & infolentes.

Mais tousiours outre la solitude mentale à laquelle vous vous pouuez retirer, emmy les plus grandes conuersations, ainsi que i'ay dit cy dessus, vous deuez aymer la solitude locale & reelle; non pas pour aller és deserts come S. Marie Egyptien

INTRODUCTION ptienne, S Paul, S. Anthoine, Arfenius & les autres peres solitaires: mais pour estre quelque peu en vostre chambre ou en vostre iardin ou ailleurs ou plus à souhait, vous puissiez retirer vostre esprit en vostre cœur, & recreer vostre ame par des bonnes cogitations & sainces pensees, ou par vn peu de bone le-Aure à l'exemple de ce grad Euesque de Nazianze, qui parlant de soy-mesme, Ie me promenois, dit-il, moy-mesme auec moy-mesme sur le soleil couchat, & passois le temps sur le riuage de la mer, car i'ay accoustumé d'vser de ceste recreation pour me relascher & secouer un peu des ennuis ordinaires. Et là dessus il discourt de la bonne pensee qu'il fit, que ie vous ay recitee ailleurs, & à l'exemple encor de S. Ambroise, duquel parlant Sainct Augustin, il dit, que souuent estant entré en sa chambre, car on ne refusoit l'entree à personne, il le regardoit

gardoit lire, & apres auoir attendu quelque téps, de peur de l'incommoder, il s'en retourmoit sans mot dire, pensant que ce peu de temps qui restoit à ce grand pasteur pour reuigorer, & recreer so esprit, apres le tracas de tat d'affaires, ne luy deuoit pas estre osté. Aussi apres que les Apostres eurent vn iour raconté à nostre Seigneur comme ils auoyent presché & beaucoup fait. Venez, leur dit-il, en la solitude, és vous y reposez un peu.

De parler, & premierement comme il faut parler de Dieu. CHAP. 25.

Es Medecins prennent vne grande cognoissance de la santé ou maladie d'vn hōme, par l'inspection de sa langue; a nos paroles sot les vrais indices des qualitez de nos ames. Par tes paroles, dit le Sauueur, tu seras instissé, es par tes paroles tu seras condamné. Nous portos soudain la main sur la douleur leur

leur que nous sentons, & la langue sur l'amour que nous auons.

Si donc vous estes bien amoureuse de Dieu, Philothee, vous parlerez souuent de Dieu, és deuis samiliers que vous ferésauec vos domestiques, amis & voisin. Ouy, car la bouche du iuste meditera la sapience, & sa langue parlera le iugement. Et comme les abeilles, ne demessent autre chose que le miel auec leur petite bouchette, ainsi vostre langue sera tousiours emmiellee de son Dieu, & n'aura point de plus grade suauité, que de sentir couler entre vos leures les louanges & benedictions de son nom; ainsi qu'on dit de S. François, qui prononçant le sainct nom du Seigneur, il sucçoit & leschoit ses leures, comme pour en tirer la plus grande douceur du monde.

Mais parlez tousiours de Dieu, comme de Dieu, c'est à Dire, reue-

ALAVIE DEVOTE. 403 remment & deuotement: no point faisant la suffisante ny la prescheuse, mais auec esprit de douceur, de charité & d'humilité, distillant autant que vous sçauiez (comme il est dit de l'espouse au Cătique des Cantiques) le miel delicieux de la deuotion, & des choses diuines, goutte à goutte:tantost dedas l'aureille de l'vn, tantost dedans l'aureille de l'autre, priant Dieu au secret de vostre ame qu'il luy plaise de faire passer ceste saincte rosee iusques dedans le cœur de ceux qui vous escoutent.

Sur tout, il faut faire cet office angelique doucement & souëfuement, non point par maniere de correction, mais par maniere d'inspiration: car c'est merueille combien la suauité & amiable proposition de quelque bonne chose est vne puissante amorce pour attirer

les cœurs.

Ne

404 INTRODUCTION

Ne parlez donc iamais de Dieu, ny de la deuotion par maniere d'aquit & d'entretien, mais tousiours auec attention & deuotion, ce que ie dis pour vous oster vne vemarquable vanité qui se trouue en plusieurs qui sont profession de deuotion, lesquels à tout propos disent des paroles sainctes & seruentes par maniere d'entregent, & sans y penser nullemét: & apres les auoir dittes, il leur est aduis qu'ils sont tels que leurs paroles tesmoignent, ce qui n'est pas.

De l'honnesteté des paroles, & du respect que l'on doit aux personnes.

CHAP. 26.

I quelqu'un ne peche point en parole, dit S. Iaques, il est homme parfait. Gardez vous

soigneusement de lascher aucune parole des-honeste: car encore que vous ne les dissiez pas auec mauuaise intention, si est-ce que ceux

A LA VIE DEVOTE. 405 qui les oyent les peuuent réceuoir d'vne autre sorte. La parole deshonneste tumbant dans vn cœur foible, s'estend & se dilate comme vne goutte d'huile tombant sur le drap; & quelquesfois elle saisit tellement le cœur, qu'elle le remplit de mille pensees & tentations lubriques. Car comme le poison du corps entre par la bouche; aussi celuy du cœur entre par l'oreille, & la langue qui le produit est meurtriere.Car d'autant qu'encor qu'à l'aduéture le venin qu'elle a ietté, n'ait pas fait son effect, pour auoir trouué les cœurs des auditeurs munis dequelque contrepoison. Si est-ce qu'il n'a pas tenu à sa malice qu'ellene les ait fait mourir. Et que personne ne me die, qu'il n'y pense pas mal, car nostre Seigneur qui cognoit les pensees, a dit, que la bouche parle de l'abondance du cœur. Et si nous n'y pensions pas mal, le malin neatmoins

406 INTRODUCTION moins y en pense beaucoup, & se sert tousiours secrettement de ces mauuais mots, pour en transpercer le cœur de quelqu'vn. On dit que ceux qui ont mangé de l'herbe qu'on appelle Angelique, ont tousiours l'haleine douce & agreable; & ceux qui ont au cœur l'honesteté & chasteré, qui est la vertu angelique, ont tousiours leurs paroles, nettes, ciuiles & pudiques, quant aux choses indecentes & folles. L'Apostre ne veut pas que seulement on les nomme, nous asseurat que rien ne corrompt tant les bonnes mœurs, que les maunais denis.

Si ces paroles deshonnestes sont dites à couvert, auec affaiterie & subtilité, elles sont infiniment plus veneneuses; car comme plus vn dard est pointu, plus il entre aisément en nos corps; ainsi plus vn mauuais mot est aigu, plus il penetre en nos cœurs. Et ceux qui pensent

A LA VIE DEVOTE. 407 sent estre galants hommes à dire de telles paroles en conuersation, ne sçauent pas pourquoy les conuersations sont faites; car elles doiuent estre comme esseins d'abeilles, assemblees pour faire le miel de quelque doux & vertueux entretien, & non pas comme vn tas de guespes, qui se ioignent pour succer quelque pourriture. Si quelque sot vous dit des paroles messeantes, tesmoignez que vos oreilles en sont offencees, ou vous destournant ailleurs, ou par quelque autre moyen, selon que vostre prudence vous enseignera.

C'est vne des plus mauuaises conditions qu'vn esprit peut auoir, que d'estre mocqueur, Dieu hait extremement ce vice, & en a fait jadis des estranges punitions. Rien n'est si contraire à la charité, & beaucoup plus à la deuotion, que le mespris & contemnement du

prochain. Or la derision & mocquerie ne se fait iamais sans ce mespris; c'est pourquoy elle est vn fort grand peché, en sorte que les docteurs ont raison de dire, que la mocquerie est la plus mauuaise sorte d'offense que l'on puisse faire au prochain, par les paroles: parce que les autres offenses se font auec quelque estime de celuy qui est offencé, & celle-cy se fait auec mespris & contemnement.

Mais quant aux jeux de parolle qui se sont des vns aux autres, auec vne modestie, gayeté & ioyeuseté, ils appartiennent à la vertu, nomée Eutrapelie par les Grecs, & que nous pouvons appeller bonne conversation, & par iceux on prend vne honneste & amiable recreatio sur les occasions frivoles, que les imperfections humaines sournifsent. Il se faut garder seulement de passer de ceste honneste ioyeuseté

A LA VIE DEVOTE. 409 à la mocquerie. Or la mocquerie prouoque à rire, par mespris & cotemnement du prochain: mais la gayeté & gausserie, prouoque à rire par vne simple liberté, confiance & familiere franchise coniointe à la gétilesse de quelque mot. Sain& Louys, quand des Religieux vouloyent luy parler de choses releuces apres disner, Il n'est pas temps d'alleguer, disoit-il, mais de se recreer par quelque ioyeuseté & quolibets. Que chacun die ce qu'il voudra honnestemet. Ce qu'il disoit, fauorisat la noblesse qui estoit autour de luy, pour receuoir des caresses de sa Majesté. Mais, Philothee, passons tellement le temps par recreation, que nous conseruions la saincte eternité par deuotion.

Des iugemens temeraires. CHAP. 27.

rezpoint iugez, dit le sauueur de nos ames. Ne con-

INTRODUCTION 410 damnez point, & vous ne serez point condamnez. Non dit le S. Apostre. Ne ingez pas auant le temps, insques à ce que le Seigneur vienne qui reuelera le secret des tenebres, & manifesterales conseils des cœurs. O que les iugemes temeraires sot desagreables à Dieu. Les iugemes des enfans des hommes sont temeraires, parce qu'ils ne sont pas iuges les vns des autres,& iugeans ils vsurpent l'office de nostre Seigneur. Ils sont temeraires, parce que la principale malice du peché depend de l'intétion & conseil du cœur, qui est le secret destenebres pour nous. Ils sont temeraires, parce que vn chacun a assez à faire à se iuger soy-mesme, sans entreprendre de juger son prochain. C'est chose egalement necessaire pour n'estre point iugez, de ne point iuger les autres, & de se iuger soy-mesme. Car comme nostre

Seigneur nous defend l'vn, l'Apo-

ftre

A LA VIE DEVOTE. 411
fre nous ordonne l'autre, disant,
Si nous nous iugions nous mesmes, nous
ne serions point iugez. Mais, ô Dieu,
nous faisons tout au contraire, car
ce qui nous est desendu, nous ne
cessons de le faire, iugeans à tout
propos le prochain, & ce qui nous
est commandé, qui est de nous iuger nous mesmes, nous ne le faisons iamais.

Selon les causes des iugemens temeraires il y saut remedier. Il y a des cœurs aigres, amers & aspres de leur nature, qui rendent pareil-lement aigre & amer tout ce qu'ils reçoiuent; & convertissent, comme dit le Prophete, le iugement en absinthe, ne iuge as iamais du prochain qu'a-uectoute rigueur & aspreté. Ceux-cy ont grandement besoin de tumber entre les mains d'un bon medecin spirituel; car cette amertume de cœur leur estant naturelle, elle est mal-aisee à vaincre, & bien qu'en

412 INTRODUCTION soy elle ne soit pas peché, ains seulement vne imperfection, elle est neantmoins dangereuse, parce qu'elle introduit & fait regner en l'ame le jugement temeraire, & la mesdisance; aucunes iugent temerairement non point par aigreur, mais par orgueil, leur estant aduis qu'à mesure qu'ils deprimet l'honneur d'autruy, ils releuent le leur propre. Esprits arrogans & presomptueux, qui s'admirent eux mesmes, & se colloquet si haut en leur propre estime, qu'ils voyent tout le reste comme chose petite & basse. Ie ne suis pas comme le reste des hommes, disoit ce sot Pharisien. Quelques vns n'ont pas cet orgueil manifeste, ains seulemet vne certaine petite coplaysance à considerer le mal d'autruy, pour sauourer & faire sauourer plus doucement, le bien contraire duquel ils s'estiment doüez. Et cette complaifance

A LA VIE DEVOTE. sance est si secrette & imperceptible que si on n'a bonne veue, on ne la peut pas descouurir, & ceux mesme qui en sont atteins, ne la connoissent pas, si on ne la leur monstre. Les autres pour se flatter & excuser enuers eux mesmes, & pour adoucir les remors de leur conscience, jugent fort volontiers que les autres sont vicieux du vice auquel ils se sot voilez, ou de quelque autre aussi grand; leur estat aduis que la multitude des criminels rend leur peché moins blasmable.

Plusieurs s'adonnent au iugemet temeraire, pour le seul plaisir qu'ils prennent à philosopher & deuiner des meurs & humeurs des personnes, par maniere d'exercice d'esprit. Que si par malheur ils récontrêt quelque fois la verité en leurs iugemens, l'audace & l'appetit de continuer s'accroist tellement en eux qu'on a peine de les en de-

S 3

INTRODUCTION 414 stourner. Les autres iugent par passion, & pensent tousiours bien de ce qu'ils ayment; & tousiours mal de ce qu'ils hayssent, sinon en vn cas admirable, & neantmoins veritable, auquel l'excez de l'amour prouoque à faire mauuais iugemet de ce qu'on ayme; effect monstrueux, mais aussi prouenant d'vn amour impur, imparfait, troublé & malade, qui est la ialousie, laquelle, comme chacun sçait, sur vn simple regard, sur le moindre sousris du monde, codamne les personnes de perfidie & d'adultere. En fin la crainte, l'ambition & telles autres foiblesses d'esprit contribuét souuent beaucoup la production du

Mais quels remedes; ceux qui boiuent le suc de l'herbe ophiusa, d'Ethiopie, cuydent par tout voir des serpens, & choses effroiables. Ceux qui ont aualé l'orgueil, l'en-

A LA VIE DEVOTE. uie, l'ambition, la haine, ne voient rien qu'ils ne treuvent mauvais & blasmable: ceux là pour estre gueris doiuent prendre du vin de palme, & i'en dis de mesme pour ceux-cy, beunez le plus que vous pourrez le vin sacré de la charité, elle vous affranchira de ces mauuaises humeurs qui vous font faire ces iugemens tortus. La charité craint de rencontrer le mal, tant s'é faut qu'elle l'aille cercher, quad elle le rencontre, elle en destourne sa face & le dissimule, ains elle ferme ses yeux auant que de le voir au premier bruit qu'elle en apperçoit, & puis croit par vne saincte simplicité q ce n'estoit pas le mal, mais seulement l'ombre ou quelque fantosme du mal. Que si par force elle reconnoist que c'est luy mesme, elle s'en destourne tout incontinent, & tasche d'en oublier la figure, la charité est le grand reme-

S 4

INTRODUCTION de à tous maux, mais specialement pour celui-cy. Toutes choses paroissent jaunes aux yeux des icteriques, & qui ont la grande iaunisse, l'o dit q pour les guerir de ce malil leur faut faire porter de l'esclerre, sous la plate de leurs pieds. Certes ce peché de jugemet temeraire est vne jaunisse spirituelle, qui fait paroistre toutes choses mauuaises aux yeux de ceux qui en sot atteins, mais qui en veut guerir, il faut qu'il mette les remedes non aux yeux, non à l'entédemet, mais aux affectios qui sont les pieds de l'ame; si vos affectios sont douces, vostre iugement sera doux, si elles sont charitables, vostre iugement le sera de mesme.

Ie vous presete trois exeples admirables, Isaac auoit dit q Rebecca estoit sa sœur; Abimelech vid qu'il se iouoyt auec elle, c'est à dire, qu'il la caressoit tendrement, & il iugea soudain q c'estoit sa femme: vn œil malin

A LA VIE DEVOTE. 417 malin eut plustot iugé qu'elle estoit sa garce; ou q si elle estoit sa sœur, qu'il eut esté vn inceste, mais Abimelech suit la plus charitable opinion qu'il pouuoit prendre d'vn tel fait. Il faut tousiours faire de me me, Philothee, iugeant en fai seur du prochain autant qu'il ne sus sera possible. Que si vne acti on pouuoit auoir cent visages, il la faut regarder en celuy qu'i est le plus beau. Nostre Dame, estoit grosse, sainct Ioseph le vo goit clairement, mais parce q d'a atre costé, il l'a vovoit toute sain cte, toute pure, toute angelique, il ne peut oncques croire qu'elle seut pris sa grossesse contre son deuoir, si que il se resoluoit en la laissant, d'en laisser le iugement à Dieu, quoy que l'argument fut violent pour luy faire coceuoir manuaise opinion, de cette vierge, si ne voulut-il iamais l'en iuger. Mais pourquoy? parce dit l'esprit

418 INTRODUCTION de Dieu qu'il estoit iuste, l'homme iuste, quandil ne peut plus excuser ny le fait ny l'intention, de celuy que d'ailleurs il conoit homme de bien, encor n'en veut-il pas iuger. , mais oste cela de son esprit & en lau se le jugement à Dieu Mais le Sauu eur crucifié, ne pouuant excuser a u tout le peché de ceux qui le crucifi, vient au moins en amoindrit-il la malice, alleguant leur ignorance. Quand nous ne pouvons excuser l'epeché, rendons le au moins digne de compassió, l'attribuans à la cause la plus supportable qu'il puisse au oir comme à l'ignorance ou à l'infirmité.

Mais ne peut-on donc iamaisiuger le prochain? non certes iamais, c'est Dieu, Philothee, qui iuge les criminels en iustice; il est vray qu'il se sert de la voix des magistrats pour se rendre intelligible à nos oreilles; ils sont ces truchemens & inter interpretes, & ne doiuent rien prononcer que ce qu'ils ont appris de luy comme estans ses oracles. Que s'ils font autrement, suyuant leurs propres passions, alors c'est vrayement eux qui iugent, & qui par consequent seront iugez. Car il est defendu aux hommes, en qualité d'hommes de iuger les autres.

De voir ou connoistre vne chose, ce n'est pas en iuger, car le iugement, aumoins selon la phrase de l'Escriture, presuppose quelque petite ou grande, vraye, on apparente difficulté qu'il faille vuider. C'est pourquoy elle dit que ceux qui ne croyet point, sont des-ia iugez, parce qu'il ny a point de doute en leur damnation. Ce n'est donc pas mal fait, de douter du prochain? no, car il n'est pas defendu de douter ains de iuger; mais il n'est pourtant pas permis ny de douter ny de soupçoner sinon ric à ric, tout autant que

INTRODUCTION les raisons & argumens nous contraignent de douter; autrement les doutes & soupcos sont temeraires. Si quelque œil malin eut veu Iacob quand il baisa Rachel aupres du puits, ou qu'il eut veu Rebecca accepter des brasselets & pendans d'oreille d'Eliezer, homme inconneu en ce pays là; Il eut sans doute mal pensé de ces deux exemplaires de chasteté, mais sans raison & fondement; car quand vne action est de soy-mesme indifferéte, c'est vn soupçõ temeraire d'en tirer vne mauuaise consequence; sinon que plusieurs circonstaces donnét force à l'argument; cest aussi vn iugement temeraire de tirer cosequence d'vn acte, pour blasmer la personne, mais cecy ie le diray tantost plus clairement.

En fin ceux qui ont bien soin de leurs consciences ne sont guere sujets au jugement temeraire. Car

A LA VIE DEVOTE. come les abeilles voyant le brouillats ou temps nubileux, se retirent en leurs ruches à mesnager le miel; ainsi les cogitations des bonnes ames ne sortent pas sur des objects embrouillez, ny parmy les actions nubileuses des prochains, ains pour en euiter le rencontre, se ramassenz dedans le cœur, pour y mesnager les bonnes resolutions de leur a-

mendement propre.

C'est le fait d'vn ame inutile, de s'amuser à l'examen de la vie d'autruy,i'excepte ceux qui ont charge des autres, tant en la famille, qu'en la republique, car vne bonne partie de leur conscience, consiste à regarder & veiller sur celle des autres. Qu'ils facet donc leur deuoir auec amour, passé cela, qu'ils se tiénët en eux mesmes pour ce regard.

De la mesdisance.

CHAP. 28.

E iugement temeraire, produit l'inquietude, le mespris du prochain, l'orgueil & complaisan-

ce de soy-mesme, & cent autres esfects tres-pernicieux, entre lesquels la mesdisance tient des premiers rangs, comme la vraye peste des couersations. O que n'ay-ie vn des charbons du sainct autel pour toucher les leures des hommes, à sin que leur iniquité sut ostée, & leur peché nettoyé, à l'imitation du Seraphin, qui purissa la bouche d'Isaye. Qui osteroit la mesdisance du monde, en osteroit vne grande partie des pechez & de l'iniquité.

Quiconque oste iniustement la bonne renommee à son prochain, outre le peché qu'il commet, il est obligé à faire la reparation, quoy que diuersement selon la diuersité des mesdisances, car nul ne peut entrer au ciel auec le bié d'autruy;

A LA VIE DEVOTE. 423 & entre tous les biens exterieurs la renomee est le meilleur, sa mesdisance est vne espece de meurtre, car nous auons trois vies la spirituelle, qui gist en la grace de Dieu; la corporelle, qui gist en l'ame; & la ciuile, qui cossste en la renommee. Le peché nous oste la premiere; la mort nous oste la seconde; & la mesdisance nous oste la troisiéme; mais le mesdisant par vn seul coup de sa langue fait ordinairement trois meurtres, il tue son ame, & celle de celuy qui l'escoute, d'vn homicide spirituel, & oste la vie ciuile à celuy duquel il mesdit. Car comme disoit S. Bernard, celuy qui mesdit & celuy qui escoute le mesdisant tous deux ont le diable sur eux, mais l'vn l'a en la langue & l'autre en l'oreille. Dauid parlant des mesdisans, Ils ont affilez leurs langues, dit-il, comme un serpent. Or le serpent a sa langue fourchuë, & a deux

INTRODUCTION 424 a deux pointes, comme dit Aristote, & telle est celle du mesdisant. qui d'vn seul coup pique & empoisonne l'oreille de l'escoutant & la reputation de celuy de qui elle

parle.

Ie vous coniure donc tres-chere Philothee, de ne iamais mesdire de personne ny directement ny indirectement; gardez vous d'imposer des faux crimes & pechez au prochain, ny de descouurir ceux qui sont secrets, ny d'agradir ceux qui sont manifestes, ny d'interpreter en mal le bon œuure, ny de nier le bien que vous sçauez estre en quelqu'vn,ny le dissimuler malicieusement, ny le diminuer par paroles: car en toutes ses façons vous offenceriez grandement Dieu; mais sur tout accufant faussement, & niant la verité au preiudice du prochain. Car c'est peché de mentir & nuire tout ensemble au prochain.

Ccux

A LA VIE DEVOTE. 425 Ceux qui pour mesdire, font des prefaces d'honneur, ou qui disent des petites gétillesses gausseries entre deux, sont les plus fins & veneneux mesdisans de tous. Ie proteste, disent-ils, que ie l'aime, & que au reste cet vn galat homme, mais cependant il faut dire la verité, il eut tort de faire vne telle perfidie, c'est vne fort vertueuse fille, mais elle fut surprise, & semblables petits agencemens. Ne voyez vous pas l'artifice, celuy qui veut tirer à l'arc, tire tant qu'il peut la fleche à soy, mais ce n'est que pour la darder plus puissamment. Il semble que ceux-cy retirent leur mesdisance à eux, mais ce n'est que pour la descocher plus fermement, à fin qu'elle penetre plus auant dedans les cœurs des escoutans. La mesdisance ditte par forme de gausserie, est encor plus cruelle que toutes, car comme la cigue n'est pas de soy

UV

426 INTRODUCTION vn venin fort present, ains assez lent, & auquel on peut aisément remedier; mais estant pris aucc le vin, il est irremediable: ainsi la mesdisance qui de soy passeroit legerement par vne oreille, & sortiroit par l'autre, comme l'on dit, s'arreste fermement en la ceruelle des escoutans, quand elle est presentee, dedans quelque mot subtil & ioyeux. Ils ont dit Dauid, le venin de l'aspic sous leurs leures. L'aspic fait sa piqueure presque imperceptible,& son venin d'abord rend vne demégeaison delectable, au moyen dequoy le cœur & les entrailles se dilatent & reçoiuent le poison, contre lequel par apres il n'y a plus de la descencia en la electron remede.

Ne dites pas vn tel est vn yurongne, encor que voº l'ayez veu yure; ny il est adultere pour l'auoir veu ence peché, ny il est inceste, pour l'auoir trouué en ce mal-heur, car

A LA VIE DEVOTE. 427 vn seul acte ne done pas le no à la chose, le Soleil s'arresta vne fois en faueur de la victoire de Iosué, & s'obscurcit vne autrefois en faueur de celle du Sauueur, nul ne dira pourtant qu'il soit ou immobile ou obscur. Noë s'enyura vne fois, & Loth vne autrefois, & celuy-cy de plus commit vn grand inceste, ils ne furent pourtant pas yurongnes. ny l'vn ny l'autre, ny le dernier ne fut pas inceste, ny sainct Pierre sanguinaire, pour auoir vne fois respădu du sag, ny blasphemateur pour auoir vne fois blasphemé. Pour prendre le nom d'vn vice ou d'vne vertu, il faut y auoir fait quelque progrez & habitude. C'est doc vne imposture de dire qu'vn homme est cholere, ou larron pour l'auoir veu courroucer ou desrober vne fois.

Encor qu'vn homme ait esté vicieux longuement, on court fortu-

INTRODVCTION ne de mentir quand on le nomme vicieux. Simon le lepreux, appelloit Magdaleine, pecheresse, parce qu'elle l'auoit esté n'agueres; il mëtoit neantmoins, car elle ne l'estoit plus, mais vne tres-saince penitente:aussi nostre Seigneur prenden protection sa cause. Ce fol Pharisien tenoit le publicain pour grand pecheur, ou peut estre mesme pour iniuste, adultere, rauisseur, mais il se trompoit grandement, car tout à l'heure mesme il estoit iustifié. Helas puisque la bonté de Dieu est si grande qu'vn seul moment suffit pour impetrer & receuoir sa grace. Quelle asseurance pouuons nous auoir qu'vn homme qui estoit hier pecheur, le soit auiourd'huy; le iour precedent ne doit pas iuger le iour present; ny le iour present, ne doit pas iuger le iour precedent, il n'y a que le dernier qui les iuge tous. Nous ne pouuons donc iamais dire qu'vn homme soit meschat, sans danger de métir; ce que nous pouuons dire, en cas qu'il en faille parler, c'est qu'il sit vn tel acte mauuais, il a mal vescu en tel temps, il fait mal maintenant, mais on ne peut tirer nulle cosequence, d'hier àce iourd'huy, ny de ce iourd'huy au iour d'hier.

Encor qu'il faille estre extremement delicat à ne point mesdire du prochain, si faut-il se garder d'vne extremité, en laquelle quelques vns tumbent qui pour euiter la mesdisance, louent & dient bien du vice. S'il se trouue vne personne vrayement mesdisante, ne dites pas pour l'excuser qu'elle est libre & franche: vne personne manisestement vaine, ne dites pas qu'elle est genereuse & propre; les priuautez dangereuses ne les appellez pas simplicitez, naiuetés; ne fardez pas la desobeyssance du nom de zele,

INTRODUCTION ny l'arrogance du nom de franchise, ny la lasciueté du nom d'amitié, non, chere Philothee, il ne faut pas pensant fuyr le vice de la mesdisanse, fauoriser, flatter ou nourrir les autres, ains faut dire rondement & franchement mal du mal, & blafmer les choses blasmables; ce que faisant nous glorisions Dieu, moyennant que ce soit auec les con-

ditions suyuantes.

Pour louablement blasmer les vices d'autruy, il faut que l'vtilité ou de celuy duquel on parle, ou de ceux à qui l'on parle, le requiere. On recite deuant des filles les priuautez indiscrettes de tels & de telles, qui sont manifestement perilleuses; la dissolution d'vn tel ou d'vne telle en paroles ou en contenances, qui sont manisestement lubriques, si ie ne blasme librement ce mal, & que ie le vueille excuser, ces tendres ames qui escoutent

coutent prendront occasion de se relascher à quelque chose pareille leur vtilité donc, requiert que tout franchement ie blasme ces choses là sur le champ, sinon que ie puisse reseruer à faire ce bon office plus à propos, & auec moins d'interest de ceux de qui on parle, en vne autre occasion.

Outre cela, encor faut-il qu'il m'appartiene de parler sur ce sujer, comme quand ie suis des premiers de la copagnie, & que si ie ne parle, ilsemblera que i'appreuue le vice, que si ie suis des moindres, ie ne dois pas entreprendre de faire la censure, mais sur tout il faut que ie lois exactemet iuste en mes parolles, pour ne dire pas vn seul mot de trop. Par exemple, si ie blasme la priuauté de ce ieune homme, & de cette fille, parce qu'elle est trop indiscrette & perilleuse. O Dien Philothee, il faut que ie tienne la balance

INTRODUCTION lance bien iuste pour ne point aggrandir la chose pas d'vn seul brin; s'il ny a qu'vne foible apparence, ie ne diray rie que celass'il n'y a qu'vne simple imprudence, ie ne diray rien dauantage; s'il n'y a ny imprudence ny vraye apparence de mal, ains seulement que quelque esprit malicieux en puisse tirer pretexte de mesdisance, ou ie n'é diray rien du tout, ou ie diray cela mesme. Ma langue, tandis que ie iuge le prochain, est en ma bouche, comme vn rasoir en la main du chirurgien, qui veut trencher entre les nerfs & les tendons. Il faut que le coup que ie donneray soit si iuste, que ie ne die ny plus ny moins que ce qui en est. Et en fin il faut sur tout obseruer en blasmant le vice, d'espargner le plus que vous pourrez la personne, en laquelle il est.

Il est vray que des pecheurs infames, publiques, & manifestes, on

ALAVIE DEVOTE. 433 en peut parler librement, pourueu que ce soit auec esprit de charité & de compassion, & no point auec arrogance & presumption, ny pour se plaire au mal d'autruy: car pour ce dernier c'est le fait d'vn cœur vil & abject. l'excepte entre tous les ennemis declarez de Dieu & de son Eglise: car ceux-là il les faut descrier tant qu'on peut, comme sont les sectes des heretiques & schismatiques, & des chefs d'icelles, c'est la charité de crier au loup, quand il estentre les brebis, voire où qu'il soit.

Chacun se donne liberté de juger & censurer les Princes, & de mesdire des nations toutes entieres, selon la diuersité des affections que lo a en seur endroit. Philochee, ne faites pas ceste faute: car outre l'offence de Dieu, elle vous pourroit susciter mille sortes de querel-

163

134 INTRODUCTION

Quand vous oyez mal dire, redez douteuse l'accusation, si vous le pouuez faire iustement: si vous ne pouuez pas, excusez l'intention de l'accusé : que si cela ne se peut, tesmoignez de la compassion sur luy, escartez ce propos là, vous resouvenant & faisant resouvenir la compagnie que ceux qui ne tumbent pas en faute, en doyuent toute la grace à Dieu.R'appellez à soy le mesdisant par quelque douce maniere: dittes quelques autres biens de la personne offencee, si vous le sçauez.

Quelques autre aduis touchant le parler.

CHAP. 29.

Ve vostre lagage soit doux, franc, sincere, rond, naif, & sidelle. Gardez vous des duplicitez, artifices, & feintises; car bien qu'il ne soit pas bon de dire tousours toutes sortes de veritez, si n'est-il iamais permis de cotreuenir à nir à

A LA VIE DEVOTE. 435 nir à la verité. Accoustumez-vous à ne iamais mentir à vostre escient, ny par excuse, ny autrement, vous resouuenant que Dieu est le Dieu de verité. Si vous en dittes par mesgarde, & vous pouuez la corriger sur le champ par quelque explication ou reparation, corrigez-la, vne excuse veritable a bien plus de grace & de force pour excuser que le mensonge.

COM

Bien que quelquefois on puisse discretemet & prudément desguiser & couurir la verité, par quelque artifice de parolle, si ne faut-il pas prattiquer cela, sinon en choses d'importance, quand la gloire & service de Dieu le requierent manifestement: hors de là, les artifices lont dangereux; car comme dit la saincte parolle, le S. Esprit n'habite pas en vn esprit feint & double. Il n'y a nulle si bonne & desirable finesse que la simplicité. Les

436 INTRODUCTION prudences mondaines & artifices charnels appartienent aux enfans de ce siecle: mais les enfas de Dieu cheminent sans destour, & ont le cœur sas replis; Qui chemine simplement, dit le sage, il chemine cosidemment; le mensonge, la duplicité, la simulation tesmoignet toufiours vn esprit foible & vil.

Sain& Augustin auoit dit au quatriesme liure de ses confessios, que son ame & celle de son amy n'estoyent qu'vne seule ame, & que ceste vie luy estoit en horreur apres le trespas de son amy, parce qu'il ne vouloit pas viure à moitié, & que aussi pour cela mesme, il craignoit à l'aduenture de mourir, affin que son amy ne mourut du tout. Ces parolles luy semblerent par apres trop artificieuses & affectees, si que il les reuoque au liure de ses Retractations, & les appelle vne inepie. Voyez-vous, chere Philothee, com

A LA VIE DEVOTE. combié ceste saincte & belle-ame est douillette au sentiment de l'affetterie des paroles. Certes c'est vn grand ornement de la vie chrestiene que la fidelité, rondeur & sincerité du langage. l'ay dit, ie prendray garde à mes voyes pour ne point pecher en ma langue. Hé Seigneur, mettez des gardes à ma bouche, & une portequi ferme mes leures, disoit David.

C'est vn aduis du Roy S. Louys dene point desdire personne, sino qu'il y euft peché, ou grand dommage à consentir: c'est à sin d'esuiter à toutes contestes & disputes. Or quand il importe de cotredire à quelqu'vn, & d'opposer son opinion à celle d'vn autre, il faut vser de grande douceur & dexterité, lans vouloir violenter l'esprit d'autruy: car aussi bien ne gaigne-on rien en prenant les choses aspremental de la mentantina de la mentantina

Le parler peu tant recomman-SWE S

438 INTRODUCTION dé par les anciens sages, ne s'ented pas qu'il faille dire peu de parolles; mais de n'en dire pas beaucoup d'inutiles: car en matiere de parler, on ne regarde pas à la quantité, mais à la qualité; & me semble qu'il faut fuir les deux extremitez. Car de faire trop l'entendu & le seuere, refusant de contribuer aux deuis familiers qui se font és conuersations, il semble qu'il y ait, ou manquement de confiance, ou quelque sorte de desdain : de babiller aussi & cajoler tousiours, sans doner ny soisir, ny commodité aux autres de parler à souhait, cela tient de l'esuenté & leger.

Sain& Louys ne treuuoit pas bon qu'estant en compagnie l'on parlast en secret & en conseil, & particulierement à table, à sin que l'on ne donnast soupçon que l'on parlat des autres en mal. Celuy, disoit-il, qui est à table en bonne compagnie, A LA VIE DEVOTE. 439 gnie, qui a à dire quelque chose ioyeuse & plaisante, la doit dire que tout le mode l'entende: si c'est chose d'importance on la doit taire, sans en parler.

Des passe-temps & recreations, & premierement des loisibles & louables.

100 CHAP. 30.

L'est force, de relascher quelquesfois nostre esprit, & nostre corps encore à quelque sorte de recreation. Sainct Iean l'Euangeliste, comme dit le bien-heureux Cassian, fut vn iour trouué par vn chasseur, qu'il tenoit vne perdrix fur son poing, laquelle il caressoit par recreation; le chasseur luy demanda pourquoy estant homme de telle qualité, il passoit le temps en chose si basse & vile;& saince Iean luy dit, pourquoy ne portes tu pas ton arc tousiours tendu? De peur; respondit le chasseur, que demeurant toussours courbé, il ne perde la force de s'estendre,

MICO

quand il en sera mestier. Ne t'estóne pas donc, repliqua l'Apostre, si
ie me demets quelque peu de la rigueur & attention de mon esprit,
pour prédre vn peu de recreation,
à sin de m'employer par apres plus
viuement à la cotemplation. C'est
vn vice sans doute que d'estre si rigoureux, agreste & sauuage, qu'on
ne vueille prendre pour soy, ny
permettre aux autres, aucune sorre
de recreation.

Prendre l'air, se promener, s'entretenir de deuis ioyeux & amiables, iouër du luth, ou autres instrumens, chanter musique, allerà la chasse; ce sont recreatios si honnestes, que pour en bié vser, il n'est besoin que de la commune prudence, qui donne à toutes choses le rang, le téps, le lieu & la mesure.

Les jeux, esquels le gain sert de prix, & recompense à l'habilité & industrie du corps ou de l'esprit, com

A LA VIE DEVOTE. 441 comme les jeux de la paume, balon, palemaille; les courses à la bague, les eschets, les tables, ce sont recreations de soy-mesme bonnes & loifibles. Il se faut seulement garder de l'excez, soit au téps que l'on y employe, soit au prix que l'o y met: car si l'on y employe trop de temps, ce n'est plus recreation, c'est occupation, on n'allege pas ny l'esprit ny le corps, au contraire on l'estourdit, on l'accable. A vant ioilé cinq, six heures aux eschets, au sortir on est tout recreu & las d'esprit. Iouer longuement à la paume ce n'est pas recreer le corps, mais l'accabler, & si le prix, c'est à dire, ce qu'on iouë est trop grand, les affeations des joueurs se dereglent; & outre cela, c'est chose iniuste de mettre des grands prix à des habilitez & industries de si peu d'importance, & si inutiles, comme sont les habilitez des jeux. Mais sur tout prenez garde, Philothee, de ne point attacher vostre affection à tout cela: car pour honneste que soit vne recreation, c'est vice d'y mettre son cœur, & son affection. Ie ne dis pas, qu'il ne faille prendre plaisir à iouër, pendant q l'on iouë: car autrement on ne se recreeroit pas; mais ie dis qu'il ne faut pas y mettre son affection, pour les desirer, pour s'y amuser & s'en empresser.

Des bals & passe-temps loisibles, mais dangereux. CHAP. 31.

Es danses & bals, sont choses indifferentes de leur nature: mais selon l'ordinaire
façon auec laquelle cet exercice se
fait, il est fort penchant, & incliné
du costé du mal, & par consequent
plein de danger & de peril: on les
fait de nuict, & parmy les tenebres
& obscuritez, il est aisé de faire
glisser plusieurs accidents tenebreux,

A LA VIE DEVOTE. breux, & vicieux en vn sujet qui de soy-mesme est fort susceptible du mal, on y fait des grandes veillees, apres lesquelles, on perd les mattinees des iours suiuans, & par consequent le moyen de seruir Dieu en icelles. En vn mot, c'est tousiours folie de changer le iour à la nuict, la lumiere aux tenebres, les bonnes œuures à des folatreries. Chacun porte au bal de la vanité à l'enuy; & la vanité est vne si grande disposition aux mauuaises affeations, & aux amours dangereux & blasmables, qu'aisement tout cela s'engendre és danses.

Ie vous dis des danses, Philothee, comme les medecins disent des potirons & champignons, les meilleurs n'en valent rien, disentils; & ie vous dis que les meilleurs bals ne sont guieres bons; si neantmoins il faut manger des potirons, prenez garde qu'ils soyent bien ap-

relles,

T 6

INTRODUCTION prestez. Si par quelque occasion, de laquelle vous ne puissiez pas vous bie excuser, il faut aller au bal; prenez garde que vostre danse soit bien apprestee. Mais comme fautil qu'elle soit accommodee? de modestie, de dignité, & de bonne intention. Mangez en peu, & peu souvent (disent les Medecins, parlans des champignons) car pour bien apprestez qu'il soyent la quatité leur sert de venin. Dansez peu, & peu souvent, Philothee, carfaifant autrement vous vous mettrez en danger de vous y affectionner.

Les champignons, selon Pline, estans spongieux & poreux, comme ils sont, attirent aisément toute l'infectio qui leur est autour: si que estans pres des serpens ils en reçoiuent le venin; les bals, les danses, & telles assemblees tenebreuses, attirent ordinairement les vices & pechez, qui regnét en vn lieu; les que relles,

A LA VIE DEVOTE. 445 relles, les enuies, les mocqueries, les folles amours. Et comme ces exercices ouurent les pores du corps de ceux qui les font, aussi ouurent-ils les pores du cœur. Au moyen dequoy, si quelque serpent sur cela vient souffler aux oreilles quelque parole lasciue, quelque muguererie, quelque cajolerie: ou que quelque basilie vienne ietter des regards impudiques, des œillades d'amour, les cœurs sont fort aisez à se laisser saisir & empoison-

O Philothee, ces impertinentes recreations, sont ordinairement dangereuses: elles dissipent l'esprit de deuotion, allanguissent les forces, refroidissent la charité, & re-ueillent en l'ame mille sortes de mauuaises affections: c'est pourquoy il en faut vser auec vne grande prudence.

Mais sur tout, on dit qu'apres

INTRODUCTION 446 les champignons, il faut boire du vin precieux. Et ie dis qu'apres les daçes il faut vser de quelques sainctes & bonnes considerations, qui empeschent les dangereuses impressions, que le vain plaisir qu'on a pris, pourroit doner à nos esprits. Mais quelles considerations? 1. A mesme temps que vous estiez au bal, plusieurs ames brusloyent au feu d'enfer pour les pechez commis à la daçe, ou à cause de la danse. 2. Plusieurs Religieux & gens de devotion estoyent à mesme heure deuant Dieu, chantoient ses louanges & cotemployent sa bonté. O que leur temps a esté bié plus heureusement employé que le vostre. 3. Tandis que vous auez dansé, plusieurs ames sont decedees en grand' angoisse, mille milliers d'hommes & de femmes ont souffert des grands trauaux, en leurs licts, dans les hospitaux, & és rues, la

A LA VIE DEVOTE. la goutte, la grauelle, la fieure ardente. Helas!ils n'ont eu nul repos; auez vous point de compassion d'eux? Et pensez vous point qu'vn iour vous gemirez come eux, tandis que d'autres danseront comme vous auez fait? 4. Nostre Seigneur, nostre Dame, les Anges & les saincts vous ont veu au bal, ah!que vous leur auez fait grande pitié, voyant vostre cœur amusé à vne si grande niaiserie, & attentif à ceste fadaise. 5. Helas tandis que vous estiez là, le teps s'est passé, la mort s'est approchee; voyez qu'elle se mocque de vous, & qu'elle vous appelle à sa danse en laquelle, les gemissemens de vos proches, seruiront de violons, & où vous ne ferez qu'vn seul passage, de la vie à la mort; ceste danse est le vray passetemps des mortels, puis qu'on y passe en vn moment, du temps à l'eternité, ou des biens, ou des peines. le vous ay marqué ces petites considerations, mais Dieu vous en suggerera bien d'autres à mesme effect, si vous auez sa crainte.

Quad on peut iouer & danser. CH.32. Our iouer & danser loisiblement, il faut que ce soit par recreation, & non par affection, pour peu de temps, & non iusques à se lasser ou estourdir, & que ce soit rarement, car qui en fait ordinaire, il conuertit la recreation en occupation. Mais en quelles occasions peut-on iouer & danser? Les iustes occasions de la danse & du jeu indifferet, sont plus frequentes. Celles des jeus defendus sont plus rares, come aussi tels jeux sont beaucoup plus blasmables & perilleux. Mais en vn mot, dansez & iouez, selon les conditios que ie vous ay marquees, quand pour condescendre & complaire à l'honneste conversation en laquelle

A LA VIE DEVOTE. 449 le vous serez, la prudence & discretion vous le conseilleront; car la condescendance, comme surgeon de la charité, rend les choses indifferentes, bonnes, & les da ngereuses permises. Elle oste mesme la malice à celles qui sont aucunemét mauuaises; c'est pourquoy les jeux de hazard, qui autrement seroyent blasmables, ne le sont pas, si quelque fois, la iuste condescendăce, nous y porte. l'ay esté consolé d'auoir leu en la vie du B. Charles Borromee qu'il condescédoit auec les Suisses en certaines choses, esquelles d'ailleurs il estoit fort seuere, & que le B. Ignace de Loyole estant inuité à iouer, l'accepta. Quat à saince Elizabeth d'Hongrie, elle iouoit & se treuuoit és assemblees des passe-temps sans interest de sa deuotion, laquelle estoit si bien enracinee dedans son ame, que comme les rocs qui sont autour du lac de Riette, croissent estans battus des vagues, ainsi sa deuotion, croissoit emmy les pompes & vanitez, ausquelles sa condition l'exposoit. Ce sont les grands feux qui s'enstament au vent, mais les petits s'esseignent si on ne les y porte à couuert.

Qu'il faut estre sidelle és grandes & petites occasions. CHAP. 33.

Espoux sacré au Cantique des Catiques, dit que son espouse luy a rauy le cœur par l'vn de ses yeux & l'vn de ses cheueux. Or entre toutes les parties exterieures du corps humain, il n'y en a point de plus noble, soit pour l'artifice, soit pour l'actiueté que l'œil: ny. point de plus vile que le cheueux. C'est pourquoy le diuin Espoux veut faire entendre qu'il n'a pas seulement agreables les grandes œuures des personnes deuotes, mais

mais aussi les moindres & plus basses; & que pour le servir à son goust, il faut auoir grand soin de le bien servir aux choses grandes & hautes, & aux choses petites & abjectes, puis que nous pouvons esgalement & par les vnes & par les autres, luy desrober son cœur par amour.

Preparez vous doncques, Philothee, à souffrir beaucoup de grandes afflictios pour nostre Seigneur, mesme le martyre: resoluez vous de luy donner tout ce qui vous est de plus precieux, s'il luy plaisoit de le prendre, pere, mere, frere, mary, femme, enfans, vos yeux mesmes & vostre vie; car à tout cela vous deuez apprester vostre cœur. Mais tandis que la diuine prouidence ne vous enuoye pas des afflictions si sensibles & si grandes, & qu'il ne requiert pas de vous vos yeux, donez-luy pour le moins vos cheueux. ONE

INTRODUCTION ueux. Ie veux dite supportez tout doucement les menues injures; ces petites incommoditez; ces pertes de peu d'importace, qui vous sont iournalieres: car par le moyen de ces petites occasions, employees auec amour, & dilection; vous gaignerez entierement son cœur, & le rédrez tout vostre: ces petites charitez quotidiennes, ce mal de teste, ce mal de dents, ceste defluxion, ceste bigearrerie du mary ou de la femme, ce cassement d'vn verre, ce mespris, ou ceste moiie, ceste perte de gans, d'vne bague, d'vn mouchoir, ceste petite incommodité que l'on se fait d'aller coucher de bonne heure, & de se leuer matin pour prier, pour se communier, ceste petite honte que l'on a de faire certaines actions de deuotion publiquement: bref toutes ces petites souffrances estant prinses & embrassess auec amour, contentent extre

extremement la bonté diuine; laquelle pour vn seul verre d'eau a promis la mer de toute felicité à ses sidelles: & parce que ces occasions se presentent à tout moment, c'est vn grand moyen pour assembler beaucoup de richesses spirituelles, que de les bien employer.

Quand i'ay veu en la vie de sainde Catherine de Sienne, tant de rauissemes & d'esseuatios d'esprit, tant de paroles de sapience; & mesme des predications faictes par elle, ie n'ay point douté qu'auec cet œil de contemplation, elle n'eust rauy le cœur de son espoux celestes mais i'ay esté esgallement consolé quand ie l'ay veue en la cuisine de son pere tourner humblement la broche, attiser le feu, apprester la viande, paistrir le pain, & faire tous les plus bas offices de la maison, auec vn courage plein d'amour & de dilection enuers son Dieu. Et n'esti

INTRODUCTION n'estime pas moins la petite & basse meditatio qu'elle faisoit parmy ses offices vils & abjects, que les extases & rauissemés qu'elle eutsi souuent, qui ne luy furet peut estre donnez que pour recompense de cette humilité & abjection. Or la meditatio estoit telle, elle s'imaginoit qu'aprestant pour son pere, elle apprestoit pour nostre Seigneur, comme vne autre saincte Marthe, que sa mere tenoit la place de nostre Dame, & ses freres le lieu des Apostres, s'excitant en cette sorte de seruir en esprit toute la Cour celeste, & s'employans à ses chetifs seruices auec vne grande suauité, parce qu'elle sçauoit la volonté de Dieu estre telle. Iay dit cet exemple, ma Philothee, afin que vous sçachiez combien il importe de bien dresser toutes nos actios pour viles qu'elles soient au seruice de sa divine Majesté.

Pour

A LA VIE DEVOTE. 455 Pour cela, ie vous conseille tant que ie puis, d'imiter cette femme forte que le grand Salomon a tant louee, laquelle, comme il dit, mettoit la main à choses fortes, genereuses & releuces, & neatmoins ne laissoit pas de filer & tourner le fuseau, elle a mis la main à chose forte,& ses doigts ont prins le fuseau, mettez la main à chose forte, vous exerçant à l'oraison & meditation, à l'vsage des Sacremens, à donner de l'amour de Dieu aux ames, à respandre des bonnes inspirations dedans les cœurs: & en fin à faire des œuures grades, & d'importance, selo vostre vocation:mais n'oubliez pas aussi vostre fuseau & vostre quenouille: c'est à dire, prattiquez ces petites & humbles vertus, lesquelles, comme fleurs, croifsent au pied de la croix, le service des pauures, la visitation des malades, le soin de la famille, auec les œuures

ceuures qui dependent d'iceluy, & l'vtile diligence qui ne vous laiffera point oysiue; & parmy toutes ces choses là, entrejettez des pareilles considerations à celles que ie viens de dire de saincte Catherine.

Les grandes occasions de seruir Dieu se present ent rarement, mais les petites sont ordinaires: Or qui sera fidelle en peu de chose, dit le Sauueur mesme, on l'establira sur beaucoup. Faites donc toutes choses au nom de Dieu, & toutes choses seront bié faites; soit que vous mangiez, soit que vous beuuiez, soit que vous dormiez, soit que vous vous recreez, soit que vous tourniez la broche, pourueu que vous scachiez bien mesnager vos affaires, vous proffiterez beaucoup deuant Dieu, faisant toutes ces choses, parce que Dieu veut que vous les faciez.

Advis

A LA VIE DEVOTE. 457

Aduis pour les gens mariez. CHAP. 34.

E Mariage est vn grand Sacrement, ie dis en Iesus-Christ, & en son Eglise, il est honnorable à tous en tous, & en tout, c'est à dire, en toutes ses parties. A tous, car les vierges mesmes le doiuent honnorer auec humilité. En tous, car il est esgalemet sainct entre les pauures come entre les riches. En tout, car son origine, sa fin, ses vtilitez, sa forme & sa matiere sont sainctes. C'est la pepiniere du Christianisme qui remplit la terre de fidelles pour accomplir au ciel le nombre des esleus; si que la conseruation du bien du mariage est extremement importante à la republique, car c'est sa racine & la source de tous les ruisfeaux.

Pleust à Dieu que son fils bien aymé fust appellé à toutes les nopces comme il sut à celles de Cana: 458 INTRODUCTION le vin des consolations & benedictions ny manqueroit iamais; ear ce qu'il n'y en a pour l'ordinaire qu'vn peu au commencemet, c'est d'autant qu'en lieu de nostre Seigneur, on y fait venir Adonis; & Venus, en lieu de nostre Dame. Qui veut auoir des aignelets beaux & mouchetez, come Iacob, il faut comme luy presenter aux brebis quad elles s'assemblet pour parier, des belles baguettes de diuerses couleurs; & qui veut auoir vn heureux succez au mariage, deuroit en ses nopces se representer la saincteré & dignité de ce Sacrement, mais en lieu de cela il y arriue mille dereglemens, en passetemps, en festins, en paroles. Ce n'est pas merueille si les effects en sont dereglez.

l'exhorte sur tout les mariezà l'amour mutuel que le sain & Esprit leur recommande tant en l'Escri-

ture,

A LA VIE DEVOTE. 459 ture, ô mariez ce n'est rien de dire, aymez vous l'vn l'autre de l'amour naturel; car les pairs des tourterelles font bien cela; ny de dire aymez vous d'vn amour humain, car les Payens, ont bien prattiqué cet amour là; mais ie vous dis, apres le grand Apostre, Marys, aymez vos femmes, comme Iesus-Christ ayme son Eglise; O femmes, aymez vos marys comme l'Eglise ayme son Sauueur. Ce fut Dieu qui amena Eue à nostre premier pere Adam, & la luy donna à femme; c'est aussi Dieu mes amys, qui de sa main inuisible a fait le nœud du sacré lien de vostre mariage, & qui vous a donné les vns aux autres; pourquoy ne vous cherissez vous, d'vn amour tout sainct, tout sacré, tout diuin.

Le premier effect de c'est amour, c'est l'vnion indissoluble de vos cœurs, si on cole deux pieces de sapin ensemble, pourueu que la cole foit fine, l'vnion en sera si forte qu'on fendroit beaucoup plustot les pieces és autres endroits qu'en l'endroit de leur conjonction: mais Dieu conjoint le mary à la femme en son propre sang; c'est pourquoy ceste vnion est si forte, que plustost l'ame se doit separer du corps de l'vn ou de l'autre, que non pas le mary de la femme. Or ceste vnion ne s'entend pas principalement du corps, ains du cœur, de l'affection & de l'amour.

Le second esset de cet amour, doit estre la sidelité inuiolable de l'vn à l'autre, les caehets estoyent anciennement grauez és anneaux que l'on portoit aux doigts, comme mesme l'Escriture saincte tesmoigne. Voicy donc que le secret de la ceremonie que l'on fait és nopces; l'Eglise par la main du Prestre benit vn anneau, & le donnat premierement à l'homme, tesmoigne qu'elle

A LA VIE DEVOTE. 461 qu'elle seelle & cachette son cœur par ce Sacrement, à fin que iamais plus ny le nom ny l'amour d'aucune autre femme ne puisse entrer en iceluy, tandis que celle-là viura, laquelle luy a esté donnee. Puis l'espoux remet l'anneau en la main de la mesme espouse, à fin que reciproquement elle sache que iamais son cœur ne doit receuoir de l'affection pour aucun autre homme, tandis que celuy viura sur terre, que nostre Seigneur vient de luy donner.

Le troissessme fruict du mariage, c'est la production & legitime nourriture des enfans. Ce vous est vn grand honneur, ô mariez, dequoy Dieu voulant multiplier les ames qui le puissent benir, à toute eternité, il vous rend ses cooperateurs d'vne si digne besongne, par la production des corps, dans lesquels il respand, comme gouttes

celestes, les ames en les creant, comme il les cree en les infusant dedans les corps.

Conseruez doncques, ô marys, vn tendre, perpetuel & cordial amour enuers vos femmes; car pour cela la femme fut tiree du costé plus proche du cœur du premier homme, affin qu'elle fut aymee de luy cordialement & tédrement. Les imbecillitez & infirmitez soit du corps, soit de l'esprit de vos femmes, ne vous doiuent prouoquer à nulle sorte de desdain, ains plustor à vne douce & amoureuse, compassion; puisque Dieu les a creez telles, affin que dependant de vous, vous en receussiez plus d'honeur & de respect. Et que vous les eussiez tellemet pour copagnes, que vous en fussiez neantmoins les chefs & superieurs. Et vous, ô femmes, aymez tendrement, cordialement, mais d'vn amour

A LA VIE DE VOTE. 463 amour respectueux & plein de reuerece, les marys que Dieu vous a donnez:car vrayement Dieu pour cela les a crees d'vn sexe plus vigoureux & predominant; & a voulu que la femme fut vne depédance de l'homme, vn os de ses os, vne chair de sa chair, & qu'elle fut produite d'vne coste d'iceluy tiree de dessous le bras, pour monstrer qu'elle doit estre sous la main & conduite du mary; Et toute l'Escriture saincte vous recommande estroittement cette subjection, laquelle neantmoins la mesme escriture vous rend douce, non seulement voulant que vous vous y accommodiez auec amour, mais ordonnant à vos marys qu'ils l'exercent auec grande dilection, tendreté & suauité; Marys, dit sainct Pierre, portez vous discretement auec vos femmes, comme auec un vaisseau plus fragile, leur portant honneur.

464 INTRODUCTION

Mais tandis que ie vous exhorte d'aggradir de plus en plus ce reciproque amour que vous vous deuez, prenez garde qu'il ne se couertisse point en aucune sorte de jalousie; car il arriue souuent que comme le vers s'engendre de la pomme la plus delicate & la plus meure, aussi la jalousie naist en l'amour le plus ardent & pressant des mariez; duquel neantmoins il gaste & corrompt la substance, car petit à petit il engendre les noises, dissentions & diuorces. Certes la jalousie n'arriue iamais où l'amitié est reciproquement fondee sur la vraye vertu; c'est pourquoy elle est vne marque indubitable d'vn amour aucunemet fensuel, grossier & qui s'est addressé en lieu où ila rencotré vne vertu maque, inconstante & sujette à defiance. C'est donques vne sotte ventace d'amitié, que de la vouloir exalter par

la jalousie, car la jalousie est voirement marque de la grandeur & grosseur de l'amitié, mais non pas de la bonté, pureté & perfection d'icelle; puisque la perfectio de l'amitié presuppose l'asseurance de la vertu de la chose qu'o ayme; & la jalousie en presuppose l'incertitude.

Si vous voulez,ô marys, que vos femmes vous soient fidelles, faites leur en voir la leço par vostre exéple. Auec quel front, dit S. Gregoire Nazianzene, voulez vous exiger la pudicité de vos femmes, si vous mesme viuez en impudicité; comme leur demandez vous, ce que vous ne leur donnez pas. Voulez vous qu'elles soient chastes? comportez vous chastement envers elles, & comme dit S. Paul, Qu'vn chacun sache posseder son vaisseau en Sanctification. Que si au contraire vous mesmes leur apprenez les friponneries, ce n'est pas merueille que vous ayez du des-honneur en leur perte; mais vous, ô

INTRODVCTION

femmes, desquelles l'honneur est inseparablement conioint auec la pudicité & honnesteté, conseruez ialousement vostre gloire, & ne permettez qu'aucune sorte de dissolution ternisse la blancheur

de vostre reputation.

Craignez toutes sortes d'attaques pour petites qu'elles soient; ne permettez iamais aucune muguetiere autour de vous. Quiconque vient louer vostre beauté & vostre grace, vous doit estre sufpect, car quiconque loue vne marchandise qu'il ne peut achepter, il est pour l'ordinaire grandement tenté de la desrober. Mais si à vostre louange quelqu'vn adjouste le mespris de vostre mary, il vous offence infiniment, car la chose est claire, que non seulement il vous veut perdre, mais il vous tient desia pour demy perdue, puisque la moitié du marché est faitte auec le second marchand, quand on est degousté

A LA VIE DEVOTE. gousté du premier. Les Dames tat anciennes que modernes ont accoustumé de pendre des perles en nobre à leurs oreilles pour le plaisir, dit Pline, qu'elles ont à les sentir grilloter, s'entretouchant l'vne l'autre. Mais quant à moy, qui sçay que le grand amy de Dieu Isaac, enuoya des pendats d'oreilles pour les premieres arres de ses amours à lachaste Rebecca; ie crois que cet ornement mystique signifie que la premiere partie qu'vn mary doit auoir sur vne femme, & q la femme luy doit fidelemet garder, c'est l'oreille, affin que nul langage ny bruit ny puisse entrer, sino le doux & amiable grillotis des paroles chastes & pudiques, qui sont les perles orientales de l'Euangile. Car ilse faut tousiours resouuenir que l'on empoisonne les ames par l'oreille, comme les corps par la bouche. elles a

468 INTRODUCTION

L'amour & la fidelité joinctes ensemble, engendrent tousiours la priuauté & confiance; c'est pourquoy les saincts & sainctes ont vzé de beaucoup de reciproques caresses en leur mariage; caresses vrayement amoureuses, mais chastes, tédres, mais finceres. Ainsi Isaac & Rebecca le plus chaste pair des mariez de l'ancie temps, furet veus par la fenestre se caressans en relle sorte, qu'encor qu'il n'y eust rien de deshonneste, Abimelech cogneust bien qu'ils ne pouuoyent estre sino mary & femme. Le grand S. Louys, esgalement rigoureux à sa chair, & tendre en l'amour de sa femme, fut presque blasmé d'estre abondant en telles caresses, bien qu'en verité il meritast plustost louange de sçauoir demettre son esprit martial & courageux, à ces menus offices requis à la coseruation de l'amour coniugal; car bien que ces petites demon demonstrations de pure & franche amitié, ne lient par les cœurs, elles les approchent neantmoins & seruent d'vn ageancement agreable à la mutuelle conversation.

Saince Monique estant grosse du grand S. Augustin, le dedia par plusieurs offres à la religion chrestienne & au seruice de la gloire de Dieu, ainsi que luy-mesme tesmoigne, disat, que des-iail auoit gousté le sel de Dieu dans le ventre de sa mere. C'est vn grand enseignement pour les femmes chrestiennes d'offrir à la divine Majesté les fruicts de leurs ventres, mesmes auant qu'ils en soyent sortis; car Dieu qui accepte les oblations d'vn cœur humble & volontaire,seconde pour l'ordinaire les bonnes affections des meres en ce temps là; tesmoin Samuel, saince Thomas d'Aquin, S. André de Fiesole, & plusieurs autres. La mere de S. Bernard, digne mere d'vn

470 INTRODUCTION d'vn tel enfant, prenoit ses enfans en ses bras incontinent qu'ils estoient nais, & les offroit à I E s v s-CHRIST, & dés-lors les aymoit auec respect, comme chose sacree, & que Dieu luy auoit confice; ce qui luy reiiscit si heureusement, qu'en fin ils furent tous sept tressaincts. Mais les enfans estant venus au monde & commençant à se seruir de la raison, les peres & meres doyuent auoir vn grad soin de leur imprimer la crainte de Dieu au cœur. La bone Royne-blanche fit ardemment cet office à l'endroit du Roy S. Louys số fils; car elle luy disoit souuentesfois, i'aimerois trop mieux, mo cherenfant, vous voir mourir deuant mes yeux, que de vous voir commettre un seul peché mortel. Ce qui demeura tellement graué en l'ame de ce sainct fils, que comme luy-mesme racontoit, il ne fut iour de sa vie, auquel il ne luy en souuint,

A LA VIE DEVOTE. 471 uint, mettant peine tant qu'il luy estoit possible, de bien garder ceste diuine doctrine. Certes les races & generatios sot appellees en nostre langage, maisons; & les Hebrieux mesmes appellent la generatio des enfans, edification de maison, car c'est en ce sés qu'il est dit, que Dieu edifia des maisons aux sages femmes d'Egypte. Or c'est pour monstrer, que ce n'est pas faire vne bone maison de fourrer beaucoup de biens mondains en icelle, mais de bien esleuer les enfans en la crainte de Dieu,& en la vertu.

En quoy on ne doit espargner aucune sorte de peine ny de trauaux, puis que les enfans sont la couronne du pere & de la mere. Ainsi saincte Monique combatit auec tant de ferueur & de constance les mauuaises inclinations de S. Augustin, que l'ayat suyui par mer & par terre, elle le rendit plus heureusement enfant de ses larmes par

reusement enfant de ses larmes, par la conversion de son ame, qu'il n'auoit esté enfant de son sang, par la

generation de son corps.

Sainct Paul laisse en partage aux femmes le soin de la maison : c'est pourquoy plusieurs ont ceste veritable opinion, que leur deuotion est plus fructueuse à la famille, que celle des marys, qui ne faisant pas vne si ordinaire residence entre les domestiques, ne peuuent pas par consequent les addresser si aisémét à la vertu. A ceste consideration, Salomo en ses Prouerbes, fait despendre le bon-heur de toute la maison du soin & de l'industrie de ceste femme forte qu'il descrit.

Il est dit au Genese qu'Isaac voyat sa semme Rebecca, sterile, pria le Seigneur pour elle, ou selon les Hebreux, il pria le Seigneur vis à vis d'elle, parce que l'vn prioit d'vn costé de l'oratoire & l'autre de

l'autre;

A LA VIE DEVOTE. l'autre; aussi l'oraison du mary faite en ceste façon, fut exaucee. C'est la plus grande & plus fructueuse vnio du mary & de la femme, que celle quise fait en la saincte deuotion, à laquelle ils se doiuent entreporter l'vn l'autre à l'enuy. Il y a des fruits, comme le coing, qui pour l'aspreté de leur suc ne sont guieres agreables qu'en confiture. Il y en a d'autres qui pour leur tendreté & delicatesse ne peuuent durer s'ils ne sont aussi confits comme les cerises & abricots : ainsi les femmes doiuet souhaitter que leurs marys soyent confits au sucre de la deuotion. Car l'homme sans deuotion est vn animal seuere, aspre & rude; & les marys doiuet souhaitter que leurs femmes soyent deuotes; car sans la deuotion, la femme est grademet fragile & sujette à descheoir ou tenir en la vertu. Sain& Paula dit, que l'homme infidelle est sanctifié ROLL

pay


par la femme fidelle, & la femme infidelle par l'homme fidelle; parce qu'en ceste estroitte alliance du mariage, l'vn peut aisément tirer l'autre à la vertu. Mais quelle benediction est-ce quand l'homme & la femme fidelles se sanctifient l'vn l'autre en vne vraye crainte du Seigneur?

Au demeurant le support mutuel de l'vn pour l'autre, doit estre si grand, que iamais tous deux ne soyent courroucez ensemble & tout à coup, à sin qu'entre eux il ne se voye de la dissention & du debat. Les mouches à miel ne peuuent s'arrester en lieu où les Echo & retentissement, ou redoublemet de voix se facet; ny le sain & Esprit certes en vne maison en laquelle il y ait du debat, des repliques & redoublemens de crieries & altercations.

Sain& Gregoire Nazianzene tesmoigne que de son temps les mariez

A LA VIE DEVOTE. 475 riez faisoyent feste au iour anniuersaire de leurs mariages. Certes i'appreuuerois q ceste coustume s'introduisit, pourueu que ce ne fust point auec des appareils de recreations modaines & sensuelles, mais que les maris & femmes confessez & communiez en ce iour là, recomandassent à Dieu plus feruemment que l'ordinaire, le progrez de leur mariage, renouuellat les bons propos de le sanctifier de plus en plus, par vne reciproque amitié & fidelité; & reprenans haleine en nostre Seigneur, pour le support des charges de leur vocation.

De l'honnesteté du list nuptial. CH.35.



citez, & autres souilleures prophanes. Aussi le sainct mariage sut premierement institué dedans le Paradis 476 INTRODVCTION radis terrestre, où iamais, iusques à l'heure, il n'y auoit eu aucu desreiglement de la concupiscence, ny chose deshonneste.

Il y a quelque ressemblance entre les voluptez honteuses, & celles du manger; car toutes deux regardent la chair, bien que les premieres, à raison de la vehemence brutale, s'appellent simplement charnelles. l'expliqueray doncques, ce que ie ne puis pas dire des vnes, par ce que ie diray des autres. 1.Le manger est ordonné pour conseruer les personnes; or comme manger simplement, pour nourrir & conseruer la personne, est vne bonne chose, saince & commandee; aussi ce qui est requis au mariage pour la production des enfans, & la multiplication des personnes, est vne bone chose & tres-saincte, car c'est la fin principale des nopces. 2. Manger, non point pour conferuer

A LA VIE DEVOTE. seruer la vie, mais pour conseruer la mutuelle conuersation & condescendance, que nous nous deuos les vns aux autres; c'est chose grandement iuste & honneste, & de mesme la reciproque & legitime satisfaction des parties au sainct mariage, est appellee par S. Paul, deuoir; mais deuoir si grand, qu'il ne veut pas, que l'vne des parties s'en puisse exempter sans le libre & volontaire consentement de l'autre, non pas mesme pour les exercices de la deuotion. Qui ma fait dire le mot, que i'ay mis au chapitre de la saincte communió pour ce regard, combien moins docques peut-on s'en exempter, pour des capricieuses pretentions de vertu, pour les choleres & desdains? 3. Comme ceux qui mangent pour le deuoir de la mutuelle conversation, doiuent mäger librement, & no comme par force, & de plus s'essaier de 10135

478 INTRODUCTION tesmoigner de l'appetit; aussi le deuoir nuptial doit estre tousiours rendu fidellement, franchement, & tout de mesme, comme sicestoit auec esperance de la production des enfans, encorque pour quelque occasion on n'eust aucun sujet de telle esperance.4. Manger, non point pour les deux premicres raisons, mais simplement pour contenter l'appetit, cest chose supportable, mais non pas pourtant louable: Car le simple plaisir de l'appetit sensuel ne peut vn object suffisant, pour rendre vne action louable; il suffit bien si elle est supportable.5. Manger, non point par simple appetit, mais par excez & dereglement, c'est chose, plus ou moins vituperable, selon que l'excez est grand ou petit.

6. Or l'excez du manger ne consiste pas seulement en la trop grande quantité, mais aussi en la façon

& ma

ALA VIE DEVOTE. 479 & maniere de manger. C'est grand cas, chere Philothee, que le miel si propre & salutaire aux abeilles, leur puisse neatmoins estre si nuysible, que quelquefois il les réd malades, comme quand elles en mangent trop au printemps, car cela leur donne le flux de ventre: & quelquefois il les fait mourir ineuitablemet, comme quand elles sont emmiellees par le deuant de leur teste, & de leurs ayslerons. A la verité le commerce nuptial, qui est si sainct, si iuste, si recommandable, si vtile à la republique, est neantmoins en certains cas dangereux à ceux qui le prattiquent, car quelquefois il rend leurs ames grandement malades de peché veniel, come il arriue par les simples excez, & quelquefois il les fair mourir par le peché mortel, comme il arriue, lors que l'ordre estably pour la production des enfans, est violé & peruer

INTRODUCTION 480 peruerty; auquel cas, selon qu'on s'esgare plus ou moins de c'est ordre, les pechez se treuuent plus ou moins execrables, mais tousiours mortels. Car dautant que la procreation des enfans est la premiere & principale fin du mariage, iamais on ne peut loisiblement se departir de l'ordre qu'elle requiert, quoy que pour quelque autre accident, elle ne puisse pas pour lors estre effectuce; comme il arriue, quand la sterilité, ou la grossesse des ia suruenue empeschet la production & generation: Car en ces occurrences, le commerce corporel ne laifse pas de pouuoir estre iuste & sainct, moyennat que les regles de la generation soient suyuies, aucun accident ne pouuant iamais preiudicier à la loy, que la fin principale du mariage a imposee. Certes l'infame & execrable actio que Onan faisoit en son mariage, estoit detestable

A LA VIE DEVOTE. 481 stable deuant Dieu, ainsi que dit le sacré texte du trentehuictieme chapitre du Genese: Et bien que quelques heretiques de nostre aage, cent fois plus blasmables que les Cyniques (desquels parle sainct Hierosme sur l'epistre aut Ephesiens)ayent voulu dire, que c'estoit la peruerse intention de ce meschăt, qui desplaisoit à Dieu; l'Escriture toutefois parle autrement, & asseure en particulier, que la chose mesme qu'il faisoit estoit detestable & abominable deuant Dieu. 7. Cest vne vraye marque d'vn esprit truant, vilain, abject, & infa-

7. Cest vne vraye marque d'vn esprit truant, vilain, abject, & infame de penser aux viandes & à la mangeaille auant le temps du repas, & encor plus, quant apres iceluy on s'amuse au plaisir, que l'on a pris à manger, s'y entretenant par paroles & pensees, & veautrant son esprit dedans le souuenir de la volupté, que l'on a eue en aualant les

morceaux; comme font ceux qui deuant disner tiennent leur esprit en broche, & apres disner dans les plats, gens dignes d'estre des vrais souillars de cuisine, qui font, comme dit sain & Paul, vn Dieu de leur ventre:les gens d'honneur ne pensent à la table qu'en s'assiant, & apres le repas se lauent les mains & la bouche, pour n'auoir plus ny le goust, n'y l'odeur de ce qu'ils ont mangé. L'Elephant n'est qu'vne grosse beste, mais la plus digne qui viue sur la terre, & qui a le plus de sens; ie vous veux dire vn traict de son honesteré, il ne change iamais de femelle, & ayme tendrement celle qu'il a choisie, auec laquelle neantmoins il ne parie que de trois ans en trois ans, & cela pour cinq iours sculement, & sisecrettement, que iamais il n'est veu en cest acte, mais il est bien veu pourtant le sixième iour, auquel auant toutes choses, il

A LA VIE DEVOTE. va droit à quelque riuiere, en laquelle il se laue entierement tout le corps, sans vouloir aucunement retourner au troupeau, qu'il ne se soit auparauant purisié: ne sont-ce pas des belles & honestes humeurs d'vn tel animal? par lesquelles il inuite les mariez, à ne point demeurer engagez d'affectio aux sensualitez & voluptez, q selo leur vocatio ils aurot exercees, mais icelles passees, de s'en lauer le cœur & l'affection, & de s'en purifier au plustost, pour par apres auec toute liberté d'esprit, prattiquer les autres actios plus pures & releuces. En cet aduis consiste la parfaicte prattique de l'excellente doctrine, que S. Paul donne aux Corinthiens; Le temps est court, dit-il, il reste que ceux qui ont femme, soyent comme n'en ayant point. Carselon S. Gregoire, celuy a vne femme, comme n'en ayant point, qui prend tellement les consola-

INTRODUCTION tios corporelles auec elle, que pour cela, il n'est point destourné despre tentios spirituelles:Or ce qui se dit du mary, s'entéd reciproquemet de la femme. Que ceux qui vsent du mode, dit le mesme Apostre, soyent comme n'en vsant point. Que tous doncques vsent du mende, vn chacun selon sa vocation, mais en telle sorte, que n'y engageant point l'affe-Ction, on soit aussi libre & prompt à seruir Dieu, comme si l'on n'en vsoit point. C'est le grand mal de l'homme, dit S. Augustin, de vouloir iouyr des choses, desquelles il doit seulement vser, & de vouloir vser de celles, desquelles il doit seulement iouyr, nous deuons iouyr des choses spirituelles, & seulemet vser des corporelles, desquelles quand l'vsage est couerty en iouissance, nostre ame deraisonnable est aussi conuertie en ame brutale & bestiale. le pense auoir tout dit, ce que

A LA VIE DE VOTE. 485 que ie voulois dire, & fait entendre sans le dire, ce que ie ne voulois pas dire.

Aduis pour les vefues. CHAP. 36. Aince Paul instruit tous les Prelats en la personne a de son Timothee, disant, Honnore les vefues qui sont vrayement vefues. Or pour estre vrayemet vefue, ces choses sont requises. 1. Que non seulement la vefue, soit vefue de corps, mais aussi de cœur, c'est à dire, qu'elle soit resoluë d'vne resolution inuiolable, de se conseruer en l'estat d'vne chaste viduité. Car les vefues, qui ne le sont, qu'en attendant l'occasion de se marier, ne sont separees des hommes, que se-Jon la volupté du corps; mais elles sont desia coniointes auec eux, selon la volonté du cœur. Que si la vraye vefue, pour se confirmer en l'estat de viduité, veut offrir à Dieu en vœu son corps & sa chasteté, elle

11966

INTRODUCTION adjoustera vn grand ornement à sa viduité, & mettra en grande asseurance sa resolution; car voyat, qu'apres le vœu il n'est plus en son pouuoir de quitter sa chasteté, sas quitrer le Paradis, elle sera si jalouse de son dessein, qu'elle ne permettra pas seulement aux plus simples pensees de mariage, d'arrester en son cœur vn seul moment; si que ce vœu sacré mettra vne forte barriere entre son ame, & toute sorte de projects contraires à sa resolution. Certes sainct Augustin conseille extremement ce vœu à la vefue Chrestienne; & l'ancien & docte Origene passe bien plus auant, car il conseille aux femmes marices, de se vouer & destiner à la chasteté viduale, en cas que leurs marys vienent à trespasser deuant elles; à fin qu'etre les plaisirs sensuels, qu'elles pourront auoir en leur mariage, elles puissent neantmoins jouyr du meri

A LA VIE DEVOTE. merite d'vne chaste viduité, par le moyé de ceste promesse anticipee. Le vœu rend les œuures faictes en suitte d'iceluy, plus agreables à Dieu, fortifie le courage pour les faire, & ne donne pas seulement à Dieu les œuures qui sont comme les fruicts de nostre bonne volonté; mais luy dedie encore la volonté mesme, qui est comme l'arbre de nos actions: par la simple chasteré nous prestons nostre corps à Dieu, retenant pourtant la liberté, de ne le sousmettre l'autre fois aux plaisirs sensuels, mais par le vœu de chasteré nous luy en faisons vn do absolu & irreuocable, sans nous reseruer aucun pouvoir de nous en dedire, nous rendans ainsi heureusement esclaues de celuy, la seruitude duquel est meilleure que toute royauté. Or comme l'appreuue, infiniment les aduis de ces deux grands personnages, aussi desirois-

X 4

ie, que les ames qui seront si heureuses, q de les vouloir employer, le facent prudemment, saincemet, & solidement, ayant bien examiné leurs courages, inuoqué l'inspiration celeste, & pris le conseil de quelque sage & deuot directeur, par ainsi le tout se fera plus fructueusement.

2. Outre cela, il faut que ce renőcement de secondes nopces se face purement & simplemet: pour auec plus de pureté contourner toutes ses affections en Dieu, & ioindre de toutes parts so cœur auec celuy de sa dinine Majesté: car si le desir de laisser les enfans riches, ou quelqu'autre sorte de pretention mondaine, arreste la vefue en viduité, elle en aura peut-estre la loüange, mais non pas certes deuant Dieu, puisque deuant Dieu rien ne peut auoir vne veritable loiiange, que ce qui est fait pour Dieu. 3. Il

A LA VIE DEVOTE. 3. Il faut de plus, que la vefue, pour estre vraiement vefue, soit separee, & volontairement destituce des contentemens prophanes. La vefue qui vit en delices, dit S. Paul, est morte en viuat. Vouloir estre vefue, &se plaire neantmoins d'estre muguettee, caressee, cajollee, se vouloir treuuer aux bals, aux danses, & aux festins, vouloir estre parfumee, attifee & mignardee, cest estre vne vefue viuate, quant au corps, mais morte, quant à l'ame. Qu'importe il, ie vous prie, que l'enseigne du logis d'Adonis, & de l'amour prophane soit fait d'aigrettes blaches, persees en guise de pennache, ou d'vn crespe estédu en guise de rets tout autour du visage?ains souuent ce noir est mis auec aduantage de vanité sur le blanc, pour en rehausser la couleur; & la vefue ayant fait les essais, de la façon auec laquelle les femmes peuuent plaire aux ho-

X 5

mes, jette des plus dangereuses amorces dedans leur esprits: la vestue donc qui vit en ces solles delices, viuante est morte, & n'est, à proprement parler, qu'vne idole de viduité.

Le teps de retrecher est venu, la voix de la tourterelle a esté ouve en nostre terre, dit le Cantique le retranchement des superfluitez mondaines est requis, à quiconque veut viure pieusement; mais il est sur tout necessaire à la vraye vefue, qui, comme vne chaste tourterelle, vient tout fraichement de plorer, gemir, & lamenter la perte de son mary. Quand Noëmy reuint de Moab en Bethleem, les femmes de la ville, qui l'auoient cogneües au commencement de son mariage, s'entredisoient l'vne à l'autre, N'est-ce point icy Noëmy? Mais elle respodit, Ne m'appellez point, ie vous prie Noëmy, (car Noëmy veut di-

A LA VIE DEVOTE. 491 re gracieuse & plaisante) ains appellez moy Mara, car le Seigneur a remply mon ame d'amertume; ce qu'elle disoit, d'autant que son mary luy estoit mort; ainsi la vefue deuote, ne veut iamais estre appellee & estimee, ny belle, ny gracieuse, se contentat d'estre ce que Dieu veut qu'elle soit, cest à dire humble & abjecte à ses yeux.

Les lampes, desquelles l'huile est aromatique, iettent une plus suane odeur, quand on esteint leurs slammes; ainsi les vefues, desquelles l'amour a esté pur en leur mariage, respandent vn plus grand parfum de vertu & de chasteré, quand leur lumiere, c'est à dire, leur mary, est esteinte par la mort : d'aymer le mary, tandis qu'il est en vie, c'est chose assez triuiale entre les femmes, mais l'aimer tant, qu'apres la mort d'iceluy on n'en vueille point d'autre, c'est vu rang d'amour, qui

INTRODUCTION 492 n'appartient qu'aux vrayes vefues, Esperer en Dieu, tandis que le mary sert de support, ce n'est pas chose si rare, mais d'esperer en Dieu, quad on est destitué de cet appuy, cest chose digne de grande louange. Cest pourquoy on cognoist plus aysément en la viduité la perfection des vertus, que l'on a eu au mariage.

La vefue laquelle a des enfans, qui ont besoin de son addresse & conduite, & principalement en ce qui regarde leur ame, & l'establissement de leur vie, ne peut, ny doit en façon quelconque les abandonner: Car l'Apostre S. Paul dir clairement, qu'elles sont obligees à ce soin là, pour rendre la pareille à feurs peres & meres; & d'autat encores, que si quelcun n'a soin des siens, & principalement de ceux de sa famille, il est pire qu'vn infidelle: mais si les enfans sont en estat

de n'auoir plus besoin d'estre conduits, la vesue alors doit ramasser toutes ses affections & cogitations, pour les appliquer plus purement à son aduancement en l'amour de Dieu.

Si quelque force forcee n'oblige la conscience de la vraie vefue aux embarassemés exterieurs, tels que sont les proces, ie luy conseille de s'en abstenir du tout, & suiure la methode de conduire ses affaires, qui sera la plus paisible & tranquille, quoy qu'il ne semblast pas, que ce fut la plus fructueuse. Car il faut que les fruicts du tracaz soient bié grands, pour estre comparables au bien d'vne sain le tranquillité; laissant à part que les procez & telles brouilleries dissipent le cœur, & ouurent souuentefois la porte aux ennemis de la chasteré, tandis que pour coplaire à ceux, de la faueur desquels on a besoin, on se met en des des contenances indeuotes & desagreables à Dieu.

L'oraison soit le continuel exercice de la vefue, car ne deuant plus auoir d'amour que pour Dieu, elle ne doit non plus presque auoir des paroles que pour Dieu, & comme le fer, qui estoit empesché de suiure l'attraction de l'aymant, à cause de la presence du diamant, s'eslance vers le mesme aymant, soudain que le diamant est essoignés ainsi le cœur de la vefue, quine pouuoit bonnement s'essancer du tout en Dieu ny suiure les attraits de son diuin amour, pendant la vie de son mary, doit soudain apres le trespas d'iceluy, courir ardemment à l'odeur des parfums celestes, come disant, à l'imitation de l'espouse sacree, ô Seigneur, maintenant que ie suis toute mienne, receuez moy pour toute vostre, tirez moy après vous, nous courrons à l'odeur

A LA VIE DEVOTE. 495

deur de vos onguents.

L'exercice des vertus propre à lasaincte vefue, sont, la parfaitte modestie, le renocement aux honneurs, aux rangs, aux assemblees, aux titres, & à telles sortes de vanité; le seruice des pauures, & des malades; la cosolation des affligezs l'introduction des filles à la vie deuote, & de se rendre vn parfaict exemplaire de toutes vertus aux ieunes femmes : la netteré, & la simplicité sont les deux ornemens de leurs habits; l'humilité, & la charité les deux ornemés de leurs actions; l'honnesteré, & debonnaiteté les deux ornemés de leur langage; la modestie, & la pudicité l'ornement de leurs yeux; & Iesus-Christ crucifié l'vnique amour de leur cœur.

Bref la vraye vefue est en l'Eglise vne perite violette de Mars, qui respand vne suauité nompareille,

INTRODUCTION 496 par l'odeur de sa deuotio, & se tiet presque tousiours cachee, sous les larges fueilles de son abjection, & par sa couleur moins esclatate, tesmoigne la mortification; elle vient és lieux frais, & non cultiuees, ne voulant pas estre pressee de la conuersatio des modains, pour mieux coseruer la fraischeur de son cœur, contre toutes les chaleurs, que le desir des biens, des honneurs, ou mesme des amours luy pourroient apporter. Elle sera bien-heureuse, dit le Sainct Apostre, Si elle perseuere en ceste sorte.

l'aurois beaucoup d'autres choses à dire sur ce sujet, mais i'auray
tout dit, quand i'auray dit, que la
vesue jalouse de l'honneur de sa
condition, lise attentiuement les
belles Epistres, que le grand saince
Hierosme escrit à Furia, & Saluia,
& à toutes ces autres Dames, qui
furent si heureuses, que d'estre silles

A LA VIE DEVOTE. 497 les spirituelles d'vn si grand Peres car il ne se peut rien adjouster, à ce qu'il leur dit, sinon cet aduertissement, que la vraye vefue, ne doit iamais ny blasmer, ny cenfurer, celles qui passent aux secondes, ou mesme troisiesmes, & quatriesmes nopces: car en certains cas, Dieu en dispose ainsi, pour sa plus grande gloire. Et faut tousiours auoir deuant ses yeux cette doctrine des ancies, que ny la viduité, ny la virginité n'ont point de rang au ciel, que celuy qui leur est assigné par l'humilité.

Vierges, ie n'ay à vous dire que ces trois mots, car vous trouverez le reste ailleurs: si vous pretendez au mariage temporel, gardez donc ialousemet vo-stre premier amour, pour vostre premier mary. Ie pense que c'est vne grande tromperie, de presenter, ter,

498 INTRODUCTION ter, en lieu d'vn cœur entier & syncere, vn cœur tout vsé, fralaté, & tracassé d'amour. Mais si vostre boheur voºappelle, aux chastes & virginales nopces spirituelles, & qu'à iamais vous vueillez coseruer vostre virginité, ô Dieu coseruez vostre amour le plus delicatemet que vous pourrez, pour cest espoux diuin, qui estant la pureté mesme, n'ayme rien tant que la pureté, & à qui les primices de toutes choses, sont deuës, mais principalement celles de l'amour: les Epistres de S. Hierosme vous fourniront tous les aduis qui vous sont necessaires. Et puis que vostre condition vous oblige à l'obeyssance, choisissez vne guide, sous la conduitre de laquelle, vous puissiez plus sainctement dedier vostre corps à sa Diuine Majesté.

QVA

de l'introduction, contenant les aduis necessaires contre les tentations plus ordinaires.

Qu'il ne faut point s'amuser aux paroles des enfans du monde. CHA, I.

Out aussi tost que les mődains s'apperceuront, que vous voulez suyure la vie deuote, ils descocheront sur vous mille traits de leur cajollerie, & mesdisance; les plus malins calomnieront vostre changement d'hypocrisie, bigoterie, & artifice; ils diront que le mode vous a fait mauuais visage, & qu'à son refus vous recourez à Dieu: vos amis s'épresseront à vous faire vn monde de remonstrances fort prudentes, & charitables, à leur aduis: Vous tomberez, diront-ils, en quelque humeur melancholique, vous perdrés credit au monde, vous vous rédrez infup insupportable, vous en ui eillirez deuant le temps, vos affaires domestiques en patiront, il faut viure au monde, comme au monde, on peut bien faire son salut, sans tat de mystere; & mille telles bagatelles.

Ma Philothee, tout cela n'est qu'vn sot & vain babil: ces gens n'ont nul soin ny de vostre santé, ni de vos affaires. Si vous estiez du monde, dit le Sauueur, le monde aymeroit ce qui est sien; mais parce que vous n'estes pas du monde, partant il vous hayt. Nous auons veu des gentils-hommes, & des Dames passer la nuict entiere, ains plusieurs nuits de suitte, à iouer aux eschets, & aux cartes; y a-il vne attention plus chagrine, plus melancholique, & plus sombre, que celle là; les mondains neantmoins n'en disoient mot, les amis ne se mettoient point en peine; & pour la meditation d'vne heure, ou pour nous voir leuer vn quini

A LA VIE DEVOTE. peu plus matin, qu'à l'ordinaire, pour nous preparer à la communion, chacun court au medecin, pour nous faire guerir de l'humeur hipocondriaque, & de la jaunisse. On passera trente nuits à danser, nul ne s'en plaint: & pour la veille seule de la nuiet de Noel, chacun tousse,& crie au ventre le jour suyuant. Qui ne void que le monde est vn iuge inique, gracieux & fauorable pour ses enfans, mais aspre & rigoureux aux enfans de Dieu.

Nous ne sçaurions estre bié auèc le mode, qu'en nous perdant auec luy. Il n'est pas possible que nous le contentions, car il est trop bigearte. Jean est venu, dit le Sauueur, ne mangeant, ny beuuant, & vous dittes qu'il est endiablé: le fils de l'homme est venu en mangeant, & beuuant, & vous dittes qu'il est Samaritain. Il est vray, Philothèe, si nous nous relaschons

INTRODUCTION par condescendance, à rire, iouër, danser auec le monde, il s'en scandalisera: si nous ne le faisons pas, il nous accusera d'hipocrisse, ou melancholie; si nous nous parons, il l'interpretera à quelque dessein; si nous nous demettons, ce sera pour luy vileté de cœur, nos gayetezseront par luy nommees dissolutios, & nos mortifications, tristesses: & nous regardant ainsi de mauuais œil, iamais nous ne pouuons luy estre agreables. Il aggrandit nos imperfectios, & publie que ce sont des pechez: de nos pechez veniels, il en en fait des mortels, & nos pechez d'infirmité, il les conuertit en pechez de malice, en lieuque, comme dit S. Paul, la charité est benigne, au contraire le monde est malin:en lieu que la charité ne pense point de mal, au contraire le monde pense tousiours mal: & quand il ne peut accuser nos actions, il accuse nos inten A LA VIE DEVOTE. 503 intentions: soit que les moutons ayent des cornes, ou qu'ils n'en ayent point, qu'ils soyent blanc, ou qu'ils soyent noirs, le loup ne laisse-ra pas de les manger, s'il peut.

Quoy que nous fassions, le mode nous fera tousiours la guerre; si nous sommes longuement deuant le confesseur, il admirera, que cest que nous pouuons tat dire: si nous ysommes peu, il dira que nous ne disons pas tout: il espiera tous nos mouuemens, & pour vne seule petite parole de cholere, il protestera que nous sommes insupportables: lesoin de nos affaires luy semblera auarice, & nostre douceur niaiserie: & quant aux enfans du monde, leurs choleres sont generositez; leurs auarices, mesnages; leurs priuautez, entretiens honnorables; les aragnees gastent tousiours l'ouurage des abeilles.

Laissons cest aueugle, Philothee, qu'il

INTRODUCTION qu'il crie tant qu'il voudra, come vn chathuan, pour inquieter les oyseaux du iour; soyons fermes en nos desseins, inuariables en nos resolutions, la perseuerance ferabien voir, si c'est à certes & tout de bon, que nous sommes sacrifiés à Dieu, & rengez à la vie deuote. Les comeres, & les planettes sont presque esgalement lumineuses en apparéce, mais les comettes disparoissent en peu de temps, n'estans que de certains feux passagers; & les planettes ont vne clarté perpetuelle: Ainsi l'hypocrisse, & la vraye vertu, ont beaucoup de ressemblance en l'exterieur, mais on recognoist aisement l'vne d'auec l'autre, parce que l'hypocrisse n'a point de duree, & se dissipe comme la fumee en montant; mais la vraye vertu est tousiours ferme & constante. Ce ne nous est pas vne petite commodité, pour bien asseurer le comencement

cement de nostre deuotion, que d'en receuoir de l'opprobre, & de la calomnie; car nous euitons par ce moyen le peril de la vanité & de l'orgueil; qui sont comme les sages semmes d'Egypte, ausquelles le Pharaon infernal a ordonné de tuer les enfans masses d'Israël, le iour mesme de leur naissace. Nous sommes crucisiez au monde, & le monde nous doit estre crucisié, il nous tient pour sols, tenons le pour insensé.

A lumiere, quoy que belle & desirable à nos yeux, les esblouit neantmoins, apres qu'ils ont esté en des longues te-nebres: & deuant que l'on se soit appriuoisé auec les habitans de quelques pays, pour courtois & gracieux qu'ils soyent, on s'y treuue aucunement estonné. Il se pourtablen faire, ma chere Philothee,

INTRODUCTION qu'à ce changemet de vie, plusieurs sous-leuemens se feront en vostre interieur; & que ce grand & general adieu que vous auez dit aux folies & niayseries du monde, vous donnera quelque ressentiment de tristesse, & descouragement; si cela vous arriue, ayez vn peu de patience, ie vous prie, car ce ne sera rien; ce n'est qu'vn peu d'estonnement que la nouueauté vous apporte: passé cela vous receurez dix mille consolations. Il vous faschera peut estre d'abord, de quitter la gloire, que les fols & mocqueurs vous donoyent en vosvanitez:mais,ô Dieu voudriez-vous bien perdre l'eternelle, que Dieu vous donnera en verité? Les vains amusemens & passe-temps, esquels vous auezemployé les annees passees, se representeront encore à vostre cœur, pour l'appaster, & faire retourner de leur costé; mais auriez-vous bié le le courage, de renocer à ceste heureuse eternité, pour des sitropeuses legeretez? croyez-moy, si vous perseuerez, vous ne tarderez pas de receuoir des douceurs cordiales, si delicieuses & agreables, que vous confesserez, que le monde n'a que du fiel, en comparaison de ce miel, & qu'vn seul iour de deuotio vaut mieux que mille annees de la vie mondaine.

Mais vous voyez, que la montagne de la perfection chrestiène est
extremement haute: héimo Dieu,
ce dites-vous, comme y pourrayiemoter?courage Philothee, quad
les petits mouchons des abeilles
commencent à prendre forme, on
les appelle nymphes: & lors ils ne
scauroyét encor voler sur les sleurs
ny sur les monts, ny sur les collines
voisines, pour amasser le miel; mais
petit à petit se nourrissans du miel,
que leurs meres ont preparé, ces

Y 2

INTRODVCTION petits nymphes prenent des aisles, & se fortifiét, en sorte que par apres ils volét à la queste par tout le paysage. Il est vray, nous sommes encores des perits mouchons en la deuotion; nous ne sçaurions monter selon nostre dessein, qui n'estrié moindre que d'atteindre à la cime de la perfection chrestienne: mais si començons-nous à prendre forme par nos desirs & resolutions:les aisses nous commencent à sortir.Il faut donques esperer, qu'vn iour nous serons abeilles spirituelles, & que nous volerons, & tandis viuos du miel de tant d'enseignemens, que les anciens deuots nous ont laissez, & prions Dieu, qu'il nous donne des plumes comme de colombe, à fin que non seulement nous puissions voller au temps de la vie presente, mais aussi nous reposer en l'eternité de la future. A LA VIE DEVOTE. 509 De la nature des tentatios, & de la difference qu'il y a entre sentir la têtation, & consentir à icelle. CHAP. 3.

Maginez-vous, Philothee, vne ieune Princesle extremement aymee de son espoux; & que quelque meschant, pour la debaucher, & souiller son lice nuprial, luy enuoye quelque infame messager d'amour, pour traitter auec elle son malheureux dessein; premieremet ce messager propose à ceste Princesse l'intention de son maistre. Secondement la Princesse agree, ou desagree la proposition, & l'ambassade. En troissesme lieu, ou elle cosent, ou elle refuse: ainsi Saran, le monde, & la chair, voyant vne ame espousee au Fils de Dieu, luy enuoyent des tentations & suggestions, par lesquelles 1. le peché luy est proposé.2. & sur icelles elle se plair, ou elle se desplait: En fin 3. elle

consent, ou elle refusé; qui sont en somme les trois degrez, pour descendre à l'iniquité, la tentation, la delectation; & le consentement. Et bien que ces trois actions ne se cognoissent pas si manisestement en toutes autres sortes de peché, si est-ce qu'elles se cognoissent palpablement aux grands & enormes pechez.

Quand la tentation de quel peché que ce soit dureroit toute nostre vie, elle ne sçauroit nous rédre desagreables à la diuine Majesté, pourueu qu'elle ne nous plaise pas, & que nous n'y consentions pas: la raison est, parce qu'en la tentation, nous n'agissos pas, mais nous souffrons; & puis que nous n'y prenons point de plaisir, nous ne pouuons aussi en auoir aucune sorte de coul pe. Sainct Paul souffrit longuemet les tentations de la chair: & tat s'en faut que pour cela il fut desagreable

ble à Dieu, qu'au contraire Dieu estoit glorissé par icelles. La bienheureuse Augele de Foligny sétoit des tentations charnelles si cruelles, qu'elle fait pitié quand elle les raconte; grandes furent aussi les tétations, que souffrit S. François, & S. Benoist, lors que l'vn se ietta das les espines, & l'autre dans la neige pour les mitiger: & neantmoins ils ne perdirent rien de la grace de Dieu pour tout cela, ains l'augméterent de beaucoup.

Il faut donc estre fort courageuse, Philothee, emmy les tentations,
& ne se tenir iamais pour vaincuë,
pendant qu'elles vous deplairont;
en bien observant ceste difference,
qu'il y a entre sentir, & consentir;
qui est qu'on les peut sentir, encore qu'elles nous deplaisent, mais
on ne peut consentir, sans qu'elles
nous plaisent: puis que le plaisir
pour l'ordinaire sert de degré, pour

Y 4

INTRODUCTION venir au consentement. Que donques les ennemis de nostre salut nous presentent, tant qu'ils voudront, d'amorces & d'apats: qu'ils demeurent toussours à la porte de nostre cœur, pour entrer: qu'ils nous facent tant de propositions qu'ils voudront; mais tandis que nous aurons resolutio de ne point nous plaire en tout cela, il n'est pas possible, que nous offensions Dieu; non plus que le Prince espoux de la princesse, que i'ay representé, ne luy peut sçauoir mauuais gré du message, qui luy est enuoyé, si elle n'y a prins aucune sorte de plaisir. Il y a neantmoins ceste difference entre l'ame, & ceste Princesse pour ce sujet, que la princesse ayant ouy la proposition des-honneste, peut, si bon luy semble, chasser le messager, & ne le plus ouir; mais il n'est pas tousiours au pouuoir de l'ame, de ne point sentir la tétation, bien qu'ilqu'il soit tousiours en son pouvoir, de ne point y consentir; c'est pourquoy, encor que la tentation dure & perseuere long temps, elle ne peut nous nuire, tandis qu'elle nous est des-agreable.

Mais quant à la delectation, qui peut suiure la tentation, pour autat que nous auos deux parties en nostreame, l'vne inferieure, & l'autre superieure; & que l'inferieure ne suit pas tousiours la superieure, ains fait son cas à part; il arrive maintefois que la partie inferieure se plair en la tentation, sans le consentement, ains contre le gré de la superieure : c'est la dispute, & la guerre que l'Apostre sainct Paul descrit, quand il dir, que sa chair conuoire contre son esprit; qu'il y a vne loy des membres, & vne loy de l'esprit, & semblables choses.

Auez vous iamais veu, Philothee, vn grand brasser de seu cou-

514 INTRODUCTION uert de cendres : quand ont vient dix ou douze heures apres pour y cercher du feu, on n'é treuue qu'vn peu au milieu du fouyer, & encore a on peine de le treuuer. Il y estoit neatmoins, puis qu'on l'y treuue;& auec iceluy on peut r'allumer tous les autres charbons desia esteints: c'en est de mesme de la charité, qui est nostre vie spirituelle parmy les grandes & violentes tétations. Car la tentation jettant sa delectation en la partie inferieure, couure, ce semble, toute l'ame de cendres, & reduit l'amour de Dieu au petit pied, car il ne paroit plus nulle part, sino au milieu du cœur, au fin fond de l'esprit, encor semble-il qu'il n'y soit pas, & a on peine de le treuuer. Il y est neantmoins en verité, puisque, quoy que tout soit en trouble en nostre ame, & en nostre corps, nous auons la resolution de ne point consentir au peché, ny à la

tenta

tentation, & que la delectation qui plait à nostre home exterieur, desplait à l'interieur: & quoy qu'elle soit tout autour de nostre volonté, sin'est elle pas dans icelle; en quoy l'on void que telle delectation est inuolontaire, & estant telle ne peut estre peché.

Deux beaux exeples sur ce sujet. CH.4. L vous importe tant de bien entendre cecy, que ie ne feray nulle difficulté de m'estendre à l'expliquer. Le ieune homme, duquel parle S. Hierosme, qui couché & attaché, auec des escharpes de soye bien delicatement sur vn lict mollet, estoit prouoqué par toutes sortes de vilains attouchemes & attraits d'vne impudique femme, qui s'estoit couchee auec luy, exprés pour esbranler sa constance; ne deuoit-il pas sentir d'estranges esmotions charnelles? ses sens ne deuoient-ils pas

516 INTRODUCTION estre saissi de la delectation, & son imagination extremement occupee de ceste presence des obiects voluptueux? sans doute; & neantmoins parmy tant de troubles, emmy vn si terrible orage de tentations, il tesmoigne que son cœur n'est point vaincu, que sa volonté, quisent tout autour de soy tant de voluptez, ny cosent toutefois nullement: puis que son esprit voyant tout rebellé contre luy, & n'ayant plus aucune des parties de so corps à son commadement, sinon la langue; il se la coupa auec les dents,& la cracha sur le visage de ceste vilaine ame, qui tourmentoit la sienne plus cruellemer par la volupté, que les bourreaux n'eussent iamais sceu faire par les tourmens, aussi le Tyran qui se defioit de la vaincre par les douleurs, pensoit la surmonter par ces plaisirs.

L'histoire du combat de saincte Cathe

A LA VIE DEVOTE. 517 Catherine de Sienne en vn pareil sujer est du tout admirable, en voicy le somaire; Le malin esprit eust congé de Dieu, d'assaillir la pudicité de ceste saincte vierge, auec la plus grande rage qu'il pourroit, pourueu toutesfois qu'il ne la touchast point: il sit doncques, toutes sortes d'impudiques suggestions à son cœur: & pour tat plus l'esmounoir, venant auec ses compagnons en forme d'hommes & de femmes, il faisoit mille & mille sortes de charnalitez & lubricitez à fa veuë, adioustant des paroles, & semõces tres-deshonnestes; & bien que routes ces choses fussent exterieures, si est-ce que par le moyen des sens elles penetroyent bien auant dedans le cœur de la vierge, lequel, comme elle confessoir elle mesme, en estoit tout plein, ne luy restant plus que la fine pure volonté supetieure, qui ne fut agitee de ceste

INTRODUCTION rempeste de vilenie & delectation charnelle; ce qui dura fort longuement, iusques à tant qu'vn iour nostre Seigneur luy apparut, & elle luy dit: Où estiez-vous, mon doux Seigneur, quand mon cœur estoit plein de tat tenebres & d'ordures? A quoy il respodist, i'estois dedans ton cœur, ma fille, & comment repliqua elle, habitiez vous dedans mon cœur, dans lequel'il y auoit tant de vilenies?habitez vous docques en des lieux si deshonnestes? Et nostre Seigneur luy dit, dy moy, ces tiennes salles cogitations de to cœur te donnoyent elles plaisir ou tristesse, amertume, ou delectation? Et elle dit, extreme amertume & tristesse. Et il luy repliqua, qui estoit celuy, qui mettoit ceste grande amertume & tristesse dedans ton cœur, sinon moy qui demeuroy caché dedans le milieu de ton ame? croy ma fille, que si ie n'eusse pas esté III.

A LA VIE DEVOTE. esté present, ces pensees, qui estoyent autour de ta volonté, & ne pouuoyent l'expugner, l'eussent sas doute surmontee, & seroyent entrees dedas, & eussent esté receuës auec plaisir par le libre arbitre; & ainsi eussent donné la mort à ton ame: mais parce que i'estois dedas, ie mettois ce deplaisir & ceste resistance en ton cœur, par laquelle il se reffusoit tant qu'il pouuoit à la tentation: & ne pouuant pas, tant qu'il vouloit, il en sentoit vn plus grand deplaisir, & vne plus grande haine, contre icelle & contre soymesme: & ainsi ces peines estoyent vn grand merite, & vn grand gain pour toy, & vn grand accroissemet de ta vertu, & de ta force.

Voyez vous, Philothee, comme ce feu estoit couuert de la cendre, & que la tentation, & delectation estoit mesme entree dedas le cœur, & auoit enuironné la volonté, laquelle

INTRODUCTION quelle seule asistee de son Sauueur, resistoit par des amertumes, des desplaisirs & detestations du mal, qui luy estoit suggeré, refusant perpetuellement son consentement au peché qui l'enuironoit. O Dieu, quelle detresse à vne ame, qui ayme Dieu, de ne sçauoir seulement pas si il est en elle, ou non; & si l'amour diuin, pour lequel elle combat, est du tout esteint en elle, ou no:mais c'est la fine fleur de la perfection de l'amour celeste, que de faire souffrir & combattre l'amant pour l'amour, fans sçauoir s'il a l'amour, pour lequel, & par lequel il combat.

Encouragement à l'ame qui est és tentations. CHAP. 5.

A Philothee, ces grands assauts, & ces tentations si puissantes, ne sont iamais permises de Dieu, que contre les ames, lesquelles il veut esseuer à so pur

A LA VIE DEVOTE. pur & excellent amour: mais il ne s'ensuit pas pour tant, qu'apres cela elles soyent asseurces d'y paruenir: car il est arriué maintefois, queux qui auoyent esté constans en des si violentes attaques, ne correspondants pas par apres fidellement à la faueur diuine, se sont trouuez vaincus en des biens petites tentations. Ce que ie dis, à fin que s'il vous arriue iamais d'estre assligee, de si grandes tentations vous sçachiez, que Dieu vous fauorise d'vne faueur extraordinaire, par laquelle il declare, qu'il vous veut agrandir deuant sa face: & que neantmoins vous soyez tousiours humble & craintiue, ne vous asseurant pas de pouuoir vaincre les menues tentations, apres auoir surmonté les grãdes, sinon par vne continuelle fidelité, à l'endroid de sa Majesté.

Quelles tentations doncques qui vous arrivent, & quelle delectation

INTRODUCTION ctation qui s'en ensuiue, tandis que vostre voloté refusera son consentement, non seulement à la tentation, mais encor à la delectation, ne vous troublez nullement, car Dieu n'en est point offencé. Quand vn homme est pasmé, & qu'il ne rend plus aucun tesmoignage de vie, on luy met la main sur le cœur, & pour peu que l'on y sente de mouuemet, on iuge qu'il est en vie, & que par le moyen de quelque eau pretieuse, & de quelque epitheme on peut luy faire reprendre force & sentiment: ainsi arriue-il quelquesfois, que par la violence des tentations, il semble que nostre amc est tumbee en vne defaillance totale de ses forces, & que comme pasmee, elle n'a plus ny vie spirituelle, ny mouuement; mais si nous voulons cognoistre ce que s'en est, mertons la main sur le cœur. Considerons si le cœur & la volonté ont encore ALC: LINES leur

A LA VIE DEVOTE. leur mouuemet spirituel, c'est à dire, s'ils font leur deuoir à refuser de consentir, & suiure la tentation, & la delectation: car pendant que le mouuement du refus est dedans nostre cœur, nous sommes asseurez, q la charité, vie de nostre ame, esten nous, & que Iesus Christ nostre Sauueur se trouue dans nostre ame, quoy que caché & couuert, si que moyennant l'exercice continuel de l'oraison, des Sacremens, & de la confiance en Dieu, nos forces reuiendront en nous, & nous viurons d'vne vie entiere & delectable.

Comme la tentation & delectation peuuent estre peché. CHAP. 6. A Princesse, de laquelle nous auons parlé, ne peut

mais, de la recerche deshoneste qui luy est faitte, puis que, comme nous auons presupposé, elle luy arriue contre son gré; mais si

INTRODUCTION au cotraire elle auoit par quelques attraits, donné sujet à la recerche, ayant voulu doner de l'amour à celuy qui la muguette, indubitablement elle seroit coulpable de la recerche mesme: & quoy qu'elle en fit la delicate, elle ne laisseroit pas d'en meriter du blasme & de la punition. Ainsi arriue-il quelque fois que la seule tentatio nous met en peché, parce que nous sommes cause d'icelle. Par exemple, ie sçay que jouant i'entre volotiers en rage & blaspheme, & que le jeu me sert de tentation à cela: ie peche toutefois & quates que ie joueray, & suis coulpable de toutes les tentations qui m'arriveront au jeu. De mesme si ie sçay que quelque conuersatio m'apporte de la tentation & de la cheute, & i'y vais volontairement, ie suis indubitablement coulpable de toutes les tentations que i'y receuray. ledon arrive co

Quand

A LA VIE DEVOTE. 525

Quand la delectation qui arrive de la tentation peut estre euitee; c'est tousiours peché de la receuoir; selon que le plaisir que l'on y prend,& le consentement que l'on y donne est grand, ou petit, de longue ou de petite duree, c'est tousiours chose blasmable à la ieune Princesse, de laquelle nous auons parlé, si non seulement elle escoute la proposition salle & des-honneste, qui luy est faite, mais encore apres l'auoir ouve elle prend plaisir en icelle, entretenant son cœur auec contentement sur ce object: car bien qu'elle ne vueille pas consentir à l'execution reelle de ce qui luy est proposé, elle consent neantmoins à l'application spirituelle de son cœur, par le cotentemet qu'elle y prend: & c'est tousiours chose des-honneste d'appliquer ou le cœur, ou le corps à chose des-honneste, ains la des-honnesteré cossiste telle

tellement à l'application du cœur, que sans icelle l'application du corps ne peut estre peché.

Quand docques vous serez tentee de quelque peché, considerez si vous auez donné volontairement sujet d'estre tentee, & lors la tentation mesme vous met en estat de peché, pour le hazard auquel vous vous estes jettee; Et cela s'entend si vous auez peu euiter comodement l'occasion, & que vous ayez preueu ou deu preuoir l'arriuec de la tentation : mais si vous n'auez donné nul sujet à la tentation, elle ne peut aucunement vous estre imputee à peché.

Quand la delectation qui suit la tentation a peu estre euitee, & que neantmoins on ne la pas euitee, il y a tousiours quelque sorte de peché selon que l'on y a peu ou prou arresté, & selo la cause du plaisir que nous y auons prins. Vne semme la-

quelle

ALAVIE DEVOTE. 527 quelle n'ayat point donné de sujet d'estre muguetee, préd neatmoins plaisir à l'estre, ne laisse pas d'estre blasmable, si le plaisir qu'elle y préd n'a point d'autre cause que la muguetiere. Par exemple, si le galand qui luy veut doner de l'amour sonnoit exquisiment bien du Luth, & qu'elle print plaisir, non pas à la recerche qui est faicte de son amour, mais à l'harmonie & douceur du son du luth, il n'y auroit point de peché, bien qu'elle ne deuroit pas continuer longuement en ce plaisir, de peur de faire passage d'iceluy à la delectation de la recerche. De mesme doncques si quelqu'vn me propose quelque stratageme plein d'inuention & d'artifice pour me venger de mon ennemy, & que ie ne prenne pas plaisir, ny ne donne aucun consentement à la vengeance qui m'est proposee, mais seulement à la subtilité de l'inuention & de l'artifice, sans doute ie ne peche point: bien qu'il ne soit pas expediét que ie m'amuse beaucoup à ce plaisir, de peur que petit à petit il ne me porte à quelque de-lectation de la vengeance mesme.

On est quelques fois surprins de quelque chatoüillement de dele-Etation, qui suit immediatement la tentation, deuant que bonnement on s'en soit prins garde: & cela ne peut estre qu'vn bien leger peché veniel, lequel se rend plus grand, si apres que l'o s'est apperceu du mal ou l'on est, on demeure par negligence quelque temps à marchander auec la delectation, si l'on doit l'accepter ou la refuser: & encore plus grand si en s'en apperceuant on derneure en icelle quelque téps ' par vraye negligéce, sans nulle forte de propos de la rejetter:mais lors que volontairement & de propos deliberé nous sommes resolus de nous

A LA VIE DEVOTE. 529 nous plaire en telles delectations; ce propos mesme deliberé est vn grand peché, si l'object pour lequel nous auons delectation est notablement mauuais. C'est vn grand vice à vne femme de vouloir entretenir des mauuaises amours, quoy qu'elle ne vueille iamais s'abbandonner reellement à l'amoureux.

Remedes aux grandes tentations. CH.7.

I tost que vous sentirez en vous quelques tentations, faictes comme les petits enfans, quand ils voyent ou le loup ou l'ours en la campagne : car tout aussi tost ils courent entre les bras de leur pere & de leur mere, ou pour le moins les appellent à leur ayde & secours; recourez de mesme à Dieu, reclamant sa misericorde & son secours: c'est le remede que nostreSeigneur enseigne, priez à fin que vous n'entriez point en tentation.

Si vous voyez que neantmoins la tentation perseuere, ou qu'elle accroisse, courez en esprit embrasser la sainte croix, comme si vous voyez Iesus-Christ crucisié deuant vous. Protestez que vous ne consentirez point à la tentation, & demandez luy secours contre icelle, & continuez tousiours à protester de ne vouloir point consentir tandis que la tentation durera.

Mais en faisant ces protestatios & ces refus de consentement, ne regardez point au visage de la tentation, ains seulemet regardez nostre Seigneur: car si vous regardiez la tentation, principalemet quand elle est forte, elle pourroit esbran-

ler vostre courage.

Diuertissez vostre esprit par quelques occupations bonnes & louables: car ces occupations entrans dedans vostre cœur, & y prenant place, elles chasseront les tentatios A LA VIE DEVOTE. 531

& suggestions malignes.

Le grand remede contre toutes tentations grandes ou petites, c'est de deployer son cœur & de communiquer les suggestions, ressentimens & affections que nous auons à nostre directeur; car notez que la premiere condition que le malin fait auec l'ame qu'il veut seduire, c'est du silence, comme font ceux qui veulent seduire les femmes & les filles, qui de prim' abord defendent qu'elles ne communiquent point les propositions aux peres, ny aux marys: ou au contraire Dieu en ses inspirations demande sur toutes choses que nous les fassions recognoistre par nos Superieurs & conducteurs.

Que si apres tout cela la tentation s'opiniastre à nous trauailler & persecuter, nous n'auons rien à saire, sinon à nous opiniastrer de nostre costé en la protestation de

Z 2

532 INTRODUCTION

ne vouloir point consentir: car come les filles ne peuuent estre marices pendant qu'elles disent que non; ainsi l'ame, quoy que troublee, ne peut iamais estre offencee pen-

dant qu'elle dit que non.

Ne disputez point auec vostre ennemy, & ne luy respodez iamais vne seule parole, sinon par fois celle que nostre Seigneur respondit, auec laquelle il le confondit. Arriere, ô satan, tu adoreras le Seigneur ton Dieu, & à luy seul tu seruiras. Et comme la chaste semme ne doit respodre vn seul mot, ny regarder en face le vilain poursuiuant, qui luy propose quelque deshonnesteté, mais le quittant tout court, doit à mesure & instant retourner son cœur du costé de son espoux, & reiurer la fidelité qu'elle luy a promise, sans s'amuser à barguigner; ainsi la deuote ame se voyant assaillie de quelque tentation ne doit nullement

ments'amuser à disputer ny respodre, mais tout simplemet se retourner du costé de Iesus-Christ son espoux, & luy protester derechef de sa sidelité, & de vouloir estre à iamais vniquement toute sienne.

Qu'il faut resister aux menues tentations. Chap. 8.

Voy qu'il faille combattre les grandes tentations auec vn courage inuincible, & que la victoire que nous en rapportos nous soit extremement vtile si est-ce, neantmoins qu'à l'aduenture on fait plus de proffit à bien combattre les petites; car comme les grandes surpassent en qualité, les petites, aussi surpassent si demesuremet en nombre, que la victoire d'icelles peut-estre comparable à celle des plus grandes. Les loups, & les ours sont sans doute plus dagereux que les mouches: mais si ne nous fontils pas tant d'importunité & d'en534 INTRODUCTION

nuy, ny n'exercent pas tant nostre patiéce. C'est chose bien aisee q de s'empescher du meurtre, mais c'est chose difficile d'euiter les menues choleres, desquelles les occasios se presétét à tout momét. C'est chose bien aisee à vn home ou à vne femme de s'empescher de l'adulteres mais ce n'est pas chose si facile de s'empescher des ceillades, de doncs ou receuoir de l'amour, de procufer des graces & menues faueurs, de dire & receuoir des paroles de cajollerie. Il est bié aisé de ne point donner de corriual au mary, ny de corriuale à la femme, quat au corps: mais il n'est pas si aisé de n'é point donner quat au cœur; bie aisé de ne point souiller le list du mariage, mais bien mal aisé de ne point interesser l'amour du mariage: bien aisé de ne point desrober le bien d'autruy, mais mal-aisé de ne point le muguetter & conuoiter:bien aisé de ne point dire de faux tesmoi-

A LA VIE DEVOTE. gnage en iugement, mais mal-aisé de ne point mentir en conuersatio, bie aisé de ne point s'enyurer, mais mal-aisé d'estre sobre : bien aisé de ne point desirer la mort d'autruy, mais mal-aisé de ne point desirer son incommodité: bien aisé de ne le point diffamer, mais mal-aisé de ne le point mespriser. Bref ces menues tétations de cholères, de souprons, de jalousie, d'enuie, d'amoutettes, de folastrerie, de vanitez, de duplicitez, d'affaiterie, d'artifices, de cogitations deshonestes, ce sont le continuels exercices de ceux mesmes qui sont plus deuots & resolus. C'est pourquoy, ma chere Philothee, il faut qu'auec grad soin & diligence nous nous preparions à ce cobat: & soyez asseuree qu'autant de victoires que nous rapporterons contre ces petits ennemis, autant de pierres precieuses seront mises en la courone de gloire que

Z 4

136 INTRODUCTION

Dieu nous prepare en son Paradis. C'est pourquoy ie dis qu'attendat de bien & vaillamment combattre les grandes tentations, si elles viennent, il nous faut bien, & diligemment nous defendre de ces menues, & foibles attaques.

Comme il faut remedier aux menues tentations. Chap. 9.

R donc, quant à ces menues tentations de vanité, de soupçõ, de chagrin, de jalousie, d'enuie, d'amourette, & semblables tricheries, qui comme mouches & moucherons viennent passer deuant nos yeux, & tantost nous picquer sur la ioue, tantost sur le nez; parce qu'il est impossible d'estre tout à fait exempt de leur importunité; la meilleure resistance qu'on leur puisse faire c'est de ne s'en point tourmenter: car tout cela ne peut point nuire, quoy qu'il puisse faire de l'ennuy, pourueu

A LA VIE DEVOTE. 537 que l'on soit bien resolu de vouloir seruir Dieu.

Mesprisez donc ques ces menues attaques, & ne daignez pas seulement penser à ce qu'elles veulent dire, mais laissez les bourdonner autour de vos oreilles, tant qu'elles voudront, & courir çà & là autour devous, comme l'on fait des mousches; & quand elles viedront vous picquer, & que vous les verrez aucunemet s'arrester en vostre cœur, ne faictes autre chose que de tout simplement les oster, non point cobattant contre elles, ny leur respodant, mais faisant des actions contraires quelles qu'elles soyent, & specialement de l'amour de Dieu. Car si vous me croyez, vo9 ne vous opiniastrerez pas à vouloir opposer la vertu contraire à la tétation que vous sentez, parce que ce seroit quasi vouloir disputer auec elle: mais apres auoir fait vne action de

538 INTRODUCTION ceste vertu directement contraire, si vous auez eu le loisir de recognoistre la qualité de la tentation; vous ferez vn simple retour de vostre cœur, du costé de Iesus-Christ crucifié, & par vne action d'amour en son endroit, vous luy baiserez les sacrez pieds. C'est le meilleur moyen de vaincre l'ennemi tant és petites qu'és grandes tentations: car l'amour de Dieu contenant en soy toutes les perfections de toutes les vertus & plus excellemment que les vertus mesmes, il est aussi vn plus souuerain remede contre tous vices: 82 vostre esprit s'accoustumant en toutes tentations de recourir à ce rendez-vous general, ne sera point obligé de regarder & examiner quelles tentations il a, mais simplemet se sentant troublé il s'acoisera en ce grand remede, lequel outre cela est si espouuantable au malin esprit, que quand il void

A LA VIE DE VOTE. 539 void que ses tentations nous prouoquent à ce diuin amour, il cesse de nous en faire.

Et voila quant aux menues & frequentes tentations, auec lesquelles qui voudroit s'amuser par le menu, il se morfondroit & ne seroit rien.

Comme il faut fortisier son cœur contre les tentations. CHAP. 10.

Onsiderez de téps en téps quelles passions dominent le plus en vostre ame: & les ayant decouuertes prenez vne faço de viure qui leur soit toute contraire en pensees, en parolles, & en œuures. Par exemple si vous vous sentez inclinee à la passió de la vanité, faites souuent des pensees de la misere de ceste vie humaine, cobien ses vanitez seront ennuyeuses à la conscience au jour de la mort, combien elles sont indignes d'vn cœur genereux, que ce ne sont que nhila

940 INTRODUCTION badineries & amusemes des petits enfans, & semblables choses. Parlez souuent contre la vanité;& encor qu'il vous semble que ce soit à contre cœur, ne laissez pas de la bien mesprizer, car par ce moyen vous vous engagerez mesme de reputation au party contraire. Et à force de dire cotre quelque chose nous nous esmounos à la hair, bien qu'au comencement nous luy eufsions de l'affection: faittes des œuures d'abjection & d'humilité le plus que vous pourrez, & encore qu'il vous semble que ce soit à regret: car par ce moyen vous vous habituez à l'humilité, & affoiblissez vostre vanité, en sorte, q quand la tentation viendra, vostre inclination ne la pourra pas tant fauoriser, & vous aurez plus de force pour la combattre. Si vous estes inclinee à l'auarice, pensez souvent à la folie de ce peché, qui nous rend

esclaues de ce qui n'est cree que pour nous seruir: qu'à la mort aussi bien faudra-il tout quitter, & le laisser entre les mains de tel qui le dissipera, ou auquel cela seruira de ruyne & de damnation, & semblables penses: parlez fort contre l'aurice, & loüez fort le mespris du monde: violentez vous à faire souuent des aumosnes & des charitez, & à laisser escouler quelques ocçassions d'assembler.

Si vous estes subjette à vouloir donner ou receuoir de l'amour, pensez souuent combien cet amusement est dangereux tant pour vous que pour les autres: combien c'est vne chose indigne de prophaner & employer à passe-temps la plus noble affection qui soit en nostre ame; combien cela est subject au blasme d'vne extreme legereté d'esprit: parlez souuent en faueur de la pureté & simplicité de cœur, & sai

% faites aussi, le plus qu'il vous sera possible, des actions conformes à cela, euitant toutes affaitteries & mugueteries.

En somme, en temps de paix, c'est à dire, lors que les tentations du peché auquel vous estes subjette ne vous presseront pas, faites force actions de la vertu contraire: & si les occasions ne se presentent allez au deuat d'elles pour les rencontrer : car par ce moyen vous renforcerez vostre cœur contre la tentation future.

De l'inquietude. CHAP. 11.

Inquietude, n'est pas vne simple tentation, mais vne source, de laquelle & par laquelle plusieurs tentations arriuet, i'en diray donc quelque chose. La tristesse n'est autre chose que la douleur d'esprit que nous auos du mal qui est en nous contre nostre gré; soit que le mal soit exterieur com

come pauureté, maladie, mespris: soit qu'il soit interieur, come ignorance, secheresse, repugnance, tentation. Quand docques, l'ame sent qu'elle a quelque mal, elle se desplait de l'auoir, & voila la tristesse; & tout incontinent elle desiré d'en estre quitte, & d'auoir les moyens de s'en desfaire: Et iusques icy elle a raison, car naturellement chacun desire le bien, & suit ce qu'il pense estre mal.

Si l'ame cerche les moyens d'eftre deliuree de son mal, pour l'amour de Dieu elle les cerchera
auec patience, douceur, humilité
& tranquillité: attendant sa dessiurance plus de la bonté & prouidence de Dieu que de sa peine, industrie ou diligence: si elle cerche
sa deliurance pour l'amour propre,
elle s'empressera & s'eschausera à
la queste des moyens, comme si ce
bien dependoit plus d'elle que de
Dieu.

Dieu. Ie ne dy pas qu'elle pense cela, mais ie dy qu'elle s'empresse comme si elle le pensoit.

Que si elle ne récontre pas soudain ce qu'elle desire, elle entre en des grandes inquietudes & impatiences, lesquelles n'ostant pas le mal precedent, ains au contraire l'empirant, l'ame entre en vne angoisse & detresse desmesuree, auec vne defaillance de courage, & de forces, telle qu'il luy semble que son mal n'ait plus de remede. Vous voyez doncques que la tristesse, laquelle au commencement est iuste, engendre l'inquierude, & l'inquietude engendre par apres vn surcroist de tristesse, qui est extremement dangereux.

L'inquietude est le plus grad mal qui arriue en l'ame, excepté le peché. Car comme les seditions, & troubles interieurs d'vne republique la ruynent entieremet, & l'em-

peschent

peschent qu'elle ne puisse resister à l'estranger; ainsi nostre cœur estant troublé, & inquieté en soy-mesme, perd la force de maintenir les vertus qu'il auoit acquises, & quat & quant le moyen de resister aux tentations de l'ennemy, lequel fait alors toutes sortes d'essort pour pescher, comme l'on dit, en eau trouble.

L'inquietude provient d'vn desir dereglé d'estre deliuré du mal que l'on sent, ou d'acquerir le bien que l'on espere: Et neatmoins, il n'y arien qui empire plus le mal, & qui esloigne plus le bien que l'inquietude & empressement. Les oyseaux demeurent prins dans les silets & lacs, parce que s'y treuuans engagez ils se debattent & remuet dereglement pour en sortir, ce que faisant ils s'enueloppent tousiours tant plus. Quand doncques, vous serez pressee du desir d'estre deli-

746 INTRODUCTION uree de quelque mal, ou de paruenir à quelque bien, auat toute chose mettez vostre esprit en repos & tranquillité: faictes rasseoir vostre iugement & vostre volonté: & puis tout bellement & doucemet pourchassez l'issue de vostre desir, pres hant par ordre les moyens qui setont contienables: & quand ie dis tout bellement, ie ne veux pas dire negligemment, mais fans emprefsement, trouble & inquietude: autrement en lieu d'auoir l'effect de vostre desir, vous gasterez tout, & vous embarrasserez plus fort.

Mon ame est tousiours en mes mains, ô Seigneur, et ie n'ay point oublié vostre loy, disoit Dauid. Examinez plus d'vne fois le iour, mais au moins le soir & le matin si vous auez vostre ame en vos mains, ou si quelque passió & inquietude vous l'a point rauie. Considerez si vous auez vostre cœur à vostre commandemét,

ALA VIE DEVOTE. 547 ou bien s'il s'est point eschappé de vos mains pour s'égager à quelque affectio desreglee d'amour, de haine, d'enuie, de conuoitife, de crainte, d'ennuy, de ioye. Que s'il s'est esgaré auant toutes choses, cerchés le, & le ramenez tout-bellemet en la presence de Dieu, remertant vos affections & desirs, sous l'obeissails ce de conduitte de sa divine volatie téscar comme ceux qui craignent de perdre quelque chose qui leur est precieuse, la tiennent bien serré en leur main, ainsi à l'imitation de ce grad Roy, nous deuos tousiours dire, ô mon Dieu mon ame est au hazard; c'est pourquoy ie la porte tousiours en mes mains, & en ceste sorte ie n'ay point oublié vostre fain&e loy.

Ne permettez pas à vos desirs, pour petits qu'ils soyent, & de petite importace, qu'ils vous inquietent: car apres les petits, les grands & plus

548 INTRODUCTION & plus importans trouueroyét vostre cœur plus disposé au trouble & dereglement. Quand vous sentirez arriuer l'inquietude, recommãdez-vous à Dieu, & resoluez-vous de ne rien faire du tout de ce que vostre desir requiert de vous, que l'inquietude ne soit totalemet passee: sinon que ce fut chose qui ne se peut differer; & alors il faut auec vn doux & tranquille effort, retenir le courant de vostre desir, l'attrempant & moderant tant qu'il vous sera possible. Et sur cela faire la chose, non selo vostre desir, mais selon la raison.

Si vous pouuez descouurir vostre inquietude à celuy qui coduit vostre ame, ou au moins à quelque consident & deuot amy, ne doutez point que tout aussi tost vous ne soyez acoisee: car la communication des douleurs du cœur, fait le mesme essect en l'ame, que la saignee fait fait au corps de celuy qui est en sieure continue; c'est le remede des remedes. Aussi le Roy S. Louys dőna c'est aduis à son sils. Si tu as en ton cœur aucun mal-aise, dis-le incontinent à ton cofesseur, ou à aucune bone personne, & ainsi pourras ton mal legerement porter, par le reconfort qu'il te donnera.

De la Tristesse. CHAP. 12.

A tristesse qui est selon Dieu, dit S. Paul, opere la penitence pour le salut; la tristesse du monde opere la mort. La tristesse docques peut estre bonne & mauuaise, selo les diuerses productios qu'elle fait en nous. Il est vray qu'elle en fait plus de mauuaises que de bonnes: car elle n'en fait que deux bonnes, à sçauoir, misericorde & penitence; & il y en a six mauuaises, à sçauoir, angoisse, paresse, indignation, ialousie, enuie, & impatience; qui a faict dire au Sage. La tristesse en tue beau

550 INTRODUCTION

beaucoup, & n'y a point de profit en icelle: parce que pour deux bons ruifseaux qui prouiennent de la source de tristesse, il y en a six qui sont bien mauuais.

L'ennemy se sert de la tristesse pour exercer ses tentations à l'endroit des bons : car comme il tasche de faire resiouir les mauuais en leur peché, aussi tasche-il d'attrister les bons en leurs bonnes œuures: & come il ne peut procurer le mal qu'en le faisant treuuer agreable: aussi ne peut-il destourner du bien qu'en le faisant treuuer des-agreable. Le malin se plaist en la tristesse & melacholie; parce qu'il est triste & melancholique, & le sera eternellement, dont il voudroit que chacun fut comme luy.

La mauuaise tristesse trouble l'ame, la met en inquietude, donne des craintes des-reglees, degouste de l'oraison, assoupit & accable le cerueau, priue l'ame de conseil, de resolution & de iugement, de courage & abbat les forces; bref elle est comme vn dur hiuer, qui fauche toute la beauté de la terre, & engourdit tous les animaux: car elle oste toute suauité de l'ame, & la rend presque percluse & impuissante en toutes ses facultez.

Si iamais il vous arriuoit, Philothee, d'estre atteinte de ceste mauuaise tristesse, prattiquez les remedes suyuans. Quelqu'un est il triste? dit sain& Iaques, qu'il prie. La priereest vn souuerain remede: car elle esseue l'esprit en Dieu, qui est nostre vnique ioye & consolation: mais en priant vsés d'affections & parolles, soit interieures, soit exterieures, qui tendent à la confiance & amour de Dieu, comme, ô Dieu de misericorde, mon tres-bo Dieu, mon Sauueur de bonnaire, Dieu de mon cœur, ma ioye, mon esperance, mon cher espoux, le bien-aymé de mon ame, & semblables.

Contrariez viuement aux inclinations de la tristesse: & bien qu'il semble, que tout ce que vous ferez en ce temps-là, se face froidement, tristement, & laschemet, ne laissez pourtant pas de le faire, car l'ennemi qui pretend de nous allanguir aux bonnes œuures par la tristesse, voyant que nous ne laissons pas de les faire, & qu'estant faictes auec resistance, elles en valent mieux, il cesse de nous plus afsliger.

Chantez des Cătiques spirituels, car le malin a souuent cessé son operation par ce moyen: tesmoin l'esprit qui assiegeoit ou possedoit Saül, duquel la violence estoit re-

primee par la psalmodie.

Il est bon de s'employer aux œuures exterieures, & les diuersisier le plus que l'o peut, pour diuertir l'ame de l'obiect triste, purisier & eschauffer A LA VIE DEVOTE. 553 chauffer les esprits, la tristesse estat vne passion de la complexion froide & seiche.

Faites des actions exterieures de ferueur, quoy que sans goust, embrassant l'image du crucifix, la serrant sur la poictrine, luy baisant les pieds & les mains, leuant vos yeux & vos mains au ciel, eslançat vostre voix en Dieu par des parolles d'amour & de confiance, comme sont celles-cy, Mon bien-aymé est à moy, co moy à luy:mon bien-aymé m'est un bouquet de mirrhe, il demeurera entre mes mammelles. Mes yeux se fondet sur vous o mon Dieu, disans, quand me consolerez-vous; ô Iesus soyez-moy Iesus, viue Iesus, & mon ame viura. Qui me separera de l'amour de mon Dieu?& semblables.

La discipline moderee est bone contre la tristesse, parce que ceste volotaire affliction exterieure impetre la consolation interieure: &

INTRODUCTION l'ame sentant des douleurs de dehors,se diuertit de celles qui sont au dedans: la frequentation de la saincte communion est excellente, car ce pain celeste affermit le cœur & resiouit l'esprit.

Decouurez tous les ressentimes, affections, & suggestions qui prouiennent de vostre trissesse à vostre conducteur & confesseur, humblement & fidellement : cerchez les conuersations de personnes spirituelles, & les hantez le plus que vous pourrez, pendant ce temps là. Et en fin finale resignez-vous entre les mains de Dieu, vous preparant à souffrir ceste ennuyeuse tristesse patiemmet, comme inste punition de vos vaines allegresses. Et ne doutez nullement que Dieu apres vous auoir esprouuee, ne vous deliure de ce mal. Allo mais la sisso

Des consolations spirituelles, & sensibles, & comme il se faut comporter en icelles.

A LA VIE BEVOTE. 555 icelles. CHAP. 13.

Ieu continue l'estre de ce grand monde en vne perpetuelle vicissitude, par laquelle, le iour se change tousiours en nuiet, le printemps en esté, l'esté en automne, l'automne en hyuer, & l'hyuer en printemps; & l'vn des iours ne ressemble iamais parfaidement à l'autre; on en void de nubileux, de pluuieux, de secs, de venteux; varieté qui donne vne grande beauté à cet vniuers. Il en est de mesme de l'homme, qui est selon le dire des anciens, vn abbregé du monde, car iamais il n'est en vn mesme estat. Et sa vie s'escoule, sur ceste terre comme les eaux, flottat & ondoyant en vne perpetuelle diuersité de mouuemens, qui tantost l'esseuent aux esperances, tantost l'abbaissent par la crainte, tantost le plient à droitte par la consolation:tantost à gauche par l'afflictio;

% iamais vne seule de ses iournees ny mesme vne de ses heures n'est entierement pareille à l'autre.

C'est vn grand aduertissement que celuy-cy; il nous faut tascher d'auoir vne continuelle & inuiolable egalité de cœur, en vne si grande inegalité d'accidens. Et quoy que toutes choses se tournent & varient diuersement autour de nous, il nous faut demeurer constamment immobiles, à tousiours regarder, tendre & pretendre à nostre Dieu. Que le nauire, prenne telle route qu'on voudra, qu'il single au ponant ou leuant, au midy ou septentrion, & quelque vet que ce soit qui le porte, iamais pourtat son eguille marine, ne regardera que la belle estoille, & le pole. Que tout se renuerse s'é dessus dessous; ie ne dis pas seulement autour de nous, mais ie dis en nous, c'est à dire, que nostre ame soit triste, ioyeuse.

ALA VIE DEVOTE. 557 se, en douceur, en amertume, en paix, en trouble, en clarté, en tenebres, en tétation, en repos, en goust, en desgoust, en secheresse, en tendreté; que le Soleil la brusse ou que la rosee la rafraichisse, ah! si faut-il pourtant qu'à iamais & tousiours, la pointe de nostre cœur, nostre esprit, nostre volonté superieure, qui est nostre bussole, regarde incessament, & tende perpetuellement, à l'amour de Dieu, son createur, son Sauueur, son vnique & souuerain bien: Ou que nous viuions, ou que nous mourions, dit l'Apostre, Si sommes nous à Dieu; qui nous separera de l'amour & charité de Dieu? non iamais riene nous separera de cet amours ny la tribulation, ny l'angoisse, ny la mort, ny la vie, ny la douleur presente, ny la crainte des accidens futurs, ny les artifices des malins esprits, ny la hauteur des consolatios, ny la profondité des afflictions, ny

la tédreté, ny la seicheresse, ne nous doit iamais separer de ceste saince charité qui est fondee en Iesus-Christ.

Ceste resolution si absoluë, de ne iamais abandonner Dieu, ny quitter son doux amour, sert de cotrepois à nos ames, pour les tenir en la saincte egalité, parmy l'inegalité des diuers mouuemens que la condition de ceste vie luy apporte. Car comme les auettes, se voyant surprises du vent en la campagne, embrasset des pierres, pour se pouuoir balançer en l'air, & n'estre pas si aisément transportees à la mercy de l'orage; ainsi nostre ame ayant viuement embrassé par resolution, le precieux amour de son Dieu, demeure constante parmy l'inconstance & vicissitude des consolations & afflictions tant spirituelles que temporelles, exterieures qu'inferieures.

Mais

A LA VIE DEVOTE. Mais outre ceste generale do-Arine, nous auons besoin de quelques documens particuliers. 1. Ie dy donc; Que la deuotion ne consiste pas en la douceur, suauité, cosolation & tendreré sensible du cœur, qui nous prouoque aux larmes, & souspirs, & nous donne vne certaine satisfaction agreable & sanoureuse, en quelques exercices spirituels. Non, chere Philothee, la deuotion & cela ne sont pas vne mesme chose. Car il y a beaucoup d'ames qui ont de ces tendretez & consolations, qui neantmoins ne laissent pas d'estre fort vicieuses, & par consequent n'ont aucun vray amour de Dieu, & beaucoup moins aucune vraye deuotion. Saul poursuiuant à mort le pauure Dauid, qui fuyoit deuant luy és desers d'Engaddi, entra tout seul en vne cauerne, en laquelle Dauid auec ses gens estoyet cachez: Dauid qui MOG

Aa 4

INTRODUCTION en ceste occasion l'eut peu mille fois tuer, luy dona la vie, & ne voulut seulement pas luy faire peur, ains l'ayant laissé sortir à son aise, l'appella par apres pour luy remonstrer son innocence, & luy faire cognoistre qu'il auoit esté à sa mercy. Or sur cela qu'est-ce que ne fit pas Saul, pour tesmoigner que so cœur estoit amolly enuers Dauid? Il le nomma son enfant, il se mit à pleurer tout haut, à le louër, à confesser sa debonnaireté, à prier Dieu pour luy, à presager sa future grandeur, & à luy recommander la posterité qu'il deuoit laisser apres soy. Quelle plus grande douceur & tendreté de cœur pouuoit-il faire paroistre? & pour tout cela neatmoins il n'auoit point changé son ame, ne laissant pas de continuer sa persecutio contre Dauid aussi cruellement qu'au parauant; ainsi se trouue-il des personnes qui considerans la bon a lake

A LA VIE DEVOTE. bonté de Dieu, & la passió du Sauueur, sentét des grands attendrissemens de cœur, qui leur font ietter des souspirs, des larmes, des prieres & actions de graces fort sensibles; si qu'on diroit qu'elles ont le cœur saisi d'vne bien grande deuotion: mais quand ce vient à l'essay; on trouue que comme les pluyes passageres, d'vn esté bien chaud, qui tumbant à grosses gouttes sur la terre, ne la penetrent point, ne seruent qu'à la production des chãpignons; ainsi ces larmes & tendretez tumbant sur vn cœur vicieux, & ne le penetrant point, luy sont tout à fait inutiles: car pour tout cela ces pauures gens ne quitteroyent pas vn seul liart du bie mal acquis qu'ils possedent; ne renonceroyent pas à vne seule de leurs peruerses affectios; & ne voudroiet pas auoir pris la moindre incommodité du monde, pour le service

562 INTRODUCTION du Sauueur, sur lequel ils ont pleuré; en sorte que les bons mouuemes qu'ils ont eu, ne sont que des certains champignons spirituels, qui non seulement ne sont pas la vraye deuotion, mais bien souuent sont des grandes ruses de l'ennemy, qui amusant les ames à ces menues cosolations, les fait demeurer contentes & satisfaictes en cela; à fin qu'elles ne cerchent plus la vraye & solide deuotion qui confiste en vne volonté constante, resoluë, prompte, & active d'executer ce que l'on sçair estre agreable à Dieu.

Vn enfant pleurera tendrement s'il void donner vn coup de lancette à sa mere qu'on saigne; mais si à mesme temps sa mere, pour laquelle il pleuroit, luy demade vne pomme, ou vn cornet de dragee qu'il tient en sa main, il ne le voudra nullement lascher. Telles sont la pluspart de nos tendres deuotions: yoyans

A LA VIE DEVOTE. 563 voyans donner vn coup de lance, qui transperce le cœur de Iesus-Christ crucifié, nous pleurons tendrement. Helas, Philothee, cest bie fait de pleurer sur ceste mort & passion douloureuse de nostre pere & Redempteur, mais pourquoy donc, ne luy donnons nous tout de bon, la pomme que nous auons en nos mains, & qu'il nous demande si instammer; à sçauoir nostre cœur, vnique pomme d'amour que ce cher Sauueur requiert de no? Que ne luy resignons nous, tant de menues affections, delectations, complaisances, qu'il veut nous arracher des mains, & ne peut, parce q c'est nostre dragee, de laquelle nous somes plus frians, que desireux de sa celeste grace? ah! ce sont des amitiez de petits enfans que cela; tendres, mais foibles, mais fantasques, mais sans effect; la deuotion doncques ne gist pas en ces tendretez

& sensibles affectios; ains quelquefois elles procedent de la nature,
qui est ainsi molle & susceptible de
l'impression qu'on luy veut doner:
quelquesois elles viennent de l'ennemy, qui pour nous amuser à cela,
excite nostre imagination à l'apprehension propre pour tels effects.

2. Ces tendretez, & affectueuses douceurs, sont neantmoins quelquefois tres-bonnes, & vtiles; car elles excitent l'appetit de l'ame, confortent l'esprit, & adjoustent à la promptitude de la déuotion, vne saincte gayeté & allegresse, qui réd nos actios belles & agreables mesmes en l'exterieur. C'est ce goust que l'on a és choses diuines, pour lequel Dauid s'escrioit, o Seigneur que vos paroles sont douces à mon palais! elles sont plus donces que le miel à ma bouche. Et certes la moindre petite consolation de deuotion que nous

A LA VIE DEVOTE. 565 nous receuons, vaut mieux de toute façon, que les plus excellentes recreations du monde. Les mammelles & le laict, cest à dire, les faueurs du diuin espoux, sont meilleures à l'ame que le vin le plus pretieux des plaisirs de la terre: qui en a gousté, tient tout le reste des autres consolations, pour du fiel & de l'absinthe. Et comme ceux qui ont l'herbe scitique en la bouche, en reçoiuent vne si extreme douceur, qu'ils ne sentent ny faim ny soif; ainsi ceux à qui Dieu a donné, cette manne celeste, des suauitez & consolations interieures, ne peuuent desirer ny receuoir les consolations du monde, pour au moins y prendre goust, & y amuser leurs affections. Ce sont des petits auangousts, des suauitez immortelles, que Dieu donne aux ames qui le cerchent; ce sont des grains sucrez, qu'il done à ses petits enfans, pour les

766 INTRODUCTION les amorcer; ce sont des eaux cordiales, qu'il leur presente, pour les conforter; & ce sont aussi quelquefois des arres des recompéses eternelles.On dit qu'Alexadre le grad, finglant en haute mer, descouurit premierement l'Arabie heureuse par l'assentiment qu'il eut des suaues odeurs, que le vent luy donoit; & sur cela se donna du courage & à tous ses compagnons; ainsi nous receuons souuent des douceurs & suauitez en cette mer de la vie mortelle, qui sans doute nous font presentir les delices de cette patrie heureuse & celeste, à laquelle nous tendons & aspirons.

qu'il y a des consolations sensibles qui sont bones & vienent de Dieu, & que neatmoins il y en a des inutiles, dangereuses, voire pernicieuses, qui viennent ou de la nature, ou mesme de l'ennemy; comment pou

A LA VIE DEVOTE. 567 pourray-ie discerner les vnes des autres, & connoistre les mauuaises ou inutiles entre les bonnes? C'est vne generale doctrine, tres-chere Philothee, pour les affectios & passions de nos ames, que nous les deuons cognoistre par leurs fruicts; nos cœurs sont des arbres, les affections & passions sont leurs branches, & les œuures ou actions sont les fruicts. Le cœur est bon, qui a de bonnes affections; & les affections & passions sont bonnes qui produisent en nous des bos effects & sainctes actions. Si les douceurs, tendretez, & consolations, nous rendent plus humbles, paties, traitables, charitables, & compatissans à l'endroit du prochain; plus feruens à mortifier nos concupiscences & mauuaises inclinations; plus constas en nos exercices; plus maniables & souples à ceux à qui nous deuons obeir; plus simples en no-Are

668 INTRODUCTION stre vie:sas doute, Philothee, quelles sont de Dieu: mais si ces douceurs n'ot de la douceur que pour nous; & qu'elles nous rendent, curieux, aigres, pontilleux, impatiens, opiniastres, fiers, presomptueux, durs, à l'endroit du prochain; & que pensans des-ja estre des petits faincts, nous ne voulions plus estre sujets à la direction, ny à la correction; indubitablement ce sont des consolations fausses & pernicieuses. Vn bon arbre ne produit que des bons fruicts.

douceurs, & consolations, il nous faut beaucoup humilier, deuant Dieu; gardons nous bien de dire pour ces douceurs, ô que ie suis bon: non, Philothee, ce sont des bies qui ne nous rendent pas meilleurs; car comme i'ay dit la deuotion ne consiste pas en cela: mais disons, ô que Dieu est bon à ceux

A LA VIE DEVOTE. 569 qui esperent en luy, à l'ame qui le recerche. Qui a le sucre en bouche, ne peut pas dire, que sa bouche soit douce, mais ouy bien que le sucre est doux : ainsi encor que cette douceur spirituelle est fort bonne, & Dieu qui nous la donne est tres-bon; il ne s'ensuit pas que celuy qui la reçoit soit bon. 2. Cognoissons que nous sommes encor des petits enfans, qui auons besoin du laict, & q ces grains sucrez nous sont donnez, parce que nous auos encor l'esprit tendre & delicat, qui a besoin d'amorces & d'appasts, pour estre attiré à l'amour de Dieu. 3. Mais apres cela, parlant generalement & pour l'ordinaire, receuos humblemet ces graces & faueurs, & les estimos extremement grandes, non tant parce qu'elles le sont en elles mesme, comme parce que c'est la main de Dieu qui nous les met au cœur; come feroit vne mere qui

INTRODUCTION re qui pour amadoüer son enfant, luy mettroit elle mesme les grains de dragee en bouche, l'vn apres l'autre; car si l'enfant auoit de l'esprit; il priseroit plus la douceur de la mignardise, & caresse, q sa mere luy fait, que la douceur de la dragee mesme. Et ainsi c'est beaucoup Philothee, d'auoir des douceurs, mais c'est la douceur des douceurs, de cossderer que Dieu de sa main amoureuse, & maternelle, les nous met en la bouche, au cœur, en l'ame, en l'esprit. 4. Les ayant receües ainsi humblement, employons les soigneusement selon l'intétion de celuy qui les nous donc. Pourquoy pensons nous que Dieu nous donne ces douceurs; pour nous rendre doux, enuers vn chacun & amoureux enuers luy. La mere donne la dragee à l'enfant, affin qu'il la baise: baisons donc ce Sauueur qui nous caresse par ses consolations: inp or

A LA VIE DEVOTE. 571 or baiser le Sauueur, cest luy obeir; garder ses commandemens, faire ses volontez, suiure ses desirs, bref l'embrasser tendremet auec obeissance & fidelité. Quand doc nous aurons receu quelque consolation spirituelle, il faut ce iour là se rendre plus diligens à bien faire: & à nous humilier. 5. Il faut outre tout cela, renoncer de temps en temps, àtelles douceurs, tédretez, & consolations, separans nostre cœur d'icelles,& protestans, que encor que nous les acceptons humblement, & les aymos, parce que Dieu nous les enuoye, & qu'elles nous prouoquét à son amour; ce ne sont neatmoins pas elles, que nous cerchos, mais Dieu, & son sainct amour; no la consolation, mais le consolateur, non la douceur, mais le doux Sauueur, non la tendreté, mais celuy qui est la suauité du ciel & de la terre. Et en cette affectionous nous deuons

INTRODUCTION deuos disposer à demeurer fermes au sainct amour de Dieu, quoy que de nostre vie nous ne deussios iamais auoir aucune consolation; & de vouloir dire, egalement sur le mont Caluaire, comme sur celuy de Thabor; ô Seigneur, il m'est bon destre auec vous, ou que vous soyez en croix, ou que vous soyez en gloire!6.Finalemet, ie vous aduertis que s'il vous arriuoit quelque notable abondance de telles consolations, tendretez, larmes, & douceurs, ou quelque chose d'extraordinaire en icelles, vous en conferiez fidelement auec vostre coducteur, affin d'apprendre comme il s'y faut moderer & comporter. Car il est escrit: As-tu treuué le miel, mangez-en ce qui fuffit.

Des secheresses & sterilitez spirituelles.

CHAP. 14.

Vous

A LA VIE DEVOTE. Ous ferez donc ainsi que ie vous viens de dire, treschere Philothee, quand vous aurez des consolations. Mais ce beau temps si agreable, ne durera pas tousiours, ains il aduiendra que quelquefois vous serez tellement priuce & destituee du sentiment de la deuotion, qu'il vous sera aduis que vostre ame soit vne terre deserte, infructueuse, sterile, en laquelle il n'y ait ny sentier ny chemin, pour trouuer Dieu ny aucune eau de grace qui la puisse arrouser à cause des secheresses, qui, ce semble, la reduiront totalement en friche. Helas! que l'ame qui est en cet estat est digne de compassion; & sur tout quand ce mal est vehement; car alors à l'imitation de Dauid, elle se repaist de larmes iour & nuict, tandis que par mille suggestions, l'ennemy pour la desesperer, se mocque d'elle, & luy dit. dit; ah pauurette! où est ton Dieu! par quel chemin, le pourras-tu trouuer? qui te pourra iamais rendre la ioye de sa saincte grace?

Que ferez-vous donc en ce tépslà, Philothee? prenez garde d'ou le mal vous arriue. Nous sommes souuent nous mesmes la cause de nos sterilitez & secheresses. 1. Come vne mere, refuse le sucre à son enfant, qui est sujet aux vers: ainsi Dieu nous oste les consolations, quand nous y prenos quelque vaine complaisance, & que nous sommes sujets aux vers de l'outrecuydance; il m'est bon, ô mon Dieu, que vous m'humiliez; ouy!car auat que ie fusse humilié, ie vous auois offencé.2. Quand nous negligeos de recueillir les suauitez & delices de l'amour de Dieu, lors qu'il en est temps; il les escarte de nous, en punition de nostre paresse. L'Israëlite qui n'amassoit la mane de bon matin,

A LA VIE DEVOTE. matin, ne le pouuoit plus faire apres le soleil leué, car elle se treuuoit toute fondue. 3. Nous sommes quelquefois couchez dans le list des contentemens sensuels, & consolations perissables, comme estoit l'espouze sacree, és Cantiques; l'espoux de nos ames bucque à la porte de nostre cœur, il nous inspire, de nous remettre à nos exercices spirituels; mais nous marchandons auec luy, d'autant qu'il nous fasche de quitter ces vains amusemens,& de nous separer de ces faux contentemens: c'est pourquoy il passe outre, & nous y laisse croupir; puis quand nous le voulons cercher, nous auons beaucoup de peine à le treuuer, aussi l'auons nous bie merité, puisque nous auons esté si infidelles & desloyaux à son amour, que d'en auoir refusé l'exercice, pour suyure celuy des choses du monde ah! vous auez donc de la colle farine

INTRODUCTION farine d'Egypte; vous n'aurez donc point de la mane du ciel; les abeilles haissent toutes les odeurs artificielles, & les suauitez du S. Esprit, sont incompatibles auec les delices artificieuses du mode.4. La duplicité & finesse d'esprit, exercee és confessions, & communications spirituelles q lo fait auec son coducteur, attire les secheresses & sterilitez; puisque vous mêtez au sainct Esprit, ce n'est pas merueilles s'il vous refuse sa consolation; vous ne voulez pas estre simple & naïf come vn petit enfant, vous n'aurez donc pas la dragee des petitsenfans.5. Vous vous estes bien soulce des contentemens mondains, ce n'est pas merueille si les delices spirituelles vous sont à degoust; les colombes ja soulez, dit l'ancien Prouerbe, treuuent ameres les cerises. Il a remply, de biens, dit nostre Dame, les affamez & les riches

A LA VIE DEVOTE. ches il les a laissé vuides; ceux qui sont riches des plaisirs mondains, ne sont pas capables des spirituels. 6. Auez vous bien conserué les fruicts des consolations receües? Vous en aurez donc des nouuelles; Carà celuy qui a, on luy en donera dauantage, & à celuy qui n'a pas ce qu'on luy a doné, mais qui l'aperdu par sa faute, on luy osteramesme ce qu'il n'a pas, c'est à dire, on le priuera des graces qui luy estoiet preparees. Il est vray, la pluye viuisie les plantes qui ont de la verdeur, mais à celles qui ne l'ont point, elle leur oste encor la vie qu'elles n'ont point, car elles en pourrissent tout àfait; pour plusieurs telles causes nous perdons les consolations deuotienses, & tumbos en seicheresse & sterilité d'esprit. Examinons donc nostre conscience, si nous remarqueros en nous quelques semblables defauts. Mais, notez Philo-

INTRODVCTION 578 thee, qu'il ne faut pas faire cet examen, auec inquietude & trop de curiosité, ains apres auoir sidellement confideré nos deportemens pour ce regard, si nous treuuons la cause du mal en nous, il en faut remercier Dieu, car le mal est à moitié guery, quand on a descouuertsa cause. Si au cotraire vous ne voyez rien en particulier, qui vous semble auoir causé ceste seicheresse, ne vous amusez point à vne plus curieuse recerche; mais auec toute simplicité sans plus examiner aucune particularité, faites ce que ie vous diray. point a consultation

deuant Dieu, en la connoissance de vostre neant, & misere; helas, qu'est-ce que de moy, quad ie suis à moy-mesme? non autre chose, ô Seigneur, sino vne terre seiche, laquelle creuassee de toutes parts, tesmoigne la soif qu'elle a de la pluye

A LA VIE DEVOTE. 579 pluye du ciel, & cependant le vent la dissipe & reduit en poussière. 2. inuoquez Dieu, & luy demandez son allegresse. Redez moy, à Seigneur, l'allegresse de vostre salut. Mon pere s'il est posible transportez ce calice de moy. Ostes-toy d'icy, ô bize infructueuse, qui desseiches mon ame, & venez, ô gracieux vent des consolations, & soufflez dans mon iardin, & ses bones affections respadront l'odeur de suauité. 3. Allez à vostre confesseur, ouurez luy bien vostre cœur, faites luy bien voir tous les replis de vostre ame, prenez les aduis qu'il vous donnera auec grade simplicité & humilité, car Dieu qui ayme infiniment l'obeissance, rend souuent vtiles les conseils que l'on prend d'autruy, & sur tout des conducteurs, des ames, encor que d'ailleurs il n'y eut pas grande apparence; comme il rendit proffitables à Naaman les eaux du Iour-MOIL

dain, desquelles Helisee, sans aucune apparence de raison humaine, luy auoit ordonné l'vsage.

4. Mais apres tout cela, rien n'est si vtile, rien si fructueux en telles seicheresses, & sterilitez, que de ne point s'affectionner & attacher au desir d'en estre deliuré. Ie ne dis pas qu'on ne doiue faire des simples souhaits de la deliurance, mais ie dis qu'on ne s'y doit pas affe-&ionner, ains se remettre à la pure mercy de la speciale prouidéce de Dieu, affin que tant qu'il luy plairra, il se serue de nous, entre ces espines & parmy ces desers; disons donc à Dieu en ce temps là,0 Pere, s'il est possible transportez, de moy ce calice; mais adjoustons aussi, de grand courage; toutefois non ma voloté, mais la vostre soit faitte; & arrestons nous à cela, auec le plus de repos que nous pourrons; car Dieu nous voyant en ceste saincte indifference, nous

A LA VIE DEVOTE. 581 nous consolera de plusieurs graces & faueurs, comme quand il vid Abraha resolu de se priuer de son enfant Isaac, il se cotenta de le voir indifferent en cette pure resignation; le consolant d'vne vision tresagreable, & par des tres douces benedictions. Nous deuons donc en toutes sortes d'afflictions tant corporelles que spirituelles, & quelles distractions ou soustractions de la deuotion sensible qui nous arrivét, dire de tout nostre cœur, & auec vne profonde sousmission, Le Seigneur ma donné des consolations, le Seigneur me les a ostees, son sainct nom soit beny; Car perseuerans en cette humilité il nous rendra ses delicieuses faueurs, comme il sit à Iob qui vsa constamment de pareilles paroles, en toutes ses desolations.

5. Finalement, Philothee, entre toutes nos seicheresses sesterilitez, ne perdons point courage, mais at-

INTRODVCTION tendans en patience, le retour des consolations, suiuons tousiours nostre train; ne laissons point pour cela aucũ exercice de deuotion, ains s'il est possible, multiplios nos bonnes œuures, & ne pouuas preseter à nostre cher espoux, des cofitures liquides, presentons luy-en des seiches; car ce luy est tout vn, pourueu que le cœur qui les luy offre, soit parfaittement resolu de le vouloir aymer. Quand le printemps est beau, les abeilles font plus de miel & moins de mouchons, parce qu'à la faueur du beau temps, elles s'amusent tant à faire leur cueillette sur les fleurs, qu'elles en oublient la production de leurs nymphes. Mais quand le printemps est aspre & nubileux, elles font plus de nymphes & moins de miel; car ne pouuant pas sortir pour faire la cueillettedu miel, elles s'emploient à se peupler, & multiplier leur race. Il

A LA VIE DEVOTE. 583 arriue maintefois, ma Philothee, que l'ame se voyant au beau printemps des cosolations spirituelles, s'amuse tant à les amasser, & succer, qu'en l'abondance de ces douces delices, elle fait beaucoup moins de bonnes œuures; & qu'au cotraire, parmy les aspretez, & sterilitez spirituelles, à mesure qu'elle se void priuce des sentimés agreables, de la deuotion, elle en multiplie d'autant plus les œuures solides, & abonde en la generation interieure des vrayes vertus, de patience, humilité, abjection de soymesme, resignation, & abnegation de son amour propre.

C'est donc vn grad abus de plusieurs, & notamment des semmes, de croire que le service que nous faisons à Dieu, sans goust, sans tendreté de cœur, & sans sentiment, soit moins agreable à sa divine majesté, puis qu'au cotraire nos actios

INTRODUCTION sont come les roses, lesquelles bien qu'estant fresches elles ont plus de grace; estans neantmoins seiches, elles ont plus d'odeur & de force. Car toute de mesme bien que nos œuures faittes auec tendreté de cœur, nous soient plus agreables, à nous dis-je qui ne regardons qu'à nostre propre delectation; si est ce qu'estat faites en seicheresse & sterilité, elles ont plus d'odeur & de valeur deuant Dieu. Ouy, chere Philothee, en temps de seicheresse nostre volonté nous porte au seruice de Dieu, comme par viue force, & par consequent il faut qu'elle soit plus vigoureuse, & constante qu'en temps de tendreté. Ce n'est pas grand cas de seruir vn Prince en la douceur d'vn temps paisible, & parmy les delices de la Cour: mais de le seruir, en l'aspreté de la guerre, parmy les troubles & persecutions, c'est vne vraye marque of the second and all de

A LA VIE DEVOTE. 185 de constance & fidelité. La B. Angele de Foligny, dit que l'oraison, la plus agreable à Dieu, est celle qui se fait par force & contrainte; c'est à dire, celle à laquelle nous nous rangeons, non point pour aucun goust que nous y ayons, ny par inclination, mais purement pour plaire à Dieu, à quoy nostre volonté, nous porte, comme à contrecœur, forçant & violentant, les seicheresses repugnaces qui s'opposent à cela. I'en dis de mesme de toutes sortes de bones œuures, car plus nous auons de contradiction soit exterieure soit interieure à les faire, plus elles sont estimees & prisees deuant Dieu. Moins il y a de nostre interest particulier en la poursuitte des vertus, plus la pureté de l'amour diuin y reluit : l'enfant baise aysement sa mere, qui luy done du sucre, mais c'est signe qu'il l'ayme grandemet s'il la baise 21100.

apres qu'elle luy aura donné de l'absinthe ou du chicotin.

Confirmation & esclarsissement de ce qui a esté dit par un exemple notable.

· CHAP. 15.

Ais pour rédre toute certe instructió plus euidente, ie veux mettre icy vne excellente piece de l'histoire de sainct Bernard, telle que ie l'ay treuuee en vn docte & indicieux escriuain, il dit donc ainsi. C'est chose ordinaire à presque rous ceux qui commencent à seruir Dieu, & qui ne sont encor point experimétez és soustractions de la grace, ny és vicissitudes spirituelles, que leur venant à manquer ce goust de la deuotion sensible, & cette agreable lumiere, qui les inuite à se haster au chemin de Dieu; ils perdet tout à coup l'haleine, & tübent en pusillanimité & tristesse de cœur. Les gens bien entendus en rédent cette

A LA VIE DEVOTE. cette raison, que la nature raisonnable ne peut longuement durer affamee, & sans quelque delectario ou celeste ou terrestre. Or come les ames, releuces au dessus d'elles mesmes par l'essay des plaisirs, superieurs renocet facilemet aux objects visibles; ainsi quand par la disposition diuine, la ioye spirituelle leur est ostee; se treuuat aussi d'ailleurs priuees, des consolations corporelles; & n'estant encor point accoustumees, d'attendre en parience les retours du vray soleil; il leur semble qu'elles ne sont plus au ciel ny en la terre, & qu'elles demeureront enseuelies en vne nuict perpetuelle; si que comme petits enfançons qu'on seure, ayans perdus leurs mammelles, elles languissent & gemissent, & deuiennent ennuyeux & importuns, principalemet à elles mesmes. Cecy donc arriua au voyage duquel il est que-

Bb 6

188 INTRODUCTION stion à l'vn de la trouppe, nommé Geoffroy de Peronne, nouuellement dediéau seruice de Dieusiceluy, rendu soudainement aride, destitué de consolation, & occupé de tenebres interieures; commença à se ramanteuoir de ses amis mondains, de ses parens, des facultez qu'il venoit de laisser; au moyen dequoy il fut assailly d'vne si rude tentation, que ne pouuant la celer en son maintie, vn de ses plus confidens s'en apperceut; & l'ayant dextrement accosté auec douces paroles, luy dit en secret. Que veut dire cecy Geoffroy? comment estce que contre l'ordinaire tu te rens si pensif & affligé? alors Geoffroy auec vn profond souspir, ah mon frere, respondit-il, iamais, de ma vie ie ne seray ioyeux. Cer autre, esmeu de pitié, par telles paroles, auec vn zele fraternel, alla foudain reciter tout cecy au comun pere, S.Ber

A LA VIE DEVOTE. S.Bernard, lequel voyant le dager, entra en vne Eglise prochaine, affin de prier Dieu pour luy, & Geoffroy cependant, accablé de la tristesse, reposant sa teste sur vne pierre, s'endormit. Mais apres vn peu dè temps, tous deux se leuerent, l'vn de l'oraison, auec la grace impetree, & l'autre du sommeil auec vn visage si riant & serin, que son cher amy, s'esmerueillant d'vn si grand & soudain changement, ne se peut contenir de luy reprocher amiablement, ce que peu auparauant il luy auoit respondu; alors Geoffroy luy repliqua, si auparauant ie te dis que iamais ie ne serois ioyeux, maintenant ie t'asseure que ie ne seray iamais triste.

Tel fut le succez de la tentation de ce deuot personnage: mais remarquez en ce recit, chere Philothee. 1. Que Dieu donne ordinairemet quelques auangoust des de-

lices

INTRODUCTION lices celestes, à ceux qui entrent à son service, pour les retirer des voluptez terrestres, & les encourager à la poursuite du diuin amour come vne mere qui pour amorcer & attirer son petit enfant à la mammelle, met du miel sur le bout de son tetin. 2. Que c'est neantmoins aussi ce bon Dieu, qui quelquefois selon sa sage disposition, nous oste le laict & le miel des consolations, à fin que nous seurant ainsi, nous apprenions à manger le pain sec & plus solide, d'vne deuotion vigoureuse, exercee à l'espreuue des degousts & tentations. 3. Que quelquefois des biens grandes tentations s'esseuent parmy les seicheresses & sterilitez; & lors, il faut costamment combattre les tentatios, car elles ne sont pas de Dieu, mais il faut souffrir patiemment les seicheresses puis que Dieu les a ordonnées pour nostre exercice. 4.

ALA VIE DEVOTE. 591 Que nous ne deuons iamais perdre courage entre les ennuys interieurs, ny dire, comme le bő Geoffroy, iamais ie ne seray iouyeux; car emmy la nuiet, nous deuons attendre la lumiere: & reciproquemene au plus beau temps spirituel que nous puissions auoir, il ne faut pas dire, ie ne seray iamais ennuye, no; car come dit le Sage, és iours heureux, il se faut resouuenir du malheur. Il faut esperer entre les trauaux, & craindre entre les prosperitez: & tant en l'vne des occasions qu'é l'autre, il se faut tousiours humilier. 5. Que c'est vn souuerain remede de descouurir son mal à quelque amy spirituel qui nous puisse soulager.

En sin pour conclusion de cet aduertissement, qui est si necessaire ie remarque que, comme en toutes choses, de mesme en celles-cy nostre bon Dieu, & nostre ennemy

INTRODUCTION ont aussi des contraires pretétions: car Dieu nous veut conduire par icelles à vne grade pureté de cœur, à vn entier renoncement de nostre propre interest, en ce qui est de son seruice, & à vn parfait despouillement de nous mesmes; mais le malin tasche d'employer ces trauaux, pour nous faire perdre courage, pour nous faire rerourner du costé des plaisirs sensuels, & en sin nous rendre ennuyeux à nous mesmes & aux autres; à fin de descrier, & diffamer la saincte deuotion. Mais si vous obseruez les enseignemens que ie vous ay donez, vous accroistrez grandement vostre perfection en l'exercice que vous ferez entre ces afflictions interieures; desquelles ie ne veux pas finir le propos, que ie ne vous die encor ce mot. Quelquefois les degousts, les sterilitez & secheresses, prouuiennent de l'indisposition du corps, comme quand

A LA VIE DEVOTE. 593 quand par l'excez des veillees, des trauaux, des ieusnes, on se trouue accablé de lassitudes, d'assoupissemens, de sommeil, de pesanteurs, & autres telles infirmitez; lesquelles, bien qu'elles dependent du corps, ne laissent pas d'incommoder l'esprit, pour l'estroitte lyaison qui est entre'eux. Or en telles occasions il faut toussours se ressouuenir de faire plusieurs actes de vertu, auec la pointe de nostre esprit & volonté superieure; car encor que toute nostre ame semble dormir & estre accablee d'assoupissement & lassitude, si est-ce que les actions de nostre esprit, ne laisset pas d'estre fort agreables à Dieu. Et pouvons dire en ce temps-là comme l'espouse sacree, Ie dors, mais mon cœur veille. Et comme i'ay dit cy-dessus, s'il y a moins de goust à trauailler de la sorte, il y a pourtant plus de merite & de vertu; mais le remede en cefte

194 Introduction ste occurrence c'est de reuigorer le

corps par quelque sorte de legitime allegement & recreation. Ainsi sainct François, ordonnoit à ses re-

ligieux qu'ils fussent tellemet moderez en leurs trauaux, qu'ils n'ac-

cablassent pas la ferueur de l'esprit.

Et à propos de ce glorieux Pere, il fut vne fois attaqué & agité d'vne si profonde melacholie d'esprit, qu'il ne pouuoit s'empescher de le tesinoigner en ses deportemens; car s'il vouloit conuerser auec ses religieux il ne pouuoit; s'il s'en separoit, il estoit pis; l'abstinence & maceration de la chair l'accabloier; & l'oraison ne l'allegeoit nullemet: il fut deux ans en ceste sorte: tellement qu'il sembloit estre du tout abandonné de Dieu: mais en fin apres auoir humblement souffert ceste rude tempeste, le Sauueur luy redonna en vn moment vne heureuse tranquillité. C'est pour dire

que les plus grands serviteurs de Dieu, sont sujets à ces secousses, & que les moindres ne doiuent s'estonner s'il leur en arrive quelques vnes.

CINQVIESME PARTIE de l'Introduction, contenant des exercices & aduis, pour renouveller l'ame, & la confirmer en la deuotion.

Qu'il faut chasque annee, renouveller les bons propos, par des exercices suivans.

CHAP. I.

E premier point de ces exercices, cossiste à bien recognoistre leur importance. Nostre nature humaine decheoit aisément de ses bonnes affections, à cause de la fragilité & mauuaise inclination de nostre chair, qui appesantit l'ame, & la tire tousiours contre bas, si elle ne s'esseue souuent en haut à vi-

796 INTRODUCTION ue force de resolutios; ainsi que les oyseaux retumbent soudain en terre, s'ils ne multiplient les essancemes & traicts d'aisle, pour se maintenir au vol. Pour cela, chere Philothee, vous auez besoin de reiterer & repeter fort souuent les bons propos que vous auez fait, de seruir Dieu, de peur que ne le faisant pas, vous ne retumbiez en vostre premier estat, ou plustost en vn estat beaucoup pire: car les cheuttes spirituelles ont cela de propre, qu'elles nous precipitent tousiours plus bas, que n'estoit l'estat duquel nous estions montez en haut à la deuotion. Il n'y a point d'horloge, pour bon qu'il soit, qu'il ne faille remonter, ou bander deux fois le iour, au matin & au soir: & puis outre cela, il faut qu'au moins vne fois l'annee on le demonte de toutes pieces, pour oster les rouilleures, qu'il aura cotractees: redresser les pieces for-

A LA VIE DEVOTE. cees, & reparer celles qui sot vsees: Ainsi celuy qui a vn vray soin de son cher cœur, doit le remonter en Dieu au soir & au matin, par les exercices marquez cy-dessus:&outre cela il doit plusieurs fois considerer son estat, le redresser & accomoder; & en fin au moins vne fois l'annee, il le doit demonter, & regarder par le menu toutes les pieces, c'est à dire toutes les affections & passions d'iceluy, à fin de reparer tous les desfauts, qui y peuuent estre. Et comme l'horloger oinct auec quelque huile delicate, les rouës, les ressorts, & tous les mouuans de son horloge, à fin que les mouuemens se facent plus doucement, & qu'il soit moins sujet à la rouilleure; ainsi la personne deuote, apres la prattique de ce demontement de son cœur, pour le bien renouueller, le doit oindre par les Sacremens de cofession, & de l'Eucha charistie: cet exercice reparera vos forces abbatues par le temps, eschaussera vostre cœur, fera reuerdir vos bons propos,& resleurir les vertus de vostre esprit.

Les anciens chrestiens le prattiquoyent soigneusement au iour anniuersaire du baptesme de nostre Seigneur, auquel, comme dit sain & Gregoire Euesque de Nazianze, ils renouuelloyent la profession & les protestations, qui se font en ce Sacrement: faisons—en de mesme, ma chere Philothee, nous y disposant tres-volontiers, & nous y employás fort serieusement.

Ayant donques choisi le temps conuenable, selon l'aduis de vostre pere spirituel, & vous estant vn peu plus retiree en la solitude, & spirituelle, & reelle, que l'ordinaire, vos ferez vne, ou deux, ou trois meditations sur les poincts suiuans, selon la methode que ie vous ay don-

A LA VIE DEVOTE.

nee en la seconde partie.

Considerations sur le benefice que Dieu nous fait, nous appellant à son seruice, selon la protestatio mise cy-dessus.

CHAP. 2.

Onsiderez les points de vostre protestation: le premier c'est d'auoir quitté, rejetté, detesté, renocé pour iamais tout peché mortel; le secod c'est d'auoir dedié & consacré vostre ame, vostre cœur, vostre corps, auec tout ce qui en depend à l'amour & seruice de Dieu:le troisiéme c'est que s'il vous arriuoit de tuber en quelque mauuaise action, vous vous en releuiez soudainemet, moyennant la grace de Dieu: mais ne sont-ce pas là des belles, iustes, dignes & genereuses resolutions? Pesez bien en vostre ame, combien ceste protestation est saincte, raisonnable, & desirable.

2. Considerez à qui vous auez faicte

faicte ceste protestation, car c'est à Dieu: si les paroles raisonnables données aux hommes nous obligent estroittement, combien plus celles que nous auons données à Dieu? ah Seigneur, disoit Dauid, c'est à vous, à qui mon cœur l'a dit: mon cœur a projetté ceste bonne parolle: non iamais ie ne l'oublieray.

3. Considerez en presence de qui: car ç'a este à la veuë de toute la Cour celeste: helas la saince vierge, sain& Ioseph, vostre bon Ange, sain& Louys, toute ceste beniste troupe vous regardoit, & souspiroit sur vos paroles, de souspirs, de ioye & d'approbation; & voyoit des yeux d'vn amour indicible, vostre cœur prosterné au pied du Sauueur, qui se consacroit à son seruice: on fit vne ioye particuliere pour cela parmy la Ierufalem celeste,& maintenant on en fera la comemoration, si de bon cœur vous

renou

A LA VIE DE VOTE. 601 renouuellez vos resolutions.

4. Considerez par quels moyens vous fistes vostre protestation; helas combien Dieu vous fut doux & gratieux en ce temps-là; mais dites en verité, fustes vous pas conuiee par des doux attraits du sain& Esprit? les cordes auec lesquelles Dieu tira vostre petite barque à ce port salutaire, furent-elles pas d'amour & charité?comme vous allail amorçant auec son sucre diuin, par les Sacremens, par la lecture, par l'oraison? Helas! chere Philothee, vous dormiez, & Dieu veilloit sur vous, & pensoit sur vostre cœur des pensees de paix: il meditoit pour vous des meditations d'amour.

5. Considerez en quel téps Dieu vous tiras ces grandes resolutions, car ce sut en la sleur de vostre aage; ah! quel bon-heur d'apprédre tost, ce q nous ne pouvons sçavoir que

Cc

INTRODUCTION 602 trop tard. S. Augustin ayant estétiré à l'aage de trente ans, s'escrioit, O ancienne beauté, comme t'ay-ie si tard cognue? helas ie te voyois, & ne te considerois point! Et vous pourrez bien dire,ô douceur anciene, pourquoy ne t'ay-ie plustost sauource? helas neantmoins encore ne le meritiezvous pas alors: & partat recognoissant quelle grace Dieu vous a fait, de vous attirer en vostre ieunesse, dites auec Dauid, O mon Dieu, vous m'auez esclairee & touchee dés ma ieunesse, & iusques à iamais i'annonceray vostre misericorde. Que si c'a esté en vostre vieillesse, helas, Philothee, qu'elle grace, qu'apres auoir ainsi abusé des annees precedétes, Dieu vous ait appellé auant la mort, & qu'il ait arresté la course de vostre misere, au temps auquel, si elle eut continué, vous estiez eternellement miserable.

Considerez les effects de ceste voca

A LA VIE DEVOTE. 603 vocation, vous treuuerez, ie pense, en vous de bons changemens, comparant ce que vous estes, auec ce que vous estiez. Ne prenez vous point à bon-heur, de sçauoir parler à Dieu par l'oraison? d'auoir affection à le vouloir aimer? d'auoir accoisé & pacifié beaucoup de passions, qui vous inquietoiet? d'auoir euité plusieurs pechez, & embarrassemens de conscience? Et en sin d'auoir si souuent communié de plus, que vous n'eussiez pas fait, vous vnissant à ceste souueraine source des graces eternelles? ah! que ces graces sont grandes; il faut, ma Philothee, les peser au poids du sanctuaire: c'est la main dextre de Dieu qui a fait tout cela. La bonne main de Dieu, dit Dauid, afait vertu, sa dextre ma releué; ah! ie ne mourray pas, mais ie viuray, & raconteray de cœur, de bouche, & par œuures les merueilles de sabonté.

604 INTRODUCTION

Apres toutes ces considerations, lesquelles come vous voyez, fournissent tout plein de bonnes affections, il faut simplement conclurre par actio de graces, & vne priere affectionnee d'en bien proffiter; se retirant auec humilité & grande consiance en Dieu, reservant de faire l'effort des resolutions apres le deuxiesme poinct de cet exercice.

De l'exame de nostre ame sur son auancement en la vie deuote. CHA. 3.

Esecond poinct de l'exercice est vn peu long, & pour le
prattiquer ie vous diray qu'il
n'est pas requis que vous le faciez
tout d'vne traitte, mais à plusieurs
fois: comme prenant ce qui regarde vostre deportemét enuers Dieu
pour vn coup, ce qui vous regarde
vous mesme pour l'autre, ce qui
concerne le prochain pour l'autres
& la consideratio des passios pour

A LA VIE DEVOTE. 605 le quatrieme. Il n'est pas requis ny expediét que vous faciez à genoux sinon le commencemet & à la fin, qui comprend les affections. Les autres poincts de l'examé, vous les pouuez faire vtilement en vous promenant, & encor plus vtilemet au lict, si paraduenture vous y pouuez estre quelque téps sans assoupissement & bien esueillee: mais pour ce faire il les faut auoir bien leu auparauant. Il est neantmoins requis de faire tout ce secod poinct en trois iours, & deux nuicts pour le plus, prenant de chasque iour & de chasque nuict quelque heure, ie veux dire quelque temps, selon que vous pourrez. Car si cest exercice ne se faisoit qu'en des temps fort distas les vns des autres, il perdroit sa force, & donneroit des impressions trop lasches. Apres chasque poinct de l'examen vous remarquerez en quoy vous voº treuobyol angle Comson

606 INTRODUCTION uez amédee, & en quoy vous auez du defaut, & quels principaux detraquemens vous auez ressentis, à fin de vous en declarer pour prendre conseil, resolution, & confortement d'esprit, bien qu'és iours que vous ferez cest exercice & les autres, il ne soit pas requis de faire vne absoluë retraitte des conuersations, si faut-il en faire vn peu, sur tout deuers le soir, à fin que vous puissiez gaigner le lict de meilleure heure, & prendre le repos de corps & d'esprit, necessaire à la cosideration. Et parmy le iour il faut faire des frequentes aspirations en Dieu, à nostre Dame, aux Anges, à toute la Hierusalem celeste; Il faut encor que le tout se face d'vn cœur amoureux de Dieu, & de la perfection de vostre ame. Pour doncques bien comencer cest examen.

Mettez vous 1. en la presence

de Dieu. mov vous ne sor

2. Inuoquez le S. Esprit, luy de-

A LA VIE DEVOTE. 607 mandat l'umiere & clarté, à fin que vous puissiez bien cognoistre, auec S. Augustin, qui s'escrioit deuant Dieu en esprit d'humilité, o Seigneur, que ie vous cognoisse, & que ie me cognoisse. Et S. François qui interrogeoit Dieu, disant, Quiestes vous, & qui suis-ie?

Protestez de ne vouloir remarquer vostre aduancement pour vous en resiouyr en vous mesme, mais pour vous en resiouyr en Dieu, ny pour vous en glorisser, mais pour glorifier Dieu, & l'en remercier.

Protestez que si comme vous pensez, vous descouurez d'auoir peu proffité, ou bien d'auoir reculé, vous ne voulez nullement pour tout cela vous abbatre, ny refroidir par aucune sorte de descouragement ou relaschement de cœur, ains qu'au contraire vous voulez vous encourager & animer d'auatage, vous humilier, & remedier

Cc 4

608 INTRODUCTION aux defauts, moyennant la grace de Dieu.

Cela fait considerez doucement & tranquillement comme iusques à l'heure presente vous vous estes comportee enuers Dieu, enuers le prochain, & à l'endroit de vous mesme.

Examen de l'estat de nostre ame enuers Dieu. CHAP. 4.

Vel est vostre cœur contre le peché mortel? auez-vous vne resolution forte de ne le iamais commettre pour quelque chose qui puisse arriver? Et ceste resolution a-elle duré de vostre protestation iusques à present? En ceste resolution consiste le fondemet de la vie spirituelle.

2. Quel est vostre cœur à l'édroit des Commandemens de Dieu? les trouvez-vous bons, doux, agreables ? ah! ma fille, qui a le goust en bon estat & l'estomach sain, il aime

les bonnes viandes & rejette les mauuaises.

droit des pechés veniels? on ne squiroit se garder d'en faire quelqu'vn par cy, par là, mais y en a-il point auquel vous ayez vne speciale inclination? & ce qui seroit le pis, y en a-il point auquel vous ayés affection & amour?

Quel est vostre cœur à l'endroit des exercices spirituels? les aymezvous? les estimez-vous? vous facher-ils point?en estez-vous point desgoustee? auquel vous sentesvous moins ou plus inclinee? ouir la parolle de Dieu, la lire, en deuiser, mediter, aspirer en Dieu, se cosesser, prendre les aduis spirituels, s'apprester à la communion, se comunier, restreindre ses affections, qu'y a-il en cela qui repugne à vostre cœur? Et si vous treuuez quelque chose à quoy ce cœur aye moins d'inclinatio, examinez d'où vient ce degoust, qu'est-ce qui en est la cause?

4. Quel est vostre cœur à l'endroit de Dieu mesme? vostre cœur se plaist-il à se resouuenir de Dieu? en ressét-il point de douceur agrea, ble? ah! dit Dauid, Ie me suis resouuenu de Dieu dom'en suis delecté. Sentez-vous en vostre cœur vne certaine facilité à l'aymer, & vn goust particulier à sauourer cest amour? Vostre cœur se recrée-il point à peserà l'immensité de Dieu, à sa boté à sa suauité? Si le souuenir de Dieu vous arriue emmy les occupatios du monde, & les vanitez, se fait-il point faire place? saisit-il point vostre cœur? vous semble-il point que vostre cœur se tourne de son costé, & en certaine faço luy va au deuat? Il y a certes des ames comme cela. 5. Si le mary d'vne femme reuiet de loin, tout aussi tost que ceste

A LA VIE DEVOTE. 611 ste femme s'apperçoit de so retour & qu'elle sent sa voix, quoy qu'elle soit embarrassee d'affaire, & retenuë par quelque violente consideration emmy la presse, si est-ce que son cœur n'est pas retenu, mais abandonne les autres pensees pour penser à ce mary venu. Il en prend de mesme des ames qui aiment bié Dieu; quoy qu'elles soyent empressees, quand le souuenir de Dieu s'approche d'elles, elles perdet pres que contenace à tout le reste, pour l'aise qu'elles ont de voir ce cher souuenir reuenu, & c'est vn extremement bon signe.

droit de Iesus-Christ Dieu & hôme? vous plaisez-vous autour de
luy? les mouches à miel se plaisent
autour de leur miel, & les guespes
autour des puanteurs; ainsi les bônes ames prennent leur contentement autour de Iesus Christ, & ont

vne extreme tendreté d'amour en son endroit, mais les mauuais se plaisent autour des vanitez.

7. Quel est vostre cœur à l'endroit de nostre Dame, des Saincts, de vobon Ange? les aymez-vous fort? auez-vous vne speciale constance en leur bien-vueillance, seurs images, leurs vies? leurs louanges vous plaisent-elles?

8. Quant à vostre langue, come parlez-vous de Dieu ? vous plaisés-vous d'en dire du bien selon vostre condition & suffisance? Aymez-vous à chanter ses cantiques ?

9. Quant aux œuures, pensez si vous auez à cœur la gloire exterieu re de Dieu, & de faire quelque chose à son honneur; car ceux qui ayment Dieu, ayment auec Dauid l'ornement de sa maison.

Sçauriez-vous remarquer d'auoir quitté quelque affection, & renocé à quelque chose pour Dieu? car c'est vn bon signe d'amour, de se priuer de quelque chose, en faueur de celuy qu'o ayme. Qu'auezvous donc cy deuant quitté pour l'amour de Dieu?

Examen de nostre estat envers nousmesmes. Chap. 5.

> vous vous aymezvous vous-mesme, vo° aymez-vo° point trop pour ce monde?

Si cela est, vous desirerez de demeurer tousiours icy, & aurez vn extreme soin de vous establir en ceste terre: mais si vous vous aymez pour le ciel, vous desirerez, au moins acquiescerez aysément, de sortir d'icy bas à l'heure qu'il plairra à nostre Seigneur.

mour de vous mesme? car il n'y a que l'amour desordonné de nous mesmes, qui no ruyne. Or l'amour ordonné veut que nous aymions plus

plus l'ame que le corps, que nous ayons plus de soin d'acquerir les vertus que toute autre chose, que nous tenions plus de côte de l'honneur celeste que de l'honneur bas & caduque; le cœur bien ordonné dit plus souuent en soy-mesme, Que diront les Anges si ie pense à telle chose que non pas, que diront les hommes.

3. Quel amour auez vous à vostre cœur? vous faschez vous point de le seruir en ses maladies: helas, vous luy deuez ce soin de le secourir & faire secourir quand ses passions le tourmentent, & laisser toutes choses pour cela.

4. Que vous estimez vous deuant Dieu? rien sans doute: or il n'y a pas grande humilité en vne mousche de ne s'estimer rien au prix d'vne montagne, ny en vne goutte d'eau de se tenir pour rien en comparaison de la mer, ny à vne bluette ou estin

estincelle de feu de se tenir pour rien au prix du Soleil: mais l'humi-lité gist à ne point nous sur-estimer aux autres, & à ne vouloir pas estre sur-estimees par les autres: à quoy en estes vous pour ce regard?

d. Quant à la langue, vous vantez-vous point ou d'vn biais ou d'vn autre?vous flattez-vous point

en parlant de vous?

6. Quant aux œuures, prenezvous point de plaisir cotraire à vostre santé: ie veux dire de plaisir vain, inutile, trop de veillees sas sujet, & semblables?

Examen de l'estat de nostre ame enuers le prochain. CHAP. 6.

L faut bien aymer le mary, & la femme d'vn amour doux, tranquille, ferme & continuel, &

que ce soit, en premier lieu, parce que. Dieu l'ordonne & le veut. l'en dis de mesme des enfas & proches parens 616 INTRODUCTION
parens, & encor des amis, chacun
felon son rang.

Mais pour parler en general, Quel est vostre cœur à l'édroit du prochain? l'aymez vous bien cordiallement, & pour l'amour de Dieu? Pour bien discerner cela, il vous faut bien representer certaines gens ennuyeux & mausades: car c'est là où on exerce l'amour de Dieu enuers le prochain, & beaucoup plus enuers ceux qui nous font du mal, ou par effect, ou par parolles. Examinez bien si vostre cœur est franc en leur endroit, & si vous auez grande contradiction à les aymer. The De sindong of

Estes vous point prompte à parler du prochain en mauuaise part? sur tout de ceux qui ne vous ayment pas? faites vous point de mal au prochain, ou directement ou indirectement? pour peu que vous soyez raisonnable, vous vous en a LA VIE DEVOTE. 617 aperceurez aysément.

Examen sur les affections de nostre ame.

CHAP. 7.

'Ay estendu ainsi au long ces poincts, en l'examen des quels gist la conoissance de l'auancement spirituel qu'on a fait. Car quant à l'examen des pechez, cela est pour les confessions de ceux qui ne pensent point à s'auancer.

Or il ne faut neantmoins pas se trauailler sur vn chacun de ces articles, sinon tout doucement, considerant en quel estat nostre cœur a esté touchant iceux, dés nostre resolution, & quelles fautes notables nous y auons commises.

Mais pour abreger le tout, il faut reduire tout l'examen à la recerche de nos passions: & s'il nous fasche de considerer si fort par le menu, come il a esté dit, quelles nous auons esté, nous pourrons ainsi nous nous examiner, quels nous auons esté, & comme nous sommes nous comportez.

En nostre amour, enuers Dieu, enuers le prochain, enuers nous mesmes.

En nostre haine; enuers le peché qui se treuue en nous, enuers le peché qui se treuue és autres: car nous de uons desirer l'exterminemet de l'vn & de l'autre, en nos desirs, touchant les biens, touchant les plaisirs, touchant les honneurs.

En la crainte des dangers de pecher, & des pertes des biens de ce monde, on craint trop l'vn & trop peu l'autre.

En esperance trop mise, peut estre au monde, & en la creature; & trop mise en Dieu, & és choses eternelles.

En la tristesse, si elle est trop excessiue, & pour choses vaines.

En la ioye, si elle est excessive, & pour

A LA VIE DEVOTE. 619

pour choses indignes.

Quelles affections en fin tiennent vostre cœur empesché? quelles passions le possedent? en quoy s'est-il principalement detraqué.

Car par les passions de l'ame, on reconnoist son estat en les tastant I'vn apres l'autre: come vn ioueur de luth pinçant toutes les cordes; & celles qu'il treuue dissonnantes illes accorde, ou les tirant ou les laschant; ainsi apres auoir tasté l'amour, la haine, le desir, la crainte, l'esperance, la tristesse & la ioye de nostre ame, si nous les treuuos mal accordantes à l'air que nous voulons sonner, qui est la gloire de Dieu, nous pourrons les accorder, moyennant sa grace, & le conseil de nostre pere spirituel.

Affections qu'il faut faire apres l'e-CHAP. 8. xamen.



Pres auoir doucemet consideré chasque poinct de l'examen, & veu à quoy

620 INTRODUCTION vous en estes, vous viendrez aux affections en cette sorte.

Remerciez Dieu de ce peu d'amendement que vous aurez treuué en vostre vie dés vostre resolution, & reconnoissez que ç'a esté sa
misericorde seule qui l'a fait en

vous, & pour vous.

Humiliez vous fort deuat Dieu, reconnoissant que si vous n'auez pas beaucoup aduancé, c'a esté par vostre manquement, parce que vous n'auez pas sidellement, courageusement & constamment correspondu aux inspirations, clartez & mouuemens que vous a donnees, en l'oraison, & ailleurs.

Promettez luy de le louer à jamais des graces exercees en vostre endroit, pour vous retirer de vos inclinations à ce petit amende-

ment.

Demandez luy pardon de l'infidelité & desloyauté, auec laquelle vous A LA VIE DE VOTE. 621 vous auez correspondu.

Offrez luy vostre cœur, assin qu'il s'en rende du tout le maistre.

Suppliez-le qu'il vous sende tou-

te fidelle.

Inuoquez les sainces, la saince vierge, vostre Ange, vostre patron S. Ioseph, & ainsi des autres.

Des considerations propres pour renouueller nos bons propos. CHAP. 9.

Pres auoit fait l'examen, & auoir bie coferé auec quelque digne conducteur, sur vos defauts & sur les remedes d'iceux, vous prendrez les considerations suyuates, en faisant vne chasque jour par maniere de meditation, y employant le temps de vostre oraison, & ce tousiours auec la mesme methode pour la preparation & les affections de laquelle vous auez vsé, és meditations de la premiere partie. Vous mettat auat toutes choses en la presence de Dieu, Dieu, implorat sa grace pour vous bien establir en son sainct amour & seruice.

Consideration premiere de l'excellence de nos ames. CHAP. 10.

excellence de vostre ame, qui a vn entendement lequel cognoist non seulement tout ce monde visible, mais cognoist encor qu'il y a des Anges & vn paradis, cognoist qu'il y a vn Dieu tres-souverain, tres-bon & inestable: cognoit qu'il y a vne eternité; & de plus cognoist ce qui est propre pour bien viure en ce monde visible, pour s'assoier aux Anges en paradis, & pour ioüir de Dieu eternellement.

Vostre ame a de plus vne volonté toute noble, laquelle peut aymer Dicu; & ne le peut hair en soy-mesme: voyez vostre cœur comme il est genereux; & que comme rien

A LA VIE DEVOTE. 623 ne peut arrester les abeilles de tout ce qui est corrompu, ains s'arrestét seulement sur les fleurs; ainsi vostre cœur ne peut estre en repos qu'en Dieu seul, & nulle creature ne le peut assouuir. Repensez hardiment aux plus chers & violens amusemens, qui ont occupé autrefois vostre cœur; & iugez en verité s'ils n'estoyent pas pleins d'inquietude moleste, & de pensees cuisantes, & de soucis importus emmy lesquels vostre pauure cœur estoit miserable.

Helas nostre cœur courant aux creatures, y va auec des empressemens, pensant de pouuoir y accoiser ses desirs; mais si tost qu'il les a rencotrees, il void que c'est à refaire, & que rien ne le peut contenter, Dieu ne voulant que nostre cœur treuue aucu lieu, sur lequel il puisse reposer, non plus que la colombe sortie de l'arche de Noë, à sin qu'il qu'il retourne à son Dieu, duquel il est sorty; ah! quelle beauté de nature y a-il en vostre cœur; & doncques pourquoy le retiendrons nous contre son gré à seruir aux creatures?

O ma belle ame (deuez-vous dire) vous pouuez entendre, & vouloir Dieu, pourquoy vous amuserez vous à chose moindre? vous pouuez pretedre à l'eternité, pourquoy vous amuserez vous aux momens? Ce fut l'vn des regrets de l'enfant prodigue, qu'ayant peu viure delicieusement en la table de son pere, il mangeoit vilainement en celle des bestes. O mon ame tu es capable de Dieu: malheur à toy si tu te contentes de moins que de Dieu. Esleuez fort vostre ame sur ceste consideration: remostrez-luy qu'elle est eternelle, & digne de l'eternité: enslez-luy le courage pour ce sujet.

A LA VIE DE VOTE. 625 Seconde consideration de l'excellece des vertus. CHAP. II:


Onsiderez que les vertus & la devotion peuuent seules rendre vostre ame contente en

ce mode: voyez combien elles sont belles: mettez en comparaison les vertus & les vices qui leur sont cotraires, quelle suauité en la patience, au prix de la vengeance? de la douceur, au prix de l'ire & du chagrin? de l'humilité, au prix de l'arrogance & ambition? de la liberalité, au prix de l'auarice, de la charité au prix de l'enuie? de la sobrieté, au prix des desordres? les vertus ont cela d'admirable qu'elles delectent l'ame d'vne douceur & suauité nopareille, apres qu'on les a exercees: ou les vices la laissent infiniment recreuë & mal-menee: or sus doncques, pourquoy n'entreprendrons nous pas d'acquerir ces suauitez?

626 INTRODUCTION

Des vices qui n'en a qu'vn peu n'est pas content, & qui en a beaucoup est mescontant:mais des vertus, qui n'en a qu'vn peu, encor a-il desia du contentemer, & puis tousjours plus en auançant. O vie deuote q vous estes belle, douce, agreable, & souësue; vous adoucissez les tribulations & rendez souesues les consolations: sans vous le bien est mal, & les plaisirs pleins d'inquietudes, troubles & defaillances : ah! qui vous cognoistroit, pourroit bie dire auec la Samaritaine, Domine da mihi hanc aquam; Seigneur donnez moy ceste eau; aspiration fort frequente à la M. Therese, & à saincte Catherine de Gennes, quoy que pour des differens sujets.

Troissème consideration sur l'exemple des Saincts. CHAP, 12.



A LA VIE DEVOTE. 627 fait pour aymer Dieu & estre ses deuots?voyez ces Martyrs inuincibles en leurs refolutios; qu'els tourmens n'ont-ils pas soufferts pour la maintenir? mais sur tout ces belles & florissantes dames, plus blanches que le lys en pureté, plus vermeilles que la rose en charité, les vnes à douze, les autres à treize, quinze, vingt,& vingt-cinq ans, ont fouffert mille sortes de martyres, plustost que de renoncer à leur resolution, non seulemet en ce qui estoit de la protestation de la deuotion: les vnes mourant plustost que de quitter la virginité, les autres plustost que de cesser de seruir les affligez, & consoler les tourmentez, & enseuelir les trespassez. O Dieu quelle constance a monstré ce sexe fragile en semblables occurrences.

Regardez tant de sainct Confesseurs, auec quelle force ont-ils mesprisé le monde? comme se sont-

ils rendus inuincibles en leurs refolutions? rien ne les en a peu faire desprendre: ils les ont embrasses sans reserue, & les ont maintenues sans exception. Mon Dieu qu'est ce que dit sainct Augustin de sa mere Monique? auec quelle fermeté a elle poursuiuie son entreprinse de seruir Dieu en son mariage, en son vesusge? & S. Hierosme de sa

son vefuage? & S. Hierosme de sa chere sille Paula, parmy combien de trauerses, parmy combien de varieté d'accidens? mais qu'est-ce que nous ne serons pas sur ces si excellens patrons? Ils estoyent ce que nous sommes, ils le faisoyent pour le mesme Dieu, pour les mesmes vertus, pour quoy n'en serons nous autant en nostre condition, & selon nostre vocation, pour nostre chere resolution, & saincte prote-

station.

Quatriéme consideration de l'amour que
se sus Christ nous porte. CHA. 13.

Con

A LA VIE DEVOTE. 629

Onsiderez l'amour a-

uec lequel Iesus-Christ nostre Seigneur a tant fouffert en ce monde, & particulierement au lardin des Olives, & sur le mont Caluaire cet amour vous regardoit, & par toutes ces peines & trauaux, obtenoit de Dieu le Pere des bonnes resolutions & protestations pour vostre cœur, & par mesme moyen obtenoit encor tout ce qui vous est necessaire, pour maintenir, nourrir, fortifier, & consommer ces resolutions. O resolution que vous estes precieuse, estant fille d'vne telle mere, comme est la passion de mon Sauueur; ô combien mo ame vous doit cherir, puis que vous auez esté si chere à mon Iesus? helas! ô Sauueur de mon ame, vous mourustes pour m'acquerir mes resolutions, hé faites moy la grace que ie meure plustost que de les perdre.

Dd 3

630 INTRODUCTION

Voyez vous, ma Philothee, il est certain que le cœur de nostre cher lesus voyoit le vostre dés l'arbre de la croix & l'aimoit, & par cet amour luy obtendit tous les biens q vous aurez iamais, & entre autres nos resolutions: ouy, chere Philothee, nous pouuons tous dire comme Hieremie; ô Seigneur, auant que ie fusse, vous me regardiez & m'appelliez par mon nom, dautant que vrayement sa diuine bonté prepara en son amour & misericorde tous les moyes generaux & particuliers de nostre salut, & par consequent nos resolutions. Ouy sans doute, comme vne femme enceinte prepare le berceau, les linges & bandelettes, & mesme vne nourrice pour l'enfant qu'elle pretend faire, encore qu'il ne soit pas au mondes ainsi nostre Seigneur ayant sa bonté grosse & enceinte de vous, pretendant de vous enfanter au salut, A LA VIE DE VOTE. 631 & vous rendre sa fille, prépara sur l'arbre de la croix tout ce qu'il falloit pour vous, vostre berceau spirituel, vos linges & bandelettes, vostre nourrice, & tout ce qu'il falloit pour vostre bon-heur. Ce sont tous les moyens, tous les attraits, toutes les graces auec lesquelles il coduit vostre ame, & la veut tirer à sa pet fection. Or nostre Seigneur estoit en estat de grossesse de la croix.

Ah!mon Dieu, que nous deurios profondement mettre cecy en nostre memoire: est-il possible que
i'aye esté aymé, &z si doucement aimé de mon Sauueur, qu'il allast
penser en moy, en mon particulier,
en toutes ces petites occurrences,
par lesquelles il m'a tiré à luy: &z
combien doncques deuons nous
aymer, cherir, & bié employer tout
cela à nostre vtilité? Cecy est bien
doux; ce cœur amiable de mo Dieu

INTRODUCTION pensoit en Philothee, l'aymoit & luy procuroit mille moyens de salut, autant comme s'il n'eut point eu d'autre ame au monde en qui il eut pensé; ainsi que le Soleil esclairant vn endroit de la terre, ne l'esclaire pas moins que s'il n'esclairoit point ailleurs, & qu'il esclairast cela seul : car tout de mesme nostre Seigneur pensoit & soignoit pour tous ses chers enfans: en sorte qu'il pensoit à vn chacun de nous, comme s'il n'eust point pensé à tout le reste. Il m'a aymé, dit S. Paul, & s'est donné pour moy: comme s'il disoit, pour moy seul, tout autant, comme s'il n'eut rien fait pour le reste. Cecy, Philothee, doit estre graué en vostre ame, pour bien cherir & nourrir vostre resolution, qui a esté si pretieuse au cœur du Sauueur. Cinquieme consideration de l'amour eternel de Dieu enuers nous.

CHAP. 14.

A LA VIE DEVOTE. 635 tions, ne m'arracheront iamais mon dessein.

Helas, Seigneur, mais vous l'auez planté, & auez dans vostre sein paternel gardé eternellemet ce bel arbre, pour mon iardin: helas/combien y a-il d'ames qui n'ont point esté fauorisees de ceste façon & comme doncques pourrois-ie iamais assez m'humilier sous vostre misericorde?

O belles & sainctes resolutions? si ie vous conserue vous me coseruerez: si vous viuez en mon ame, mon ame viura en vous. Viuez doncques à iamais, ô resolutions, qui estes eternelles en la misericorde de mon Dieu: soyez & viuez eternellement en moy, que iamais ie ne vous abandonne.

Apres ces affections il faut que vous particularissez les moyens requis pour maintenir ces cheres resolutions, & que vous protestiez de vous en vouloir fidellemet seruir, la frequence de l'oraison, des Sacremens, des bonnes œuures, l'amendement de vos fautes reconnues en la deuxiesme partie, le retranchement des mauuaises occasions, la suitte des aduis qui vous seront donnez pour ce regard.

Ce qu'estant fait, come par vne reprise d'haleine & de force, protestez mille fois, que vous continuerez en vos resolutions; & comme si vous teniez vostre cœur, vostre ame, vostre volonté en vos mains, dediez-la, confacrez-la, sacrifiez-la & l'immolez à Dieu, protestant que vous ne la reprendrez plus, mais la laisserez en la main de sa diuine Majesté: pour suiure en tout & par tout ses ordonnances? Priez Dieu qu'il vous renouuelle toute, qu'il benisse vostre renouuellement de protestation, & qu'il le fortifie. Inuoquez la vierge, vo-Are

A LA VIE DEVOTE. 633 Onsiderez l'amour e-C ternel que Dieu vous a porté: car desia auant q nostre Seigneur Iesus-Christ, en tant qu'homme, souffrit en croix pour vous, sa diuine Majesté vous projettoit en sa souueraine bonté, & vous aymoit extremement. Mais quand commençailà vous aymer?il commença quad il commença à estre Dieu. Et quad commença-il à estre Dieu? Iamais: car il l'a toussours esté, sans commencement, & sans fin: & aussi il vous a tousiours aymé dés l'eternité: c'est pourquoy il vous preparoit les graces & faueurs qu'il vous a faictes. Il le dit par le Prophete, Ie t'ay aymé, (il parle à vous aussi bien qu'à nul autre) d'une charité perpetuelle: & partant ie t'ay attiré, ayant pitié de toy. Il a doncques entre autres choses à vous faire faire vos resolutions de le seruir.

634 INTRODUCTION

O Dieu quelles resolutions sont cecy, que Dieu a pésees, meditees, projettees dés son eternité ? combien nous doiuent elles estre cheres & precieuses, que deuris nous sous sous fousfrir plustot que d'en quitter vn seul brin ? non pas certes si tout le monde deuoit perir : car aussi tout le monde deuoit perir : car aussi tout le monde ensemble ne vaut pas vne ame, & vne ame ne vaut rien sans nos resolutions.

Affections generales sur les considerations precedentes & conclusion de l'exercice. CHAP. 15.

Cheres resolutions? vous estes le bel arbre de vie, que mon Dieu a planté de sa main au milieu de mô cœur; que mon Sauueur veut arrouser de son sang pour le faire fructisser plustot mille morts, que de permettre qu'aucun vent vous arrache. Non, ny la vanité, ny les delices, ny les richesses, ny les tribulations,

trempe & penetre bien par toutes les parties de l'ame, le tout neant-moins sans effort, ny d'esprit, ny de corps.

Responce à deux objections qui peuvent estre faittes sur cette introduction.

CHAP. 17.

E mode vous dira, ma Philothee, que ces exercices & ces aduis sont en si grand nombre, que qui voudra les obseruer, il ne faudra pas qu'il vacque à autre chose; helas chere Philothee, quand nous ne ferions autre chose, nous ferios bien assez, puisque nous ferions ce que nous deuions faire en ce monde; mais ne voyez vous pas la ruse? S'il failloit faire tous ces exercices tous les iours, à la verité il nous occuperoient du tout: mais il n'est pas requis de les faire, sinon en temps & lieu, chacun selon l'occurrence. Combien y a-il de loix ciuiles aux Digestes & au Code, lesquel

INTRODUCTION 640 lesquelles doiuent estre obseruees, mais cela s'entend selon les occurrences, & non pas qu'il les faille toutes prattiquer tous les iours. Au demeurant Dauid, Roy plein d'affaires tres-difficiles, prattiquoit bié plus d'exercices que ie ne vous ay pas marqué. S. Louys, Roy admirable, & pour la guerre & pour la paix, & qui auec vn soin nompareil, administroit iustice, & manioit les affaires ouvoit tous les iours deux messes, disoit vespre & complie auec son chapelain: faisoit la meditation, visitoit les hospitaux, tous les vendredys se confessoit, & prenoit la discipline: ouvoit tressouuent les predicatios, faisoit fort souuent des conferences spirituelles: & auec tout cela ne perdoit pas vne seule occasion du bien public exterieur, qu'il ne fist & n'executast diligemment. Le Royaume, la Cour estoit plus belle & plus fleurissante

A LA VIE DE VOTE. 637

stre Ange, les saincts, S. Louys.

Allez en cette esmotion de cœur aux pieds de vostre pere spirituel, accusez vous des fautes principales que vous aurez remarquees d'auoir commises, dés vostre confession generale, & receuez l'absolution en la mesme façon que vous sistes la premiere fois, prononcez deuant luy la protestation, & la signez: & en sin allez vnir vostre cœur renouuellé à son Principe & Sauueur, au tres-saince Sacrement de l'Eucharistie.

Des ressentimens qu'il faut garder apres cest exercice. CHAP. 16.

E iour que vous aurez fait ce renouuellement, & les autres suinans, vous deuez fort souuent redire de cœur, & de bouche ces ardentes parolles de S. Paul, de S. Augustin, de S. Catherine de Gennes, & autres, non ie ne suis plus mienne: ou que ie viue,

INTRODUCTION ou que ie meure, ie suis à mon Sauueur; ie n'ay plus de moy, ny de mien: mon moy c'est Iesus, mon mien c'est d'estre sienne; ô monde vous estes tousiours vous mesme: & moy i'ay tousiours esté moymesme, mais d'oresnauant ie ne seray plus moymesme. Non nous ne ferons plus nous mesmes; car nous aurons le cœur changé:& le mode qui nous a tant trompez, seratrompé en nous; car ne s'apperceuant pas de nostre changement que petit à petit, il pensera que nous soyons tousiours des Esaü, & nous nous treuuerons des Iacob.

Il faut que tous ces exercices reposent dans le cœur, & que nous
ostans de la consideration & meditation, nous allions tout bellement entre les affaires & conuersations, de peur que la liqueur de
nos resolutions ne s'espanche soudainement: car il faut qu'elle detrempe

rissante qu'elle n'auoit iamais esté du temps de ses predecesseurs: saittes donc ques hardiment ces exercices, selon que ie vous les ay marquez; & Dieu vous donnera assez de loisit & de force de faire tout le reste de vos affaires: ouy quand il deuroit arrester le Soleil comme il sit du temps de Iosué. Nous faisons tousiours assez quand Dieu trauaille auec nous.

Le monde dira, que ie suppose presque par tout q ma Philothee aye le don de l'oraison mentale, & que neantmoins chacun ne l'a pas: si que ceste introduction ne seruira pas pour tous. Il est vray, sans doute, i'ay presupposé cela: & est vray encores que chacun n'a pas le don de l'oraison mentale: mais il est vray aussi que presque chacun le peut auoir, voire les plus grossiers, pourueu qu'ils ayent des bos conducteurs, & qu'ils vueillent tra-uail

uailler pour l'acquerir, autant que la chose le merite. Et s'ils'en treuue qui n'ait pas ce don en aucune sorte de degré (ce que ie ne pense pas poutioir arriver, que fort rarement) le sage pere spirituel, seur fetra aysement suppleer le desfaut par l'attétion qu'il seur enseignera d'auoir ou à lire ou à ouir sire les mesmes considerations qui sont mises

Trois derniers & principaux aduis, pour ceste introduction.

és meditations.

CHAP. 18.

Efaittes tous les premiers iours du mois, la protestation qui est en la premiere partie, apres la meditatio: Et à tous momés protestez de la vouloir obferuer, disant auec Dauid, no, iamais eternellement ie n'oublieray vos instifications, o mon Dieu, car en icelles vous m'auez viuisiee. Et quand vous sentirez

A LA VIE DE VOTE. 643 tirez quelque detraquemet en vostre ame, prenez vostre protestatió en main, & prosternee en esprit d'humilité, proferez-la de tout vostre cœur, & vous trouverez vo

gratid allegement.

Faittes profession ouverte de vouloir estre deuote; ie ne dis pas d'estre deuote, mais, ie dis de le vouloir estre; & n'ayez point de hote des actions communes & requises qui nous conduisent à l'amour de Dieu; aduoüez hardiment, que vous vous essayez de mediter, que vous aymeriez mieux mourir que depecher mortellement; Que vous voulez frequenter les facremens,& suyure les conseils de vostre directeur (bien que souvent il ne soit pas necessaire de le nommer, pour plusieurs raisons:)car ceste frachise de cofesser qu'on veut seruir Dieu, & qu'on s'est cosacré à son amour, d'vne specialle affection, est fort agreable

644 INTRODUCTION greable à sa divine Majesté, qui ne veut point que l'on ait hote de luy ny de sa croix. Et puis elle coupe chemin à beaucoup de semonces, que le monde voudroit faire au contraire, & nous oblige de reputation à la poursuitte. Les Philosophes se publioyent pour Philosophes, à fin qu'on les laissaft viure philosophiquement: & nous deuos no faire cognoistre pour desireux de la deuotio; à fin qu'on nous laifse viure deuotement. Que si quelqu'vn vous dit, que l'on peut viure deuotemet sans la prattique de ces aduis & exercices, ne le niez pas; mais respondez amiablement, que vostre infirmité est si grade qu'elle requiert plus d'aydes & de secours qu'il n'en faut pas pour les autres.

En fin, tres-chere Philothee, ie vous coniure par tout ce qui est sacré au Ciel & en la terre, par le baptesme que vous auez reçeu, par les

mam

A LA VIE DEVOTE. 645 mammelles que Iesus Christ sucça, par le cœur charitable duquel il vous aymast, & par les entrailles de la misericorde en laquelle vous esperez, continuez & perseuerez en ceste bien-heureuse entreprise de la vie deuote; nos iours s'escoulet, la mort est à la porte; la trompette, dit S. Gregoire Nazianzene, sonne la retraitte; que chacu se prepare, car le iugement est proche. La mere de S. Symphorien voyant qu'on le conduisoit au martyre, cryoit apres luy, mon fils, mon fils souuiene-toy de la vie eternelle; regarde le ciel, & considere celuy lequel y regne; la fin prochaine terminera bien tost la briefue course de ceste vie. Ma Philothee, vous diray-ie de mesme regardez le ciel, & ne le quittez pas pour la terre; regardez l'enfer, ne vous y iettez pas pour les momens; regardez Iesus-Christ, ne le reniez pas pour le monde: & quand la peine

ne de la vie deuote vous semblera dure, chantez auec Sainct François.

A cause des biens que l'attends, Les trauaux me sont passe-temps.

Vive I es vs auquel auec le Pere & sainct Esprit, soit honneur & gloire maintenant, & toussours & és siecles des siecles; ainsi soit-il.

FIN.



TABLE DES CHAPITRES.

Premiere partie de l'Introduction, contenant les aduis & exercices, requis pour conduire l'ame dés son premier desir, de la vie deuote, iusques à vne entiere resolution de l'embrasser.

ESCRIPTION de la vray	e de-
uotion, Chap.1.	fol. I.
Proprietez & excellences de l	
uotion.Chap.2.	
Que la deuotion est conuenable à toutes	
de vocations & professions. Chap. 3.	
De la necessité d'un conducteur, pour e	
& faire progres en la deuotion. Ch	ap.4.
17.	
Qu'il faut commencer par la purgation	n de
l'ame, Chap.5.	230
l'ame, Chap.5. De la premiere purgation, qui est celle d	es pe-
chez mortels. Chap.6.	28.
De la seconde purgation, qui est celle des	
Etions du peché. Chap.7.	
Du moyen de faire cette seconde purgo	ition.
Chap.8.	35.
Gali II Coming Class	
Meditation. 1. de la Creation. Chap.9.	
Meditation. 2. de la fin pour laquelle	nous
sommes crees, Chap. 10.	42.
	Medi

TABLE

Aleditation. 3. des benefices de Dieu. Cha	ip.
	6.
Meditation.4. des pechez. Chap. 12.	I.
" The live and a language Change	5.
	0.
001 1 1 0 01	4.
361: 01 1: 01	7.
7.1. P. G.	6
1: 1: 0	2.
Meditation. 10. par maniere d'election	
choix que l'ame fait de la vie deno	
Chap. 18.	
Comme il faut faire la confession genera	
	2.
Protestations authentique pour grauer en l'	
me la resolution de seruir Dieu, & co	
clurre les actes de penitence. Chap. 20. 8	
Conclusion de ceste premiere partie, & deu	
façon de receuoir l'absolution. Chap.	
90.	
Qu'il se faut purger des affections que l'or	na
aux pechez veniels. Chap. 22.	
Qu'il se faut purger de l'affection aux che	
inutiles & dangereuses. Chap. 23.	
Qu'il se faut purger des mauuaises inclin	
	01.
Si o de Cardina de la Cardina Cadro 18.	

SECON

DES CHAPITRES.

SECONDE PARTIE DE l'Introduction contenant diuers aduis, pour l'esseuation de l'ame à Dieu, en l'oraison & aux Sacremens.

E la necessité de l'oraison. Chap. 1. fol. 104. Briefue methode pour la meditation, & premierement de la presence de Dieu, premier point de la preparation. Chap.2. 112. De l'Inuocation second point de la preparation.Chap.3. 118. De la proposition du mystere, troisieme point de la preparation. Chap.4. Des considerations, seconde partie de la meditation. Chap. 5. 1.22. Des affections & resolutions, troisieme partie de la meditation. Chap. 6. 124. De la conclusion & bouquet spirituel. Chap.7. 127. Quelques aduis tres-vtiles sur le sujet de la meditation.Chap.8. 129. Pour les seicheresses qui arrivent en la meditation.Chap.9. 1350 Exercice pour le matin. Chap. 10. De l'exercice dusoir & de l'examen de con-Science. Chap. 11.

Ee

TABLE

De la retraicte spirituelle. Chap. 12.	144.
Des aspirations, oraisons jaculatoires es	bon-
nes pensees. Chap. 13.	ISO.
De la tres-sainte Messe & comme il l	a faut
oüyr.Chap.14.	162.
Des aurres exercices publics & com	muns.
Chap.15.	168.
Qu'il faut honnorer & inuoquer les se	inste
Chap. 16.	171
Comme il faut oüyr & lire la parole de	Dien
Chap.17.	
Comme il faut receuoir les inspirations.	174.
Liberarion found pount della per 81	ALT. CAPA
De la sainte confession. Chap. 19.	177.
De la frequente Communion. Chap. 20	184.
Comme il faut Communier. Chap. 21.	
Comment Communication Chap. 21.	201.

TROISIEME PARTIE DE l'Introduction contenant plusieurs aduis, touchant, l'exercice des vertus.



V choix que l'on doit faire quant à l'exercice des vertus. Chap. 1.

Suute du mesme discours du choix des vertus. Chap. 2.

De la patience. Chap. 3. 227.

De l'humilité, pour l'exterieur. Chap. 4. 238.

De

DES CHAPITRES.

Del'humilité, plus interieure. Chap. 5. 245.
Que l'humilité, nous fait aymer nostre propre
abiection.Chap.6. 257.
Comme il faut conseruer la bonne renommee
en prattiquant l'humilité. Chap. 7. 265.
De la douceur enuers le prochain, & remedes
contre l'Ire.Chap.8. 275.
De la douceur enuers nous mesmes. Chap.9.
286.
Qu'il faut traitter des affaires auec soin, &
sans empressement ny sousy. Chap. 10.292.
De l'obeissance: Chap. 11. 298.
De la necessité de la chasteté. Chap. 12.304.
Aduis pour conseruer la chasteté. Chap. 13.
313.
De la pauureté d'esprit obseruee entre les ri-
chesses. Chap. 14.
Comme il faut prattiquer la pauureté reelle,
demeurant neantmoins reellement. Chap.
15. 327.
Pour prattiquer la richesse d'esprit emmy la
pauureté reelle. Chap. 16. 336.
De l'amitié, premierement de la mauuaise &
friuole.Chap. 17.
Des amourettes. Chap. 18. 345.
Des vrayes amitiez. Chap. 19. 354.
De la différence des vrayes & des vaines
amitiez.Chap.20. 361.
Aduis & remedes contre les mauuaises ami-
Fe 2

TABLE

tiez.Chap.21. 3.67.
Quelques autres aduis sur le sujet des ami-
tie7.Chap.22. 375.
Des exercices de la mortification exterieure.
Chap.23.0 380.
Des conuersations, & de la solitude. Chap. 24.
394. 8 gad 0. 21 1 stress
Du parler, & premierement comme il faut
parler de Dieu.Chap.25. 401.
De l'honnestete des parolles, & du respect que
l'on doit aux personnes. Chap. 26. 404.
Des iugemens temeraires. Chap. 27. 409.
De la mesdisance. Chap. 28. 421.
Quelques autres aduis touchant le parler.
Chap.29. 434.
Des passetemps & recreations, & premiere-
ment des loisibles & louables. Chap. 30.
Des hale de na Matamana lai Glalan amaia I anno
Des bals & passetemps loisibles, mais dange-
Quandon peut inition de den Change
reux.Chap.31. Quand on peut ioüer & danser. Chap.32. 448.
Qu'il faut estre sidelle, és grandes & petites
occasions. Chap. 22
occasions. Chap. 33. 450. Aduis pour les gens mariez. Chap. 34. 457.
De l'honnesteté du list nuptial. Chap. 35.
475. 1 h 30 regard to he convertible of the
Adnis pour les vefues. Chap. 36. 485.
Un mot aux vierges. Chap. 37. 497.
QVA

DES CHAPITRES.

OVATRIEME PARTIE DE l'introduction, contenant les aduis necessaires contre les tentations plus ordinaires.

CHIMING O.	apac menance.	WAY AND IN	MAN AND A
V FRANCE	'IL ne faut	point sar	muser aux
Yessy	'IL ne faut paroles des	enfans o	lu monde.
	Chap.I.		499
Qu'il faut	auoir bon cour	rage Chan	2. 505.
THE RESERVE THE PARTY OF THE PA	ere des tentati		
CONTRACTOR AND ADDRESS.	Principal of the last of the l	A CONTRACTOR AND AND ASSESSMENT	The second second
	y a entre ser		Little and the property of the latest and the lates
	ir àicelle.Cha		
The state of the s	ux exeples sur	. /	A CONTRACTOR OF THE PARTY OF TH
Encourage	ement à l'am	ie gui est	es tenta-
tions.C	hap.s.	cice fain	520.
Comme la	tentation &	delectation	on peuuent
estre per	ché.Chap.6.	u appellen	1018 . 1523.
	aux grandes		
	able for far		
	e resister aus		
	Become orlo		
	faut remedi		
Comme i	hap.9.	a Com come	w constro los
	l faut fortifier		
	ons.Chap.10.		
	nietude. Chap.		
	tesse.Chap.12		
Des conso	lations spiritu	elles, of	enfibles, &
comm	re il se faut	comporter	en icelles.
Chan		Ee	3

TABLE

Chap.13.

Des seicheresses & sterilitez spirituelles. Chap.

14.

Consirmation & esclartissemens de ce qui a
esté dit par un exemple notable. Chap.15.

386.

CINQVIEME PARTIE DE l'introduction, contenant des exercices & aduis, pour renouveller l'ame & la confirmer en la devotion.

V'II faut chasque annee, renouueler les bons propos, par les exercices suiuans. Chap. 1. Considerations sur le benefice que Dieu nous fait, nous appellant à son service, selon la protestation mise cy dessus. Chap. 2. 599. De l'examen de nostre ame sur son auancement en la vie deuote. Chap.3. 604. Examen de l'estat de nostre ame enuers Dieu. Chap.4. 608. Examen de nostre estat enuers nous mesmes. Chap.s. 613. Examen de l'estat de nostre ame enuers te prochain. Chap. 6. 6150 Examen sur les affections de nostre ame. Chap.7. 617. Affections qu'il faut faire apres l'examen. Chap.

DES CHAPITRES. Chap.8. Des considerations propres pour renouueler nos bons propos. Chap.9. 621. Consideration premiere de l'excellence de nos ames. Chap. 10. 622. Seconde consideration de l'excellence des vertus. Chap. 11. Troisieme consideration sur l'exemple des SainEts. Chap. 11. 626. Quatrieme consideration de l'amour que fe-Sus-Christ nous porte. Chap. 13. Cinquieme consideration de l'amour eternel de Dieu enuers nous. Chap. 14. Affections generales sur les considerations precedentes, & conclusion de l'exercice. Chap.15. Des ressentimens qu'il faut garder apres cet exercice. Chap. 16. Responce à deux obiections qui peuvent estre

Responce à deux obiections qui penuent estre faittes sur ceste introduction. Chap.17. 639.

Trois derniers & principaux aduis pour ceste introduction. Chap. 18. 642.

FREE ROBERN BIRTHELOLES.de

Totaligied, Gr. Parius du Conness de nortre

Dawie at Cinteri.

ATTESTATION.

Mes reuesches à la deuotion, & I qui n'en ayant la prattique, vous gabbez de ceux qui s'y baignent; voicy qui est digne d'estre leu pour vous y faire prendre goust. Et vous, à Ames deuotes, qui doucement goustez les souefues fruicts que produit l'arbre de pieté & denotion, lisez ce liure, & vous y treuuerez que vous contentera, & verrez qu'en iceluy brille le zelle & l'affection du Reuerendissime sieur Autheur, au salut des Ames, duquel en tant d'instances la saincte Foy paroist, & le liure ne propose rien qui ne soit conforme, & à la Foy, & à la saincte Eglise Chrestienne, Catholique, Apostolique & Romaine. Faict à Lyon ce 4. d' Aoust. 1608.

Frere Robert Berthelot, E.de Damas, Suffragant de Lyon.

Frere ESTIENNE CARTA, Docteur Theologien, & Prieur du Couuent de nostre Dame de Confort.

BEERBEREERERERERERERERER

TEu l'Attestation des Docteurs Theologiens signez cy dessus, permis d'imprimer la presente Introduction à la vie deuote. A Lyon ce 8. Septembre 1608.

CHALOM. V. G.

Nous auons permis d'imprimer le present liure, dans lequel l'Auteur sera trouvé semblable à ce qu'il est en sa vie; ses actions ordinaires est ans pleines d'aussi prosonde pieté, qu'il l'enseigne en ce liure à autruy. Faict à Lyon le 7. Septembre, 1608.

DE MONTHOLON.

Nous requerantilut comos let

taillion & Frinkege; A ces can

nant liberaliennent a l'hombile requelle

BEBEREESEREESERESERESER

PRIVILE GE DV ROY.

ENRY par la grace de Dieu Roy de France & de Nauarre, A nos amez & feaux Conseillers tenans nos Cours de Parlemens, Baillifs, Seneschaux, & tous nos autres Iuges & Officiers Salut; Nostre bien aymé PIERRE RIGAVD, Marchand Libraire, de nostre Ville de Lyon nous a faict remonstrer, qu'on luy a mis en main pour mettre en lumiere vn liure non encores imprime, qui s'intitule Introduction à la vie deuote, Composé par FRANÇOIS de SALES, Euesque de Geneue; lequel liure ledit exposant voudroit volontiers imprimer pour le bien & contentement de nos subiects. Mais il craint que quelque autre ne le voulut imprimer ou faire imprimer, apres qu'il aura faict beaucoup de despence pour le mettre au net en l'imprimant bien & correctement; Nous requerant sur ce nos lettres de permission & Privilege; A ces causes inclinant liberallement à l'humble requeste dudict

dudict exposant, luy auons permis imprimer ledit liure; Et pour le garantir des fraiz & peines qu'il luy conuient suporter, deffendu & deffendons à tous nos autres Imprimeurs, marchands Libraires, & à tous nos autres subiets de quelque qualité & condition qu'ils soient, d'imprimer ou faire imprimer, védre ou distribuer en iceluy nostre Royaume, pays & Terre de nostre obeissance ledit liure de six ans finis & accomplis apres la premiere Impression faicte par ledit exposant, à peine de cinq cens liures d'amende, applicable moitié à nous, & l'autre moitié audit exposant, & confiscation de tous exemplaires qui se treuueront estre imprimez par autre que par ledit Rigaud. Vovions aussi que ces presentes contenant nostre permission & Privilege soient tenu pour suffisamment signisié, pourneu que ledit exposant en face imprimer l'estraict sommaire au commencement ou à la fin de chacun exemplaire dudit liure. SI vovs MANDONS, & à chacun de vous endroict soy commettons que de nos presentes graces, congé, permission, & du contenu cy dessus vous faites & laissiez iouir ledit Rigaud, & ceux qui auront droid

droict de luy, cessans ou faisant cesser tous troubles au contraire; Et en outre mandons au premier nostre Huissier, ou Sergent sur ce requis faire tous exploicts necessaires pour l'execution de ces presentes, sas demader, placet visane pareatis, Cartel est nostre plaisir; Nonobstant oppositions ou appellatios quelconques, clameur de haro, chartre Normande, coustume de pays, & autres choses à ce contraires. Donne à Paris ce X. iour de Nouembre, l'an de grace, mil six cens huict, & de nostre Regne le vingtiesme.

PARLEROY EN SON CONSEIL,

BERGENRON.

gand. Vevio



